



ШАРҚ ЎЛДУЗИ

ШАРҚ ЎЛДУЗИ

Адабий-бадиий, ижтимоий-сиёсий журнал

1931 йилдан чиқа бошлаган

ЖАМОАТЧИЛИК КЕНГАШИ

Бобур Алимов — кенгаш раиси

Ўрзобой Абдураҳмонов

Акрамжон Адизов

Эркин Воҳидов

Туробжон Жўраев

Наим Каримов

Рустам Мирзаев

Тўра Мирзаев

Иқбол Мирзо

Минҳожиддин Мирзо

Абдуваҳоб Нурматов

Бахамдулло Нурабуллаев

Абдулла Орипов

Тўра Саидов

Сироҷиддин Сайид

Йўлдош Солижонов

Хайриddин Султонов

Рустам Қосимов

Бош муҳаррир — Улуғбек Ҳамдам

Бош муҳаррир ўринбосари — Икром Отамурод

Масъул котиб — Зиёдбек Ўринов

Наср бўлими мудири — Асад Дилмурод



МУНДАРИЖА

МУСТАҚИЛЛИК – УЛУҒ НЕЙМАТ

Аҳмаджон Мелибоев. Мунаввар туйғулар 3

ҲУРРИЯТ ШУЪЛАЛАРИ

Ҳусниддин Шарипов. Остонаси тиллодан. Шеър	7
Абдулҳај Носир. Эзгулик арки бу. Шеър	8
Абу Бакр. Ватан. Шеър	9
Омон Матжон. Истиқлол шарафи. Шеър	97
Зикрилла Неъмат. Бахтлар бешиги. Шеър	98
Ғайрат Мажид. Юртимнинг ёзи. Шеър	99
Олимжон Холдор. Жаннатмакон. Шеър	120
Малика Мирзо қизи. Истиқлол баҳти. Шеър	121
Олим Жўра. Баркамол авлод. Шеър	121

ШЕЪРИЯТ

Мирпўлат Мирзо. Юртим, севдим сени юрақдан. Шеърлар	74
Эътибор Охунова.	
Бахтимни дунёларга билдиргим келди. Шеърлар	78
Исмоил Тўхтамишев.	
Интилдим ҳурларка тикиб кўзимни. Шеърлар	88
Муноҳотхон Каримжон қизи. Эзгулик баётлари. Шеърлар ...	90
Озода Бекмуродова.	
Заррин ёғдулар-ла безанган йўллар. Шеърлар	103
Беҳзод Фазлиддин.	
Жамолинг жилваси жисму жонимда. Шеърлар	106

БИР ДАРАХТ НОВДАЛАРИ

Кенгисбой Каримов. Орзуга роз айтар само. Шеърлар 144

НАСР

Исақон Султон. Озод. Роман. Бошланиши	10
Наби Жалолиддин. Вокзал. Ҳикоя	81
Жўра Фозил. Бог. Ҳикоя	125

ЖАҲОН ҲИКОЯЛАР ҲАЗИНАСИДАН

О'Генри. Сўнгги япроқ. Ҳикоя

Шарқ юлдузи

2011

4-сон

Муассис:
**ЎЗБЕКИСТОН ЁЗУВЧИЛАР
ЮШМАСИ**

* Муаллифлар фикри
таҳририят фикри деб кабул
килинмасин.
Таҳририятга юборилган
материаллар муаллифларга
қайтарилмайди.

* Обуна монеълик
кўрсатиласа,
Тошкент – 100000,
«Амир Темур» тор
кўчаси, 2. Республика
«Матбуот тарқатувчи»
акциядорлик
компаниясига мурожаат
килинсин.
Обуна индекси — 911

Манзилимиз:
100127, Тошкент шаҳри,
«Ўзбекистон» кўчаси, 16-а уй.
Телефонлар:
227-00-81, 245-22-99
www.sharqyulduzi.uz
E-mail. sharqyulduzi1931@mail.ru

Босиша гуҳсат этилди
08.08.2011 йил.
Қоғоз бичими 70x108 ¼₁₆.
Офсет босма усулида тип.
№ 1-коғозга босилди.
Босма тобоги 11.
Шартли босма тобоги 15.4.
Наширёт хисоб тобоги 17.2.
Адади 3435 нусха.
Буюртма № 101-11

Журнал Ўзбекистон Матбуот ва
ахборот агентлигига 0562–ракам
билин рўйхатга олинган.
«Ўқитувчи» НМИУ босмахонасида чоп
етилди.

Корхона манзили:
Тошкент шаҳри, Юнусобод тумани,
Янгишаҳар кўчаси, 1-уй.

Сахифаловчи:
Акбарабали Мамасолиев
Мусаххилар:
Дилғузза Махмудова,
Рустам Турсунов

Сотувда: «Ўзбекистон почтаси»
бўйлумларидан сўранг.
Copyright © «Шарқ юлдузи»



Мустақиллик – улут неъмат

Аҳмаджон МЕЛИБОЕВ



МУНАВVAR ТУЙГУЛАР

Ҳар йили, ҳаётимиздаги энг улут, энг азиз байрамни нишонлашга тайёргарлик кўрар эканмиз, мустақиллик даврининг тарихга айланниб бораётган яна бир йилида мамлакатимизда, ҳаётимизда, турмуш тарзимида юз берадиган ўзгаришлар, шижоатли меҳнат, ўқиш ва изланиш туфайли қўлга киритилаётган ютуқлар шодаси кўз ўнгимизда намоён бўлади. Бу ютуқларга озми-кўпми дахлдорлигимиздан кўнгилда мунаввар туйгулар уйғонади.

Ҳаёт пайдо бўлганидан бери инсоният эмин-эркин, тўқ-фаровон яшашни орзулаб келади. Жамият ривожлангани сари бу орзу янада кенг қанот ёзади. Одамлар бугун кечагидан, эртага бугунгидан мазмунли яшашни, фарзандларини бекаму кўст тарбиялаб вояга етказишни, ўзидан яхши ном, эзгу амаллар қолдиришни ўйлади. Демократик ривожланиш, миллӣ тараққиёт йўлини тутган мамлакатларда бундай истакларни рӯёбга чиқариш мамлакат миқёсида қабул қилинаётган қонун ва қарорларнинг, ўтказилаётган ислоҳотларнинг, янгиланиш ва бунёдкорлик режаларининг бош мақсадига айланади.

Янги аср, таассуфки, ҳаётимизга ўзининг шиддатли талотўплари, мураккаб эврилишлари, кутилган ва кутилмаган бурилишлари билан кириб кепди. Йигирманчи асрга хос бўлган кўпгина иллатлар, инсоният орзу қилганидек, шу юз йилликда қолиб кетмади, аксинча, қайта куч олиб, хавфли бир кўринишда янги асрга ҳам ўтди. Дунё минтақаларида яна шахсий манфаатлар устуворлик қила бошлади, қуролли, диний, ирқий можароларни қасдан келтириб чиқариш, нифоқлашаётган томонларни бир-бирига гиж-гижлаш ва бунинг оқибатида ўзга худудлардаги табиий бойликларни “манфаатли таъсир доирасига” олиш, нефть конларини кўздан қочирмаслик ҳаракатлари бошланди. Янги мустақил давлатлар мисолида айтадиган бўлсак, “оммавий маданият” ниқоби остида ҳаётимизга, дунёқарашимизга, онг-шууримизга ва ҳатто турмуш тарзимида турли иллатлар, кўзга кўринмас маънавий айнишлар ёпирилиб кела бошлади. Ахборот хуружлари, ёш авлод онги ва қалбини эгаллаш учун кураш, турли ғаразли оқимларнинг ғаламисликлари кескин тус олди. “Бу ҳаётнинг шафқатсиз бир қонунияти бор, – деб ёзади Ислом Каримов “Юксак маънавият – енгилмас куч” асарида. – Яъни, тарихнинг мураккаб ва ҳал қилувчи бурилиш палласида ҳар қандай миллат ва элат ўз аҳиллиги ва бирдамли-

гини сақлаб, ўз миллий манфаатлари йўлида қатъият билан турмаса, масъулият ва ҳушёрглигини йўқотадиган бўлса, охир-оқибатда, ўзининг энг катта, тенгсиз бойлиги бўлмиш мустақиллиги ва озодлигидан жудо бўлиши, шубҳасиз”.

Тарихда ҳам, кечаги яқин-ўтмишда ҳам бунга мисоллар кўп. Давлатимиз раҳбари бизни четдан ёпирилиб келаётган “оммавий маданият” ниқоби остидаги маънавий, ахлоқий ва бошқа кўринишдаги айнишларга лоқайд бўлмасликка, дунёда турли мафкуралар, иқтисодий ва сиёсий манфаатлар тортишуви кундан-кунга кескин тус олаётган бир пайтда, фикрга қарши фикр, ғояга қарши ғоя, жаҳолатга қарши маърифат билан курашиш янада муҳим аҳамият касб этажинини англашга даъват этади.

Тарихдан шу нарса аниқки, маънавий илдизлари заифлашган халқ энг оддий хавф-хатар олдида ҳам кучсиз ва ожиз бўлиб қолади. Дунёнинг ривожланган ҳар бир мамлакати ўз ташки сиёсатида, энг аввало, шахсий манфаатларини кўзлаб иш тутади, бу манфаатлар муҳим стратегик чорраҳаларда ўзаро тўқнаш келиб қолади. Иқтисодий, ҳарбий тазиикни сезиш осон, аммо мафкуравий тазиик кўринмас бир оғат сифатида халқ, миллат ҳаётига пинҳона кириб келади ва илдиз отади. Иқтисодий тангликни енгиш мумкин, аммо маънавий таназзулни енгиш мураккаб вазифа. Бунинг сабаби, бузгунчи кучлар бугунги глобаллашув замонида ўзга бир халқ, миллат маънавиятига қарши кураш бошлар экан, бир қараща үта беозор кўринадиган, аммо таъсир кучи ғоят самарали воситалардан унумли фойдаланади. Бунда асосий куч ва имкониятлар ёш авлод онги ва қалбини эгаллаш, уларни тўғри йўллардан ҷалғитишга қаратилади.

Истиқполимизнинг дастлабки қадамлари мана шундай мураккаб шароитга тўғри келди. Мамлакат ҳаётида узоқ давом этадиган мураккаб ўтиш даври бошланиб, бир вақтнинг ўзида ҳам сиёсий, ҳам иқтисодий, ҳам маънавий-маърифий вазифалар билан шуғулланишга, ички ва ташки сиёсат йўналишларини белгилашга, жамият ҳаётининг ҳукуқий, иқтисодий, маданий-маърифий асосларини ишлаб чиқишига, қабул қилинаётган ҳар бир қарорда ягона тўғри ва адолатли ечимни топишига тўғри келди. Давлатимиз раҳбари Ислом Каримов Олий Кенгашнинг 12-сессиясида (1992 йил, 2 июль) сўзлаган нутқида бу ҳолатни кўйидагича ифодалаган эди: “Дунёга келган чақалоқ аввал эмаклаб, кейин тетапоя бўлади. Вазият шундай келдики, мустақил Ўзбекистон туғилган куниёқ оёққа туришга, ўзи юришга мажбур бўлди. Қарз олиш осон, лекин уни бир кун келиб тўлаш ҳам керак. Биз фақатгина бугунги кунни эмас, балки эртамизни, келажак авлодларни ҳам ўйлашимиз зарур. Бугун биз хато қилиб қўйсак, фарзандларимиз келажакда яна қоқилиб қолишини ҳисобга олмасак, бу – катта гуноҳ бўлади. Озодлигимизни, иқтисодий мустақиллигимизни йўқотмасдан, ким билан, қайси давлат билан муносабат ўрнатмайлик, ҳалқимизнинг иззатини жойига кўядиган, унинг тенглигини таъминлайдиган йўлни танлашимиз керак бўлади...”

Ватан ҳаммамиз учун улуғ ва муқаддас бешик. Неча асрлар давомида аждодларимиз Ватан озодлиги, унинг гуллаб-яшнашини орзу қилиб келганлар. Бу орзу-умид йўлида жон фидо қилғанлар. Ватан туйғуси, миллатнинг шаън-шавкати, миллий ғурур ва ифтихор, маданият ва маънавият, одоб ва ахлоқ, шу каби бошқа кўплаб эзгу фазилатлар аждодлардан бизга мерос бўлиб қолган. Боболаримиз, гарчи жон фидо этиб ҳам озодликка эриша олмаган бўлсалар-да, ҳалқни ҳалқ, миллатни миллат сифатида тутиб турувчи қадрият ва анъаналаримизни, дину диёнатимизни, бетакрор маънавиятимизни кўз қорачиғидек асраб келдилар. Мустақилликнинг дастлабки кунларидан бошлабоқ, давлатимиз раҳбари бу неъматларга қайта жон бағишлиш, уларни янада бойитиш, келгуси авлодларга бус-бутиң етказиши миллий истиқтол ғоясининг ўзак вазифаси сифатида эътироф этди. Ҳалқни буюк келажак ва улуғвор мақсадлар сари бирлаштириш, мамлакатимизда яшайдиган, миллати, тили, динидан қатъи назар, ҳар бир фуқарони “Шу азиз

Ватан – барчамизники” шиори остида ягона Ватан тараққиёти, мунаvvар келажаги учун масъулият ҳиссини сезиб яшашга чорлаш, юксак фазилатли комил инсонларни тарбиялаш, уларни яратувчанлик ишларига даъват қилиш, шу мүқаддас замин учун фидойиликни ҳаёт мезонига айлантириш тарғибот-ташвиқот ишларининг марказига қўйилди.

Истиқлол жамиятнинг ҳар бир аъзоси учун ҳаётда ўзини тўла намоён этиш, орзу-умидларини рўёбга чиқариш, меҳнати самараларидан баҳраманд бўлиш, ўқиш, илим олиш, ҳунар эгаллаш борасида мамлакат Конституциясида мустаҳкамлаб қўйилган ҳуқуқ ва эркинликларидан унумли фойдаланиш имконини яратди. Собиқ тузумнинг ғайриинсоний чекловларига барҳам берилди. Бунинг натижаси ўлароқ, мустақил Ўзбекистон қисқа вақт ичида моҳият эътибори билан неча ўн йилликларга тенг келадиган юксалиш йўлини босиб ўтди, жаҳон ҳамжамиятининг тўлақонли аъзосига айланди. Ўтган асрнинг тўқсонинчи йиллари бошида биз учун энг муҳими – қўлга киритилган, энди оёққа туроётган мустақилликни, мамлакатдаги тинчтотув ҳаётни, миллатлараро аҳил-иноқликни сақлаб қолиш, иқтисодий танглишка бардош бериш эди. Давлатимиз раҳбарининг узоқни кўзлаган халқчил сиёсати, халқимизнинг ақл-заковати, аждодлардан бизга мерос бўлиб қолган эзгу азалий қадриятлар боис, биз бу оғир синовларни енга олдик. Кўп нарса ортда қолди. Аммо ўша кезлари ҳаётимизда қандай муаммолар юзага келганини, йўлнимизга кимлар ва нималар тўғаноқ бўлганини, собиқ тузумдан бизга қандай мажруҳ мерос қолганини, миллий республикалардаги ўзликни англаш, ўзликка қайтиш ҳаракатини “узоққа бормайдиган шунчаки бир хомхаёл”, дея “башорат” қилган “раҳнамо”ларнинг айюҳанносларини бугунги ёш авлодга вақти-вақти билан тушунтириб туришимиз зарур, деб ўйлайман. Не бахтки, бундай башоратларнинг ўзи хомхаёл бўлиб чиқди. Биз истиқполимизнинг илк қадамларидаёқ ўз йўлнимизни, мақсад-муддаоларимизни аник-равшан белгилаб олдик ва бу йўлдан аспло оғишмадик.

Мамлакатимиз ўз мустақиллигини қўлга киритиб, эркин, демократик жамият қуриш йўлига ўтганидан бери орадан йигирма йил ўтди. Минг тўққиз юз тўқсон биринчи йил адогида туғилган фарзандлар бугун вояга етиб, ёнимизга кирди, сафимизга қўшилди. Бундай қараганда, бу – жуда кўп фурсат эмас. Халқ тили билан айтганда, бир йигит ёши. Лекин, тарихнинг ўзига хослиги шундаки, баъзан вақт ҳам воқеа-ҳодисалар шиддати ва моҳиятини, эришилган натижаларни ифодалашга оқизлик қилиб қолади. Сўнгги икки ўн йилликдаги ҳаётимиз бунга ёрқин мисол бўла олади.

Ҳар қандай ғалаба, унинг натижалари сақлаб қолинган тақдирдагина аҳамият касб этади. Истиқполимизнинг дастлабки йилларида мамлакат олдида турган тарихий вазифа – мустақилликни мустаҳкамлаш, уни ёмон кўзлардан асраш, одамлар онг-шуурига янги жамият ғояларини сингдириш, халқнинг қадр-қимматини кўтариш, ор-номусини, шаън-шавкатини жой-жойига қўйиш эди. Шу мақсадда Президентимиз Ислом Каримов раҳбарлиги остида қисқа вақт ичида миллий тараққиётнинг Ўзбекистонга, халқимиз турмуш тарзи ва менталитетига хос ва мос янги модели, миллий истиқлол мағкурасининг асосий тамойиллари, соддароқ қилиб айтганда, жамият ҳаётининг олис келажакка мўлжалланган бош мақсад-режаси ишлаб чиқилди. Ўтган йиллар давомида талотўпли даврнинг оғир синовларидан ўтган ва дунё миқёсида тан олинган бу модел, аввало, мамлакатда ижтимоий йўналтирилган бозор иқтисодиётини шакллантиришнинг янги тамойилларига, халқимизнинг куч-кудрати ва интеллектуал салоҳиятига асосланган эди. Бу тамойилларнинг моҳияти ўтиш даврида давлат зиммасига бош ислоҳотчи деган масъулиятнинг юкланиши, қонун устуворлиги, кучли ижтимоий ҳимоя ва ислоҳотларни босқичма-босқич амалга ошириш каби ўта мураккаб вазифалардан иборат бўлди. Бугун, дунёning кўпгина мамлакатлари молиявий-иқтисодий инқироз туфайли ғоят мураккаб муаммолар билан юзма-юз турганида, йирик корпорациялар, концернлар ишчи ўринларини,

ижтимоий ҳимоя пакетларини қисқартиришга мажбур бўлаётгандарида, дунёнинг номдор иқтисодчилари, мутахассислар тўқсонинчи йиллар бошида Ўзбекистон ривожланишининг ғоят тўғри ва мақсадга мувофиқ йўлини танлаганини тақорор-тақорор эътироф этмоқдалар. Бу масалада мухим хulosса шундан иборатки, Ўзбекистон энг қийин шароитда ҳам ўз кучи ва имкониятига таяниб иш кўрди. Давлатимиз раҳбарининг “Биз борини асраш ва йўғини яратиш йўлидан борамиз”, деган шиори, маълум шартлар ҳисобига бошқалардан қарз кўтармаслик принципи ўзини тўла оқлади.

Дунё мамлакатлари тарихидан маълумки, чуқур билим ва малакага эга бўлган ёшлар ҳар қандай мураккаб шароитда ҳам миллат олдида турган энг оғир, масъулиятли вазифаларни ҳал этишга қодир бўладилар. Биз бугун босиб ўтилган йигирма йиллик давр ичida эришган ютукларимизни сарҳисоб қилар эканмиз, бу ғалабаларда айни шу йиллари тарбия топган, дунёқараши истиқбол гоялари асосида шаклланган, дунё кўрган ёшларнинг ҳиссаси жуда катта эканини барагла эътироф этамиз. Мамлакатимизда амалга оширилаётган ислоҳотларнинг натижалари бугун нафақат иқтисодий кўрсатгичларда, айни чоғда, ҳалқимизнинг турмуш тарзида, яшаш шароитда, маҳалла, оила ҳаётида ҳам кўзга ташланмоқда. Давлатимиз раҳбарининг ташаббуси билан қишлоқ жойларида маҳаллий ишлаб чиқариш ривожланаётгани, замонавий инфратузилма шакллананаётгани, ёш оиласларга уй-жой куриш учун тегишли имкониятлар яратиб берилаётгани, қурилишлар намунавий лойиҳалар асосида олиб борилаётгани, илм-фан, маданият ва санъат, спорт соҳаларида туб ўзгаришлар юз бераётгани, жорий йилнинг биринчи чорагида биргина қишлоқ жойларида аҳолига хизмат кўрсатиш соҳасида янги 6 минг 300 ишчи ўринлари яратилгани фикримизнинг далили бўла олади.

Бугун мамлакатимизда “Бу муқаддас Ватанда азиздир инсон” шиори остида энг улуғ, энг азиз байрамимизга тайёргарлик бормоқда. Шуниси қувонарлики, деярли ҳар куни бепоён Ватанимизнинг турли бурчакларида янги бир иншоот: спорт ёки маданият комплекси, йўл ёки кўпприк, одамларнинг оғирини енгил қиладиган бошқа бир иморат ишга тушаётганига гувоҳ бўлиб турибмиз. Адабиёт, санъат ва маданият намояндлари, олимлар, устоз-мураббийлар жойларда бўлиб, меҳнаткашлар билан байрамолди учрашувларини ўтказмоқдалар. Вазифа шундан иборатки, байрам арафасида, ундан кейин ҳам мустақилликнинг неъматли улуғ неъмат эканлигини, бу илоҳий неъматни бунёдкорлик ишлари, шахсий намуна, эътиқод ва садоқат билан изчил мустаҳкамлаб бориш, ёшлар онгига сингдириш, янги авлоднинг маънавий оламини беғубор ҳолда сақлаш зарур. Зотан, бугунги шароитда, давлатимиз раҳбари Ислом Каримов таъкидлаб ўтганидек, “инсон маънавиятига қарши йўналтирилган, бир қарашда арзимас бўлиб туюладиган кичкина хабар ҳам ахборот оламидаги глобаллашув шиддатидан куч олиб, кўзга кўринмайдиган, лекин зарарини ҳеч нарса билан қоплаб бўлмайдиган улкан зиён етказиши мумкин”.

Мамлакатимизда демократик ислоҳотларни янада чуқурлаштириш ва фуқаролик жамиятини ривожлантиришнинг Президентимиз томонидан баён қилинган Концепцияси ижтимоий-сиёсий ривожланиш, миллий тараққиёт, ҳалқимизнинг тинч-тотув, фаровон ҳәётини таъминлаш, мамлакатда демократик тамойиллар ва социал адолат принципларига қатъян амал қилинишини янада кучайтириш бора-сида узоқ йилларга мўлжалланган дастуруламал бўлиб, бу мухим хужжатни ҳар томонлама чуқур ўрганиш, таклифларнинг маъно-моҳиятини англаш ва уларни аҳоли турли қатламлари орасида тарғиб қилиш бугунги куннинг энг мухим вазифаси ҳисобланади. Бу вазифанинг ижросида ижодкор зиёлилар, айниқса, фаол бўлишлари талаб этилади.

Истиқбол – бизнинг тақдиримиз, буюк келажагимиз, ҳалқимизнинг баҳт-саодати, Ватанимизнинг тинч-тотувлиги, гуллаб-яшнаши, фарзандларимизнинг камоли – мангубор бўлсин!



Ҳуррият шуълалари

Остонаси тиллодан



*Камтар элим экар, ўстирар,
Меҳнатидан ундириб ҳузур.
Дастурхони ётни дўст қиласар,
Остонаси тиллодан эрур.*

**Ҳусниддин
ШАРИПОВ**

*Дунёда кўп тиллопарастлар,
Кўпдир ҳамон омад овлаган.
Лекин, асло, ҳарбу гаразлар
Кўчамизни чангитолмаган.*

*Чарх уаркан ҳазилкаш ҳаёт,
Куёши нури, боғлар салқини
Қиласар доим шоду эҳтиёт
Диёримнинг дилбар халқини.*

*Қизлар доно, иигитлар ўқтам,
Тиллар ширин, чехралар порлоқ.
Тарихда кўп гўзаллар ўтган,
Замондошим аммо барнороқ.*

*Таржимаи ҳоли ҳам содда:
“Ундим. Севдим. Кашиб этдим. Курдим”.
Ақлу санъат сочган зиёда
Яйрамасдан не қилсин юртим?!“*

*Бўлгай юрак амри ҳам војисиб, –
Чаманзорга айлангай куртак
Ҳар булоқнинг кўзини очиб,
Ҳар бутоқни авайлаб турсак.*

Умр – мактаб: хавотирим йўқ,
Меҳру вафо – дарси бўлади.
Эртадан ҳам, дўстлар, кўнглим тўқ,
У муҳаббат асри бўлади.

Эзгулик арки бу

Шаҳар бўйлаб яна кезиб пиёда,
Ўрда кўпргидан ўтиб муқаррар,
Ёшлигим излаб-да ҳар тош, гиёда,
Куёши масканидан топдим хушхабар.



Хуррият майдони кўкка кўтарган
Эзгулик арки бу, қаршиимда улуг,
Саодат қушлари жондай ўраган,
Парвозга шайлланган лайлаклар қутлуғ.

Абдулҳай НОСИР

Порлаган осмонга шундай ҳур қараб,
Гул қўйиб мўътабар она пойига, –
Арчалар япрогин оҳиста тараб,
Чуҳ, дедим, миниб-да хаёл тоиига...

...Шафақлар юзига сочилиб қони,
Неча минг донишлар бўлиб-да шаҳид, –
Юрт шаънин қўкларга кўтарди шони,
Шу она тупроқни айлаб-да шоҳид.

Шуларнинг руҳига қўйиб қўши устун,
Бўйи-бастларини айлаб кўп азиз,
Сарбоним кўтарди шарафлаб бутун,
Шарафлар диёрин айлаб хўп тўқис.

Зотан, қўёлмаган ҳеч бир жаҳонгир,
Устун қўёлмаган чорлаб зиёга.
Эзгулик устунин тиклаб посбон пир,
Халқимни танитди бутун дунёга.

Мен – битта томири, яраб корига,
Кифтимга олай деб битта кошинин,
Келдим-да айланиб баҳтиёрига,
Кўйгандай бўлдим-да битта тошини.

Қарасам, минордай ҳар улкан устун,
 Бош қўйиб истиқлол дарвозасига,
 Кўнглимни айлади тагин-да бутун,
 Жўр айлаб истиқбол овозасига.



Абӯ БАҚР

Ватан

Тоғлардек сарбаланд ғурурларинг бор,
 Ўзингга ишиончинг, сурурларинг бор.
 Масрурларинг бор, мазрурларинг бор,
 Йигитлар виждонига жойланган Ватан!

Қадри баланд, кўкси осмонларга тенг,
 Тарихи ҳад билмас замонларга тенг,
 Бир қарич тупрогинг дунёлардан кенг,
 Тупроғи олтинга айланган Ватан!

Ўсмиринг беклардек бели букилмас,
 Бўйга етган қизинг бек йигитга мос,
 Юртбошимнинг меҳри оталарга хос,
 Ёшларни парвозга шайлаган Ватан!

Тарихда номингни мадҳ этган жаҳон,
 Илму маърифатда тенгсизdir ҳамон,
 Бугун ўша кунлар қайтмоқда ишион,
 Номи жаҳон узра куйланган Ватан!



наср

*Исајон СУЛТОН*

ОЗОД

Роман

*Профессор Озод Шарафиiddиновнинг ёрқин хотирасига,
гуркираб ўсаётган ёш авлод – юртнинг ҳақиқий эгаларига бағишиланади*

Муқаддима

Бир хонанинг ҳар тарафига тиниқ кўзгулар ўрнатилган эди. Кирган киши тўрт томонда, ҳатто оёқ остидаю шифтда ҳам ўзининг муттасил аксланаётганини кўрарди. Шунингдек, меъмор бу хонани овозларни ҳам аксланадиган қилиб қурибди: биргина овоз юз хил оҳангда, кучайиб ёки пасайиб тақрорланиб қайтар эди.

Бир куни шу хонага ёш бир арслонни киритиб юбордилар.

У ичкарига кириб, ҳамма томондан ўзига сонсиз-саноқсиз арслонлар қараб турганини кўрди. Ваҳшийлик табиати устун келиб, тишларини иржайтирган эди, теграсидагилар ҳам шундай қилишди. Ёш арслон ер тимдалаб, сапчишга тайёрланди ва қаттиқ наъра тортди. Наъраси турли томонларда аксланиб, минглаб арслонларнинг наъраси бўлиб янграб кетди. Шунда ёш арслоннинг ғазаби қўзиди, у энг яқиндаги рақибига ташланди, шу тариқа у ердаги сонсиз-саноқсиз арслонлар билан то ҳолдан тойгунича олишди...

Анча вақтдан кейин хонага кирган кишилар арслоннинг ўз акслари билан жанг қила-қила ҳалок бўлганини кўрдилар. Тўрт томондаги ойналарда эса минглаб арслонларнинг жонсиз жасадлари аксланиб туради.

— Дунё ўз ҳолича сенга ёмонлик ҳам, яхшилик ҳам келтирмайди. Тегрангдаги рўй бербаётган ҳамма нарса аслида ўз фикрларинг, ҳис-туйғуларинг, истак ва тутумларингнинг аксиdir. Дунё — улкан кўзгудир, — деди Устоз. — Икки кўзгуни қарама-қарши кўйганингда манзаралар узлуксиз тақрорлангани каби, олам ҳам қалбингда ва руҳингда муттасил аксланмоқда. Аслида дунё собит ва ўзгармас бир нарса, муҳими — унинг сендаги акслариidir. Кўзгуларнинг хусусиятлари ҳар хил, ботиқ кўзгу нарсаларни улканлаштириб, қабариқ кўзгу кичрайтириб кўрсатишидан хабаринг бор.

– Ҳамма инсонлар кўзгудир ва турли-тумандир, – деди у. – Масалан, илм ва сўз ахли ботик ойнадир. Уларнинг айтганлари – кичикдан улканга, камдан кўрга олиб борувчи йўлларнинг ишоратлари дир. Модомики, жонсиз ойнага воқеа-ҳодисаларни акслантириш хусусияти ато этилган экан, жонли кўзгу эгаси уларни истаган мақомига солиб акслантира олади. Дунёда қушлар турли-туман, уларнинг ҳаёт кечириши ва табиати ҳам турфа, ҳалқ ҳуджуд, қумри, попишак кабиларга навосоз, донишманд, енгилтак каби маъноларни юклаган, булар – қисман акс. Сен сўраган толе қуши, ҳумо қуши ёки жон қуши эса тўлиқ, яъни ҳамма қушларнинг хусусиятини жамлаб, кўшимча мўъжизавий маънолар юклangan аксдир.

– Сен йўл ҳақида ҳам сўрадинг, – деди яна Устоз. – Фалончи йўлга чиқиб, фалон манзилга борди дедилар. Бу гапнинг ортида йўлларнинг манзаралари, табиати, турли-туман кишиларнинг қиёфалари, сўzlари ва тутумлари, тоғлару боғлар, анҳорлару сойлар, чўллару яна турфа томонларга олиб борадиган бошқа катта-кичик сўқмоқлар, қишлоқлару шаҳарлар, кеча ва кундузлар, ҳайратлар ва хавфу хатарлар бор. “Фалончи йўлга чиқиб, фалон манзилга борди”, деган гап дарчага ўхшайди, ундан боқсанг, ортида мен айтган нарсаларни кўра оласан. Дарча зоҳир, ортидагилар ботиндир. Оқибат эса унинг манзилига етишида аён бўляпти. Аслида буларнинг ҳаммаси аксдир. Ўша одамнинг манзилга боришдан кўзлаган мақсади эса айни ҳақиқатдир.

Сен тушуна оладиган қилиб шундай англатдим. Бундан ортигини эса тасаввуринг кўтара олмаслиги боис англатмаяпман¹. Баъзи кишилар билиб-бilmай ҳикмат айтидилар. Умр оқар сувдир, деган ҳикмат донишманднинг гали эмас, ҳалқнинг сўзиидир. Бу ҳодисада донишманд ҳам авомга ўхшаб умрнинг сувдай оқишини кўради дейишинг хато, чунки бу ерда сув – донишманднинг ўзидир. Тегрангда айтилган ва айтилаётган ҳар бир сўзнинг орти ана шундай – бепоён маъно эканини, ҳикмат айтилган кишилар эса аллақачон маъноларга айланаб кетишганини кўрмаяпсанми?

* * *

Устоз гапларининг мағзини чақишига уриниб кўрганим сайн ҳақиқатан ҳам турли-туман воқеалар ва ҳатто мисраларнинг ортидаги яширин маъноларга етиш жуда мушкул эканини пайқай бордим. У улкан моҳиятларга устозсиз бир ўзим яқинлаша олармидим? Шу сабаб, ҳайбатли ва мангуба маънолар сари йўл олишга ҳайкиб, болалигимдан бери билганим, ҳикматини англашга қизиқаним энг оддий қисса – тақдир лоласигаю толе қушига етишга аҳд қилган Озод қиссасининг маъноларини акслантиришга уриниб кўрдим. Илк уринишдаёқ дуч келганим мушкулот – ойна бўлиб акслар ҳосил қилиш учун ўзликни унудиши керак экани, ойнадаги энг кичкина хира доф ҳам акста соя солиши бўлди. Ўзликнинг кўланкалари теваракни бузиб кўрсатгани боис, тиниқ ва беғараз акс ҳосил қилиш фоят мушкул эканини англадим.

У ажойиб лопадану ғаройиб қушдан кимлардир аллақачонлар хабар берган эдилар. У хабарлар тупроқ орасидаги дур ёки ҳазон орасидаги қирмизи чечак бўлиб, турли мушоҳада йўлларига ишора қилас, баъзилари ғам ва андуҳ маконлари-ю ишқ-муҳаббат биёбонларига, бошқалари эса жанг жадал майдонларига йўллардилар. Бепоён маъно даштлари қаршимда ястаниб, шу тариқа намоён бўлар эди.

Илк акс ҳам шу эди: теваракда одатий ҳаёт давом этмоқда, ҳар ер-ҳар ерда кўкимтир тутун кўкка ўрламоқда, турли кишилар кундалик юмушларига уринмоқда эдилар.

БИРИНЧИ АКС

Қишлоқда одатий ҳаёт давом этмоқда эди.

Ҳар ер-ҳар ердан кўкимтир тутун кўкка ўрлар, қий-чув, чақалоқлар йигиси эшитиларди. Кимдир тандиргами, ўчоқками ўт ёқди. Қайдадир қўйлар баъради; ўн-ўн икки ёшлар чамасидаги болакай бир тўда кўйни ўтлатгани ҳайдаб кета бошлади.

¹ Жалолиддин Румий.

Күйироқдаги ҳовлида чопонининг ўнгирини қайириб олган бир киши қуруқ яйдоқ ерга тош таширди.

Бостирма остидаги биқини чандиғли отнинг сағрисига лой сараган, олдига бир қутоқ беда ташлаб қўйилган эди. Унинг емиш билан иши йўқ, нимадандир бе-зовта. Сал нарида шотиси тикка қилиб қўйилган, улкан ғилдиракларига айланаси-га темир қопланган, хом теридан ишланган қайишлари осилиб-осилиб қолган кўхна арава кўзга ташланди.

Қирларнинг устида, Учёнгоқда булутлар қуюқлашган, гоҳ-гоҳ момақалдироқ гум-бирларди. Ундан ҳам нарида, Искандар деворининг тепасидаги булутлар эса қоп-кора тус олган, аҳён-аҳёнда орасида ярқ этиб чақмоқлар яллиғланарди.

Иморат қурилаётган ҳовлидан нарироқдаги бошқа ҳовлида бир аёл хом нон тӯла саватни кўтариб, тандир ёнига келди. Тандирда олов пасая бошлаган, қизғиши чўғлар чирсиллар эди. Аёл чўғларни курак билан бир ерга уйди-да, устига кул торти.

Ёмғир исини анқитиб, сарсари шабада эса кетди.

– Ҳай, овсин, ҳорманг, – қўра ортидан бўй чўзди қўшни аёл. – Патир ёпяпсизми дейман?

– Патирга сарёғ қайда, ўзимизнинг нон-да. Болаларим саҳарлаб экинзорга кетишувди, ҳали-замон кепқолишади. Нон ёпиб қўяқолай, иссиқ-иссиқ еб олишар дедим. Чарчашгандир, ернинг меҳнати осонми?

– Ҳа-я, тўғри айтасиз, – деди буниси. – Меникилар келишди, шўрва қайнатиб қўювдим, оталарини кутишапти энди. Отанг келгунча ичволақолинглар десам кўнишмаяпти.

– Вой, барака топишсин, – деди буниси.

– Сўқмоқда бирор кўринди, – деди аёл кафти билан қўзини ёруғдан пана қилиб.

– Ким экан-а?

Иккинчиси ҳам синчиклаб қаради-да:

– Озод экан, – деди. – Янгилликни эшитдингизми? Хотинларнинг оғзида дув-дув гап: Ойдин қизга баҳт лоласини олиб келаман деб ваъда берганмиш.

– Ҳа-я, Озод экан, – деб тасдиқлади униси. – Ҳа, эшитдим. Аммо ҳали ёш, новдадай ўспирин-ку, чўққиларга чиқа олармикан? Ростини айтсан, тўйимииздан олдин акангиз ҳам менга ваъда берувди. Шаҳд билан тоққа кетиб, куппа-қуруқ қайтиб келувди.

– Менинг эрим эса уриниб ҳам кўрмаган, лола чўпчагини қизалоқлигимда бувимдан эшитганман, – деди қўшни хотин. – Учёнгоқнинг нарёғидаги ҳамма нарса ўша ёққа ўтишига тўқсунлик қилаверар экан-да. У ёқларда роса қаттиқ шамол эсармиш. Олдинга бир қадам босиб бўлмас, қўзни очиргани қўймас экан. Ўлсин, қизалоқлигимизда жуда содда бўлган эканмиз-да, овсин!

– Озод ақлли-мулоҳазали, кўп нарсани биладиган ўқимишли йигитча, – деб мақтади уни нон ёпаётган аёл. – Ойдин эса ҳамма келин қилишни орзу қиладиган ажойиб қиз бўлган. Онаси қачон қараманг, “шу қизим туғилди-ю рўзгорим баракага тўлди” деб юрарди, эсингиздами? Келинг, яхши ният қила қолайлик, шояд худойим тақдирларини ўнгласа-да, икковининг ҳам бошига баҳт қуши қўнса...

– Ажабмас, ажабмас, – деди қўшни, сидқидилдан.

Шу маҳал тераклар орасида бир қуш “Куёв-куёв, кимга куёв” дея сайрай бошлади. Қўшни хотин пиқ этиб кулиб юборди.

– Ана сизга баҳт қуши! Озоддан гапирсак, попишак эшитиб қолди-ку!

– Қизларингизга куёв истаяпти бу қурғур, – деди нон ёпувчи аёл.

– Ҳай, овозингни ўчир, қизларим ҳали ёш! – деб пўписа қилди қўшни аёл попишакка, қуш худди буни тушунган каби жимиди.

– Учёнгоқ тепасини булат босяпти, ҳали яна шамол эсса керак, – деди нон ёпувчи.

– Мен бориб, тезроқ ишларимни қила қолай.

Қўшни жилмайди, у билан хайрлашиб, ҳовлисининг ичкарисига қараб кетди.

Йўл четидаги маккапоялар орасидан жуда хунук, бадбашара бир кучук чиқуб келди-да, ер исқаб, емиш излай бошлади.

Иккита қуш баб-бараварига чарх уриб кўкка парвоз қилди.

Иморат учун тош ташиётган одамнинг тўрт яшар ўғли уйқусидан уйғониб, чиқиб келди.

– Тоглар устида момақалдироқ гумбурлаяпти, – деди иморат қураётган одам ўғлига. – Тез-тез юзингни юв, кейин келиб салом бер, бўлмаса ўша ёқдан яъжуж-маъжуллар чиқиб, сени опкетиб қолишиади. Уларнинг танаси хол-хол, кўзлари кўк, одобсиз болаларни опкетишиади.

Бола бу гапга чиппа-чин ишонди, бориб юз-қўлини ювди-да, кейин чопқиллаб келиб, қўлини кўксига қўйиб салом берди. Отанинг юзига фавқулодда табассум ёйилиб, “Вaalайкум ассалом”, дея алик олди.

Шамол

Шу тобда кўкда оқ булуутлар сузиб бормоқда эди.

Юксакларнинг шамоли уларни сурув-сурув ҳайдаб борар, бир оздан кейин шакли ўзгариб, шиддат билан олдинга интилаётган ёш тойлар тўдаси шаклини олмоқдайди. Самовий бу отларнинг узун ёллари шамолда ҳиллираб, адоксиз тиник кенгаликларда роҳатланиб чопишаётгандек туюларди. Ортларидан эргашган қора булуутлар тўдаси оғир-вазмин сузар, булар ғоятда кўп ва қат-қат, бағирларида жала-ларни олиб келаётган бўлишлари ҳам эҳтимол.

У лола ўша булуутлар чиқиб келган жойда ўсса керак, деб хаёлидан ўтказди Озод. Шамол пайдар-пай эпкин урмоқда, лойқага қоришган ўт-ўлан исини димоққа тутмоқда эди.

Йўл аниқ: Учёнгоқдан ошиб ўтилса, ундан нарида Туз чўлию Ойдинкўл бор. Ойдинкўлдан ҳам нарида яйдоқ биёбон, биёбон ортида эса тошлоқлар ястаниб ётади. Кейин тогу тош бошланиб кетади, янайам ичкарироқда, икки тоғ орасида сип-силлиқ баланд қоялар бўй чўзган, ўша қояларнинг энг тепасига чиқиб борилса бас. “Тушгача етиб бораман, чўққиларга чиқиб-тушгунимча яна бир оз вақт ўтса, шомга қадар изимга қайтсан керак”, деб ўйлади Озод. Шу маҳал дараҳтларнинг баргларини шитирлатиб шамол эсиб ўтди-да, қаршисидаги тупроқ йўлнинг чангини тўзгита бошлади. Уни Озод яхши танир эди – оғоч баргларининг орасида ёки майсаларнинг остида яшириниб ётиб, гоҳо кичкина қуюнчалар ҳосил қиласидиган, болакайларнинг кўзларига қум-тўзон сочиб ўйнашни ёқтирадиган бекарор шамол эди у. Ҳозир у Озоднинг олдига тушиб олган, гоҳ яқинлашиб, гоҳ узоқлашиб тўзон сочмоқда эди.

Тошкесар

Қуёш кўтарилигани сайин атроф аста-секин жонланмоқда, ўтлар илғар-илғанмас қад ростлаб, нур тушган томонга ўгирилмоқда, кунгабоқарлар лаппакларини қўёшга тўғриламоққа уринишмоқда эди.

Қайдадир бир күш ҳадиксираб чирқиллади, бошқа томондан ана шундай ҳадик билан бошқа күш унга жавоб берди.

Энди енгил шабада эсади. Йўл ёқасида бир киши чопонининг ўнгирини қайириб олиб, қўлида болғасию чўкичи, тош кесмоқда эди.

- Ҳорманг, – деди Озод.
- Бор бўлинг, ўглим, – деди тошкесар, пешанасининг терларини артиб.
- Иморатга тош кесяпсизми? – деб сўради Озод.
- Тўғри айтасан, – деди тошкесар. – Анави ерга учта айри-айри уй солишим керак. Ҳали биттасининг пойдеворини битказолмадим. Ўғиллардан учта, учаловини ҳам уйлаб-жойлаб олсам, кейин бемалол оёғимни узатармидим...
- Ёғоч-чи, етарлими? – деди Озод.
- Менга-ку етади, – деб кулимсиради сухбатдош. – Аммо кенжам ҳали жуда ёш, унгача тераклар ўсиб қолса ажабмас. Айтмоқчи, отанг қалай, яхши юрибдими?

– Раҳмат, яхши, – деди Озод. – Биласиз-ку, экинзордан бери келмайди. Бугун саҳарлаб ҳам сугоришим керак деб ўша ёққа кетувди.

– Аслида отанг ҳам, мен ҳам бир хил иш билан оворамиз, – деди тошкесар. – Юмушимиз бошқа-бошқа бўлса-да, маъноси битта: болам-чақам деб тиришамиз. Эши-тишишмча, тоққа кетаётган эмишсан?

– Ҳа, – деди Озод, тасдиқлаб. – Искандар деворига боряпман.

– Сенга бир гап айтайми? – деди тошкесар. – Бу йўлда хунобадан иборат дарёлар бор, хуноба эмас, балки заҳар-зақум дейилса, янада тўғрироқ бўлар. Тоғлари ҳам осмонга тиф тортган, бу тиғларнинг барчаси шафқатсиз равишда қон тўкаман, деб турибди. Ҳар томонида ўт туташган даштлар ёлқинланиб, осмонга бош уради, Ўрмонлари ҳар хил даҳшатли балолар билан тўла, ундаги ҳар бир дараҳтнинг шохи ғамдан, барги эса балодан иборатдир. Осмонда чарх уриб юрувчи булутлар киши бошига ёмғир ўрнига тош ёғдиради. Булутларидан чақнаган чақмоқлар оловидан оламга ўт тушади. У ерда бир тун қўниш учун маскан йўқ. Танга мадор берувчи сув ҳам, дон ҳам топилмайди. Минг туман қуш у томонга сафар қилиб, ҳавода минг йил қанот қоқса ҳам, бу йўлни босиб ўтмоғи ва мақсадига етмоғи маълум эмас¹... Хуллас, манзилга етгунингча шунга ўхшаш кўп нарсаларни кўрасан. Лола десанг, у лопани деб фифон чеккан кишилардан, баҳт қуши десанг, уни дея ғуссага чўмган одамлардан хабар топасан. Йўлда яна нималар борлигини айтиб ўтирамай, ўз кўзинг билан кўрарсан... лекин билиб ол, у ёқда энг яқин ҳамроҳинг – шамол бўлади... – Кейин овозини пасайтириб, шивирлади: – Илк қирга чиққанингда ҳаммаёқни энлаб кетган чечакларни кўрасан... шунда уларга қараб “Ассалому алайкум, эй ахли маъни” деб қичқир.

– Хўп, – деди Озод. – Аслида сиз айтган шамолниу теваракдаги ҳамма нарсани болалигимдан бери танийман. – Кейин кулимсираб қўшиб кўйди: – Ўзимизнинг жайда-ри шамол-да у.

Қўшни аёллар

Янаям тепароқда, ҳовли адогидаги тандирга бир аёл ланғиллатиб ўт ёқмоқда эди. Тандир ёнидаги саватда зувалаларнинг оппоқ чети кўриниб турар, кул тушмасин деб, аёл уларнинг устига йўл-йўл дастурхон ёпибди. Сал нарида, кўра ортида яна бир аёл – қўшниси жилмайиб қараб турарди.

– Яхшимисиз, Озоджон, ҳозир сизни гапириб турувдик, – деди нон ёпаётган аёл.

– Умрингиздан барака топинг, кўз тегмасин, икковингизнинг бошингизга ростдан ҳам баҳт қуши қўнсин.

– Тандир қаттиқ қизибди, – деди Озод. – Нонингиз куйиб кетмасин тағин.

– Ичини кечаги шамол тозалаб ўтибди, – деди аёл, тириш юзига фавқулодда хо-тиржамлик иниб. – Ўлсин, олови қўлимни куйдирди. Болаларим далада ҳозир, ҳализамон қайтишади. Чарчашгандир, келишса, иссиқ-иссиқ еб олишар. Ҳамиртуришини кеча онангиздан олувшим, нонларининг мағзи жуда ширинлигига ҳавас қилувдим. Тоққа кетяпсиз экан, мана бу иссиқ нонни олинг, дармон бўлади.

Узумзорлар эгаси

Йўлнинг чети бепоён узумзор эди. Ишкомлар орасидан ўрта ёшли, сочлари оқарган бир киши чиқиб келди. У узумзор эгаларидан бири бўлиб, сарвати беҳисоб, лекин не ёзиқи, фарзанди йўқ, шундан кўп изтироб чекади, дер эдилар.

Озод салом берди. Узумзорлар эгаси босиқ ва паст овозда алик олди, кейин:

– Йўл бўлсин, ўғлим? – деб сўради.

– Тоққа кетяпман, – деди Озод.

– Лола... – деди сарватлар эгаси, ўлланиб. – У ерда ғувиллаб эсаётган шамолдан бошқа ҳеч нарса йўқ. Бўм-бўш кенгликларни кеза-кеза, ҳориб-чарчаб қайтиб келмасайдинг деб қўрқаман.

¹ Ҳазрат Алишер Навоий.

– Қайдам, одатимиз шунақа-ку, – деди Озод. – Ҳеч бўлмаса, урфимизни адо этиб қўяман, йўқса, кейинчалик “уриниб ҳам кўрмагансиз”, деган маломаттага қолиб кетмай тағин.

Узумзорлар эгаси ўйланиб қолди, сўнг бош иргади.

– Бир одам айтган эди, – деди ўйланиб. – Лоланинг ҳикматини ўша киши англаганмикин, деб ўйлайман. Аслида Искандар девори йўқ эмиш-да, тиккасига чўзилиб кетган тор, тойғоқ сўқмоқ бормиш. Минглаб одамлар ўша сўқмоқдан тепага интилармишлар. Сен-ку битта ўзинг бормоқдасан, улар эса, худди тоғлардан селдай тушиб келадиган яъжуж-маъжужлар каби, ёппасига ёпирилган эмишлар... Бир-бирини туртиб-суртиб, итариб-сурниб юқорига интилармишлар, гоҳо тепароқдагиси пастдагисини бошига тепиб қулатиб юборармиш, у дод-вой согланича пастга – тубсиз жарликларга учиб кетармиш.¹ Бу ҳикояни эшитганимда айтгувчига чиппа-чин ишонганиман, ука. Сабаби, биласанми... ҳаётнинг ўзи шунақа. Сен айтган лопа жуда юксакларда, унга интилувчилар беҳисоб. Ана шунинг учун ҳам унинг қошида одам боласининг қадр-қиймати йўқолиб кетади... – Шундай деб, кўшиб қўйди. – Менимча, у ёқда армону пушаймондан бошқа ҳеч нарса йўқ. Аммо йўлингни тўсмайман, шояд, кишилардан эшитганинг барча ҳикоятлардан тамомила ўзга, баҳайбат бир ҳақиқатта эришарсан деб умид қиласман. Мабодо эришсанг... ўша ерда, чақмоқларнинг сурони остида мени ҳам бир дуо қилиб қўй, шояд Худойим бир фарзанд берса...

– Ҳа, англадим, – деди Озод. – Мен борақолай.

– Йўлинг ойдин бўлсин, – деди узумзор эгаси.

Ойдин деган сўзни эшитганида Озоднинг қалби бир зум ёришди, у жилмайиб қўйди.

Кўр киши

Сўқмоққа етар-етмас, ҳассасини тиқирлатганича пайпасланиб бораётган яна бир киши кўринди.

Озод салом берди.

– Ваалайкум ассалом, – деди кўр киши. – Йўл бўлсин, болам?

– Искандар девори тарафга, – деб жавоб берди Озод.

– Ҳа-а, Учёнгоқ томонга экан-да, – деди кўр киши. – Эшитдим, эшитдим... У ерда, қоя лабида бир тўп наъматак бўлар эди, шамолда чайқалиб ўсар эди... ҳалиям туриптими?

– Билмадим, – деди Озод. – Эътибор берганим йўқ, балки тургандир.

– У бир бекнинг наъматаги эди², – деди кўр. – Ҳалиям чайқалиб турган бўлса ке рак, ўша ёққа ўтиб қолсанг, хабар олиб қўярсан. Айтмоқчи, йўлингда бир мажнунтолни ҳам кўрасан, у оддий толлардан эмас, тинмай кўз ёши тўkkани тўккан³. Уларни дуо қилиб ўт, ҳар ҳолда, савобга зор бўлсалар ажабмас.

– Хўп, – деди Озод. – Ўзингиз-чи, қаёққа кетяпсиз?

– Отамнинг ёнига, – деди кўр киши. – Бугун саҳарлаб отам “Ўғлим, бир иморат қурдим, ёғочлари бақувват, ўзи пишиқ, келсанг ўзинг ҳам кўрасан, кейин айвонда бир-галашиб чой ичамиз”, деди. Қумfonда бир чой дамлай, таъми жуда бошқача бўлади.

– Отангиз қаерда? – деб сўради Озод.

– Сен бораётган томонда, – деди кўр. – Лекин шаҳдинг тезроқ экан, болам, борақол.

Мен пайпасланиб, еру осмондаги овозларга қулоқ солиб, секи-ин кетавераман.

– Ҳа, айтмоқчи, Учёнгоқда, оёқ остингда бир чиганоқни кўрасан, – деди чол, яна.

– Олиб қулоғингга тутсанг, дengизнинг шовуллашини эшитасан. Ундан ҳам нарида тумшуғида ёнгоғи билан бир қарға тош устида қўниб ўтирган бўлади. Билсанг, – эгилиб шивирлади чол, – ёнгоқнинг ичиди мағиз эмас, дур бор, қарғани чалғитиб, дурини олсанг, у ҳикматли сўз айтади.

– Теваракни кўрмайсиз-ку? – деб сўради Озод. Кейин ўйланиб туриб, қўшиб қўйди:

– Назаримда, ҳечам кўр эмассиз.

– Бир маҳаллар кўрап эдим-да, ўғлим, – деб жавоб қилди чол.

¹ Угузбек Ҳамдам.

² Ойбек.

³ Миртемир.

Хуллас, шу топда юқоридан қараган кишининг назарида мана шундай манзара намоён эди: тепа сари ўрлаб кетган майда тошли сўқмоқ, иморатига тош ташиётган одам, тандирга олов ёқаётган аёл, пайпасланиб бораётган кўр чол ва нигоҳи мусафро ёш бир йигитча – Озод. Нарида, қуйироқда бир тўда бола-чақа буталар орасида ўйнамоқда эдилар. Баъзи уйлардан кўкимтири турун самога ўрлар, ҳар ҳолда кимдир ўчоққа олов қалар ёки кир ювиш учун сув иситар эди.

Дарахтзор

Қишлоқ тугаган жойдан эски дарахтзор бошланган эди. Озод ана шу дарахтзор орасидан ўтиб борди.

Бу ерда дарахтлар бетартиб ўсган, кўпчилиги қари бўлиб, қуруқшоқ оч-жигарранг пўстлоқларидан нам кетган, ҳар жой-ҳар жойи қуриган, эзғиланса кукунга айланарди, таналари улкан-улкан, баъзи ерлари ғовак эди.

Бир дарахт танасида кўзи кўр ёғоч қурти истиқомат қиласади, ҳозир у ёруғликдан баҳра олгани чиқсан, лекин қай бир саёни табиии ила Озоднинг яқинлашганини сезиб, шоша-пиша ўзи кемириб очган йўлкавагига кириб яширинди.

Йигитча унинг иланг-билинг тор йўлчасидан хавотир ила қочишини кўз опдида жонлантиаркан, кўркувани ҳам сезди-да, кулимсираб қўйди.

Дарахтзор чайқалар, шовуллар эди. Товушлар ёш новдалардан ва барглардан чиқар, қуруқшаган ва қуриган шохлар қуруқ, ингичка овоз чиқарар, шабада уларни силкитиб ўйнарди. Йигитча дарахт таналарини ушлаб-сийпалаб кўрди. Кекса дарахтларнинг баъзилари жуда юксакларгача шохлаган, илдизлари бу баҳайбат танани маҳкам тутиб тура оладиган даражада чукӯр, аммо баъзиларининг тана пўстлоқлари кўчиб, яйдоқ танаси очилиб қолган... чандиклари ҳам бор, қўлга ғўдириш бўлиб тегарди; ёшяланг баъзан ўйноқилик ёхуд шўхлик юзасиданми, исмларини танага ўйиб ёзгандилар, бундан ташқари, қай бир уқувсиз боғбон урган болта чандиклари ҳам борииди.

Теваракни ўзгартирувчи ҳайбат шамоллари эсганида бу кексаларнинг баъзилари қарсиллаб синиб тушган, улкан таналар ҳавонинг босимига чидаёлмай, ёшроқ дарахтларнинг шохларини синдира-синдира йиқилган эдилар... шох-шаббаларининг синиқлари теваракда сочилиб ётар, орасида қушлар ризқ излаб чирқиллашарди.

Кулаганига анча бўлган, шохлари яланғочланиб қолган бир дарахт танасидан шундайд сас келмоқда эди:

*Воҳ, яланг шохларим қиличдай кескир,
Бир япроқ қолмаптур шивирлайтургон..¹*

Қачонлардир қулаб кетган ҳайбатли оғочларнинг таналари эса сассизу жим, тўзон чанглари уларни аллақачон энлаб-қоплаб олган эди.

...Бултурги эски шохчалар қирсиллаб синар, оёқ остида намлиқ кўпаймоқда, чунки сал нарида булоқ бор эди, бутун бу боф ана шу булоқдан сув ичарди – булоқ қадими, тупроқ қаъридан қайнаб-милтираб оқиб чиқар, суви эса хуштаъм ва илиқ эди. Булоқдан оқкан сув ёйилиб-ёйилиб, ариқча ҳосил қилган эди.

Озод, ариқ лабида елкасига чаён боласи миниб олган тошбақанинг кўрди.

Бундан завқи келиб кулимсиради, ҳар ҳолда, бу маҳлуқчалар кўзига ариқча улкан дарё бўлиб кўринаётган бўлса ажабмас, чаён эса, сувдан ўтиш учун тошбақанинг елкасига миниб олибди. Тангри таоло яратган жонзотларнинг одам завқини келтирадиган бу тарз биродарликларига мисол кўп эди: гоҳо ўтлоқда ўтлаб юрган сигирнинг елкасига қушлар кўниб олар, ўғри қарға қўзи билан ўйнашар, гоҳо азалдан бир-бирига душман мушук билан кучук боласининг ёнма-ён офтобда тобланаётганини кўрса бўларди.

¹ Шавкат Раҳмон.

Қон

Мана шу ерда Озод бегона бир исни тыйди.

Бу – қуюқ, ачимсиқ, турғун, ер бағирлаб турған, ҳали-вери күтариладиганга үхшамайдиган оғир хид эди. Йигитча ис бўйлаб бораверди, эски шох-шаббалар оёқлари остида яна синди, мана, из йўлакасига чиқиб олди – бу ерда ис ингичка чизик бўлиб анқимоқда эди.

Йигитча энгашиб, шох-шаббалар орасини пайпаслаб кўрди – ис, хиёл намиқкан новдалар орасидаги хўл бир нимадан келмоқда эди.

Озод унинг қон эканини пайқади.

“Отамнинг қони оқиб-оқиб, шу ергача келибди”, деяётгандай эди кимдир.

Ҳа, қайдандир ингичка чизиқсимон қон оқиб келган, у ҳали янги эди. Йигитча шу из бўйлаб кетаверди – дараҳтзор тугади, қирлар бошланди, қон ана шу ердан оқиб келган, у ерда яна бир булоқ кўз очган, ер қаъридан отилиб чиқкан бу кичкина мўъжизада нима учундир қон таъми бор эди.

Из

Қон Учёнгоқ тарафдан оқиб келгани аниқ эди. У томонда баъзан отларнинг тақалангандан туёқларининг тарақлаши, тошчаларнинг шикирлашлари эшитилгандай бўлар, кимлардир борга үхшарди, йигитча уларнинг кимлигини билишга қизиқарди. Баъзан ғўнғир-ғўнғир овозлар ҳам эшитиларди, кимлардир ўзаро гаплашардилар. Шу боис ҳам у иккиланмади, қон изи бўйлаб бораверди.

Икки қуш

Йигитча сўқмоқдан одимларкан, боши узра икки қуш қанотларининг товушини эшитди, булар боягина, тандирга нон ёпаётган аёл билан гаплашиб турганида тиккасига кўкка кўтарилиган ўша қушлар эди.

- Бу йигитча ким? – деб сўради биринчи қуш, шеригидан.
- Шу ерга келиши тақдир қилинган бир банда, – деб жавоб берди иккинчи қуш.
- Бу маконга келишининг боиси нима? – деди биринчи қуш.
- Тақдир лоласию баҳт қуши сари бораёттир, – деб жавоб берди иккинчиси.
- Бундан болага хайр борми? – деб сўради биринчи қуш.
- Бизлар шу ергача кела оламиз, у ёғига ўта олмаймиз, – деди иккинчиси.

Йўл кўрсатувчи

Теварак овозларга тўла бошлади. Қирга чиқиб борганида, шабада юз-қўзини яна сийпалад ўтди. У илиқ ва ёқимли эди.

- Олға, олға, – деб шивирлар эди шабада, дўстона шивир ила.
- Мен сени танийман, – деди Озод, ҳайрон бўлиб.
- Мен ҳам сени танийман, – деди шивирлагувчи. – Баҳт қушини истаб йўлга чиққанингдан бўён ортингдан эргашиб келмоқдаман. Тош кесаётган киши билан, тандир бошидаги аёллар билан гаплашганингни кўрдим, гапларингни ҳам эшитдим. Бундан бўёғига сенинг йўл кўрсатувчинг – менман.
- Лекин беқарорсан-ку? – деди Озод. – Бу беқарорлигинг билан қанақа қилиб йўл кўрсатасан?
- Мен ҳаволарни янгилаб, асрларни тўзгиттувчиман, – деди шамол. – Бу ерда мендан бошқа йўл кўрсатувчи йўқ. Қон изи бўйлаб келган сен эмасмисан?
- Ҳа, менман. У кимнинг қони? – деб сўради Озод.
- У қон аллақачон ерга шимилиб, устидан узумлар ўсиб чиқкан, меваларини қушлар еб бўлишган, – деди шамол. – Ҳозир у жонланга бошлайди.
- Лекин қирларнинг орасида сийрак тумандан бошқа нарса кўринмаяпти, – деди Озод.

– Ёғоч қурти ҳам ҳеч нарсани кўрмасди, лекин келганингни билди-ку? – деб эъти-роз билдириди шамол.

Йигитча тўхтади. У ҳозир Учёнгоқнинг қоқ марказида эди.

– Ҳозир кўрадиган нарсаларингнинг ҳаммаси аксдир, – деб шивирлади шамол. – Бир маҳаллар бу сўқмоқдан аравага қўшилган бир от ўтган эди. Кўряпсанми?

Озоднинг кўз ўнгидаги икки четида баланд ўт-ўлан ўсган сўқмоқ бино бўлди. Ўтлоқларнинг йўлга туташ жойлари эзғиланган, майсалари синган, яқиндагина ёмғир ёғиб ўтган эди...

Учёнгоқнинг олдидан йўл ҳам ўтган эди, у ҳозир йўқолиб кетган бўлса-да, йигитча уни аниқ сезди – шамол айтган, бир маҳаллар сағрисига қон ва лой сараган от ўтган йўл мана шу эди.

Сўқмоқдан йўртиб бораётган от

Сўқмоқ ўйдим-чуқур, араванинг ғилдираги ўт-ўланларни эзиб-янчиб ўтган, изига ёмғир суви тўпланиб, сарфиш-қизғимтири тус олган, шу сатҳ ойнасида ҳам осмоннинг ва кўлмак четидаги тупроқ уюмининг бир қисми акс этарди.

Йул узундан-узоқ, арава ғийқиллар, унга қўшилган қари бир от ҳорғин одимлаб бораарди. Мехнатдан боши чиқмагани шундоққина кўриниб турар, кўлмаклардан эҳтиётилик билан ўтар, бикинида қай бир суворийнинг пошнасидан қолган чандиклари ҳам бор, хуллас, кўпни кўрган от эди бу.

Арава эса жуда кўхна, ёғочлари ёрилиб-ёрилиб кетган, хом теридан ишланган энли қайишлари вақт ўтиши билан қорайган, катта ғилдираклари ғижирлаб айланар, қолдирган изига лойка ёмғир суви оқиб тушиб тўлдирар, уларнинг юзасида ҳам осмон хира аксланарди.

Наридаги қирнинг усти чечаклар билан қоплангани боис ранго-ранг бўлиб қўринаётган эди. Қиргача масофа анчагина, тепасида бодомлар кўзга ташланади, улар аллақачон гулини тўкиб, яшил япроқларга бурканиб улгуришган. Ҳаво енгил – чунки эрталаб чақмоқ чакнаб, ёмғир уриб ўтган, ҳали-ҳозиргача баъзи япроқларнинг остида томчилар титради.

От эгасиз... теваракдаги ўт-ўланга қарамай, хомуш ва руҳсиз йўрғалар, оёқлари-ю ёлларига лой сараган эди.

Ажабо, лоймиди сараган?

Яқинроқдан қараган киши лойга қон ҳам аралашганини кўрарди. Отнинг безовтагининг сабаби энди тушунарли бўлди – қон иси жониворларни ҳамиша саросимага солиб келган эмасми?

Бироқ қайдан келди бу қон? Кимнинг қони у?

Қирнинг нарёғи қишлоқ эди, у ерда хотин-халаж, бола-чақа борийди, улар юз ийллардан бери шу қишлоқда тинчу осойишта ҳаёт кечирмоқда эдилар. Буғдой экилар, пишганида ўриб олиб нон ёпилар, тупроқдан пахса уриб, уй тикланар, болалар туғилиб-вояга етар... ўсмирлару ёш-яланг ўйнаб-кувнаб улғаяр... қариялар индамайгина жон таслим қилар... от ана шу қишлоқ томон йўртиб бормоқдайди.

“Менинг эгам – дехқон эди, – демоқда эди от. – Эгамнинг эгаси эса Парвар-дигор эди.”

“Эгамнинг эгаси, менинг эгамни ўз ҳузурига чорладиу эгасиз қолдим,” – демоқда эди от.

“Эгамнинг эгаси ҳамма нарсани кўриб-билиб турувчиидир, – демоқда эди от. – Эгамга муҳаббат қўйган эдим, у ҳам менга меҳр берган эди. Энди кимнинг содиқ оти бўлай?” – деб бормоқда эди бу от.

* * *

– Кўряпсанми? – деб шивирлади яна шамол.

– Ҳа, кўряпман, – деди Озод, ҳайрат ичра.

– Отлар қавмининг авлоддан-авлодга ўтиб келадиган ҳикматлари бор, вақти келганида хабар топарсан, – деди шамол. – Лолага эришишни осон деб ўйлаганмидинг?

Бундан буёғига кўрадиганларинг ақлингни шоширади, балки шаштингни ҳам сусайти-рар, ортингга қайтиб ҳам кетарсан... Чунки эндилиқда ҳодисаларнинг бошқа юзларини кўра бошлайсан. Юрақол мен билан! – деб шивирлади у.

Теварак унинг тўлқинланиши натижасида пайдо бўлган товушларга тўлди, кўзга кўринмас ҳар бир тўлқини “Юр, юрақол” деб шивирлар эди.

Кучук

... Ўтлар орасидан оч, озғин, юнглари ҳўл, жимитгина бир қучук чиқиб келди-да, эгасиз от ортидан қінғайиб анча қараб турди.

У боягина кунгабоқарлар орасида тимирскиланиб юрган ўша кучукча эди.

Кучук қон исини туди, бурнини ерга теккизгудай қилиб исказ-гингшиб кетаверди, лойлардану кўлмаклардан ўтди, ҳар замонда тўхтаб, ҳавони ҳам исказ кўрарди – йўқ, ис ҳали қуюқлашмаган, аммо ўзига тортарди, унда қон исидан ташқари тер ҳамда от ҳиди бор, ўлим иси ҳам сезилмокда эди.

Учёноғқа етганида, туйқусдан тўхтаб қолди.

Учёноғқ тагида жасадлар бор эди. Бири эллик ёшлардаги кучли ва бақувват кишининг, бошқалари бир неча ўспириннинг жасадлари бўлиб, улар бетартиб ётишар, юраклари суғуриб олинган эди.

Кучукни тўхтаттан нарса жасадлар эмас, балки нотаниш кимсалар бўлди. Оппоқ бу кимсалар жасадлар устида муаллақ турар, оёқлари ерга тегмас эди.

Кучук ўтиш мумкин бўлмаган ғалати чегарага келиб қолганини пайқади, гингшиб-озорланиб ерга ётиб, мўлтираганча ортга тисарила бошлади, шу тариқа ўн-ўн беш қулоч тисарилиб борди. Кейин тўхтаб, яна майит ётган тарафга жавдиради.

Дарҳақиқат, у кўркиб кетган, эгаси томон боришига ботинолмай, шундай демоқда эди:

“Эгамни ёв ўлдирди. Кўзимни очганимдан бери унга шоён садоқатда бўлдим.”

“Энди эгам қолмади. Эгамнинг эгасигина қолди”.

“Мени бу кўйга солган ҳам, бундан чиқаруечи ҳам эгамнинг эгасидир.”

– Бу оддий кучулардан эмас, – деди шамол, шивирлаб. – Бир куни унга бир одам рўпара келди-да, хунуклигидан таъсирланиб, “Мунча бадбашара кучук экансан”, деди. Шунда кучук тилга кириб: “Эй одам! Нақшни айблаяпсанми, нақшоними?” деб сўради. Шунда уни маломат қилган киши нодонлигидан хўнг-хўнг йиғлаб, ўз йўлига кетди...¹ Бу кучукни йўлинг давомида кўп марта кўрасан, кимлигини ҳам англарсан балки, – деб шивирлади у.

Қушча

Шу маҳалда битта қушча тиккасига кўклардан тушиб келиб, тошлару харсанглар узра гир-гир айланиб, тинмасдан “Куёв-куёв, кимга куёв” деб сайрамоқда эди.

Учёноғқ

Энди Озод қирнинг тепасида эди. Юқорига кўтарилиган сари сўқмоқ сийрак туман аро кўздан йўқолиб борган, шу боис уч қирнинг орасини қоплаган оқиш парда остида ҳеч нарса кўринмас, катта харсангларнинг учлари қорайиб кўзга ташланарди, холос.

– Бу ерларни нега Учёноғқ дейишларини биласанми? – деб сўради шамол. – Бир куни бир қарға ёнғоқ чақиш учун осмонга кўтарилиди, ёнғонини ташлаган эди, у юмалаб чуқурчага тушди. Мен чуқурчани кўм билан кўмдим. Ёмғирлар ёғиб, тупроққа нам ўтгач, бир мағиздан учта ёнғоқ ниш уриб чиқди. Бу воқеалар ана шулар барқ уриб кўкариб, илк мевасини тукканида рўй берган. Қара, қарға ҳам шу ерда, ёнғоқлар ҳам.

– Ҳозир улар йўқ, аллақачон чақмоқ уриб ёндириган, – деди Озод. – Демак, камида юз йил аввалги нарсалар экан.

¹ Нуҳ алаийхиссалом.

– Ким айтди уларни йўқ деб? – деди шамол. – Ана, қирнинг учидаги учаласи ҳам шохларини ёйиб турибди-ку? Истасанг, қарғанинг ўзидан сўра.

– Қарға нима ҳам дерди? – деди Озод. – Унинг феълини яхши биламан, ёнғоқ ўғирлашдан бошқа иши йўқ.

– У кўп нарсани кўрган қуш, – деди шамол, шунда Озод унинг сасининг ўзгарганига эътибор қилди: шамолнинг товуши энди катта кишиларнинг овозига ўхшаб қолган, мактабда дарс берувчи кекса муаллимнинг гапиришини эслатарди. – Попишақдан, худхуддан, кумридан ҳам узок яшашини билмайсанми? Қир ортида кўриниб турган анави тоғлар ортида эса яъжуж-маъжужларнинг макони бор. Уларнинг юzlари қора, кўзлари кўк, танаси хол-хол. Минг йилдан бери тоғни кемириб ташқарига чиқишга уринишади. Оч, кўрқинч юҳо улар. Баъзан бир-бирларини еб ҳам кўйишади. Бир куни қандайдир сабаб билан кичик бир тўдаси озодликка чиқишга муваффақ бўлди. Дараҳт остида ётган кишилар уларнинг илк қурбонлари, сўқмоқдан кетаётган от эса ўша кишилардан бирининг улови. Қарға буларнинг барини кўрган, англадингми?

– Сенинг кимлигингни билмасдан, гапларингга қандай ишонай? – деди Озод. – Билганим шуки, ўтларнинг орасида яшириниб ётасан, ёш болаларни кўрқитасан, одамларнинг кўзига тўзон сочиб қочасан.

– Бу кўрганларнинг ҳаммаси тўзон, – деди шамол. – Бўлиб ўтган воқеалар, ҳодисалар, тарихлар ва кишилар тўзон бўлиб ётадилар бу ерда. Мен ҳозир бирига пулфайман, шунда у ўрнидан туриб, ўзининг кимлигини айтади.

Ва у, чирпирак бўлганча, ичди хас-хашаклар қўшилиб айланадиган қуюн ҳосил қилди. Қум ва тўзон тиқилиб Озоднинг кўзларини ачиштириди, салдан кейин очганида, сал нарида эски тўнининг барларини қайриб олиб кетмон чопаётган озғин бир кишини кўрди.

ИККИНЧИ АКС

Ота

“Бу одам сира тиним билмай юмушга урингани уринган, – деб эсди шамол, ҳорғин-ҳорғин сасланиб. – Тоғларнинг қор ва музлари орасидан оқиб келган совуқ сувни экинзорига буради, йўлидаги кесакларни яланг қўллари билан очади. Тепасида эса мен хуштак чаламан, эски хасларни учириб, тўzonларни айлантириб бошидан сочаман.

Экинзор четидаги тол остида лойдан ясалган, бир чети кўчиб тушган эски ўчоқ бор, чўғлари аллақачон сўнган, куллар устида қаққайиб турган қора қумгон узра айланаман, қумғон хуштак чала бошлайди.

“Ҳа-ах!” деб кетмон уради бу одам. Кетмон катта, оғир, дастасининг қўл теккан жойлари силликланиб-қорайиб қолган.

Толнинг шохидаги сарғимтир-қизгиш бир қуш унга термилиб, сайрамасдан индамай турди.

“Ҳа-ах!.. Яна келдингми? – дейди олтмишларни қоралаб қолган озғин, чайир бу одам. – Ҳар куни келиб шу толга кўниб ўтирасан, нон увоқ берсам емайсан, сув тутсам имайсан... Қанақа қушсан ўзи?”

Қуш индамайди. Нигоҳи маъноли-маъноли, индамай термилади холос.

“Ҳа-ах!” – кетмон тифи офтобда ялтирайди. – Рангутусингдан ҳаётдалигимда орзу қилганим толе қушига ўхшаркансан, аммо мунча озғин, мунча афтодаҳолсан?”

Қушга гапириш раво кўрилмаган, сайрамайди ҳам.

“Сенга осон-да, – дейди дехқон. – Худойим ризқингни оламга сочиб қўйган, учебиб кўниб, ердаги буғдойними, сомонними териб есанг бас. На уйинг бор, на рўзгоринг, на бола-чаканг...”

Бир дам тин олади, кафтини кўзига соябон қилиб, қуёшга қарайди, бир нимани чамалайди. Кейин яна юмушига уннайди.

“Ҳа-ах! Худойим ўзи яратган махлукларнинг ризқларини тупроқнинг бетига сочиб ташлагану одам боласига “ана энди шу тупроқ ичиди ўралашиб, умрингнинг охиригача ризқингни теравер” деган. Бир амаллаб ризқингни чиқарсанг, шунгаям кўз тикканлар бор. Ҳамманинг ёзуғи шу!

Ҳа-аҳ! Одам боласи тупроқдан бино бўлади, тупроқдан ризқини териб ейди, охир-оки-
бат яна шу тупроққа кириб, йўқ бўлиб кетади. Барча мана шу ғалати юмуш билан овора.

Ҳа-аҳ! Найлайн, болаларимни боқишим керак... Узумзор эгаларига ўхшаб бит-
мас-туганмас сарватларим бўлмаса... уларнинг узумзорлари бепоён, беҳисоб, ботмон-
ботмон ҳосил олишади. Менинг бор-йўқ сарватим – қари отам, аёлимум болаларим.
Ҳозир отам уйда, айвонда ётгандир... Ўрик кесганимизда катта шоҳ оёғини эзib тушган
эди, шундан бери юришга қийналарди. Неча йиллардан бери юмушим шу: ҳар куни
учта нон топардим, отамга, аҳли аёлимга, болаларимга берардим¹... Отам ҳар куни дуо
қиларди, “ота рози – Худо рози” деб саҳарлаб яна экинзоримга жўнардим.

Ҳа-аҳ! Билмадим, сен қанақа қушсан, аммо найлайн, бошимга баҳт қуши қўнарми
деган эдим... қўнмади-да!

Бир маҳаллар бола эдим. Уйимида молларимиз, қўйларимиз бўларди. Ўроқ-
қопимни олиб, ўт ўргани далаларга кетардим. Шиддатим танамга сифмас, меҳнат чар-
чатмас, намчил тупроқ устига ётиб олсан нами суюгимга ўтмас эди... осмонга қараб
ётиб ширин-ширин хаёллар сурардим.

*Шамоллар оппоқ булутлардан отлар сурувини бино қиларди, улар кўм-кўк осмон
кенгаликларида уюр-уюр чолар эдилар.*

Тезроқ катта бўлиб-улғайсайдим, ота-онам етишолмаган орзуларга эришайдим
дер эдим. Тандиру ўчоқ бошидан келмайдиган, рўзгор юмушларидан ортмайдиган она-
изорим ниҳоят роҳату оромга қовушса, мени дуо қилиб, алқаса дер эдим. Назаримда,
ҳамма иш менинг учун осон, мен қилолмайдиган иш дунёда йўқдай эди.

Баҳт қуши дедим-а? Ўша маҳаллар унинг қайдадир қанот қоқиб учиб юрганини,
олисда бўлса ҳам гапларимни эшитишини билар эдим.

*“Келақол, – дер эдим хаёлан. – Сенга қанчалар зор эканимизни биласан-ку? Ахир,
ҳаммамиз меҳнату машаққат ичидан ўтиб боряпмиз-ку? Топган-тутганимизда ба-
ракат йўқ-ку? Ёзу қиши тиннисдан меҳнат ичida хор бўляпмиз-ку? Мен вояга етяп-
ман, ортимдан сингилларим улғайиб келишмоқда... Отам шуларни ўйлаб, пешанаси
тиришганича узок-узок ўтириб қолмоқда-ку? Онам ўчоқ бошидан бери келмай, ен-
гини кўзига босиб унсиз-унсиз йиғламоқда-ку? Учиб келсангу элу юрт устида бир
қанот қоқсанг қифоя, шунда шояд турмушишим ўнгланиб кетса... Ахир, бир қанот
қоқиб ўтсанг бас-ку?..”*

Йўқ... келмади баҳт қуши! Юртда бир бизнинггина эмас, ҳеч кимнинг бошига
қўнмади у кароматли қуш.

Ҳаёти дунёда саккизта фарзандим борийди. Қариндошларим йўқ эмасу аммо жи-
гарларимнинг бари ўзлари билан овора, бошимга қийин кун тушса қарашадиган ким-
са йўқ эди. Ҳа майли, болаларим кўп бўлса уларга ўзим биш бўлсан, ўтиргизволиб
насиҳатлар қилсан, одоб ўргатиб, тарбия берсан, барини бошини бирлаштириб, кейин
кетсан, хотиржаму жим, дер эдим.

Ўғилларим кўп бўлишини истасам-да, лекин худойим етти қизу биттагина ўғил
берган эди, холос.

Ҳа-аҳ! Бутун сулоламиз билан мана шундай уриниб-бериниб меҳнат қилиб кел-
ганимиз. Қўнишиб кетган бўлсан-да, бу аҳволимнинг бир куни ўзгаришидан, рўзғоримга
мўл-кўлчилик, серобчилик келишидан умидланар, у серобчилик ўзимнинг сулоламдан
эмас, Мингларнинг сулоласидан келсайди деб орзу қилардим...

Чунки, ёруғ дунёда эканимда икки кўча наридаги Мингларнинг қизини келинликка
мўлжаллаб қўйган эдим. Ислим Дилором эди, гулнинг новдасидай, икки бети лола эди.

Шу қизни келин қилолсан, уруғи менинг уруғим билан чатишсаю ундан яна бир
халқ бино бўлса, дердим. Бу қиз бизга чатишса, тақдирлару қисматлар ўзгариб кетади
деган илинжим борийди. Болалигимда орзу қилганим баҳт қуши энди шу қизнинг тим-
солида ўғлимнинг бошига қўнсайди, деб хаёл қилардим.

Чунки, ростми-ёлғонми... Дилоромни Минглар Ойдинкўл соҳилидан топиб ол-
ган, дер эдилар. Ҳақиқатни бир худо билади, бироқ, юша маҳаллар Мингларнинг аёли
иккиқат бўлиб, айнан туғиши яқинлашганида сувга чўкиб ўлган эди, Ойдинкўл тубсиз,

¹ Ҳалқ матали

аёл бояқишины тубсизликпуралдан топиб бўлмади, боласини туғиб ултурганмиди-йўқми, буниям ҳеч ким билолмади... бироқ Минглар хотинини излаб чиққанида, сув бўйида ойдай бир чақалоқни топиб олгани овоза бўлди. Адашмасам, ўшанда ҳаммаёқни пайхон қилиб, бир кечаю бир кундуз шамол эсган эди... оғироёқ хотин шамолли кечада Ойдинкўлга нимага борган экан, деган савол ҳам очиқлигича қолиб кетди. Ўша кеча Ойдинкўл денгиз каби долғаланганд, тўлқинлари кўкка сапчиган, балиқлари сувларнинг туб-тубига кириб кетган эди. Дилором деб ном бердилар чақалоқча. Теварак тўла синган ўтлару шохлар, у эса гулларнинг ичида ётган эди. Минглар айтдики, овозини эшитиб тепасига бормаганимда, уни ҳам гул деб тахмин қилган бўлардим, шунақа гўзал, шунақа чиройли гўдак эди.

Бу чақалоқнинг дунёга келишини яна бир воқеага боғлашганини ҳам эслайман. Минглар у маҳал бақувват, чайир, ўқтам йигит эди, мана шу аёлига фотиҳа қилинганида қоялару ўнгирлар оша бориб, тақдир лоласини узиб келган, дейдилар. Одамлар ўшанда лолани кўришдан умидвор бўлиб Мингларнинг уйи олдига йигилишди. Бироқ, ҳориб-чарчаб, нечундир ўзгариб-ёши улғайгандай бўлиб қайтиб келган Минглар ҳеч кимга кўрсатмади. У мўъжизани балки эрта-индин тўйига тайёргарлик кўриб ўтирган келинчаккина кўрган бўлса не ажаб? Мингларнинг никоҳидан кейин ҳам лолани бирор кўрмади, аммо бу оила фоят саришта, ували-жували, кутли-баракатли бўлиб чиқди.

Қайдам, лола туфайлими ёхуд Дилором боисми... Мингларнинг рўзгорига шунаканги ризқу баракот ёғилдики, асти қўяверасиз. Озғин сигирлари семириб, олам-жаҳон серқаймок сут бера бошлади, оғочлари шу қадар кўп мева тугардиди, шохлари эгилиб-синиб кетай, дерди.

Мингларнинг рўзгорига барака ҳар томондан ёғилаверди – буғдои экса, сув излашининг кераги йўқ – суғориш маҳали шамоллар қўзғалиб, ёмғирлар ёғар, экинлари кўкариб-яшнаб ўsavерарди.

Минглар айтардиди, ҳой мусулмонлар, мана шу қизалоқда бир гап бор. Ростини айтсан, Худо шу қизалоқни берганидан кейинги ҳаётим фақат саодату фаровонлик ичида ўтмоқда.

Яна айтардиди, воллоҳи, менга бир нима бўлса керак. Чунки ҳаётимдан, умримдан мингдан-минг розиман, юрагим тобора яхшиликка тўлиб бормоқда.

* * *

Хуллас, шу қизни келинликка орзулаф юрар, орзуимга етишишимга бир баҳя қолган эди. Минглар билан қуда-анда бўлиб, фотиҳа ўқилиб, нон ҳам синдирилган, энди тўйни ўтказиш қолган эди, холос... Тўсатдан Искандар деворининг ортидан ёв чиққани ҳақида хабар келди. Кимdir ўша куни тоғда экан, қояларнинг дарз кетганини, у ердан ёвнинг ёйилиб-оқиб чиққанини кўрибди.

Танаси хол-хол, кўзи кўк, юзи қора бу маҳлуқлар кўп замонлардан бери тоғнинг ортидаги ўнгиру пучмоқларда урчиб-кўпайиб ётади дер эдилар. Эштишишмча, одам боласининг гуноҳларидан бино бўлган эмиш. Яна бир хусусияти – ўтириб олган кишига тегмас, шу хусусияти билан кучук қавмига ҳам ўхшаб кетармиш. Питир-питир қилиб чопиб келаётган кучук келбатли бу маҳлуқлар ғўдайиб турган кишини ўша заҳоти ўраб опкетар, опкетилган кишини бирор қайтиб кўрмас, чангл урган жойи битмас, яра ўрни тузалмас, хуллас, чиқиб келиши кўрқинч уйғотувчи ярамас бир қавм эмиш улар.

Аслида-ку, элга ёпириладиган бошқа тур ёвлар ҳам анчагина. Масалан, ёз ойлари қайдандир булутдай босиб чигиртка келиб қолар, ерда, ариқларда, уйларда, далаларда, йўлларда бижғиб ҳамма ёқни шитирлаган овоз тутар, яшил неки бор – барини бирдай еб битириб, кейин учиб кетарди. Ёки шира деган ёв ҳам бор эди, ризқ чиқарадиган ҳамма нарсага ёпишиб, қуритиб ташларди. Лекин буниси бошқача – ақллироқ, тузоққа тушмас, қаттолроқ эди. Аслини айтсан, ёш болалигимдан бери катталар фарзандларини ана шу ёв билан қўрқитишар, одобсиз болаларни опкетиб қолади деб тарбия беришар эди. У жонзотларнинг қайдан бино бўлганига бирорнинг акли етса экан? Кучукдан сал каттароқ бу маҳлуқчаларни эсимни таниганидан бери кексаларимиз яъжуҷмаъжуҷ дер эдилар.

Ёв хабари келганидан сўнг, лаънатга йўлиққур Муртад тирноқларини ғажий-ғажий менинг еримнинг ёқасидан ўтди, ўтар экан, “Хорман” деб қўйди... пешанамдан теримни сидирганча ортидан индамай қараб қолдим. Аммо ростини айтмоқдаман: ўшанда Муртадга ўлим тилаганим, “дунё юмалоқ, Худо билгувчидир... қилмишларинг албатта ўзингга урсин”, деганим ҳам рост.

Ёв дараҳтларнинг буталарнинг орасидан питир-питир ўтиб келди, барининг кўзи кўк, юзи қорамтири экан, ҳаш-паш дегунча устимга ташланишиди... Нима бўлганини англаёлмадим, бир маҳал кўзимни очсан, яна шу даламдаман... Кимdir айтдики, энди қиёматгача мана шу ердасан, ўт ўрасан, ер чопасан, сув очасан... ҳаёти дунёда нима ики қилган бўлсанг ўша билан андармон бўласан.

Баҳорий жалалардаю кузги ўтлоқларда... совуқларда... мана шундоқ... ҳалиям меҳнатдан бошим чиқмай юрибман энди.

Ўша куш ҳар куни келиб бошим узра айланади... ўзимга ўхшаган хароб, озгин, бечора куш у. Кўзида мунчоқ-мунчоқ ёш, рўзғоринг узра ҳам айландим, дейди менга. Гуссали-гуссали чирқиллайди, “эндиям айтмайсанми, қандай қушсан ўзи” десам, жавоб бермайди. Ҳикматига менинг ҳам ақлим етмайди... Толе қушим сенмасмидинг, деб сўрайман. Кўзидан мунчоқлари дув-дув тўкилади, зорланиб-зорланиб чирқиллайди, агар баҳт қуши сен бўлсанг, нега мунча афтодасан, деб сўрайман...

Йўқ, деб жавоб қиласди устимдан елиб ўтгувчи хабарчи шабадалар, у баҳт қуши эмас, қисмат қуши, жон қушидир...

* * *

– Отамга ўхшаб кетар экан бу киши, – деди Озод, ўйланиб. – Қуш эса... бекорга толе қуши дейишмагандир, бу кишининг толе қуши шудир? Ҳеч хаёлимга келмабди: у қущдан отам ҳам хабардормиди? Ёнида ўсиб-улғайибману орзу-армонлари бормиди, бўлса қанақа эди деб ўйлаб кўрмабман...

– Бу кишилар сенинг ким эканингни, қаёққа бораётганингни биладилар, - деб шивирлади шамол. – Лекин бўйинларини бўйинтуруқ каби ўраб олган қисматларини ўзгартира олмайдилар. Агар мақсадингга эриша олсанг, ҳамма қисматлар ўзгариб кетишини ёдингда тут. Мабодо эришсанг, биргина сўз билан шу тақдирларни ўзгартира оласан.

– Айтилган сўзлар аллақачон моддийлашиб бўлди, шакл ясади, теваракни ўзгартириди ва айтувчининг ҳаётининг моҳиятини белгилаб берди, – деб давом этди шамол. – Билиб қўй, одам боласи умри давомида бехудаю беҳисоб сўзлар айтади, бироқ айтиган сўзларининг бошқа нарсаларга айланишини билмайди. Ҳар бир айтилган сўз албатта бир шакл олади. Шу тарз айтилган лафзлардан Учёнгоқ бино бўлди, кўряпсанми?

Дарҳақиқат, теграда шу тоб от йўртиб ўтган, ёмғирдан кейин ўтлари томчиларнинг залворидан эгилиб-эгилиб қолган сўқмоқ ва экинлари пайҳон қилинган, сарғайган улкан япроқни эслатадиган экинзор аниқ қиёфа касб этган, ҳув нарида элас-элас бўлиб Учёнгоқ кўринар, бўлак жойлар эса ҳануз сийрак туман остида бўлиб, у ерда остида яна бошқа нарсалар борлиги аниқ эди.

– Лекин сен ҳам сўз айтмоқдасан-ку? – деб сўради Озод.

– Мана, истаган нарсаларингни кўрдинг, энди қолганларига ҳам назар ташла, – деди шамол. – Ҳув наридаги ўша кишининг зурёди, исми Эран. Разм сол-чи, у ҳам сенга ўхшармикин?..

Ўғил

...Сал пастроққа бир қаранг. Курмаклару печаклар гуллаб-ўсиб ётган далани кўряпсизми? Ҳаёти дунёдалигимда мен мана шу ерларда ўт ўриб юрар эдим.

Қандайдир қуш юқорилаб-пастга шўнғиб, иланг-биланг учади. Уни танимайман. Күшларнинг кўзи митти, маъносиз бўлади, ушлаб олсангиз, бир-икки питирлаб, қўлингизда жим ётаверади. Кўзлари олайиб кетади, кафтиңгизда юракчасининг дук-дук ураётганини сезиб турасиз...

Үйимизда сигир-қўйларимиз бор, уларни боқишим керак. Шу сабаб, ҳар куни қуёш чиққач, ўроқ-қопимни олиб, мана шу далага келаман.

Ўтлар турли-туман, лекин қалин ўсмаган, бўйлари ҳам паст. Ораларидан сигиру қўйларим ёқтириб ейдиганларини танлаб-танлаб ўришим керак.

Ажриқ бўй чўзмайди, ётиб-энлаб ўсади. Илдизига яқин жойи оқимтири тусда, эзсангиз, қирс этиб суви чиқади. Курмак тикка ўсади, пояси қўлни тилиб-кесиб юбориши ҳам мумкин. Униям илдизи оқиш, патак бўлади.

Курмакнинг суви тахир, ажриқники янада ачқимтирироқ. Сабаби, курмак сувлироқ жойда ўсади, ажриққа эса барибир, дуч келган жойда униб кетаверади.

Оч-сарғиш қанор қопимнинг ямоқлари бор. Уни онам ямаб берган. Қопни бувлаб, белбоғимга қистириб олганман. Ўроқни тупроққа тиқиб-тиқиб оламан, тифи ялтирайди. Тифи совуқ, дастаси илиқроқ. Дастасида темир михлари бор, тифнинг ўзаги ёғоч орасига пона каби кирган, улар ҳам совуқ.

Эрталаб тупроқ ҳам совуқ, намчил бўлади. Кейинроқ илий бошлайди.

Осмон топ-тоза, тиниқ. Лекин бир хил тусда эмас. Уфққа туташ жойлари оқаринқираган, кунботар тарафи қорамтирироқ. Қоқ тепам кўм-кўк. Осмоннинг қуёшга яқин қисми ҳам оқимтири.

Бу далани ёқтираман. Наридаги тошлоқда жилға оқади. Тошлар устида битта мажнунтол ўсган, барглари шитирлайди. Ингичка энсиз япроқчаларига шира тушган, ҳаммаси кўзёш тўқаётганга ўхшайди. Илдизи ёнидан печаклар ўсиб чиқкан, бу ўт тошлар орасига ҳам томир отаверади. Печакларнинг узун таналари толларнинг шохларига чирмавиб кетган.

Бу мажнунтол тагида баъзан ёши улуғ бир одам ўтирган бўлади. У жуда олислардан, нима учундир йиғлаб-йиғлаб келади, соясида тин олади¹. Шунда мажнунтол унинг елкаларига, бошига кўзёшларини тўқади... Узоқ ўтиради, кейин ҳорғин-ҳорғин қадам босиб, қуёш ботадиган тарафларга жўнаб кетади.

Тонг отгач, тушгача шабада эсади. Тонг отганида кунчиқар тарафнинг осмонида шафақ яллиғланади, кейин тобора оч қизил ранг олиб, ёришиб борса, кунботар тараф анчагача қорайинқираб туради.

Тошлоқ орасида жилдираб сув оқади, лекин балиқалар кўринмайди. Сув устида эгилган шохлар орасида битта ўргимчак тўр тўқиб олибди. Ўргимчак ёш, ранги оч сарғиш, ўзи шахдам. Бу – дарахт ўргимчаги. Сув ўргимчаги ҳам бор, лекин у кўпроқ ариқлар ва турғун сувлар устига ин куради, оқар сув устига қурмайди. Сабаби, жилғанинг шабадаси бўлади. Оқар сув устида нам кўпаяди, ўргимчак ақлли: ин курса, тўри намиқиб қолишини билади.

Қуёш нури тушмайдиган соя ерларда оч зангор тусли зах бор. Қуруқ ерларнинг тупроғи қорамтири-кулранг. Қатор ўсган тутларнинг кавакларида қуш полапонларининг бошчалари кўриниб туради. Чумчукнинг полапонининг тумшуғи сариқ, теграсида қизил ҳошияси бўлади. Лекин ҳозир кўриб турганим мусичанинг боласи эмас, у кавакка тухум кўймайди. Кавакка саъва билан какку ин куради.

Қизилиштон эса дарахтларни тумшуғи билан тўқ-тўқ эткизib уради. Уни отам дурдгор дейди. Тумшуғи темирдан қаттиқ, дарахт танасини тешиб қўяди. Чунки, ичида ёғоч қурти бор, у – қизилиштоннинг емиши. Фақат, пўстлоқ билан ёғоч орасига яшириниб олган ўлжасини қандай сезганига ақлим етмайди. Қурт, қушдан қутулиш учун дарахт танасидаги йўлкавагидан шоша-пиша қочса-да, қизилиштон уни барибир топиб олади.

Лапанглаб учадиган яна бир қуш бор, уни пўкка дейдилар. Пўкка аслида кўккарға, уни тогам отиб келарди бир маҳаллар. Зовурларнинг қамишлари орасида потирлаб бир неча қулоч масофага учиб борадиган сув товуғини қашқалдок дейдилар. У товуқдан кичикроқ, ранги қора бўлади. Иккаласиниям гўштини еса бўлади. Мусичанинг гўшти ҳаром. Сабаби, у мусулмон қуш. Қолганлари кофир қушларми? Номаълум, лекин мусулмон қушнинг гўштини еган одамнинг мияси айниб қолади, дейдилар.

Зовур ёқасида ўсган қари толлардан бирининг кавагида бойкуш бор, уни бойўғли деймиз. Нимага бойўғли дейишларини билмайман. Бойнинг ўғли шунақа хунукми ё? Сариқ кўзларини чақчайтириб қарайди, томоги лиқиллаб туради. Бойўғли киши умри-

¹ Миртемир.

ни шунақа қилиб санар эмиш. Шу боис уни ёқтирмайдилар, одамнинг қолган кунини санайдиган қуш яхши қуш бўлармиди? У, катта бўлишига қарамай нимагадир товушсиз учади.

Сойнинг баъзи жойларида сув саёз, сувнинг ости майда тош қуми – зигиркум. Юрсангиз, оёққа хуш ёқади. Зигиркум устида митти балиқчалар аниқ кўринади, бирданига сузид кетишади улар, шунда сув ости қуми тўзгийди, зарралари аста-секин ўз жойига чўкади. Бу ерда қармоқ ташлаб, балиқ тутса бўлади.

Қармоқда тутилган балиқнинг сим тешиб чиққан томоғидан оч-қизғиши қон сизиб чиқади. Дарров жон бераколмайди, пақирга сувга ташлаб кўйсангиз нозик қон ҳалқалари пайдо қилиб сузишга уринади, аммо сузиши равон эмас, аранг қимирлайди, тезроқ ўлишини истайману ўлдиришга кўрқаман.

Мана шу ерларда юра-юра, қопимни ўтга тўлдираман. Ўроқнинг тифини пастга қаратиб, ўт ичига тиқиб кўяман. Тутнинг новдасини синдираман, пўстини шилиб ажратаман, пўст қайишқоқ, ости сувланиб туради, ялаб кўрилса таъми ширин бўлади. Тутнинг новдасининг пўстлоги билан қоп оғзини бойлайман. Ажриқнинг ўткир иси анқиб туради қопдан. Уни елкамга оламану оғирлигини сезмайман – балки ўрганиб кетгандирман?

Тошли йўл қизиган. Баъзи ерлари ёрилиб-ёрилиб, ажриқ бош кўтариб чиққан. Ажриқ тошни ёриб юборган жойларидан бошқа ўтлар ҳам бош кўтарган. Бири типпактik ўсибди, шокилали ўт экан у. Бу ўтнинг отини билмайман, иси ҳам сезилмайди. Ажриқ эса ғалати гуллайди, учта ёки тўртта шохлайди, шохларида майда қум зарраси каби заррасимон мовий гулчалари бўлади.

Тош устида ўсган ажриқлар гуллабди.

Ке-е-етаман, уйга қараб.

Осмонга булут чиқади. У Ойдинкўлнинг устида пайдо бўлади. Аввал ёйилиб, сийрак туман ҳосил қиласи, кейин куюқлашиб, шакл олади. Булутлар кўпая боради.

Бир маҳал қарасам, тойчоқлар тўдасига айланади, кишиналари эшиштилмайдио аммо самоларда чопиб-чопиб боришади.

* * *

Анча олисда тоғлар кўринади. Ҳозир ёз, бироқ чўққиларидағи оқ қорлари эримаган, қўёшда ялтирайди. У томонлар совуқ бўлса керак. Баъзан шабада тоғдан эсиб, муздай ҳаволарни олиб келади. Шунда тоғнинг совуқлиги эсимга тушади. Ҳайбат шамоллари ўша ёқдан эсадилар. Улар жала булутларини ҳайдаб келишади. Жалалар мазза бўлади. Қуйганида ҳамма ёқ шовуллайди, шу шовуллашларга қўшилиб, қаттиқ қичқиргим келади.

Үйимизга етиб келаман. Дарвозамиз сариқ тусда, тахталарининг оралари очилиб-очилиб қолган. Тавақасини итарсангиз, қаттиқ тирчиллайди. Ёнда қўшнимизнинг гувалак девори. Офтобда қизиган бу деворга доим ниначилар қўниб олишади. Кесаклари орасида гоҳо чаён ҳам бўлади дейдилар, лекин сира кўрмаганман.

Бобом айвондаги сўрида ётади. У қари, тўқсон ёшда, оёғи оғрийди. Ёзда ҳам ранги ўчиб кетган қора банорас тўнини елкасига ташлаб олади.

Ховли сахни қаттиқ, тошдай. Тупроғи шиббаланиб кетгани учун шунақа. Бостирма остида кулранг сигиримиз менинг келганимни сезиб бўкиради. Қорним очди, демоқчи. “Ҳа ўл”, – дейман. – Салқинда ётасану бўкирасан яна!” Бостирманинг бир устуни – беҳи, нарёғи гувалак девор. Бостирма ёғочларининг бир учи девор устида, бошқа учи беҳига кўндаланг қўйилган саррофга маҳкамланган. Устига ғўзапоя босилган, ғўзапоя шохлари осилиб-осилиб туради. Беҳи тубига қопимни ағдараман, шунда ичидан чумолилар ўрмалаб чиқишади, ўтга қўшиб даланинг чумолиларини ҳам олиб келган бўламан. Булар үйимиздаги чумолиларга ўхшамайди, уйдагилар хонаки, булар эса шиддатли, тезчопар, бошлари катта ва қаттиқ, чақкан жойи қизариб, анчагача ачишиб оғриб туради. Ўтларнинг иси теваракни тутиб кетади, бир кучоқ олиб, молнинг олдига ташлайман. Ҳайвон бўйини чўзиб, ғарч-ғурч чайнай бошлайди, шошганидан оғзининг четидан бир тутами чиқиб қолади, бошини силкита-силкита ўтларни ямлайверади. Яна бир кучоқ ўтни қўйларга бераман. Қийшиқ пақирда сув опкелиб тутаман, сигир ғўлқ-ғўлқ қилиб ичиб олади.

Вужудимда ҳориш ҳис қиласман. Аммо чарчоқ йўқ. Уйга қараб юраман. Бостирма йўллагидан келаверишдаги илк кулба бобомники, у кичкина, ерга қамиш, қамиш устидан кигиз солинган, адогида думалоқлаб кўйилган тўшаклар бор, уларни онам йиғиб кўйган. Ланг очиқ эшикдан яққол кўриниб туради. Кейингиси – бизнинг уй. Ундан кейингиси – меҳмонхона. Бу ерга атлас кўрпачалар солинган, ипак иси келади. Деворга мих қоқиб. парда илинганд. Тўрда меҳробда кўрпалар тахланган, улар ҳам атласдан, буларнинг бари меҳмонлар учун. Ҳаммаси янгидай турипти. У ерга кирсам, онам койиди. Меҳмонхонанинг исплари бегона, ёқтиримайман. Ҳамма нарсаси янги бўлгани учун киргим келмайди. Ошхонадаги ёғоч кутидан нон оламан, йўл-йўлакай чайнаб, бобомнинг олдига жўнайман.

Бобом кираверишдаги айвондаги сўрида уззукун ётади. У жуда кўп нарсаларни билади. Қирнинг устидаги ёнгоқларни қарға эккан дейди. Гапларига чиппа-чин ишонаман, бир куни атайлаб бориб, ўша қарғани кўриб келаман деб ният қилиб қўяман. Шамол эсганида, ёмғир ёққанида дуо қелади. Булар Худонинг неъматлари, шамол дарахту ўтларни чанглантиради, ёмғир эса жаннатдан ёғади дейди. Лекин, мени кўп койиди. Дастурхонни тоза жойга қоқ, бефаҳм, дейди. Тирноқ олсанг оstonага кўм, яъжуmmaъжук келганида ўсиб чиқиб, йўлингни тўсади, дейди. Саҳарлаб юлдуз сўнмасидан дарвозани очиб кўй, дейди.

...Ҳайбати бир дунё отам бобомнинг олдида келганида ёш боладай бўлиб қолади. Оёкларини ювади, уқалайди, яхтагини алмаштиради. Бобом отамни ҳам кўп койиidi...

У юришга жуда қийналади, чунки бир маҳаллар ўрик кесишганда катта шохи оёғидан босиб тушган, шу жойи қаттиқ оғрийди. Куннинг сояси менинг бўйимга тенглашибди, демак, аср вақти кирибди. Энди қиладиган ишим – бобомни таҳорат олдиришм керак.

Уни суюб, таҳоратхонага олиб бораман, обдастада илиқ сув олиб келаман. Бобом белбогини ечиб елкасига ташларкан, мени койиidi:

– Таҳоратхонага чап оёқ билан қиради, кулоқси! Чап билан кириб, ўнг билан чиқасан!

– Хўп, – дейман, бошимни эгиб, музтар бўлганга соламан ўзимни. Бобом атайлаб қилганимния билади, “Ҳаҳ, бетаъсир”, дейди. Кейин эшик ўрнига осиб кўйилган қанор қопни қайириб ичкарига қиради. Ихраб-сиҳраб таҳорат ола бошлайди. Мен унинг чиқишини кутиб тураман.

...Осмондаги тойчоқлар бир сурув бўлиб само далаларига кетиб боришмоқда. Олдиндагиси оппоқ, ёш, дуркун от. Ёллари узун-узун, ҳилпираётгандай. Кўкларнинг шамоли оқ булултлардан маҳобатли бир арава ясайди, кейин иккала отни опкелиб унга қўшади. Ортидаги тойчоқлар уларга эргашишади.

Теракларнинг барглари шилдирайди. Таналари булатдай оқ, баҳорда пичноқ билан биттасининг пўстини кесганман, бир ойча суви оқиб тургану кейин одамнинг кесилган жойига ўхшаб қорайиб қотган, ярасининг ўрни битиб, жигарранг чандик бўлиб қолган.

Тол кавагида бойўғли истиқомат қилади. Уни болалигимдан бери биламан, томогини қимишлини, катта сариқ кўзларини тикиб ўқрайиб тураверади.

Дўнгга ниначи келиб қўнади. Бунинг тури кўп. Энг кучлиси – катта кўк бошли ниначи. Дириллаб учб юраверади, чарчамайди, камдан-кам қўнади. Бошқалари кичкина, тутиб олсангиз, катта оғзини очиб, бармогингиз терисини тишлашга уринади, одамнинг қитифини келтиради. Унинг думидан ушлаб оламан. Ниначи шаффоф тўр-тўр қанотларини дириллатиб, учишга уринади, шу маҳал бобом чиқиб келади, ниначини кўйиб юбораману олдига чопаман.

Бобомнинг қўлларидан тирсакларидан чак-чак сув томади. Тирсакларининг териси осилиб қолган, эти суюқдан ажраган.

Маккапояга илиб кўйган белбогини олади-да, хафсала билан юз-қўлини артади. Кейин қовоғини солиб, менга қарайди.

– Салом қани, бефаҳм?

– Ия, – дейман эсимдан чиққанига илжайиб. – Ассалому алайкум!

Бобом алик олади. Биргалашиб сўрига қайтиб борамиз. Бобомнинг жойнамози эски, оёқ, тизза, тирсак ва бош тегадиган ерлари оқариб қолган. Жойнамозни қиблага

тўғрилаб солиб бераман. Бобом эгилиб-туролмайди, тик турган ҳолида қулоқ қоқиб, сано айтади, кейин қолганини ўтириб давом эттиради.

Жухорилар орасидан товуқ қақолайди. Ялт этиб бобомга қарайман. Бу товушни бобом ҳам эшитади, аммо қовоғини уйғанча намозида давом этаверади. Катталарнинг ўзларича теваракка парво қилмай намоз ўқишини кўп кўрганман. Менга бувимнинг намози кўпроқ ёқар эди. Кичкинагина бўлиб қунишиб, мусичадай бўлиб намоз ўқирди. Бобомга ўхшаб, мени “бефаҳм” демасди. Бобомнинг намозида ҳайбат бор, бувимники хокисор эди...

Шу маҳал чаённи кўриб қоламан. У думини гажак қилиб бобом сари ўрмалайди.

– Чा�ён! Бобо, чаён!

Бобом ўсиқ қошларини чимиради, аммо намозини бузмайди. Чаён бобомни чакиб олса-я?! У ям-яшил, сариқ эмас, кўзимга катта бўлиб кўрингани билан ҳали ёш бўлиб чиқади, бориб жойнамознинг шолчадан кўтарилиб турган жойига кириб кетади. Бобом намозини битиради, кейин салавот ўқийди, дуо қилади. Шундан кейингина:

– Нимага бақирасан? – дейди. – Қани чаён?

– Жойнамознинг тагида, – дейман у кириб кетган жойни кўрсатиб.

Бобом ҳайиқмасдан жойнамознинг четини қайиради, остидаги чаён нишини кўтаради.

– Бор жойингга, имонинг йўқми? – дейди бобом чаёнга. – Келиб келиб намоз ўқиётган одамга даф қиласанми, аҳмоқ!

Кейин менга қараб:

– Оловкуракни опке, – дейди.

Оловкурак ўчиқни бошида. Чопиб бориб опкеламан. Бобом чаённи оловкурак билан қисиб олади, менга беради-да, “Ариқقا оқизвор”, дейди. Ҳовли адогига борамана уни сувга оқизворгим келмайди, ариқнинг нарёғига иргитаман. Чаён ўтлар орасига кириб кетади, у ерда тошбақанинг боласини кўраман, ушлаб олгим келади ю чаёndan кўрқаман, ортимга қайтаман.

– Кўрқмас экансиз-а! - дейман бобомга, фахрланиб.

Товуқ яна қақолайди.

– Худонинг курдатини кўр, – дейди бобом. – Эй одамлар, тухум қилдим, олинглар, увол бўлмасин, деб чақирияпти, – дейди бобом. – Бор, тухумини олиб, нонсаватга со-либ кўй.

Томорқадан синглимни эргаштириб онам чиқиб келади. Уст-боши тупроқ, экинларни чопиқ қилган бўлса керак. “Вой, чоп, тандирга қара, ноним ачиб кетмасин,” дейди шоша-пиша. Синглим ортидан эргашади, у доим онамнинг кўйлагини ушлаб юради. Тандир ёнига бораман, олов ёниб бўлибди, иссиқда жимирлаб ҳовур кўтариляпти.

Онам чанг тушмасин деб ўйл-ўйл дастурхонга ўралган зувалаларни саватга со-либ келади-да, нон ёпа бошлайди.

Шунда олма шохига бир қарға келиб қўнади-да, синглимга қараб қаттиқ қағиллайди. Синглим кўркиб, чириллаб йиғлаб юборади.

Онам “Вой ўлай” деб унга қараганида, косовга илашиб чиққан бир чўғ кўйлагига тушиб, тутай бошлайди. Синглим эса қаттиқ кўрккани учун баттар чириллайди. Онамнинг кўйлаги бир муддат тутаб, кейин лов этиб алана олади. “Она-а, ёняпсан”, деб бақираман. Онам чопиб боряптию бир оловга, бир синглимга қарайди. Лекин тўхтамайди, синглимнинг олдига етиб боради, унга ҳеч нима қилмаганини билганидан кейингина оловни ўчиришга уринади. Обдастадаги сувни олиб, уст-бошига сепиб юборади.

– Эсимни чиқарвординг-ку, онанг чўри, – дейди онам, укамни бағрига босиб, эти куйганидан юзини буриштириб.

Бостирмада турган от кишнайди. Аслида, бор бисотимиз еримизу шу битта отимиз холос. Бечорани тойчоқлигидан бери аравага қўшамиз, тупроқ, хазон, қоп-қоп буғдойу сомон ташиймиз. Елкасини, биқинини тери қайишлар қийиб юборган, аммо итоаткор, ювощ от бу.

Нарироқда шотиси бўйинтириғи билан тиккайтириб қўйилган эски арава турибди. Гилдираклари катта-катта, айланасига темир қопланган, ёғочлари ёрилиб ёрилиб кетган, қуриб турсин деб отам уни қуёшнинг тигига судраб обориб қўйган.

“Отангни ёнига бориб келақол, қорни очгандир”, дейди онам. Тугунчага битта жиззали нон билан беш-олтита ёғли қурут солиб беради, уни олиб далага жўнайман. Жиззали нон жуда ширин бўлади, йўл-йўлакай тугунчанинг четини очиб, ушатиб-ушатиб ейман.

Отамни бор-йўғи битта кўк тўни бор. Узоқдан экинлар ичида куйманаётгани кўринади. Тўннининг елкаси илма-тешик бўлиб кетган. Отам озғин, буғдойлар эса бўлиқ.

Тол шохидা бир қуш қўниб ўтирган бўлади. “Ҳа, ҳалиям шу ердамисан?” деб қўяди отам унга. Бу қуш узоқлардан, тоғу тошларнинг ортидан учиб келади. Бошидаги қизғиши патлари тож каби товланади, аммо ғамгин қуш у.

Отам овқатланиб бўлгач, икковимиз ўтоққа тушиб кетамиз. Мендан кейингилар – сингилларим, улар ҳали кичкина, меҳнатга ярамайди, онам билан майдачуидага юмушларга уннаб ўралашишади. Рўзгорнинг меҳнатчиси – отам икковимиз.

...Эсимни таниганимдан бери билганим – шу меҳнат. Отам билан омоч тортиб, шудгор қиласиз, маккаю жухориларни ўрамиз, қоплаб тегирмонга ташимиз, узумларни узиб, сотгани баққолга берамиз, сабзиларни оламиз... гўнг тўплаб ўраларга кўмамиз, қирқилган узум зангларини ёқиб, кулини аралаштирамиз... Бу меҳнатнинг адоги кўринмайди. Гоҳ-гоҳ қишлоқда тўй бўлиб қолади, кимдир кимгадир уйланади, тўйлар ҳам ғаригина ўтади, одамлар тўй паловида гўшт сероброқ бўлса, кейинчалик анчага довур мақтаб-тамшаниб юришади. Ҳамманинг уйида ишком бор, теракнинг ёғочидан қилинган, иссиқда бу ёғоч оқариб қолади – оппоқ-оппоқ ишкомларда қизил-қора-очяшил узумлар осилиб туради, одамлар ари еб кетмасин деб уларни бўз латта билан ўраб чиқишади. Тўйларда яйраймиз, кейинчалик эса янги келин-куёвнинг ҳам оҳори кетиб қолади гўё... кун ўтган сайин хиралашиб, элга қўшилиб бораётгандай туюлади... келиннинг оқ юзлари, куёвнинг чақноқ кўзлари туссизлашади... улар ҳам меҳнатдан бош кўтаришмайди... келиннинг ер чопаётганини, меҳнатга кўмилиб кетганини кўраман... ҳамма-ҳаммаси ҳайбатли бир савол бўлиб бошимга келиб осилиб тураверади: одам боласи дунёга нимага келади ўзи?

Отамни ҳам кўп ўйлайман. Отам ҳам бир маҳаллар мен каби бола бўлган, ариқларда қўмилиб ўйнаган, бобом билан экинзорда меҳнат қилган, вояга етиб улғайгач, рўзғор куриб, бола-чақа кўрган, яъни бизлар туғилганмиз, бизларни катта қиласман деб яна меҳнатга кириб кетган... Бизлар улғайганимиз сайин отам қартая борган... энди бу ёзуқ бизнинг пешанамизда давом этмоқда. Мен ҳам бўй чўздим, мен ҳам тенгимни топиб ўйланишим, отамни боқишим, болаларимни улғайтиришим керак.

Яъни, кунига учта нон топишиш керак! Биттасини ўзим есам, иккунчисини қарзимни узишга, учинчисини эса қарзга беришиш керак!

Бу ўйлар юрагимни эзади, тўғрисини айтсан, осмонда учиб юрган қушларга, ҳайвонларга, оппоқ тойчоқлардай сузуб бораётган анави булутларга ҳавасим келади – шуларнинг тақдиди бизнидан осон-ку, деб ўйлайман. Бир қушга, бир юронга нимаям керак бўларди? Ризқи шундоқина йўлларида сочилиб ётибди... отамга қийин-да дейман.

Ўт юларканман, гоҳ-гоҳ бошимни кўтариб қишлоққа – Минглар буванинг уйига қараб-қараб кўяман. Бу ердан уйдаги кишилар кўринмайди, тераклари кўринади холос, аммо ўша ерда осмонларнинг маликаси бўлмиш бир қиз борлиги туфайли кўзимга бошқача туюлади.

У – адл қоматли, чақмоқдай бир қиз. Чақмоқдан бино бўлган! Чақмоқнинг чиройлилигини, кўклардан ерга отилиб тушишини, куйдириб-кул қилишини кўрганмисиз? Дијором ана шундай гўзал ва шиддатли! Кўзлари юлдуз-юлдуз. Қошлари қалдирғочнинг қанотига ўхшайди.

У, бизнинг пастроғимиздаги Минглар буванинг қизи.

Онаси у туғилганида Ойдинкўлга чўкиб кетган, Дијором қиз – етим қиз ака-укала-рининг, амма-холаларининг қўлида қолган. Ака-укаларнинг ҳар бири ўзининг кўйида – Дијором иштиёқида тинчимаган ҳар ким ака-укаларнинг кўнглини овлаш пайида юради. Уни келин қиласман, деган хотин-халаж ҳам “айланайин, қоқиндиқ” дея Дијоромнинг амма-холаларига гирдикапалак бўладилар.

Табиийки, ҳар кимдан уни ўзимча қизғонаман. Тинимсиз эзувчи юмуш ичида шундай қолиб кетармикинман дейману юрагимнинг бир чети ёғдуланиб туради – йўқ, бир куни бу заҳмат тугайди, тақдирим ўзгари.

Чунки, аниқ биламан – Дилором туфайли ҳаётим ўзгариб кетади.

Сабаби – шу қиз туғилганидан бери Минглар буванинг уйидан барака аримайди. Сигирлари шунақа мўл сут берадики, Минглар бува ортганини қўни-қўшниларга тарқатиб чиқади. Совлиқлари бехато эгиз тугади. Дилоромнинг қўли теккан экинлар гуркира бўсади, ҳосили шигил-шиғил бўлади.

Ўзим ҳам уни кўрсам кучга тўламан, енгиллашаман, завқим келиб бир қичқирсам, осмон акс-садо беради.

Кечалари узун-узун хаёллар сурман. Дилоромга муҳаббатимни сўйласаму у рози бўлса дейман. Айтадиган гапларимни хаёлимда юзларча марта тақорлайман. У рози бўлса, онам бориб эшигининг тагини супуриб келса, отам билан амакиларим уйига борсалар, нон синдирилиб, фотиҳа қилинса, кейин... тогу тошга жўнасан, қирдан, жардан, чангальзорлардан ўтсан... Искандар деворига тирмашиб чўққиларга чиқиб борсан... тақдир поласини топсан, десами: “Шу кимсасиз маконда, чақмоқларнинг остида битта ўзинг кўкка бўй чўзибсан. Яна бир қанча вақт ўтгач, бошқа ҳамма чечаклар каби ўйқликка юз тутасан. Кел, рози бўлақол, ёнингга беҳудага келганим йўқ. Элимда мени оламда тенги йўқ севгилим кутмоқда, келажакда иккимиз Тангримнинг исми ва хоҳиши ила оила курамиз, турмуш бошлаймиз. Ҳеч кимсага фаровонлигу саодат баҳш этмасдан, шу хусусиятингни ўзинг билан олиб кетишга қандай чидалайсан? Бандингдан узишимга изн берақол, токи ортимга қаддим тик, бошим озод қайтай, сени бўлғуси жуфтимга тортиқ қиласай, сен боис бир оиласа кут-баракат ва баҳт-саодат кириб келсин!”

Бу гапларимга унинг кўнишига ҳам ишонаман. У – ақлли гул, ўшанда теварагидаги қўриқчилари йўл бўшатишларига ишончим комил.

Ана шундан сўнг бизлар баҳтли ҳаёт кечириб, мурод-мақсадимизга етамиш!

Лоладану баҳтдан яна кимлардир хабар берадилар. Ҳар баҳор келганида қирдаги бир туп ўрик оппоқ бўлиб гуллайди. Кўклам элимга Дилором бўлиб, гул очиб-кўркланиб кириб келади. Қархисига бораман-у, ундан “Баҳтим борми?” деб шивирлаб сўрайман.

Кимдир жавоб беради:

*Юзларимни силаб-сиyипалаб,
Баҳтинг бор, деб эсади еллар
Этган каби гўё бир талаб,
Баҳтинг бор, деб қушлар чийиллар.¹*

Ажабо, ўша маҳал бошқа сасларни ҳам илғай бошлайман. Ерда хазонлар орасидан униб чиқкан битта майса ҳам баҳорни мен каби соғинган бўлиб чиқади.

*Қишининг ёқасидан тутиб, сўради сени,
У ҳам ёш тўқдию чекилди нари.
Сени излар экан бўлиб шаббода,
Сен юрган боғларни қидириб чиқди.
Топмай сабри тугаб, бўрон бўлдию
Жарпикларга олиб кетди бошини.
Фарҳод тогларида дарагинг сўраб
Сойларга қулатди тогнинг тошини...²*

Қирлар эса қизғалдоқлар билан тўлади, чечакзор бўлади. Кимнидир излаб юрган баҳор шабадаси остида биттаси нолон-нолон чайқалиб ўксинади:

*Буни ҳаёт дерлар, унумтма асло,
Бир кун очиласан, бир кун сўласан.*

¹ Ҳамид Олимжондан

² Зулфиядан

Қалбимда-ку, фақат сен эдинг танҳо,
Қабрим устида ҳам ўзинг бўлласан.
Сен бизнинг севгидан хотира – байрок,
Лола, лолажоним, лолақизғалдоқ...¹

Ажабо, қайси лоладан баҳс этаётир бу киши? Тушунолмайман, аммо икки қизғалдоқнинг бир-бирига интизорлигидан ақлим шошади.

* * *

Отам тинмай кетмон уради. “Ха-ах!” деб урганида тупроқ бўрсиллаб ағдарилади. Дараҳт шохидаги қуш сайрамасдан жим боқади отамга.

Эй болай нодон, отанинг қандай зот эканини қайдан билардинг, дейдилар кексалар. Онанинг кимлигини қайдан ҳам билардинг? Дунёнинг бор сарвати она қадамининг битта изига арзирмиди? Эй ўғлон, онангга, онангга, онангга, ундан кейин отангга яхшилик қил! Ажабо, она отадан ҳам муборакми деб ҳайрон бўлсан, кулимсираб тушунтирадилар: “Шунчалар мукаррам бўлган онанг отангнинг измида эканини кўрмаяпсанми, болам? Билиб қўй, отага тик боқиб, сўз қайтариб бўлмайди, юрганида ундан олдинга ўтиб кетиб бўлмайди, отадан аввал таомга кўл узатиш мумкин эмас, қаршисида қўл қовушириб, бўйин букиб туриш шарт, қошида қаттиқ овоз билан гапириш мумкин эмас! Отанинг сўзи қонун, унга сўз қотишининг ўзига хос йўсими бор... Шу сабабдан ота рози – худо рози деб айтадилар, мана бу ўгит ҳам ота зотининг улуғлигидан баҳс этмаяптими?

Эй кўзумнинг шамъию ҳам нури дийдам равшани,
Одамий имонга етмай ҳеч вақт бўлмас ғани,
Мардумозори қилиб бўлма Худони душмани,
Осмонга етса бошинг қулмагил мовумани,
То отанг рози эмас, таёванг қабул бўлмас сани.

Болаларим, рўзғорим деб тиним билмайдиган, ўзи емай болаларига едирадиган, ўзи ичмай ичирадиган отамнинг кимлигини шундан кейин англагандай бўламан. Яна айтадилар:

Дини имонинг билан урсанг бу йўлда дасту по,
Зўри бозинг бирла етсанг ўттиз уч минг хонақо,
Осмондин тушса Исо, қиласа ҳаққингга дуо,
Муршидинг Хизри замон бўлса бўлолмас раҳнамо,
То отанг рози эмас, таёванг қабул бўлмас сани.

Балки отанинг салобати улуғ бўлгани, кўп нарсани ичига зиммасига олиб, умри ни болаларига бағишилагани учун ҳам бу сўзлар айтилгандир? Онамнинг рози бўлиши жуда осон, арзимаган нарсага ҳам кўзида ёши билан алқаб-дуо қилаверади, отам эса кўп ҳолларда индамайди, бош иргаб қўяди, холос. Онамнинг йўриғи бошқачароқ, отамга айттолмайдиган гапларимни онамга бемалол айтавераман. Лекин, онангнинг иззати отангдан юз чандон улуғ демоқдалар-ку? Нима учундир, ҳар нарсанинг бошида ота бўлгани ҳолда, онага янаям зиёда иззат кўрсатиш талаб қилинмоқда-ку? Ҳа, ҳақиқатан ҳам ғалати чарх бу: болага “онангни иззат қил” дейилса, онага “эганга бўйсун” дейилмоқда, ўғил эрта-бир кун улғайиб, ўзи ота бўлгани маҳал, онасиға кўрсатган иззат-эҳтиромининг ўз жуфтидан қайтганига шоҳид бўлса, қиз турмуш қурганида, хўжасига кўрсатган эҳтиромининг аксини боласидан кўрмоқда... Шу сабаб ҳам онасини умри охиригача елкасида ташиб юрган бир одамдан, она ризоси учун сарватлардан воз кечган ўғилдан баҳс этардилар. У одам “Онамнинг олдидаги қарзимни узолдимми?” деб сўраганида, шундай жавоб бўлар эди: “Онангнинг сен учун чеккан бир кунлик заҳматининг қарзини ҳам узолмадинг”. Кексалар бундай ҳикматларни оддий тарзда, ривоят айтиб тушунтирас эдиар. У ривоятларда қушлару ҳайвонлар сўзлар, тош-

¹ Муҳаммад Юсуфдан

лар тилга кирап, маънолар кутилмаган тарзда бир-бирига боғланиб қоларди. Гўё яна бир дунё бор, у дунёда сўз айтмайдиган биронта жонзот йўқ, у ердаги ҳамма нарса тимсол-у, барчаси инсонга хитоб қилувчи маъноларга айланган эдилар.

Онанинг айтганларини қулоқ қоқмай бажариш шартлигини билар эдим. Чунки отам ҳам шундай эди – бувим тириклигига нима деса хўп деб, айтганини қиласади. Бувим қартайганида юролмай қолди, шунда отам уни неча бора қўлларида кўтариб ташқарига олиб чиққанини, елкасига ёш боладай ортмоқлаб, томорқаю дараҳтзорларни айлантирганини кўрганман. Ўшанда бувим “мени эски беҳининг тагига олиб бор”, деб хархаша қилган, отам олиб борганида қари оғочнинг остида ўтириб роса йиғлаган эди.

“Эй отамнинг беҳиси,” деб дараҳтга мурожаат қилган эди бувим.

“Сен ҳам қартайиб-чуриб кетипсан-ку, отамнинг беҳиси? Шоҳларинг менинг қўлларимга ўхшаб қопти-ку? Танангда отамнинг қўлларининг тафтини сезар эдим-ку, отамнинг беҳиси? Тафтинг сўнибди, мева туғарга ҳолинг қолмапти, чўкиб кетипсан-ку? Илдизларинг очилиб-очилиб қопти, сув ичарга ҳолинг қолмапти... Мен ҳам сенга ўхшаб чуриб бормоқдаман, айт-чи, сен олдин йиқиласанми ё мен?”

Хазонлар орасида чириб, жигарранг тусга кирган бир мевани топиб олиб, ёш боладай суюнган, юпқа пўстини арчиб ташлаб, ичидағи ширин таъмли бўтқани бармоғи билан айлантириб, худди сумалак ялагандай ялаб, суюниб кетган эди. “Кичкина қизалоқ эдим-да ўшанда, – деган эди, тиришларга тўла хаёлчан юзига тўсатдан эслаганидан баҳтиёрлик ифодаси балқиб. – Мана шу Озоддан ҳам кичкина эдим. Бирам тез чолардимки... Ё тавба! Сарвинисо билан чириган беҳиларни топиб олиб ичини ялар эдик, жуда ширин бўларди... Вой ўлай, Сарвинисоям кетиб қолди-ку...” деб бирданига яна ийғлаб юборган эди.

Ажабки, сал шўхлик қилсам койиб берадиган отам, бувимнинг бундай хархашаларага лом-мим демас, не деса қулоқ қоқмай адо этарди. Кечалари ёнида ўтириб чиқар, оёқларини уқалар, ювар, таом келтириб оғзига тутар, кампир бაъзан хархаша қилиб емайман деб туриб олар... гоҳо йиғлар ҳам эди. Отам улкан сабру тоқат билан шу хизматида давом этарди. Бувим оламдан ўтганида отам ёш боладай ҳўнг-ҳўнг йиғлаган, мен ҳам ҳали нима воеа рўй берганини идрок қилмасдан туриб, ўз-ўзидан кўшилиб йиғлаб юборган эдим. “Вой онам, фариштам онам”, деб йиғлаган эди отам, улкан кафти билан пешанасига ура-ура. – Вой дуогўйим онам! Кирсан, доимо жойнамоз устида дуо қилиб ўтирган бўларди. Тасбехининг или узилиб кетган экан, доналарини илга тизаман дебдию жойнамознинг устида жонини бериб қўяқолибди онам!.. Бутун дунё битта қадамингга арзимас эди,вой меҳрибоним, изингни қайдан топай энди?..”

* * *

Ҳаёти дунёда эканимда олам мана шундай ғалати маънолари билан теварагимда гуллаб-жўш урар, онгимга бир нималарни тинмай уқтираади.

Кўрганим барча нарсалару воқеалар: майсаларнинг униб-ўсишлари, кўкларда чопиб бораётган тойлар, инларидан бошчаларини чиқариб қараб турган полапонлар, турли-туман гуллаётган чечаклар, сув узра тўрини ёйган ўргимчаклар, тошбақанинг елкасига миниб олган чаён боласи – ҳамма-ҳаммаси хаёлимни бошқа томонларга етаклаб кетарди.

Сувлар шарқираб оқар, осмондаги булултлар бағирларида кўпларни оҳиста суздириб келиб, авайлаб ёмғир қилиб ёғдирап, шамоллар уларни қайларгадир сурин кетардилар. Тупроқ кўпчиб-жўшиб, саноқсиз хазиналарни бағридан чиқариб юборар, турли-туман мевалару ўтлар етила бошларди. Гоҳ-гоҳ булар ўзларининг азалий юмушларини адо этишдан бош тортиб ҳам қолишарди. Шаррос жала қуйиб, бўтана селлар келар, йўлидаги дараҳтлару уйларни ағанатиб-йиқитиб сурон солиб ўтиб кетарди. Гоҳ кутуриб, ҳайбат солиб, ҳамма нарсани учирив-юлқилаб зўр шамоллар эса бошлар, кечагина майнин ёмғирларни олиб келган булултлар қуюқлашиб, қоп-қора ораларида кўзни оладиган олов чақмоқлари ярқираб кетарди. Гоҳ эса минглаб тур ўт-ўлангаю жоноворга ватан бўлган ер жунбишга келарди, нима сабабдандир устидагиларни бағридагиларни отиб юборишга уринарди. Шунча ҳодисалар орасида шамолларга ҳавас қилар эдим, дов-дараҳтни силкитиб, қиру даштлар устида шунаقا

озод, шунақа хур учгим келарди, сувларга айлансаму шарқираб оқсам, чақмоққа айлансаму теваракни ёритиб, кўкларнинг бағрини тилиб, булутларнинг пардаларини йиртиб юборсам дер эдим... гоҳо ўзимни шуларга айлангандек ҳис қилар, шунда тепадан қараганимда жимит уйчалар, ғимирлаб юрган кишилар, экинзоридан чиқмай меҳнат қилаётган отам, тандиру ўчоқ бошидан бери келмайдиган онам, тош кесаётган киши, маккажухорилар орасидан емиш истаб чиқиб келган кучук... бари нималарнингdir тимсоли бўлиб кўринар, бир шиддат урсаму умрларининг мушкулларини осон қилсан дер эдим!..

* * *

... Шунақа ажойиб хаёллар ичида юрардим. Кунлар-ойлар ўтиб, ниҳоят, бир куни отам амакиларим билан бориб, Дилором иккимизга нон синдириб фотиҳа қилиб қайтишиди.

Ўша кунлари туш ҳам кўрдим. Ажаб, Дилором Ойдинқўлда сузиб юрармишу ойга айланиб қолганмиш. Осмондаги ой аслида унинг акси эмиш, теварагида кумуш балиқлар жиполанармиш. Мен кўлнинг соҳилида, икки ёнимда икки арслон, ёлларини силаб ўтирган эмишман.

Ҳадеб уни кўргим келаверарди. Ҳали никоҳ ўқилмаган бўлса-да, фотиҳа қилиндиқ-ку деб, ахийри бокқа чиққанида, иш билан машғул каби ёнига борганим ҳам эсимда.

Ё, Оллоҳ! Қадамидан тўхтаса, оғочларнинг новдалари секин-мулойим бўлиб, у томон эгилишар, мевалар оёқларининг остига тўп-тўп тўкилар, ризқ илинжида чопиб юрган чумолию ҳашарот йўл бўшатар эди.

Рўмолини ияги остидан бойламаган, дол бойлаган, қадди тик, бошчаси озод... озод-озод қарап эди менга.

– Эй ой юзли, – дедим унга, ўшанда. – Сен туфайли ҳаётим ўзгариб кетганини биласанми? Авваллари ўзимнинг ким эканимни билмас эдим. Исмимнинг Эранлигию ота-онамга ўғиллигимдан бошқа хусусиятим йўқ эди. Умримга билдиримай кириб келдинг, ҳаётим чечак очди, дунё гулга бурканди, бўйим етти газ ўсади гўё. Сен туфайли бошқа аҳамият касб этдим. Кучу қувватим беҳад ортиб, танамга сифмас бўлди. Истасанг, шамол бўлиб учаман, истасанг, ёмғир бўлиб боғингга ёғаман... Мана шу тоғларнинг ортида, қояларнинг учида баҳту саодат лоласи ўсади дейдилар. Истасанг, ўша лолани олиб келиб қўлларингга тутаман. Фақат гапларимга ишон! Кеча бола эдим, ўйнаб-кулиб ўсган эдим. Бугун эр етилдим, эран бўлдим. Буларнинг ҳаммасини менга ишонишинг учун, тақдирингни мен билан боғлаганингга шубҳа қилмаслигинг учун айтмоқдаман.

Шу гапларни айтаркан, қўлларидан тутгим келди... У эса буғдойнинг битта сомонини олиб, ерга ташлади.

– Ўртада чегара бор, – деди у. – Бундан ўтиб бўлмайди. Ўтилса, дунё бузилиб кетади.

Шу маҳал тепамизга ўша қушча келиб, яна “Куёв-куёв, кимга куёв” дея сайради.

Дилоромнинг юzlари дув қизарди. Қушчадан уялди у.

Тоғни урсам талқон қиладиган кучим бору мана шу сомон парчасидан ўтгулик қувватим йўқ эди.

Дилором менга бир қараб, ота уйига йўналди, мен эса қирга чиқиб кетдим, қуюн оёғим остида ўралашибди. Қир ўзининг гўзалликларига ўзи бурканиб олиб, латофатини кўз-кўз қилди. Ҳув тепада Учёнгоқ кўринди.

Аниқ эсимда: битта қарға тумшуғида ёнгоқ донаси билан тиккасига самога кўтарилди.

Осмондаги тойчоқлар сурув-сурув бўлиб ортимдан эргашишди.

Тепадан қарабса, қири қишлоқ орасидан ҳам Дилором кўринаётгандай эди – ажабки, атрофдаги ҳамма нарсанинг орасидан унинг сиймоси балқиди, гуллар ҳам, анвойи ислар ҳам уни тамсил эта бошлади.

Нишабдан ўтиб, тутзорлар ёқалаб Муҳаммад аканинг бедазорига жўнадим.

Мұхаммад аканинг бедазорида бағримни ерга бериб ётавердим...

Жилдираб оқаёттган сувга энгашан ялпиз шохчасига бир қапалак келиб қўнди. Сувнинг жилдирашида ялпизнинг шохчаси чайқалди... бир маҳал қапалакнинг қанотига сув сачради, ҳўл қанотини кўтаролмай сувга қулаб тушдию оқиб кетди...¹¹

Уйимиздаги бойўғли шу ерга ҳам учиб келган экан, энди ёнғоқнинг кавагига кириб олибди, ўша ердан туриб яна менга ўқрайди.

* * *

Отамни ёв ўлдириб кетганида мен ҳовузнинг ичидаги, тозалаётган эдим. Ҳовуз суви камайган, оч бақалар елкамга, бошимга ўрмалаб-ўрмалаб чиқишар... сувилоннинг боласи билагимга ўраларди.

“Отангни ёв ўлдириди... қони оқиб-оқиб, шу ергача келди”, деди туйкүс бирор.

Ҳовуздан чиқиб, ингичка из бўлиб оқиб келган қонни кўрдим... отамнинг қони бу... из бўйлаб еримизга етиб борганимда на ёв бор эди, на от... отам эса ер тишлаб ётган экан.

Отам эккан экинлар пайҳон-пайҳон, тупроқ билан битта бўлиб кетибди.

Ёвга нима эди экинни пайҳон қилиб? Ризқ эди-ку, ўзи ўсиб-униб ётган эди-ку?

Ёвга нима эди отамни ер тишлатиб? Ризқининг бошида, ердан тортиб-чиқариб юрган эди-ку?

Ичимда аламим тошиб келди, шунда орқа тарафимдан бирор елкамга оғир, залворли қўлини қўйгандай бўлди.

“Ота?!”, – деб шартта ўғирилдим, йўқ, отам мана-ку, тилини тишлаб ётипти-ку, келган отам эмас, от экан, қайтиб келиб, елкамга бошини қўйган экан!

Ёв... отамни ўлдиргани бир бўлди, еримни – ризқимни пайҳон қилгани бир бўлди, бир ёқда онаму укаларим... Эй Худо, қишлоқда... Дилором бор-ку?

Ичимдан бир шидду шаҳд кўтарилиб келди. Назаримда онам, сингилларим, Ди-лором – буларнинг барининг қиёфалари бирлашиб, ёв қаршисида ҳимоясиз турган қушчаларга айланниб қолдилар.

Йўқ-йўқ! Ёв Дилоромни деб келган бўлса-чи? Йўлида учрагани боисгина бошқаларни ер тишлатиб ёлди? Ахир, Ди-лором боис теварак ризқ-баракотга тўлди, у боис ҳаёт марҳамату сафога ғарқ бўлди... балки ёв ҳам шу марҳаматдан умидвордир?

Шу маҳал чақмоқ чақиб, ёмғир ҳам қуя бошлади.

Онгимда бир нима ярқ этди... нимадир очилди!

Шовуллаб ёққан ёмғиру чақмоқ остида мана бундай деб қичқирдим:

“Осмонлардан қушилиб, ерларни сугоруви ёмғирлар билан қасам!

Кўкларни ёриб-титратувчи ва ерларга санчилувчи чақмоқлар билан қасам!

Уйилиб-минганишеб келувчи булутлар ва уларнинг бағридаги раҳматлар билан қасам!

Ҳаммангизнинг шаҳдингиз менинг ичимдадир – шоҳид бўлингизким, мана шу шаҳд ила Ди-лором учун ёвга қарши бормоқдаман! Бори ҳикматларни яратган Тангрим ҳақи, ҳаммангиз мендан рози бўлинг!”

Даст ўрнимдан турдим, оёғим остида бир қизғалдоқ қоқ белидан қирс этиб синди, шу ҳолича ҳам мени тўхтатмоққа уринди:

Дардим дарё бўлиб оқизмас мени,
Сени қандай асрай, кўзи қаролиқ?..²

* * *

– Бу маконда ҳам лоладан баҳс этилмоқда, аммо маънолари тамомила бошқа, – деди Озод. – Айтилганларнинг бари ҳақиқатан ҳам бўлиб ўтган воқеаларми?

¹ Мұхаммад Юсуфдан

² Тилак Жўрадан

– Ҳар қадамингда қурту қуш, ўт-ўлан бир-бирига интиқ эканини күрганинг камми? – деди шамол, шунда мавжларида яна донишмандона оҳанг тарапди. – Қушларнинг зору интизор сайрашини эшитмадингми? Янги барқ урган чечакларнинг хид таратишлари уларнинг гапиришлари эмасми? Сен баҳорни кўрмоқдасан, у ҳаммаёқни ана шундай жўштириб, туғёнларга солмаяптими? Умумий бир баҳор дедим, куз ҳам умумий келади. Аслида баҳорнинг ичида ҳам куз бор, истасанг, умр кузига етиб келган бир кишини кўрсатай сенга. У ҳадсиз-худудсиз узумзорлар эгаси, ёнида арслони ҳам бор, эзгин-эзгин кезади боғларини...

Узумзорлар эгаси

...Ҳеч ортингизга назар ташлаганмисиз?

Тунлари бехос уйғониб, атрофга қулоқ согланмисиз? Тун пардаси остида осойишталик ҳукм суроётганига ишонч ҳосил қилгач, кўнглингиз барибир ўрнига тушмай, елкангизга тўнингизни ташлаб ҳовлига ҳам чиққандирсиз?

Ойнинг оқиши нурлари дараҳтларни, корайнқираб кўринаётган баргларинио меваларини оқиши ёғдуга кўмиб, оҳиста эланади. Тупроқ илиқ ва майнин, ёғдулананаётгандай кўринади. Осмонда ой тўлибди. Шарпангизни сезган қайсиdir бир қуш безовтапланиб потирлаб дараҳт шоҳидан учади. Шунда “бу қушни ҳам безовта қилдим”, деган ўй дилингизга келгандир? Майнин шабада юзингизни силайди. Илғар-илғанмас тун бағрида ҳаёт мудрамаётганини, бир қанча жонзотлар нималар биландир машғуллигини ҳам пайқайсиз. Неча-неча йилларингизни бағрида ўтказганингиз эски уй сокин ва жим мудрайди, бўғотларига, сувоқларига термиласиз, ҳовли адогида отангиздан қолган бир уй-бир даҳлизли иморат ҳам мудроқ остида. Бу томонидаги сиз курган уй баландроқ, бақувватроқ... отангизнинг ўйи эса анча чўкиб қолибди. Ота ва она ана шу уйда яшаб дунёдан ўтдилар... Битта сиз бедор, битта сиз шарпа каби ҳовлини кезмоқдасиз.

Шунда... ўтмишингизнинг овозларини ҳам эшила бошлайсизми? Кўп йиллик яшаб ўтилган умрингизнинг сўқмоқлари, қоялари, ўнгиру жарлари... воқеалар уларнинг бағрида ўсган буталар каби униб чиқаётганини, шамоллар каби етилиб эсаётганини кўра бошлайсиз. Кейин умрингизни ўйлайсиз, ахир, умр мана шу гўша устидан еллар каби эсиб ўтибди. Сиз ҳам дунёning устидан шамол каби елиб ўтиб кетибсиз.

Ишонинг, қирқ деган остонаядан ҳатлаб ўтган кишининг тунлари шундай бўлмасдан иложи йўқ. Қирқ – ғалати ёш. Қирқача тобора кучга тўлиб борасиз, вужудда арслон шиддати жўш уради, қадамларингиздан ўт чақнайди, ботинингизда бузғунчи бир қудрат пинҳон эканини билиб турасиз, ҳамма нарса осон, ҳамма нарса қўлингиздан келади, ҳамма нарса қаршингизда эгилиб бўйсунади, гапингизга қулоқ солади, солмаса мажбурлайсиз, ўзингиз эгиб оласиз... қирқдан кейин эса, туйқусдан... арслон қувватининг озая бошлаганини ҳис қиласиз.

Ой нурлари остида эса жим кезинади, бир арслон!

Ёғду орасидан қандай чиқиб келишини кўряпсизми? У ҳануз баҳайбат, ҳануз қувватга тўла, бироқ шиддати қани? Кучга тўла пайдор панжалари тупроқда энли, чукур излар қолдирмоқда, ёллари силкинмоқда, бўйнида, бикинида чандиклари бор... у баҳайбат, сокин-осойишта қадам ташлаб келиб, шундоққина ёнингизга чўкади. Ёлини силанг уни. Куч-қудрат тимсоли бўлмиш бу арслоннинг ўши ҳам сиз билан тенг! Истаган жонзотни кучли панжалари билан тилка-пора қилиб ташлагувчи бу жонзот ҳам сиз каби бедор кезмоқда.

Бир маҳаллар у ҳам сиз каби бола эди. Мурғаклигингизда, ой нурлари уйқудаги тупроқ узра эланганида, нур капалагига айланаб қошибингизга учиб келарди, у билан қувнаб ўйнар эдингиз. Илиқ қумлоқларда сизга қўшилиб қум сочарди, улғайганингизда, балоғат тўлқинлари вужудингизни жимирилатиб оқа бошлаганида, у ҳам сиз билан бирга боғларни завқу шавққа чўмиб кезиб чопарди.

Эй мана шу хонадоннинг арслони, нега бедорсиз?

Арслон жим кезинади. Гўё армону гуссалар йўқ, гўё ҳамма нарса бадастур, саранжом... Дараҳтлардан тунги қушлар самога кўтариладилар. Қанот қоқишлиаридан пайдо бўлган эпкинларда шохларнинг япроқлари, ерда ўсган гулу райҳонлар силкинишади.

Уларнинг умри жуда қисқа, қуш умричалик ҳам эмас. Бепоён ястаниб ётган ҳаёт кенгликларида гоҳ-гоҳ чечак-чечак яшнаган ва сўлган кувончу шодликларга ўхшайди улар.

Ой ёғдуси яшаб ўтилган умрингизни ҳам ёритиб юбормаяптими? Безовталингиз балки шундандир? Ой ёғдуси ёруғ ғуссага ўхшамайдими? У умрнинг шодлигу севинчлари билан бирга, қорайиб турган армон ва пушаймон жарликларини ҳам ёритмоқда. Афсус қоялари қоп-қорайиб кўкка бўй чўзиб турибди. У сиз билган табиатдан ўзга, ҳозир у ерларда шамол эсмайди. Ҳамма нарсани майин ёритувчи ёғду эланади, холос.

Бахайбатарслон ҳам ойга, ҳам ортгабоқади. Кўзларида инсоний маъно кўринмайди. Улкан бошини панжалари устига кўяди. У сизни танийди, сиз ҳам уни танийисиз. Сиздан фарқ қилиб, у хотиржам, сокин ва осоиишта. Фақат, сиз нега қайгулисиз?

Осмонни қора булатлар қатма-қат энлаб-бостириб кела бошлайди. Ҳали замон очиқ кенгликлардаги ойнинг юзини тўссаям ажабмас. Пайдар-пай шабада эсиб, қанотида илғанмас шивирларни олиб келади:

Қайдан келаёттир уюр-уюр ғам?..¹

* * *

“Орзуларим... орзуларим бисёр эди, – деб ўйлайди дарахтзорлар оралаб жим кезинаётган бу одам, тўнининг барини қовуштириб, оғир-оғир қадам ташларкан. – Отанам меҳнат ичра ўтдилар, умрларининг сўнгида бир зурёд иззат қилганчалик иззат-хурматларини қилдим. Акаларимнинг хизматига қўл қовуштириб турдим, отамдан қолган улуғим, ота ўрнига отам деб хорлик қанотимни паст тутдим, укаларим ўксимасин деб юрак-юрагимдан беминнат қанотим остига олдим, лекин... қани мен кутган хушбахтил? Қайда, қайда хато қилдим?” деб кезинади бу одам.

Дарахт шохидаги қуш қанотларини ёзади, шунда патлари юлингани, чандиклари оқаргани кўринади.

Хатолар ва адашишлар... Агар хато қилмасайдим, бугун бундай бўлмас эди деб ўйлайди у. Ҳаётимда бир нечта катта хатоларга йўл қўйдим. Ўша хатолариму гуноҳларим воқеаларга айланиб, ҳаётимни ўзгартириб юборди. Баъзан натижани кўраману сабабни топмайман, лекин бу натижка ўша – ўзим ҳосил қилган сабаб туфайли бунёд бўлганини биламан. Қанийди ортга қайтолсам, қанийди ўша хатонию гуноҳни содир қилган манзилга етиб борсам! Қанийди мўъжиза юз берсаю айнан ўша ердан – хато содир бўлган жойдан ҳаётимни яна бошласам... бугунги куним бошқача бўлмасмиди... деб хаёл қилади бу киши.

Пушаймон ва афсус ёмон нарса. У ҳеч нимани ўзгартирмайди. Кўзни ёшлантиради, дилни аччиққа тўлдиради, хўрсиниклар пайдо қиласди. Улар одамнинг қалбида илон сингари яшайдилар. Киши ўз пушаймон ва афсусларини ҳеч кимга айтмайди, ҳатто ёнгинангизда умр кечириб юрган кишининг қалбидаги турфа пушаймонлару афсусларидан бехабар... бир куни, мана шундай баҳор кечасида, қийғос гуллаган ўрик остида... ўпкаси тўлиб кетганини сезиб қоласиз. Улкан гавдали бу киши ёш боладай ҳиқиллаб ийғлади. Кошкийди у хатоларни қилмасайдим... кошкийди дақиқаларим қийматини, яқинларим қадрини ўшанда билсайдим деган армон кўз ёшларини пайдо қиласди.

Ой ёғдуси орасидан чиқиб келган арслон улкан бошини панжалари устига кўйиб, жим ва сокин боқаётган арслон.

У киши, ниҳоят, арслоннинг ёнига келади, ўтириб ёлларини силайди, кейин дағал гавдасига суюнади. Пешонасидаги тиришлари янада чуқурлашади. Ҳавода нимадир кезиб юрибди: ажабо, афсусми ё армонми у?

Етиб келган жойим шу, дейди у чуқур ўй ичида. Етиб келганим... умримнинг йилларини берганим... шу уй, шу мулку сарват... Бу орада мени улғайтирган сувлар оқиб ўтиб кетди, устида мен ўйнаб ўсган дарахтлар қартайди...

¹ Шавкат Раҳмондан

Хаёллар қуюни уни чирпирак қилиб ўз гирдобига олиб кириб кетади. Ой нури арслоннинг ёлларидан оҳиста оқиб тушади, тупрок устида туриб қолади.

– Сен-чи? – деб сўрайди киши арслондан. – Сенинг ҳам армонларинг, афсусларинг йўқмиди?

Арслон жавоб бермайди. Ўрнидан қўзғалиб, узумзорлар сари йўл олади.

– Қаёққа кетяпсан? Сенга жуда ўрганиб қолувдим, – деди қирққа кирган бу киши.

– Эй неча йиллик сирдошим, ҳамдамим-биродарим, қаёққа?

У арслоннинг изидан эргашади. Юра-юра ҳовли адоғига борадилар. Кўз етгулик жойгача ястаниб кетган узумзор мудрамоқда. Жимир-жимир ой ёғдуси ўзига чорлайди.

У арслоннинг кўзларига тикка қарайди. Арслоннинг қорачиқлари кенгаяди, нигоҳи руҳини ўғирлаб олади. Қайдадир кимдир нола қиласди. Ажаб, нималар рўй берди шунда?

Шу тариқа ўтмиш воқеалари орасидан ўтиб бораётганларини сезади киши. Ёнверида бир ойна тоғидай бўлиб яшаб ўтилган умр юксалган, ойна тоғи ичидаги зуҳур этган манзараларга қараб, умрнинг лаҳзаларини илғаб олса бўлади. Қувончлару севинчлар гул очиб, чечак ёзган, ёшликтининг сурури кичкина қушчалар каби парвоз қиласди, булбуллару қумрилар чах-чах уради, узоқларда хатолар ва адашишларнинг қоялари бўй чўзиб туради.

Арслон мана шуларнинг орасидан одимлайди. Ёллари қадамига монанд тўлқинланади.

Бу кўраётганларим ўзимнинг умрим-ку, дейди киши ҳайратланиб. Тўсатдан вужудида чарчоқ ҳис қилмаётганини, томирларида қон енгил ўйнаб оқаётганини, юрак уришини ҳис қилмаётганини пайқайди. Одимлари енгиллашади, кўлларига қараб, терисицнинг ажинсиз, тоза, тиник эканини кўради.

Мана, адашишлар ва хатоларнинг манзиллари, бошланғич нуқталари. Қайда хато қилган эдинг, эй бедор зот? Қай бир адашишинг армонинг сабабчи бўла қолди? Мана бутун умринг, лекин хато қайда? Айтилган бир сўздами? Содир этилган бир ишдами? Ўйлаб-ўйланмаган бир қарордами? Бундан йигирма йил кейиндаги манзилда, ой нурига кўмилган ҳовлида сени кезишга соглан воқеаларнинг бошланғич нуқталари ихтиёрингда, истасанг ўзгартири, истасанг бошқа шакл кур, токи қирқнинг манзилида уйқунг учмасдан, ўзинг яратган боғнинг фароғати ичидаги сокин ва осойишта кез...

Агар... ҳамма орзуларим рўёбга чиққанида борми, бугунги куним бошқача, тамомимла бошқача бўларди, дўст, дейди у арслонга.

Дўст дедим-а?.. Қани дўст, қани яқинлару биродарлар? Кўнгли бўш отаю шафкатли онадан тарқалган фарзандларнинг бари узоқда, турли жойларга анор доналари каби сочилиб кетишган, у доналардан бошқа анор буталари ўсиб чиқиб, мева ҳам солиб улгуршишган. Қадим ой нур сочади холос, у ҳам тиккадан ўтиб, кунботарга оғиб бормоқда, ҳализамон қарама-қарши тарафда тонг бўзариб, қуёш бош кўтарсан ажабмас. Аммо... ниманинг қуёши? У уфқдан ҳар кунги одатий қуёш кўтарилади деб кафолат бера олади?

* * *

Бизни узумзор эгалари дер эдилар... дейди у, санқир экан. То қирларгача ястаниб кетган кенгликлардаги ҳамма боғлар бизники эди. Дуркун-дуркун, шифил-шиғил узумларнинг бари қирмизи тусда бўларди. Бошқа турларини ҳам экиб кўрганимиз, лекин неғадир униб-ўсмаган. Бу депарада бошқа қизил узум йўқ, узумимизнинг таърифи узок-узоқларга кетган эди.

Богимиз беҳисоб ҳосил берса-да, хувиллаган дилимда катта бир армон ўргимчакка айланиб ўрмалар, тўр қурав, тўрига ўзимни илинтиарди. Чунки, заволлиман эдим мен. Ана шу бойликларнинг ичидаги ўралашиб, чиқолмай юрган одам эдим. Бойликлар бевафодирлар, у ўргимчакка ўҳшайди, чалғитади, ҳаётингга тўрини ташлаб, сени кутиб ўтиради, дер эди отам. Бойликтининг жони бормики, вафо қилса? Чалғитади дегани рост эканки, тобора ичига кириб кетаверар экансан. Гоҳо ҳаммасидан воз кечиб, дарвишликни касб этган подшоҳ каби¹ бошимни олиб тоғу тошларга кетгим келарди-ю...

¹ Иброҳим Адҳамдан

...кетолмасдим!

Кетсам ҳам... қаён борардим? Оламнинг қаерига борманг, шу одамлар, шу ҳаваслару ҳирслар... уларни кўрмаслик учун ёруғ дунёдан ўзга маконларга кетиш кепрак.

Сурув-сурув кўйларим орасида айланиб юриб, шуларни ўйлар эдим. Бу сурувларга умримнинг неча йилини бердим экан? Бу қандай савдоки, умримнинг йилларини сурувларга алмаштирибман? Ботмон-ботмон ҳосилларимни кўрсам ҳам хаёлимга шу фикр келарди. Очиғи, ҳаётимдан кўнглим тўлмас эди, бир томондан, бу роҳатлардан айрилиб қолишдан ҳайқсан, бошқа томондан, ҳаётим ўтиб бораётгани, бир куни бу сарватлар менга керак бўлмай қолишини... демакки, бошқа бир сарват тўплашим кераклигини сезгандай бўлардим.

Шундай ўйларга тобора ғарқ бўлиб борарканман, ҳаётимнинг зулматлари ичра нур толасидай бўлиб Дилоромнинг қиёфаси товланарди. У малакда бир сир бордай туюларди. Сирким, ҳайбатли, рост бир сир.

Чунки, аниқ билардим: Дилоромда наинки баракот, балки каромат ҳам бор эди. Унинг ўтар ерларида нима сабабдандир ҳар нарса жонланиб кетар, жўшар, ўтлар бўлиқ-бўлиқ бош кўтарар, оғочлар қийғос-қийғос гуллар, оламжаҳон мева тугар, буни кўриб ҳайратдан ёқа ушлар эдим.

Тоғларнинг ортидаги ёв шу қизни деб чиқади, дер эди отам. Асли, унинг нима эканини бирор билмас эди. Чийиллай-чийиллай, тоғнинг тепасидан сепдай оқиб тушиб келади дейишарди. Ўлиши жуда қийин, фақат бошига урибгина ўлдириш мумкин эди. Ертишлаб, питирлаб ётгани ҳам сал ўтмай дик этиб ўрнидан туриб, яна чопиб кетаверармиш. Зувиллаб келармишу чангалига тушган одамнинг кўксини ёриб, юрагини суғуриб олар эмишлар. Юҳолиги шу қадарки, ўлимтик узра қўниб ўтирган ўлаксахўларни ҳам ғажиб ўтиб кетавераркан. Унинг қачон пайдо бўлишиниям бирор билмайди. Макони тоғларнинг ортида, кундузи ҳам қоронғилик ҳукм сурадиган ўнгирларда деб тахмин қиласардилар, аммо у ёққа одам боласининг ўтиши қийин, типпа-тиқ жарликлар, тиканзору чангальзорлар кўп у йўлда.

Ғалати ёв эди бу. Уни яъжуҷ-маъжуҷ десалар-да, аслида яъжуҷлар бошқа, қай бир исёни туфайли ақлу имондан бенасиб қолган одам болалари эканини билардим. Бу ёв яъжуҷ эмас эди, хусусияти ўзгачароқ бўлиб, баъзи кишиларга даф қилар, баъзиларга эса тегмасдан ёнидан ўтиб кетаверади, дер эдилар. Йўқса, Дилоромни қайдан билишади? Унинг марҳаматларидан қай тарз умидланишиади?

Умрим бўйи тўплаганим сарватларимни Мингларга берсаму Дилоромни никоҳимга олсам... у билан бирга ҳаётимга поклик, озодалик, ёргулик кириб келадигандай туюларди, ахир! Ҳаётимда етмаётган – Дилором эди. Дилором билан бирга эт-тирноқ бўлсаму мендан ҳам бир зурёд қолса дер эдим. Ҳа, мен тирноққа зор бир банда эдим. Зурёдни нега тирноқ дейдилар, биласизми? Тирноқ эт орасидан қандай ўсиб чиқса, зурёд ҳам ана шундай ўсиб чиқади. Бу аёл дунёга келтирадиган ўғлоннинг зурёдим бўлишини шундай орзулас эдим-ки!.. Мана шу иш амалга ошса, юрагимни эзиз турган хатоларим адашишларим ўнгланадигандай, умрим зиёга ва осойишга тўладигандай эди...

Воллохи, бу қиз одам боласи эмас, малак эди! Одам боласида бунақа фусун бўлмайди. Бу фусун хушбўй тутун каби ўралиб-чирмалиб, кўзлардан ичкарига – дилларга кириб борар, афсунлар, мойил қилар... ҳайқтирар эди.

Ачигимни келтириб, Мингларнинг теракларида бир қуш тинмай “Куёв-куёв, кимга куёв?” дея сайрагани сайраган эди. Милтиқ олиб отиб ташласаммикин десам, эл-юртнинг маломатидан чўчиридим, аммо қачон шу кўчадан ўтсам мени масхаралаб сайрагани сайраган эди.

... Буларнинг бари бир хаёл, аслида шом кўна бошлади юрагимнинг далаларига... кечки шудринглар эса аллақачон тушиб бўлди, энди улар майсаларда эмас, қароқларда тизилмоқдалар.

Дилоромнинг менга насиб қилмаслигини аввалданоқ билардим. Шу орада у қирқларнинг уруғидан бўлган Эранга фотиҳа қилиндию орзуласим чил-чил бўлдикетди.

Фотиҳа нима бўпти дерсиз? Фотиҳада Яратганинг исми тилга олинган, энди орада Унинг исмининг ҳайбати бор эди – у исмдан ҳатлаб ўтиб бўлармиди?

Фотиҳанинг ёвга нима алоқаси бор, билмадим, аммо шундан сўнг тоғларнинг бошидаги девор ёрилганидан, яъжуқ-маъжуқларнинг юрт сари оқаётганидан дарак келди.

Ажабо, қишлоқда ёвга тик қарайдиган бирор қолдимикин? Хаёлимга бир ўй келди: яъжуқ-маъжуқ келиб, шу йигитни ўлдириб кетсайди... шунда бор мулку сарватимни садақа қилиб, Дилоромга эришишимга йўл очилмайдими? Шу ўй юрагимга илондай ўралиб олди: мабодо Эран ўлса... мабодо қайтиб келмаса... ўша малакнинг, Дилоромнинг боши очик қолса... ёруғликларга, дилкушоликларга элтувчи йўл мана шундай – Эраннинг ўлими орқали очилмайдими?

Эраннинг ўлимини орзуладим ўшанда. “Эй Тангрим, сарват бердинг, аммо фарзанд бермадинг. Ироданг туфайли Дилором Эранга фотиҳа қилинди. Мен ҳам бир бандангман, энди эраннинг жонини олгину Дилором деган банданги менга насиб айла”, деб ёлвордим. Бир одамнинг ўлими туфайли фароғатга эришиб бўлмаслиги ақлимга келмади. Ёв айнан Эраннинг ҳалокати боис бу ерларга кириб кела олишини англамабман, ақлимни ғафлат босибди. Буни анавилар экинларнинг, дараҳтларнинг орасидан лип-лип этиб, питир-питир қилиб етиб келишганида тушундим...

– Сенга ҳар ким ўзининг армонларидан айтса, ҳечам ажабланмайман, – деди бу одам. – Бадавлатлик молу сарватдан эмас, оила ва муҳаббатдан бўлишини англаб етган кунимдан бери жоним ўртанади. Яна бир гапни айтиб қўяй: аслида сен бораётган томонларда ҳеч қанақа лола йўқ. Бироқ бошқа нимадир бор, ўшанга етишингдан умид қиялпман. Ўтинчим шу – агар ҳақиқатан ҳам тақдирларга бахту саодат бахш этадиган бир ҳикматга эришсанг, мен заволлининг ҳақига бир дуо айла, эришолмасангу у ёқлар ҳақиқатан ҳам бўм-бўш бўлса, у ҳолда қайтишингда ломмим демасдан ўт!..

* * *

– Булар оддий кишилар, яъни авом, – деди шамол. – Авом кўрган нарсаларни олим бошқа нигоҳ билан кўради. Авом тошни кўрса, олим тошнинг ичидаги қудратни илғайди.

– Қизиқ... – деди Озод. – Ҳамма ёвдан сўз айтмоқда... Ким у ёв?

– Сени воқеалар орасидан ана шундай олиб ўтаман, болам, – деди шамол, шунда саси яна отасининг овозига ўхшаб қолди. – Ҳар воқеани кўрганингда бир даража юксаласан. Олдинга разм сол: тошли сўқмоқдан бир кўр киши кетиб бормоқда, ёвнинг кимлигини сенга ўша зот англата олади. Ҳозирча эса... Учёнгоқ деганимда, сен фақат битта ёнгоқни кўрганингни айтдинг. Ваҳоланки, у ерда бир магиздан учта дараҳт униб чиқкан эди.

– Ҳа, тўғри айтасан, – деди Озод.

– Яна кимдир бу ерда қизғалдоқларни кўрган эди, хабарини бериб улгурди, – деди шамол. – Бошқа бирор эса қизғалдоқлар ўрнида лолазорни кўрганини айтди. Сен ҳам шу маконга қадам кўйдинг, айт-чи, нималарни кўрмоқдасан?

– Мен ранго-ранг очилган чечакларни кўряпман, – деди Озод, йўлнинг давомига қараб. Бўрсиллаган тупроқдан турфа гулли дала чечаклари бош кўтарган, қирларга довур энлаб кетган эди.

– Бир маҳаллар бу ерда урушлар бўлган, қонлар тўкилган, – деди шамол. – Элингнинг ёшу қариси ёвга қарши оёққа отланган. Уруш нималигини сен қайдан ҳам билардинг? У – даҳшатли ҳодиса, одам болалари бир-бирининг қонини тўкишидан жамики маҳлук қўрқувга тушади, табиийки, у маҳал лола бирорнинг эсигаям келмас эди. Келган ёв ҳам бошқа эди, бироқ у ҳам роҳат-фароғатни кўзлаб келган эди. Бу чечаклар ўша сўқишда ҳалок бўлиб кетган аждодларингнинг тупроғидан униб чиқкан.

– Гапларинг ростга ўхшайди, – деди Озод. – Чечаклар тифиз ўсибди, уларни босиб ўтгани кўзим қиймаяпти.

– Фалончи тоғлар сари сафар қилди, йўлида бир-бирига айнан ўхшаш ҳодисаларни кўрди. Бир йўлда бир нарсанинг учта аксини кўриб бўлмайди, демак, юрилган йўл – йўл эмас, бошқа нарса, дейилди-ку? – деди шамол. – Модомики эндиғина йўлга қадам қўйган, кўзи эндиғина очилган бўзбола экансан, у ҳолда сирини ўзим ошкор қилақолай. Сен ҳол тилининг нима эканини билмасмидинг? У ҳолда бу ерда ўсган чечакларнинг аслида чечак эмаслигини ҳам биларсан? Айт-чи, эрталаб туриб, юз-қўлингни ювач, илк қиласиган ишинг нима эди?

Озод йўланиб қолди. Саҳарлаб турганида ота ҳам, она ҳам аллақачон уйғонишган бўлар, Озод уларга ювуқсиз кўринишдан ор қилиб, нигоҳини ерга тикканча сув бўйига бориб юз-қўлини ювиб келар, сўнгра эса...

– Саломдан гапиряпсанми? – деди у ҳайратланиб. – Илк қиласиган ишим – отам ва онамга салом бериш эди!

Шамол қониқиши билан тўлқинланди.

Шунда Озод иморат қураётган кишининг ўгитларини эслади. Чечакзорнинг шундоққина ёнига борди, пўрсиллаган юмшоқ тупроқ оёғи остида эзилди. У қирга қадар энлаган майсаларни титратиб, қаттиқ қичқирди:

– **Ассалому алайкум, эй аҳли маъни!**

Бироқ теваракда ҳеч нима ўзгармади, Озоднинг овози шамолнинг тўлқинлари аро ютилиб кетди.

– Энди гапимни эшит, – деди шамол, шунда гувиллаши ҳайбат ва викор касб этди.

– Булар – ўша кишиларнинг хурмат-иззати туфайли бино бўлган майсалардан бошқа нарса эмас. Сен маъно оламига эндиғина қадам қўймоқдасан. Бу оламда ҳар кун кўриб-билиб юрган нарсаларингни яна кўрасан ва хаёлингта келмаган маъноларидан ҳайратга тушасан. Манзилингга олиб борадиган йўлларда, агар сабр-тоқатинг етса, чечакларнинг остларидаги майда томирларигача кўрасан, нима эканини ҳам англарсан шояд. У йўлларнинг адогида яна янги маъно манзиллари очилади, имонсизлар, мардудлар ва муртадлар ва ҳатто хаёлингга ҳам келмаган шарпалар чиқиб келадилар. Ҳозир эса фурсатинг жуда кам, хув анави кетиб бораётган кишига етиб олишинг зарур, шу боис, тезроқ қадам бос!

Узоқда бир киши ҳассаси билан пайпаслана-пайпаслана тоғлар томонга кетиб бормоқда эди.

– У ким? – деди Озод, ҳамроҳининг айтганларини адо этаркан.

– Қулоқ тут-чи, нималар деяпти экан? – деди шамол ва бир айланиб, унинг хабарини олиб келди:

*Тақдир сўқмоғида бошин эгиг жим,
Бир кимса кетмоқда, билмайман у ким.
Агар у сен бўлсанг, ёнингга борай,
Агар у мен бўлсам, тезроқ кел, дўстим...¹*

– Мен буни олдин ҳам эшитганман, – деди Озод, ҳайрон қолиб. – Бу бир шоирнинг шеъри эди.

– Демак, ўша шоир ҳам уни кўрган экан, – деди шамол. – Мана, қанақа сўқмоқдан илгарилаетганингни ҳам билиб олдинг. Билиб қўй, одам боласининг айтган сўзларига юзлаб гувоҳлару шоҳидлар бор теваракда, Атрофдаги жами маҳлуқот одам боласи нима сўз айтар экан, деб илҳақ бўлиб туради. Бундан фақат маҳрамлар мустасно, холос. Улар сенинг суйганингга айтадиган гапларингга ҳаё қилиб, қулоқларини ва кўзларини беркитадилар. Яна бошқа маҳрамлар ҳам бор, улар Парвардигорларига сўз айтадиган кишилардир. Гапларини Тангридан бошқа ҳеч ким эшита олмайди... Кетиб бораётган кишининг ким эканига келсак... – у енгил бир тўлқин урди. – Ер юзидағи нарсаларнинг аслини оддий кўз билан кўриб бўлмаслигини билгач, ўз кўзига ўзи мил тортган кишидир...

¹ Абдулла Орипов.

Кўр кишининг ҳикояси

Улар кўр кишининг қошига етиб боргандарида, шамол бир мавж уриб, салом берди.

– Ваалайкум ассалом, – деб алик олди у. Озод унинг юзлари тириш ва озгин эканига, лекин чехрасидаги донишмандона хотиржамликка эътибор берди.

– Демак, лолани излаб кетаётган бола шу экан-да? – деб сўради кўр киши.

– Рост айтдингиз, эй муҳтарам, – деб жавоб қилди шамол. – Лекин сизнинг ҳикматларингизга етиб боролмаса керак деб қўрқаман.

– Ҳа, майли, ёнимда бир оз юра қолсин, ўзимизнинг қоракўзлардан экан, – деди у. – Зотан, аср вақтига ҳам яқин қолди.

– Сизни қишлоқдан чиқаверишда кўрган эдим-ку, бу ёкка қандай келиб қолдингиз? – деб сўради Озод. – Отамнинг олдига кетяпман, қайноқ чой дамлаб берай дегандингиз-ку? Мен эса, назаримда ҳечам кўр эмассиз дедим, эсладингизми? У ерда кўрганимда қария эдингиз, бу ерда эса қувватга кирибсиз, қадамларингиз ҳам шахдамлашибди. Лекин сўқмоқда тошлар кўп экан, хоҳласангиз, қўлингиздан тутиб етаклаб юрай?

Киши қулимсиради, шамол эса Озоднинг қулоқларига шивирлади:

– Уни кўрмайди деб ким айтди сенга? У кўрган нарсаларни бошқа ҳеч ким кўролган эмас. Одоб сақлаб ёнида бораркан, гапларига индамай қулоқ сол.

– Хўп, – деди Озод ҳам, сухбатдошининг қадамларига мослаб одим отишга уринаркан.

– Бу ерларда ястаниб ётган ҳамма нарса сўздан иборат, болам, – деди кўр киши, бамайлихотир. – Йўлингнинг атрофида нимаики кўрсанг, ҳаммаси сўздир. Билсанг, одам боласининг аввали ҳам, охири ҳам сўздану маънодан иборат. Дунё тамомила тескари, деган гапни эшитганмисан? Бу ҳам сўз, аммо ҳақ сўздир, чунки кун келиб, олам тамомила йўқ бўлиб кетади, шунда фақат айтилган сўзлару уларнинг маънолари қолади, ана ўшалардан янги дунёлар бино бўлади.

Фалончи ҳаёти давомида тош кесиб, иморат курган эди, деб эсланган одамни кўрдинги? Вақт кўзи билан қарасанг, бир неча юз йилдан сўнг на иморат қолади, на курувчи. Иккиси ҳам сўзга, маънога айланаб кетадилар. Шунда “Фалончи бир иморат курган эди, худо ундан рози бўлсинг”, – дейилади.

Айтилган сўзлар маъноларига кўра шакл олади, дейилгани ҳам рост. Исботини айтайми? Икки киши бор эди, бири имон келтириди. Калимаи шаҳодатни айтиши билан келажаги мисли кўрилмаган даражада ўзгариб кетди. Ваҳоланки, имон келтиришидан олдин унинг охирати – абадий укубат эди. Биттагина сўз айтди, умрининг охиридаги дўзах жаннатга айланди. Иккincinnи эса терс калима айтди, умрининг охиридаги жаннат жаҳаннамга айланди. Сўз билан тақдирлар ўзгаришини кўрсанмай?

Аслида сўз ҳечдир. У – бағридаги маъноси туфайли ҳайбат касб этди. Уларга ирода жамлагувчи Тангримнинг ўзидир. Яъни, оламда гапирмайдиган нарса йўқ, ҳаммаси ўзининг ҳолидан хабар бериб туради, аммо одам боласигина сўзларга маъно жойлайди. Шу боис, бошқалар учун ҳам сўз айта олади, унга Тангри маъно бахш этгани учун дуога айланади. Авом ҳам, олим ҳам ана шу сабаб дуога интилади. Бирордан яхшилик истаса, мени дуо килинг дейди. Дуо эса тақдирни ўзгартиради. Баҳайбат бир шакл олиб, осмон тоқига етиб боради, сўнг ҳодисага айланаб, яна ер юзига қайтади.

Қарғиш ҳам тақдирни ўзгартиради. Сўзнинг қудратини ана шуларга қараб англа бета оласан.

Бизгача беҳисоб сўзлар айтилди. Уларнинг ҳаммаси ўз жойига бориб ўрнашди. Бир киши бор эди, унинг айтган сўзлари ўзи учун гулу гулзор бўлди. Бошқа бир кишининг айтган сўзлари эса жаҳаннам маҳлуқларига айланаб кетдилар – энди улар ўз соҳибларини кутмоқдалар.

Авом ҳам, олим ҳам сўз айтди. Авомнинг сўзи заиф, олимники салмоқли эди. Шу сабаб авомнинг хатоси кичик, олимники ҳалокатли бўлди.

* * *

Сен ёв ҳақида сўрадинг, мен эса сўзу маънодан баҳс этдим.

У ёв инсонларнинг сўзларидан пайдо бўлган, деб тахмин қиласман. Ҳайвон жинисдан десам, балки хатодир. Чунки ҳайвонда ҳикмат ва баракат бор. Ахир, кўрангдаги қўйларингнинг далолатларига боқмадингми? Аслида у, гўштидан озиқланишинг ва сутини ичишинг учун яратилгани боис сенга бўйсундирилган. Ҳайдасант, индамай бориб кўрага киради, оёгини бойласанг, бўйнини итоат ила тутиб беради. Ҳа, ана, бирини сўйдингу гўштини қўни-кўшнинг билан тановул қилдинг дейлик. Қолганлари эса ерда ўсиб ётган сон-саноқсиз ўтларни еб, ўз-ўзидан кўпайиб юраверишиади. Яна кутсанг – болалайди, ризқинг ўз-ўзидан ортиб боради. Битта буғдой донаси йигирма-уттиз мисли кўпаяди. Битта уруғдан чиқкан олма бемисл кўп ҳосил беради, ҳар бирининг ичидагина шунча баракот жойлаб қўйилган уруғлари бор – уни эксанг, яна шунча ҳосил оласан.

Тангрим ҳайвоноту набототга ана шу хислатларни берди, одам боласига хизмат қилсин деди. Биронтасига сўз айтиш ҳуқуқини бермади, аммо ҳол тилига мушаррафа айлади. Маъно сўзини айтиш инояти одамда бўлгани учун ҳам сўз айттолмайдиган бошқаларни уларга бўйсундириди.

Ҳайвоноту набототга жавобгарликни ҳам бермади – булар йўқлик оламларидан сассиз-садосиз келиб туғиладилар, кўпаядилар, одам боласига хизмат қиладилар, ўзларининг шакллари, тузилишлари, ҳаётлари билан ақлларга хитоб қиладилар ва яна йўқлик оламларига сассиз-садосиз жўнаб кетадилар. Вазифалари шу билан никоя топади.

Бундай ажиб, бундай мукаррам одам боласига – коинотда ўхшаши йўқ тенгсиз яратигига – ўзи истаган тарзда сўз айтиш ҳуқуқи бериб қўйилган одам боласига, ўша сўзлардан ҳосил бўлувчи ёвни бежиз яратдими?

У ёв сўз ва маъно айтиш неъматидан маҳрамларга аён, албатта. У гапиролмас, ҳайвон мисол товуш чиқарар, инграр, лаззатланар, аммо сўз айтиш ҳуқуқи олиб қўйилган, табиийки, даражаси ҳайвондан ҳам пастга тушган эди. Гуноҳлардану гуноҳ пайдо қилувчи сўз ва маънилардан бино бўлган бу маҳлуқот энди ўз яратувчисига ёвлашиб турмоқда эди.

Яна тахмин қиласманки, одамлар ножоиз бир сўз айтганларида Қоф тоғи узра момақалдироқ гумбурлаши – яна бир ёв болалаганинг далолати эмасмикин? Жоиз сўз айтилганида чақнаган чақмоқдан ёвнинг яна бир боласи ўлдимикин, деб ҳам ўйлайман.

Англайсанми? “Худо ҳамма гуноҳларни кечираверади”, деган гапдан пайдо бўлган ёв аллақачон кишилар орасида ўрмалаётганини сезяпсанми? “Отанг адолатсизлик қилса, унга қарши сўз айта оласан”, деган гапдан бино бўлган ёвни-чи? Номаҳрамга бузук ният ила назар ташлашдан туғиладиган ёв-чи? Сен тог ортидаги маҳлуқлардан хавотирга тушдинг, лекин ўзинг ҳосил қилаётган ёвларинг теварагингда изғиб юрганидан хабаринг бормаси?

Бир тоифа кишиларнинг тақдирига ана шундай ёвларнинг пайдо бўлиши учун хизмат қилиш ёзилган бўлса не ажаб? Бошқа бир тоифа эса у ёвни танигани учун ўзга кўриниш олмоқда. Ёвни билганлар кўп эмасмиди элингда? Улар ҳаёти дунёдан ўтиб кетмадиларми? На кўллари теккан дараҳтлар қолди, на излари тушган йўллар. Тупроқка қўшилиб тамомила йўқ бўлиб кетган бўлсалар-да, қолдирган маънолари шуурингда қалқиб, сени огоҳлантириб турмаяптими? Сирот дейилди, аслида сиротдан ҳозир, айни дамда ўтиб бормаяпсанми? Нафсингнинг тиканлари ипдан ингичка, қиличдан кескир бу кўприк остида улкан нишларини сен томон чўзид турмаяптими?

Балолар сўз боис пайдо бўлди дедик. “Амал-чи?” деб сўради бирор. Амалнинг боши ҳам сўздир, аммо тилга чиқмаган, шуурингнинг ич-ичида ҳосил бўлган сўздир. Кимдир уни фикр деб атади, чунки у жавҳарга боқсан эди. Фикрни ким кўрдию ким эшилди? Фикру хаёлнинг ҳаракатга келиши, теваракка таъсир ўтказа бошлиши учун сўзга эҳтиёж туғилмадими? Қолаверса, аввалги замонларнинг одамлари айтган сўзлар

ўзларининг бошига бало бўлиб келганини яхши биласан-ку? Ҳалок бўлиб кетган шаҳару қишлоқларнинг хабарлари сенгача етиб кепди-ку?

Эй болам, бу ёв айтилган сўзлару қилинган гуноҳлар туфайли ёпирилиб келаётганини кўрмаяпсанми?

* * *

Мен ўз сўзимни айтиб бўлдим, энди шом тарафга қараб бормоқдаман. Кўрнинг кўрдим деганига ҳалиям ишонмайсанми?

Билиб ол, кўзи очиқлар жуда кам нарсани кўрадилар. Ер тубларида ўрмалаган бир курт кўрганчалик кўролмайдилар.

Билки, сен кўраётган нарсаларнинг моҳияти тамомила бошқадир.

Одамлар ҳузурларида сочига голос донасини тақиб ўйнаб юрган қизалоқнинг қайдан келганини идрок қилмайдилар. Мени лаҳадга қўйиб, тепкилаб-тепкилаб кўмади деб умид билдиргани ўғлининг қайдан келганини билмайдилар. Сен арслон деб ўйлаб кўркқанинг нарса у болачаларнинг кўзига капалак бўлиб кўринишидан, улар ўша капалакнинг қанотларидан ушлаб, учирив ўйнашларидан хабаринг борми? Бу кичкина ишонувчан жонзотлар, агар бир иш буюрилса, чопқиллаб бориб адо этиб келишади, койиш эшитишса қўрқишиади, ҳайбат қилинса, ўпкалари тўлиб йиғлай бошлашади, бироқ сал ўтмай ҳаммасини унутиб, улкан бир меҳр билан яна ота-онасига талпинишади. Ҳали ота ҳурматию она иззатининг нима эканидан бехабар ҳолларида, уларда намоён бўлаётган бу улкан таслимият нечун кўрқитмайди?

Одамлар ҳузурларидағи зурриёдлари-ю қошидаги заифаси Тангри амри боис бўйсуниб турганини ва унинг томонидан бериб қўйилган бир омонат эканини идрок қилмайдилар.

Жўжиқлар то балоғатга етгунларигача Аллоҳнинг фаришталаридан ҳам устун эканликларини биласанми? Улар бошқаларга ўхшаб ризқим қаердан келар экан деб ўйлашмайди, молу дунёга меҳр қўйишмайди, қимматбаҳо тошларни тўптош қилиб ўйнашади, куш каби учирив юрган ниначисини олиб қўйсанг, ҳархаша қилиб дунёни бузишади... кишилар бу ҳолларни билимсизликка йўядилар. Ўзлари чи? Ўзлари шу даражага ета оладиларми?

Улар мана шу ҳоллари ила: “Эй отам, эй онам! Қалбинг менини каби шаффоф бўлмагунча, дунё ҳавасларидан мен каби узоқ бўлмагунингча жаннатга дохил бўла олмайсан”, деяётганларини илғамаяпсанми?

Бу фариштамонанд болакайлар отанинг адлу фазл қанотлари остида эканини, уларга айтганлари ҳар бир сўздану тутумдан масъул эканларини-чи? Зурриёдлар ва заифалар ота боис жаннати ёхуд дўзахи бўлишларини-чи?

Бу мушкүлотнинг қай даражада оғир эканини фаҳмаяпсанми? Ҳузурингда, агар биру бор жонини олмаган эса, отанг ва онанг бор. Улар тинмай сени дуо қилиб турмоқдалар. Уларнинг ҳам бора-бора дунё жилваларидан кўнгил узишганини, бола каби бўлиб қолишганини кўриб, тафаккур қилмайсанми?

Йўлда сенга Эран дейилди, қани эран? Уни ёв ўлдирди дедилар, қани ўлгани?

Бир куни бир одам бармоғидаги қимматбаҳо узугини тушириб қўйди. Уни аллақачон кимдир топиб, олиб кетган эди. Аммо йўқотган киши ўша жойда гир-гир айланиб, юмюм йиғлаб тупроқга боз ураверди. Уни оқил дейсанми?

“Эгам эранга ...кўзи очиқлигида, бедорлигида маҳсус бир шакл кўрсатди, бу ё арслон, ё қоплон ва ё олов шаклидир. Тангри буларни унга бу оламдан эмас, балки ғайб оламининг шакллари эканини билдириш учун кўрсатди. Худди шундай, ўз суратини ҳам улуғ гўзаллик ичра – боғлар, бўстонлар, наҳрлар, ҳурлар, қўшиқлар, таомлар, шароблар, хилъатлар, буроқлар, шаҳарлар, уйлар ва бошка турли-туман ажойиботлар ҳолида намойиш қилди. Тангри уларни бунинг кўзига кўрсатиб тасаввур эттириди ҳамда шу тариқа кўркувнинг Аллоҳдан бўлганлиги ҳақиқати ҳосил бўлади. Ишонч Тангридандир. Бутун ором ва мушоҳадалар ҳам ундандир. Шу боис эранларнинг кўркуви ҳалқнинг кўркувига ўхшамайди...”¹

¹ Жалолиддин Румий.

* * *

Яна сен, Дилором ҳақида ҳам сўрадинг.

Ойдинкўл ёқасида дунёга келган Дилоромнинг ҳикматини билишни истайсанми? Унда эшит: Дилором Эранга никоҳланса, улардан қиймати икки олам хирожидан ҳам баланд Имон деган бир боланинг дунёга келиши башорат қилинган эди. Ойдинкўл ҳам, Дилором ҳам, Эран ҳам шу бола учун яратилган эди. Бир сўзи билан бутун бу тупроқларга, зору интизор кишиларга, йўлингда сенга ҳикмат сўйлаётган барча-барчага мубораклик баҳш этадиган, ҳаммасига эга чиқадиган ўша ўғлоннинг иззати туфайли эди у кароматлар. Кимдир кимнидир севди, мұхаббатда куйиб-ёнди дейдилар, бу куйиб-ёндишдаги Тангрининг иродаси тамомила бошқадир. У зот инсон наслининг давом этишини истагани учун ҳам бандаларига ана шу куйиб-ёншини мукофотга айлантириб ҳадя қилди.

Бу тупроқларда янайам тўғрисини биладиган бир киши бор, агар изидан қувиб етолсанг, ўшандан сўра! У – дунёнинг устидан ҳакка мисол ҳаккалаб ўтиб кетган зотdir. Сўзларига бок, одам боласи айтишга журъат қилолмайдиган сўзларни айтмоқда:

*Онқадар нурга тўлибман осмонга сигмадим,
Тоқи аршу курсию лавҳу жинонга сигмадим.*

*Жаннату қаесар манам, ҳам дўзаху сақар манам,
Бир ўзумдурман бу дам, ҳафт осмонга сигмадим.¹*

* * *

Одамлар орасида Дилоромни орзу қилмаган, унинг шарофатидан баҳраманд бўлишни истамаган бирон киши бормиди?

У малак ҳар каснинг орзуси эди. Уни мен ҳам орзулар эдим.

Орзулар ўзгариш хусусиятига эгадирлар. Шу сабаб, у аввал орзуим, кейин ҳавасим, сўнг армоним бўлди. Ундан ҳам кейин эса пушаймоним, ҳасратим, надоматимга айланниб, тақдиримнинг кенгликларида тош қоя каби бир ўзи қолиб кетди.

Билсанг, ҳаётимизнинг кунлари қушларга айланиб, тоғларнинг ортига, жаннатмакон водийларга учиб кетадилар.

Дилором ана ўша ёқлардан келган эди.

Дилиминг туб-тубида кўр махлуқларга ўхшаган надоматларим бор... улардан баҳс этсам, бирор маломат қилмас деган милт-милт умидим бор.

Юрагимнинг тублари – дентизнинг тублари кабидир. У ерда орзуларим ва истакларим наҳанглар каби сузиб юрадилар. Етишиб бўлмас туйгулар чиганоқлар шаклига кирганлар – бирини олиб қулогимга тутсам, ўша орзу-ҳаваслардан сўйлай бошлайди.

Билсанг, ҳавасда армонга айланиш хусусияти бор. Армон ҳам шундоқ қолмайди, у афсусга, афсус пушаймонга, пушаймон ҳасратга, ҳасрат эса надоматга айланади. Орзу кабутар бўлиб ер юзидан парвоз қилса, армон қумри каби чаҳ-чаҳлайди. Афсус тутун жисмидан бўлади, аччиқ тутун каби ўраб келади қалбни. Пушаймон сафро жинсидан, надомат эса заҳардир. Бир-биридан само ва замин каби узоқ нарсалардир булар.

Жаннатмакон водийлар дедим... балки жаннатларнинг водийларидандир? Қайдам, у ҳақиқатларни кўришдан ожизман. Тасаввурим басирлик сўқмоқларида қоқилиб-сукилиб йўл излайди, барибир ўз сўқмоғини тополмайди.

Дилором ҳақиқатан ҳам онадан туғилғанми ёки уни шамоллар опкелиб, Ойдинкўл соҳилига авайлаб қўйиб кетишганми? Улар – бепоён кенгликларнинг фаслларни ўзгартирувчи ҳайбат шамоллари эмасмиди? Ўша ойдин кечада, майсалар бу чақалоқнинг дудогига шудрингларини тутишмаганми? Бу чақалоқнинг каромат эканини бирор билди, бирор билмади, бироқ Мингларнинг тақдирни ўзгариб кетганидан кейин, ҳамма гап нимадалигини тушуниб қолди.

Сен ҳам англайсанми? Дилором – тақдирларни ўзгартирувчи эди.

¹ Бобораҳим Машраб.

Эй ёронлар, бир мард бормики орангизда, мени ўлдириб, кулимнинг ярмини да-рёга, қолган ярмини тогу тошга сочиб ташласа? Унга эришиб бўлмаслигини аввал-бошдан билган эдим, неки гўзаллик бор – бари Дилоромга интилаётганини ҳам кўриб турардим... Мевалию мевасиз дараҳтларнинг шохлари силкина-силкина Дилоромга интилишарди, сув ёқасига келса, балиқчалар сузид ёнига келишарди, ҳайвонлар оёғига бошларини суйкаб эркаланишарди, у бор жойда ҳамма ўзининг қисматидан рози бўлиб қоларди: майса майсалигидан, ёмғир ёмғирлигидан, қуш қушлигидан.

Уни кўрсам ўзлигим эсимдан чиқар, худ-бехудлигимни фарқлолмас даражага ке-лар, унга ғарқ бўлиб кетардим! Унинг зухуротлариниу мўъжизаларини янада теранроқ кўрай дея кўзимга мил тортган эдим.

Хозир аниқ биламан: агар Дилором юрагимнинг қоронғи кенгликларидан лола каби униб чиқса-ю, “Турғин ва кўзингни очгин” деса, кўзларим яна кўра бошлайди. Аммо шу ҳолимда, кўзим очиқлигидан кўра кўпроқ нарсаларни кўраётганим учун ҳам Тангрим-нинг кўриш иноятига қайтишдан йироқман.

* * *

Эй болам, сенга яна бир гап айтаман.

Билсанг, тупроқ турли-турли, қатлам-қатламдир. Тупроқдан кейин майда тош қатлами бошланади, ана шу қатламларнинг ҳар бирида бир дунё одам ётади, сен ҳозир фақат юза қисмни кўрмоқдасан, холос.

Янада чуқурроқ тушилса-чи?

Яна ҳам чуқурроқ тушилса... тупроқларнинг қатламлари тобора қалинлашиб-зичлашиб боради, ниҳоят, тошлар қисми ҳам тугагач, мутлақ қоронғиликларнинг туб-сиз дарёлари бошланади. У ер ости дарёларида ёруғ дунё нималигини билмайдиган ғалати маҳлуклар яшайдилар. Улар ҳаммасининг кўзи кўр.

Билиб ол, ана шу дарёларнинг тубларидан ҳам инсон боласининг овозлари кела-ди. Элас-элас инграшлар, оқиз оҳу фарёдлар...

Ундан ҳам тубда нима борлигини билмайман, ер ости дарёларининг тубларида янада ҳайбатли сирлар бор. Улардан хабар топган одам боласи чидаёлмайди деб тах-мин қиласман. Уларни билиб олган одам боласи бошқа нарсага... балки туби йўқ дарё-ларнинг кўр маҳлукларига айланиб кетса ҳам ажабмас.

Яна бир нарсани айтами? Шулар ҳам Дилоромни билишади, унинг иноятини орзу қила-қила азбланишади.

Ана шу ҳодисотларнинг энг устида истиқомат қиласди одам боласи. Уйим-жойим, болам-чақам, юртим-тупроғим деган жон зоти борки, шу кичик қатламда – тубсиз дарёларнинг устидаю бепоён осмоннинг остида, кичкина юзада ҳаёт кечиради. Сўнгра кимлардир уларни ё кўкларга – кўм-кўк самоларнинг нарёғига ёхуд ер остига – қора дарёларнинг тубига мажбуран олиб кетадилар.

Ҳа, агар янада чуқуроқ тушилса... хоинлар, мардудлар ва муртадларнинг макон-лари бошланади.

Менинг ҳассам Мусо пайғамбарнинг ҳассаси каби, уни тошга урсам – тош ёрилади, кишилар жонланади, улар ҳам йиғлаб-сиқтаб, ўз надоматларидан айта бошлайдилар. Шулардан бири – Хоин. Унинг ҳам айтари бор, истасанг ўзинг тингла – зеро, мен унинг сўзини тинглашдан безорман.

* * *

Озод яна бир оз кутди, лекин бу киши бошқа сўз айтмади, аксинча, йўл ёқасидаги тош устига ўтириб, ҳассасини Озодга узатди. Озод уни олиб, бутага суяб қўйди.

– Чарчадингизми? – деб сўради Озод.

– Ҳа, болам, жуда узоқ йўл босдим, ҳоридим, – деди сухбатдоши, ниманидир мулоҳаза қилганча. – Айтдим-ку, асрга яқин қолди деб. Бир оз тин олақолай. Сен эса йўлингда давом эт, менинг манзилим шу ерда.

– Ҳассангиз оғир экан, – деди Озод. – Хоҳлассангиз, уни мен кўтариб юрай?

– Маъқул сўз айтдинг, – деди сухбатдоши кулимсираб. – Ҳассакашим бўларкансан-да?

– Сизга ҳассакаш бўлиш шарафдир, Тангрим сиздан рози бўлсин деб айт, – деди шамол.

Озод унинг айтганларини такрорлади.

– Унда гапимга қулоқ сол, – деди кўр киши. – Шамол тўғри айтди – чўққиларга яқинлашганинг сайнин даражанг ортиб бораверади. Сенга сўзнинг нима эканидан беҳудага баҳс этдимми? Айтар сўзинг оламни ўзgartирар даражага етсанг ҳам ажаб эмас. Шуни билиб қўй, болам: тегрангга мубораклик мақомини бера оладиган сифатинг бор, бу сифат худонинг махлуқлари ичидаги фақат сенгагина ато этилган. Йўлингда нималарга ва кимларга муборак деган мақом беришингни яхшилаб мушоҳада қил. Борақол, болам, мен энди бир оз тин олай.

– Шамолнинг менга айтган гапини қаердан била қолдингиз? – деб сўради Озод.

– Бир маҳаллар элингдан бир одам сафарга чиққанида, курту күшлар, ўту майсалар “У келяпти” деб севиниб, муттасил бир-бирларига хабар бераб турган эдилар, – жавоб қилди кўр киши. – Чунки ҳаммаси ўша кишига интизор, манзилга соғ-омон етиб боришини исташган эди.

Шундай деб, у кўлларини дуога очди. Озод бу киши дуосини тутатгунича кутиб турди, кейин унга кўшилиб юзига фотиҳа тортди-да, йўлида давом этди.

* * *

Қайдадир ўша таниш қуш яна “Кўёв-куёв, кимга куёв” деб сайрай бошлади.

– У киши бир хоинни тилга олди, – деди Озод. – Қанақа хиёнат эди у?

– У зот хоинларнинг ҳам турфаларини билар эди. Лекин ҳозир энг мудҳишидан, яъни эркакнинг эркакка хиёнатидан баҳс этди, – деб жавоб қилди шамол. – Зотан, ўша хиёнат маконига ҳам етиб келдик. Мен ҳозир Дилором исмими айтиб эсаман, шунда у ўрнидан қалқади. Бошқа исмларни танимайди, фақат Дилоромни билади, холос.

Хоин ҳикояси

Бу одамнинг ўзи кўринмас, фақат овози келмоқда эди. Овозки, дарду изтиробга тўла эди.

“Бу ерда бирор Дилором исмими тилга олдими? – демоқда эди у. – У исмни айтган ким? Ундан хабар келтирган ким?

Тўхтанг! Модомики исмими тилга олдингиз, демакки, тақдиридан ҳам хабардорсиз! Модомики хабардорсиз, унда менга ҳам хабарини берсангиз-чи!?

Ер қаърида шилимшиқ бир нимага ўралиб-ўралиб ётганимга эътибор қилманг. Саккизоёқ каби бир нималар ўсиб чиқсан танамдан, улар илонлар каби ўраб, ўзимни тишлаб-чақадилар. Бўйнимда қорайиб-қорайиб кетган чандиклар, илонлар ўша жойлардан ўсиб чиқишган. Булар ҳам сизни чалғитмасин, чунки бари шаклдир, мазмун эса юрагимнинг туб-тубида, булар чақишининг захри у ергача етиб бориши маҳол.

Кимлигимни билмоқчимисиз? Мен Дилоромни деб дунёга келиб, Дилором туфайли ҳалок бўлган бандаман.

Бунда ҳар ким ҳар нарса дейди, мен учун Дилором... гулдан бино бўлган хилқат эди. Қоши қаро гул эди, кўзи қаро гул эди.

Кулса, гул ёғиларди оғзидан, йигласа – дур!

Юзи шойи атиргулнинг рўмоли каби оч пушти эди. Гапирса, ҳаволар майин тўлқинланиб кетгувчи эди.

Қадам босган еридан ҳам гул унарди, гул!

Бир боқса, етар эди менга. Ўзимни фидо қилиб, оёқ осталарига ясланаардим, тупроқ бўлар эдим. Истаса, ёмғир бўлиб ёғар эдим устларига... уйларига... кўчаларига... тупроқларига...

Нетайким, Дилоромнинг мен билан иши йўқ, ўз мағрурлигига ўзи мустағриқ, бошчаси адл, қомати тик... кўзчаларида истехзою ғурур! Ёнимдан ўтарди-кетарди, худди ғумайнинг ёхуд янтоқнинг ёнидан ўтган каби.

Эранга фотиха қилинганида мен учун еру кўк қоронғилашгани рост. Йиғлай-йиғлай, қоқилиб-сүқилиб ўнгирларда юрадим, юрган жойларимнинг ўнгирлар эканини ҳам энди-энди эсламоқдаман.

Тоғларнинг тоши дарз кетиб, ёв чиқиб келганида ич-ичимдан ёввойи қувонч бош кўтариб келди. Севинчимдан йиғлаб юбордим!

Кулар, йиглар, яна йиглар, яна кулар, ўз соchlаримни ўзим тортқилаб, тирноқларимни ғажиб, ўз ҳолимни ўзим англаёлмай, изтироб булултаридан остида гусса чақмоқлари остида тенитирап эдим¹.

... бир маҳал ёвнинг қир сари оқиб келаётганини кўриб қолдим.

“Тўхтанг! – деб қичкирдим ёвга, жунуним зиёда бўлиб.

Ёв тўхтамади.

“Эй Нангримнинг махлуқлари, сўзимни тингланг!” деб қичкирдим, улар оқишда давом этаверишди.

“Эй бадбахтлар! – дедим сўнgra. – Биламан, сиз Дилоромни деб келмоқдасиз!”

Ана шунда ҳаммаси турган жойида қотди. Менга кўк кўзларини бақрайтириб бақрайтириб қарашибди.

“Сўзимни тингланг! Мен Дилоромни севувчи бир одамман! – дедим, шу сўзимдан ич-ичимдан хўрлигим келиб. – Нима учун келаётганингиздан биргина мен хабардорман. Эй жаҳолатнинг болалари, анави қирнинг остидан ўтманг, учига қараб йўл солинг. У ерда Дилоромнинг эгаси – Эран бор. Пастдан йўл солсангиз, тепангиздан харсанглар ёғилади, ўтар йўлларингиз тамоман беркилади, агар у ерга чақмоқ тушса, тошлар эриб-битиб, яна бир Искандар деворига айланади. Тепадан йўл солинг, у Эран сизнинг ҳам, менинг ҳам йўлимни тўсувчи баттолдир!” – дедим хўнг-хўнг йиғлаб.

Мана шу хунук махлуқлар ҳам ҳолимни тушуниши, тегмасдан, тепага қараб ўрлаб кетишибди. Даф қилишганида ҳам барибир эди – Дилоромсиз ҳаёт ҳаётмиди менга? Ёв тепага ўрлади, мен ортимга қайтдим. Қайтаётганимда ҳам кўзимнинг ўнгидаги Дилором, қошларини чимириб-чимириб қараб тураверди..

Қилмишимни Дилором қайдан била қолди? Ёв қирнинг тепасига – Учёнгоқ тарафга сурон солиб кетганидан икки соат ўтди, икки соатда Эран бурда-бурда бўлиб кетгандир дейману ичимда кўркув ва титроқ... бир маҳал қарасам, Дилором... юзлари атиргул, қомати тик, қошлари камон, кўзлари юлдуз... ўзи ҳам юлдуздай бўлиб сўқмоқдан отилиб келмоқда... Дилором деб қошида тиз чўкканим ҳамоно дилимни ўраб-чақиб турган илонлар зумда эриб-йўқ бўлиб кетди, юрагимга қўшиб ҳаётимни ҳам баҳту саодат ўраб олди. Шу маҳал йўқлиқдан бир арслон чиқиб келди, улкан панжаси билан юзимга бир урди... миямда чақмоқ чақнади... “Дилором?!?” дея тупроққа оға бошладим, арслон яна панжа урди... ажабо оғриқни ҳам сезмасдан, суйганимга термилган кўйи жонимни Жабборга топширдим...

“Эй бадбахт, – дедилар менга. – Бир заифани деб бошқа кишини ўлимга йўллайдими мўмин деган?”

Дедим: “Сиз нимани ҳам билардингиз? Уни деб битта кишини эмас, бутун ер юзининг инсонларини ҳам ўлимга йўллашга рози эдим, дунёда мену ўколса етарли эди”.²

Дедилар: “Сен бир кўрқоқ, овозингни чиқаришга ҳам ҳайиқадиган бола эдинг... йигит бўлиб кўксингни кера-кера, тоғдай бўлиб, елдай бўлиб ёвга қарши борсайдинг, шон-шарафга бурканардинг, хоин ҳам бўлмасдинг.”

Дедимки: “Мен ундоқ бўлолмас эдим. Йигитни ишқ хор қилади, ишқимдан сизни устун қўя олармидим? Юрагимдаги Дилором севгиси шиддатимни суғуриб олиб, ўрнини эгаллаган, осмонда ҳам, ерда ҳам, ўнгдаю тушда ҳам уни кўрардим, холос.”

Яна айтдимки: “Шуни билиб олинг – менинг муҳаббатим сизнинг бутун урушларингиздан устун туради. Муҳаббат янги инсонларнинг дунёга келишига сабаб бўлади, сизнинг урушларингиз эса дунёдаги инсонларни ўлдиради. Муҳаббат яратувчи, уруш

¹ Алишер Навоийдан.

² Ҳазрат Алишер Навоий.

– хароб қилувчидир. Бутун дунё биттагина одамнинг ўлдирилишига хирож бўла олмайди.”

Айтдилар: “Афсуски, ўрнимиздан қалқиб, сени жазолай олмаймиз. Йўқса яна-да парчалар, парчаларингга ўт қўйиб ёқар, кулингни кўкларга совурадикки, зарранг ҳам қолмасин бу ерларда!”

Айтдимки: “Ошиқнинг қисмати шу. Мен зотан ёқилиб, кул бўлиб бўлганман – сизнинг жазоингиз уни олдида нима бўпти?..

* * *

– Энг қўрқинч адаштирувчи – инсон муҳаббат деб атайдиган нарсадир, – деди шамол. – Ҳар кимни расволиқ ичига отиб-иткитиб, хўрликка қориштириб-ўзгартириб юборувчидир у. Мендан ҳам кучлироқ шиддат билан тақдир узра эсиб, руҳиятларни чирпирак қилиб учиргувчидир. Мен дунёни қандай тўзонга буркасам, у ҳам руҳларни ана шундай тилга киришга мажбурлайди, унинг босими остида инграмаган, тилга кирмаган ҳеч нарса йўқ!

– Дилором ким ўзи? – деди ҳайратланиб Озод. – Бунда ҳар ким Дилоромдан баҳс этади...

– Ўзидан сўра, – деб гувиллади шамол, у нима учундир безовталанмоқда ва асабийлашмоқда эди. – Ана у, Дилором, боши эгик, тош қотган ҳайкал у!..

Дилором ҳикояси

Менинг бу маконимда ёмғирлар ёғади, қорлар музлайди. Кейин яна ёмғирлар ёғиб, музлар эрийди... шунда кимдир тепамга келади.

“Ой қизим, бир оз сабр қил. Оз қолди, бир оз сабр қилсанг, Эранинг ўрнидан туряди”, дейди...

“Қара, – дейди, – у ухляяпти. Уйғотиб юборма, ўрнингдан қимирлама”.

“Озгина кум... жуда оз қолди... бир кумғон сув қайнагунча сен ҳам уйғонасан, эганг ҳам,” дейди.

Шу ҳолимча турману тушлар ҳам кўраман, тушунарсиз, маъносига идрок етиши қийин, ғаройиб тушлар.

...Теп-текис, кимсасиз маконларда ёлғиз ўзим теваракка мўлтирайман. Кичкина маҳлуқчалар төграгни ер бағирлаб ўраб олишган. Бари бечора, кўкимтирик кўзчаларида адоксиз гуссаю ёлвориши... пойимга ястанган кўйи музтар-музтар, мунгли-мунгли, илтижоли-илтижоли термилишади...

Либосим қорамтири... ён-веримда қора булутлар қуюқлашади, ораларида чақмоқлар етилади. Агар шамол эссайди, яшинлар тогу тош бағрини тилиб санчиларди, бағирларидағи сувни жала қилиб ёғдирапди... Бутун бу сассиз макон қутурибелиб эсувчи ўша халоскор шамолга интизордай. Кўкнинг бир уфқи очиқ, ўша ерда улкан ой осилиб туради, агар шамол эсса, унинг майин ёғдусини ҳам сочиб-учириб кетадигандай туюлади.

Қимир этгани ҳолим йўқ, аммо Эранга жуда-жуда интизорман. Вужудимнинг ҳар бир зарраси уни истайди, интиқланади, интилади. Мени унга, уни менга яқинлаштирадиган шамолда тақдирим ўзгариб кетишини, жуда узоқ вакт шу қорамтири маконда турганим мазмун касб этишини, ҳаётим янги ва ажойиб маъноларга тўлишини ич-ичимдан сезаман. Сезаману теваракни ҳаракатга келтирадиган ўша шамолнинг қандай ва қай йўсинда қўзғалишини билолмайман, билмаслигимдан ва ноҷорлигимдан баттар изтироб чекаман...

Эй одамлар, ёруғ дунёда менинг исмим – Дилором эди. Бир қишлоқда яшардим, меҳрибон отаму мушфиқ онамнинг бағрида эркаланиб вояга етган, вояга етгач эса, худойимнинг ҳукмию пайғамбаримизнинг қавли или ўзим туғилиб ўсган элнинг Эран деган ўғлонига фотиҳа қилинган эдим.

Ўша кезлар ҳар куни ёруғ-ойдин тушлар кўрардим.

Кимлардир тепамга келарди, юзларини кўролмасдим, чунки ҳаммаёқ нурга тўлиб кетган бўларди, кўзларим қамашарди. “У шу аёлдан дунёга келади” дердилар. “Унинг исми Имон бўлади. Икки дунё хирожи унинг олдида бир хасчалик қийматга эга эмас” дердилар. Коса тўла сут берардилар, тўйиб-тўйиб ичардим... Кейин ўзимни Ойдинкўлнинг соҳилида кўрар, гуллар орасида ётган бўлардим. Ҳатто ҳавонинг илиқлигини ҳам се-зиз турардим...

Кўчаларда, сўқмоқларда юрганимда мўъжизалар юз бераверарди. Йўлларимда учраганлар тушларимда яна такрорланарди: олма егим келса, олманинг ўзи шохини эгар, баланд ўтлар, чангллар мен келаётганимда йўл бўшатишарди. Айнан ўша олманни тушимда яна кўрардим, шохини эгган дараҳт тушимда менга салом берар, ўтлару майсалар ҳам мен ҳақимда шивирлашаётганини эшитардим.

Ўнгда эмасу тушда... ана шу юрган йўлларимда икки ёнимда икки баҳайбат арслоннинг ҳамроҳ бўлиб бораётганини ҳам кўрардим, ҳар ҳолда, булар менинг қўриқчиларим эди.

Бир қушча ҳам бор эди, тепамга келиб “Куёв-куёв, кимга куёв” деб сайрап эди. Ўзимча “ўчир овозингни, ҳаёсиз!” деб пўписа қилардим. Қайда... пир этиб ғойиб бўлиб кетарди-ю, салдан кейин яна пайдо бўлиб, яна беҳаё сайрашини қўймасди.

Фотиҳа қилинган куним еру кўкни гулдиратиб бир садо келди. Менга айтилдики:

“Аёлнинг эгаси – эридир. Икковининг эгаси – Парвардигордир!”

“Эй аёл! Парвардигорингта қандай бўйсунсанг – эганга ана шундай бўйсун!”

“Ҳамда икковингиз ҳам унга ибодат қилингиз!”

Ҳа, мен Тангримнинг муборак бир иродасига муносиб кўрилган эдим, шу сабаб ҳам ҳаётим жуда енгил, оромбахш, қисқа туюларди. Назаримда, умрим шиддат ила ўтадигандай, тез орада Тангримнинг жаннатларига кетадигандай эдим.

Аллоҳнинг исму азамати ила фотиҳа қилинганим... оқсоқолларимиз рўмолимни Эранга берганлари кеч... ажойиб бир туш кўрдим. Туш аро туш кўраётганимни ҳам билиб турдим.

Хобимда Ойдинкўл намоён бўлди! Ажабо, у тирик эмиш, ўзининг қўллигини ҳам билармиш, кўл ичидаги сузига юрганимшишману ўзимни ой деб хаёл қиласмишман. Сувидаги сузига юрганимдан Ойдинкўл баҳтиёр эмиш. Жисмим ой каби ёғду таратармиш, бу ёғдуда теграмдаги балиқлар кумушдай ялтиравмиш. Тепадаги ой жуда пастга тушган, кўл узатса етгудай яқин эмиш...

Теварагимдаги ҳамма нарса менга интиқ, мени севар, мени иззат қиласр экан. Тоғларнинг ортида бир ёв бормиши, у ҳам менга интизор эмиш. Қилмиши одам болаларига душманлик бўлган бу жонзотлар олдимга келганларида мушукболадай ер бағирлаб эмаклар, мулойимлашиб, изларимни кўзларига суртармишлар.

Айни тушларни Эран ҳам кўрипти. Мен Ойдинкўлда эмишману ойга айланиб қолганимшишман. Осмондаги ой аслида менинг аксим эмиш, теграмдаги кумуш балиқлар ёғдумдан жилоланармиш. Тоғларнинг ортидаги ёв чиқишига уринаётганимшиш, ҳализамон зилзила рўй берармиш... Эгам кўлнинг соҳилида, икки ёнида иккита арслон, ёлларини силаб ўтирганиши..

Булар аслида арслонлар эмас эдилар. Кимликларини тахмин қилишга кўрқаман.

Бу ишларнинг ҳикматисиз бўлмаётганини, яратган эгам ҳамма нарсани кўриб-билиб турганини, унинг истагисиз ҳеч нарса рўй бермаслигини билар эдим.

... Ўша тонгда ҳам буултлар куюқ эди. Саҳарлаб тоғлар устида момақалдироқлар гумбирлади, чақмоқлар кўзни олгудек чақди. Теваракни тўлқинлантириб шамоллар эсди. Бир маҳал анави қушча яна келиб, бошим узра айланиб “Куёв-куёв, кимга куёв” деб чирқиллаб сайрайверди.

Тўлиқиб-тўлиқиб сайради. Эзилиб-эзилиб сайради.

Сайрамай қўювдинг-ку, сенга нима бўлди?

Нималар деяпсан, ер юткур?

Нега менга куёв истаяпсан, бехосият? Куёвим бор-ку менинг!

Ё нимадир рўй бердими! Эранинга бир нима бўлдими?

Юрагим ич-ичигача музлаб кетди!

“Куёв-куёв, сенга куёв!” – деб, қушча пириллаб учди, ортидан эргашиб боравердим.

Учёнгоқда одам қолмаган эди – ҳар ер-ҳар ерда жасадлар кўзга ташланарди. Учёнгоқ остига бир кучук яқинлашиб келмоқда эди, тўсатдан у бир нимадан ҳуркиган каби ортига тисарила бошлади, анча жойгача шундай сурғалиб борди, кейин ўгирилиб, ура қочди. Пастроқдаги сўқмоқдан эса эгасиз бир от кетиб бормоқда эди, аравасининг ғийқиллаган овози шу ергача келиб турарди.

Қушча учди-учди, тепа сўқмоқда келаётган Хоиннинг чўзинчоқ боши устида айланаб чирқиллайверди.

Бу одам анчадан бери мени пойлаб юрмасми? Калтак еган итдай қараашларидан, мендан мужда кутаётганини, менда кўнгли борлигини сезмасмидим?

Хоин эди-да! Унинг хиёнати менга ваъда қилинган ажойиб дунёларни бузиб-хароб айлагувчи фалокатта ҳам айланаб улгурган эди!

Хиёнатнинг ҳам даражалари бўлармикин? Омонатга хиёнат не эканини биласиз-ку? Бошка бировга фотиҳа қилинган қиз ҳам омонат эмасми? Бу одам эса янада мудҳишроғига жазм этган, ажабо, эркак эркакка хиёнат қилмоқда эди!

Эранум ўлдими? Ёвни Эранумга сен рўпара қилдингми?

Бутун бир қишлоқда сенгина қолдингми, худобехабар? Сену менгина қолдикми?

Хоин яна итдай мўлтираб боқди кўзларимга.

“Сенсиз дунё менга ҳаром”, демоқ истади.

“Дунё сен билан ҳаром!” – дедим унга.

Эй бадбахт, Эран ким эди, биласанми?

Бошимнинг тожи эди, юлиб олдинг-ку?

Сен боши бойлиқ қизнинг кимлигини биласанми?

Келажакда боши бойлиқ қизнинг отаси ҳам, онаси ҳам, қавму қариндоши ҳам Эранни бўлади. Дунёю жаҳони бўлади!

Ризки ҳам ўша бўлади – худои таоло аёлнинг ризқини эгасидан беради.

Боши бойлиқ қиз отасигаю хожасига мўлтиллаб туради. Шулар кулса, кўнгли ёришади, шулар хўмрайса, юраги зими斯顿 бўлади.

Сен мени ризқимдан, отамдану онамдан, қавму қариндошимдан, бошимдаги тожимдан, ёргуличимдану зими斯顿им, баҳтимдану жаннатимдан айирдинг-ку, қирилиб ўлгур!

У қаршимда мўлтиллаб тураверди.

“Нима қилай, ахир, севаман-ку?” деди.

Шу маҳал Ойдинкўл бўйида кўрганим ўша арслон пайдо бўлди. Улкан панжасини ёйиб Хоиннинг бошига бир урди, бакувват чангаллари бўйнининг томирларини тилиб ўтди, у миқ этмасдан ерга қулди, шундаям кўзи менда – ҳануз ўша мўлтираш!

Арслон яна панжа урди, эзғиланган ҳашаротга ўхшаб титраб-тиричилаб қолди Хоин. Танасидан илонлар ўсиб чиқди, улар Хоиннинг ўзини чақиб-тишлай бошлишди.

“Ана шу ерда сасиб-бижғиб ёт!” дедим, сўнг тепага – Учёнгоқа қараб йўл солдим.

Учёнгоқда қишлоғимнинг ўспириллари – райҳон-райҳон, жамбил-жамбил бўлиб ер тишлиб ётар эдилар. Булар ҳам ёвга қарши чиқишиган, аммо заифликлари боис ҳалок бўлиб кетган эдилар. Янги узилган райҳоннинг титрашини кўрганмисиз? Ана шундай – райҳонлардай, жамбиллардай титраб-титраб жон таслим қилган эди ўспириллар.

Райҳонларнинг орасидан, жамбилларнинг орасидан Эраннинг жасадини излаб топдим – тоғдай бўлиб юзтубан ётган экан.

Оқсоқолларимиз унга беришган рўмол – менинг рўмолим бўйнида эди, терини артаман деб, бўйнига ўрабди уни.

Терларини артибди ҳам – ҳали излари куриб улгурмабди.

“Эй, туринг” дедим – турмади.

“Эй, мен келдим, туринг” дедим – яна турмади.

“Бу нима ётиш, – дедим, – Орияtingиз осмондан ҳам баланд эди-ку, ётаверасизми? Бу энди нима қиласи демайсизми, қалқинг ахир”, – дедим.

“Шундай, ташлаб-ташлаб кетаверасизми”, – дедим, яна турмади.

Шу маҳал қир томондан сурон эшитилиб, ёв кела бошлади.

Шунда айтдимки: “Эй худойим! Эй эгамнинг эгаси! Белгилаган тақдириңг юз берди. Келажақда мен учун қурған барча дунёларинг хароб бўлди. Энди ёлғиз ўзим қолдим, бу ёқда эса ёв келмоқда-ку!..”

Бир ёмғир ёғарди... бир чақмоқ чақардики... ёмғирнинг остида чақмоқдан титраб-титраб, Тангрим билан гаплашар эдим.

“Мен нима қиласай энди, эй эгамнинг эгаси?” – демоқда эдим.

Лойларни сачратиб-сачратиб, бўзрайиб-бўзрайиб келмоқда эди ёв! Укаларимни, жиянларимни, оғаларимни ер тишлатиб, мен сари тишларини иржайтириб келмоқда эди ножинс!

“Эй худойим, бир нима қиласанми-йўқми? Юрагимда номусу ориятим бор, дилим-да имоним бор... Имонимнинг ҳимоячисини ўлдириб қўйдинг-ку?”

Яна кўзни кўр қилгудек чақмоқ чақнади, салдан кейин момақалдироқ шундай гум-бурладики, еру кўк уваланиб кетгандай бўлди назаримда.

... Кейин нима бўлганини англаётмадим... бирданига теварак сокин бўлиб қолди. Турай десам, қалқишига мажолим йўқ... эгам ётипти қонига беланиб, жанозасини ўқишига бир одам йўқ..... Ана шундай, бошида туравердим-туравердим.

Ёмғирлар ёғди, қорлар музлади, кейин яна ёмғирлар ёғди... музлар эриди... шунда кимдир тепамга келди.

“Ой қизим, бир оз сабр қил. Оз қолди, бир оз сабр қилсанга, эганг ўрнидан туради” деди...

“Қара, – деди, – эганг ухлаяпти, уйғотиб юборма, ўрнингдан қимирлама”.

“Озгина кут... жуда оз қолди... бир қумғон сув қайнагунча сен ҳам уйғонасан, Эранинг ҳам” деди.

Шунда қарасам, ёв етиб келибди, барчаси теграмни мушукболалар каби ер бағирлаб ўраб олишипти, бари бечора, кўқимтирик кўзчаларида адоқсиз мунгу ғусса... поимига ястанган кўйи музтар-музтар, мунгли-мунгли, илтижоли-илтижоли термулишмоқда менга...

* * *

– Биласанми, бир қумғон сув қайнагунча нима бўлади? – деб сўради шамол.

– Йўқ, – деди Озод.

– Қиёмат бўлади, – деди шамол. – Қиёмат ким учундир бир қумғон қайнагунчалик вақтдан сўнг қойим бўлади, ким учундир яна минглаб йиллар ўтса эҳтимол.

– У яна ўша сирли тушининг ичидаги ҳозир, – деди шамол яна. – Ҳар йили шу маҳалда ўзини тоғу тошлардан ҳам юксакдаги сассиз маконда кўради. Гулбарглари тўқ-кулранг, гулкосалари қорамтири, ойнинг ёруғида гулчанглари майин аксланади.

– Полами? – деб сўради Озод ҳайрон бўлиб. – Поладан баҳс этяпсанми?

– Кимсасиз кенгликларда, совуқ эпкинларда бир ўзи титраб-титраб туради, – деди шамол. – Пойига турли маҳлуқлар ясланадилар.

– У олисда-ку, – деди Озод ўйланиб. Сўнг сўради: – Сен нега қиёмат кунидан баҳс этдинг? Буларнинг орасидаги боғлиқликни англаётмадим.

– Қиёмат кунини мен қайдан билай? – деди шамол. – Кошкийди, кўрсам у кунни! Бироқ Тангрим иродаси билан тамомила йўқ бўлиб кетаман.

– Ҳеч нарса йўқ бўлмайди, деган ҳам сен эдинг, – деб эътиroz билдириди Озод.

– Қара, аср вақти кира бошлади, бу бошқаларга ўхшамаган бир аср, – деди шамол. – Борлиқнинг сиру асрорларини очиб юборадиган хусусияти бор унинг. Тоғда эканнингда унинг ҳайбатинио улканлигини кўролмайсан, узоқлашсанг у бутун викориу улканлиги билан уфқни тўсисиб намоён бўлади. Ҳозир орtingга ўгирилиб бир қара. Кимдир ўзининг туғилиб ўсган элу юртини, тошу тупроқларини дилором деб атади. Қара-чи, ростдан ҳам Дилороммикин?

Озод шамолнинг айтганини қилди. Дарҳақиқат, узунасига чўзилиб кетган қишлоқ жимит ўйлари ва яшил экинзорлари билан бор бўйича намоён бўлган, икки тарафида оқаётган икки наҳр аро малоҳат ичра товланиб, нозланиб-сулувланиб, чиройли бўлиб кўринмоқда эди. Дараҳтлар чайқалар, устида булутлар сузар эди.

– Сенинг бунчалар ёйилиб эсишингни билмаган эканман, – деди Озод. – Демак, бир вақтнинг ўзида ҳам бу ерда, ҳам элу юрт устида ҳам эсмоқдасан. Айт-чи, бошқа сўқмоқдан юрганимда нималар бўлар эди? Учёнғоқ бошланган жойда ҳар томонга кетган сўқмоқлар бор эди-ку?

– Жанг жадаллар маконига борар, тамомила бошқа кишиларни ва бошқа ҳодисаларни кўрар эдинг, – деди шамол. – Лекин бу тупроқлар неча йиллардирки тинч ва осойишта, у маконларга ўзларининг хос кишилари киргани маъқул. Яна бир гап айтайми? Модомики, теваракдаги ҳар бир нарса одам қонидан қўрқиши ҳақида гап бораётган экан, шуни ҳам билиб кўй, у қонлар аллақачон тупроққа шимилди, ўрнида узумлар ўсиб чиқиб, мева солди... У боғларга кимлардир келиб, эга чиқдилар. Узумзор эгалари ўз узумларининг нега қизил эканидану нега гуркираб ўсишидан бехабарлар, аммо чўлтоқ, чала-ярим руҳлари ўз аслига интилишини тушунолмасдан гоҳ худ, гоҳи беҳуд умр кечирадилар. Гоҳ кибру туғёнга кетадилар, гоҳ малулият ичидан тунларни тонгларга улаб чиқадилар. Шу ҳолларида умрларининг, наслларининг давом этишидан, қуримаслигидан умидланадилар. Ўша узумларни сотиб даромад кўрадилар, кибр меваларининг аччигини тотиб кўрмасдан, ўзларини жаннат ичра дея хаёл қиладилар.

Атрофга жимлик чўқди.

– Энди ҳақиқатни тингла, – деди шамол, кейин. – Бу кўрганларингнинг барчаси адашишдир! Модомики Тўғри йўл кўрсатилган экан – зеро, у жуда аниқ ва равshan қилиб билдирилган эди, – одам боласининг бир-бири билан жанг қилишига ҳайрон қолмаган махлук йўқ дунёда. Келувчи ҳам тўзон илинжида, кетгувчи ҳам. Булар оддий ёвлар, тупроқнинг устидаги остидаги нарсаларга эга чиқиш учун келмоқдалар. Маконларнинг ҳақиқий эгасинио ҳақиқий ёвнинг кимлигини билганлар жуда оз бу ерларда!

Ёв ҳикояси

Биз тогу тошларнинг ортларида тентираб юрар эдик-ку? Эслаш шарофатидан маҳрум эдик-ку? Нечук бу ҳол рўй берди?

Бизлар бу ерларда кимлигимизни, нима учун яратилганимизни эслолмасдан турамиз. Ҳамма нарсани кўрамиз, англаймиз, аммо бори билганларимизнинг ибтиносини эслолмаймиз.

Далаю қирларга ёйилиб яшаётган одам болалари бизларнинг душманимиздир! Улар роҳату фарогат ичидан умр кечиришади, еру мулқларни эгаллашади, қалдирғоч сингари лой-чўп ташиб уйлар қуришади, тўп-тўп бўлиб кезиб юришади, беҳисобу бесаноғу беҳуда сўзлар айтишади. Ана шу айтгандари ўзига кушанда бўлиб қайтиб келишининг тимсоли сифат турамиз тоғ ўнгирларида, тубсиз қоронгиликлар ичидан. Орамизни тўсиб турган нарса – мана шу тоғ. Бу тоғни одам боласи Қоф тоғи деб атайди. Шунинг чўққиларининг уст-устларидан туриб бокамиз уларга.

...Бир куни бир одам боласи бир ножоиз сўз айтади, у гуноҳга айланади – шунда тоғ дарз кетади. Яна бир сўз айтади – дарз кенгаяди. Кейин эса дарз ёриққа айланади. Ана шу ёриқ очилса бас – орасидан шувиллаб ўтамиз биз. Ер юзига ёйилиб ёйилиб кетамиз, булардан ўчимизни оламиз, бўйинларидан эгиб-эгиб, ўзимизга бош эгдирашимиз.

Ер юзидаги ҳар махлуқнинг бир кушандаси бор. Яшнаб-бўй чўзган бир дарахт ниш урмасидан аввал унинг танасини емирадиган қурт бино бўлган. Мева пишса, уни чўқидиган қуш аллақачон яралган. Бир тош бино бўлса, уни емирувчи сув албатта мавжуд. Биз эса одам боласини емирувчимиз.

Қачонки булар йўлларидан тойсалар, қаршимиздаги тоғ увалана бошлайди. Аммо мана чиқдик, деганимизда, Тангри таоло яна бир бандасини бино қилади ораларида. Ўша банда туғилганида ер юзи титрайди, зилзила бўлади, чақмоқлар чақади... Ер юзида рўй берадиган зилзилаларнинг сабабини одам боласи қаердан ҳам биларди? Шу зилзила туфайли тоғ яна қайтадан битиб қолади.

... Яна кемира бошлаймиз қояларни.

Одам боласи неъматларнинг сараларини ейди. Биз эса дуч келган нарсани еяверамиз. Одам боласига ҳаром-ҳалол деган чекловлар бор, бизга йўқ. Одам боласига гуноҳ-савоб деган неъматлар берилган, бизда гуноҳ ҳам, савоб ҳам йўқ!

Шу қадар кўп неъмат берилганки буларга... қисматимиздан жаҳлланиб-ғазабга тўлиб кун кечирамиз бизлар.

Булар биздан шу қадар қўрқишиади! Ўзлари содир қилган нарсалардан қўрқиб-қочиб юришларидан янада жаҳлланамиз!

Шояд, бир кун йўллар очилса-ю буларнинг барини ер тишлатсан... ўйлаб-ўйламай айтган сўзлари боис мана шундай ҳақири қисмат ила дунёга келганимиздан қаҳру ғазабга тўлиб, яна чўққилар узра ўрлаб кетамиз – яна кину адоват илиа боқамиз буларнинг туриш-турмушларига...

Тогнинг нариги томонида бошқа бир водий бор, у ерда ҳам ер титрайди... нима учун титраётганидан одам боласи яна бехабар, биз эса биламиз. Тез орада у ердан ер юзидағи ҳеч қайси жонзотга ўхшамаган, патлари юмшоқ, мулоим бир жонзот чиқиб келади. Бу жонзотнинг чиқиши – қиёматдан далолат бўлади.

Инсон боласи қиёмат нима эканини билмайди, биз биламиз. Тангри таоло ер юзида қиёматдан кейинги шаклларга шу дунёда ишора бериб қўйган. Тупроқларнинг тубларида ўрмалаган бир куртдан одамга нима наф? У кимнингдир қиёматда ана шундай кўринишда бўлишидан дарак бермоқда. Тупроқларнинг кавакларидағи кўзиз мингоёқ-чи? Денгизлардаги саккизоёқлар-чи? Зўрға имиллаб юрувчи куртлар, осмонларда учувчи күшлар-чи? Одам боласининг қиёматдаги даражаларини кўрсатиб турувчи бу маҳлуқлар қиласирини қилиб бўлиб, йўқ бўлиб кетадилар. Биз ҳам йўқ бўлиб кетамиз. Жаннат насиб қилмаслигидан жаҳлимиз чиқиб, одамни душман тутамиз. Бир марта жаннатдан маҳрум этилган эди, шояд яна бир марта маҳрум бўлса деймиз. Бизни мардуд дейдилар, асл мардуд – одам боласининг ўзири. Жаннатдан рад этилиб кетмадими у? Унгача ер юзида биронта мардуд бормиди?

Ораларида мардудлару муртадлар ҳануз бор... бошларида, теграларида олов ёниб туради, у оловни биз кўрамиз, одам боласи кўрмайди.

Ана шулар ҳам оқибатини билиб-билимасдан сўз айтадилар, айтадилару кибру ҳаво ичиди керилиб-керилиб юрадилар. Аввали азалда муборак эдик, гуноҳларимиз афв этиладиу яна жаннатга кирамиз, деб ўйлайдилар.

Бетиним... бетиним хато қиладилар!

Улар барибирам мукаррамдирлар. Сабаби – ота-боболаримиз унугтан бир сўзни биладилар. Кексалари, эркагу аёллари янги туғилган чақалоқларининг қулогига ўша сўзни айтиб аzon чақирадилар, юрганларида ҳам, турганларида ҳам ўша сўзни айтадилар.

Биз ўша сўзни унутиб қўйган қавмимиз. Ҳамма сўзларни уларнинг маъноларини биламиз, биргина ўша сўз унутилган, холос.

Унтиш нималигини сиз қайдан ҳам билардингиз? Унтиш – тамоман йўқ бўлишдир. Кимдир у сўзни айтгани тақдирда ҳам эслабилмас даражада унтишдир. У сўзни барча маъноларию ўзгаришлари билан қўшиб унтишдир. Унтиш – йўқ бўлишдир.

Ичимизни ғазаб кемиради... биз эса тоғни кемирализ.

Қавмимиздан баъзилар тоғ тепасидан сакраб ҳам кўрган – чўққилар шу қадар баландки, ерга етиб бормасдан парча-парча бўлиб кетишган.

.. Бир куни тоғ қаттиқроқ титради, инсон боласи катта бир гуноҳ қилди, кичкина дарз очилди. Саноқсиз қавм ана шу ёриқа ўзини урди. Озгина бир қисм ташқарига ўта олди, кейин тўсатдан тошлар кўчди-ю пастдаги бошқа қавмдошларимизни ҳам кўмиб, дарз ери яна ёпилди.

Яна зилзила бўлди, тоғ қайтадан битди.

Энди умидимиз ўша – ташқарига чиқиб олган озгина қавмдошларимиздан.

Ана шу тарз тоғ оптида... қиёматни кутиб, гала-гала турамиз биз...

Ташқарига чиқиб олган қавм ҳикояси

Қисматимизнинг ўзгариши хабарини бизга шамол олиб келди.

Эй жаҳолатнинг болалари, деди шамол. Тақдирингизни ўзgartираадиган бир банда дунёга келди. Жонингиз борича чопинг, ҳалок бўлиб кетмасингиздан қошига етиб боринг ҳаққингизга дуо қилишингизни сўранг – унинг дуоси ила охиратингиз ўзгарса, не ажаб?

Йўлингизда бир қанча кишиларни кўрасиз. Улар – сизни ана шу дуо соҳибидан тўсувчи кимсалар, яъни душманларингиздир.

Билингки, йўлингизда ҳар киши бежиз қаршингизга чиқмайди.

Ўнгирлардан ўтганингизда, ёйилиб оқаётган бир оқар сувни кўрасиз. Сувда тошбақа сузуб бормоқда, унинг устида эса чаён бор. Буларга тегмасдан ўтинг, токи чаён албатта ўз ажали билан ҳалок бўлсин.

Янаям нарида тупроқ ва тош орасида денгиз чифаноғини кўрасиз. У денгизлардан ва тўлқинлардан баҳс этади. Унинг сўзларини тингламасдан ўтинг – у сўзлар сизга аталган эмас.

Яна нарида кўр бир кишини кўрасиз – бу одамга ҳам тегманг. У одам боласи кўролмайдиган нарсаларни кўрган, нималарни кўрганини билсангиз, ер қаърининг бошқа маҳлуқларига айланаб кетасиз.

Яна илгариласангиз, экинзоридан чиқмай меҳнат қилаётган бир дехқонни кўрасиз. Уни ўлдириб ўтинг – дехқон сиз туфайли мақтул мақомига эришсину уқубатдан ҳалос бўлсин.

Ундан нарида узумзорлар орасини кезаётган бир кишини кўрасиз. Уни ҳам чавақлаб ўтиб кетаверинг – у беҳуда сўз айтувчилардан бири. Сизнинг аянч қисматингиз ана шундайлар боисдир.

Яна – тинмай тош-тупроқ ташиб, болаларига иморат тиклашга уринаётган бир кишини кўрасиз. Ундан кейин эса елкалари илма-тешик бўлиб кетган баҳайбат бир одамни, ундан нарида тандирга ўт ёқаётган аёлни ҳам кўрасиз.

Буларнинг бари йўлингизда учрайдиган ишоралардир, шуларни кўрганингиздан сўнггина ҳалоскорингизга етишасиз.

Йўлингизнинг бошида икки киши пайдо бўлади. Булар сизнинг ёрдамчиларингиз, улар сизни асосий душманингизга олиб борадилар. Иккиси ҳам ҳалоскорингизнинг исмини айтиб чақирадилар. Бирининг исми – Мардуд, бутун оламни рад этган жон эгасидир, у албатта ҳалокатга маҳкумдир. Иккинчиси – Хоин, ўзининг тугёнларига ўзи ғарқ бўлган кишидир. Зотан ғарқ бўлгандир, унинг ўлими сизнинг ихтиёргизда эмас. Ҳақиқий душманингиз – эрандир, унинг арслонлари ҳам бор. У эран сизнинг ҳалоскорингиз билан Тангрининг исми аъзами айтилиб фотиҳа қилингандир. Бутун қавмингизни биргина сўзи билан яксон қиласр қувватга эга бир фарзанд шулардан дунёга келиши ирода қилинди.

Илк бошда шулардан ўтиб олсангиз, иноят насиб қилса эҳтимол.

Шунда, агар қисматингизда бўлса – ҳалоскорингизга етишасиз. Унинг қаршисида ҳамма нарса таъзим қилиб-эгилиб туради. Сиз уни илк кўришдаёқ таниб оласиз: исми Дилоромдир, шарафлилиги – дунёга келтирадиган фарзанди боисидандир. Ўша фарзанд сизга марҳамат кўрсатиши мумкин, фурсат шудир. Туғилажак фарзанддан эса марҳамат кутманг – унинг тақдирига эгалик битилгандир. Дунёнинг эгаси кимлигини йўлларингизни тўғсан Искандар тимсолидан биласиз.

Ниҳоят, етиб борсангиз – узоқлардан туриб ер бағрига ясланинг, қошига эмаклаб, таъзим қилиб сурилиб боринг. Айтган сўзини Тангри тинглайдиган аёл – ўшадир. Ҳаққингизга бир сўз айтса, зилзила рўй беради, булутлар сурилиб келиб, чақмоқлар чақнайди, бутун қавмингизнинг тақдирига ўзгариб кетади.

Ҳаққингизга дуо айласа.... балки қизғалдоқларга айланаб кетарсиз? Рангингиз тўқ, қулранг-корамтири, баҳмал каби товланувчи, кимсасиз кенгликларда ёлғиз-ёлғиз ўсувчи чечакларга? Тақдирингиз ҳам ўзгарар – сизга етишган ва моҳиятингизни англаған кишиларга баҳту саодат келтириш учун хизмат қила бошларсиз?

Ва шунда, балки – яратилишингиздан ҳаётингиздан тамомила рози бўларсиз?

Мабодо бу орада ажалингиз етса, – зотан етганини дарҳол англайсиз, “Тангри
сендан рози бўлсин”, деб нидо қилинг, билсангиз, бу сиз учун яхшидир.

Тангри ҳаммамиздан рози бўлсин!”

* * *

– Айтилган сўзлар аллақачон моддийлашиб бўлди, шакл ясади, теваракни
ўзгартириб, айтувчи ҳаётининг моҳиятини белгилаб берди, деганингнинг маъноси шу
экан-да? – деди Озод ўйланиб. – Сўзниң шунчалар хатарли эканинию маъноларнинг
ажали қай тарз юз кўрсатишини ҳеч тасаввур қилмаган эканман.

– Ҳой бола, – деди шамол, дағдаға билан. – Ажалнинг нима эканига фаросатинг ет-
масдан, ундан баҳс этишга қандай журъат этдинг? Билиб қўй, у йўқ қилувчи эмас, балки
ўзгартирувчидир. У ҳам Тангри минг бир махлуқидир, минг турли қиёфаси бор, дара-
жаю мақомларни, мазмунлару шаклларни ўзгартирувчи яратиқларининг биридир. Ме-
вани узуб олишинг унинг ажалими? У ҳолда мева ҳалок бўлмади, балки ризқа айлан-
ди. Ширин ёки аччиқлиги, ранги ва таъми унинг мазмунидир. Аслида сен бир мевасан,
аммо мазмунинг нима? Аччиқмисан, ширинмисан, шифомисан, заҳармисан? Мен янада
чуқурроқ мисолларни айтган бўлардим, аммо ҳали ёш эканинг боис уларни англаб
етолмайсан. Ажалнинг ҳикмати ҳам шу сабабдан сендан йироқдир. Қара, қуёш уфққа
оғиб бормоқда, соялар узайиб, булутларнинг ости қизариб, аср вақти кириб келмоқда.

Аср вақтининг ҳикояси

– Сен айтган аср вақти кирди, – деди Озод. – Учёнгоқдаги товушлар ва саслар то-
бора пасайиб-пасайиб, ахийри эшитилмай қолди.

– Аср вақти нима эканини сен қайдан билардинг? – деди шамол. – Бу вақтда ҳар
нарсанинг овози ўчиб кетади, ҳатто тақдир қалами ҳам ёзишдан тўхтайди.

Шамол энди кучлироқ ғувилламоқда эди.

– Шиддатингнинг боиси нима? – деб сўради Озод.

– Уч мен билан энг юксакларга, булутлару чақмоқлардан ҳам тепага, азалий тоза
маконларга! – деб ҳайбатланди шамол. – Ер юзининг ҳақиқатларини кўриб бўлдинг,
энди осмон ҳақиқатларини кўр!

– Бу кўрганларим ҳақиқат эмасми? – деб сўради Озод.

– Буларнинг бари юза ҳақиқатлар, – деди шамол. – Сен ҳануз ҳодисаларнинг
ташқи қатламини кўрмоқдасан, холос.

– Гапинг балки тўғридир, – деди Озод. – Бироқ сонсиз-саноқсиз кишилар шу қатлам
узра яшаб-умр кечириб, ўтиб кетмоқдалар.

Шамол жавоб берди:

– Мен бир одамни кўрганман. У чуқур тубида эди, чуқурда чаёнлар ва илонлар бор
бўлиб, азоб беришар эди. Бир неча йилдан бўён мана шу укубат ичиди қийналарди.
Бир куни кимлардир келиб, уни чуқурдан чиқардилар, майнин майсалар унган, кўм-кўк
сувлар шарқираб оққан жойга олдилар.

– Бу рамзни тушундим, – деди Озод. – Мен янада чуқурроқ қатламни кўрмоқчиман.

– Румуз шундай нарсаки, у кетганлар учун эмас, дунёда қолганлар учун румуздир,
– деди шамол. – Кетганлар учун асл нарса бошқа, сен яна хато қилдинг.

– Хатоим нимада? – деди Озод.

– Румузнинг остида ҳикмат бор, – деб жавоб берди шамол. – Сен ўша ҳикматнинг
ҳам тубига боқ. Фитратингнинг пардалари остидаги яна бир парда очилса, тамомила
бошқа ҳодисаларни кўра бошлайсан. Сенга қон ҳақида гапирганим эсингдами? Айтган
эдимки, у қон аллақачон ерга шимилиб бўлди, ўрнидан узум ўсиб чиқиб, қизил мева
солди. Яъни, қон мева бўлди, мева ерга тўкилди, кейин яна тупроққа қўшилди, ундан
бошқа мева униб чиқди, тушуняпсанми? Яратилишингга боқсанг-чи!

– Яратилишимни биламан, – деди Озод. – Мен биргина сўз билан дунёга келган-
ман.

– Сен у сўзни дунёга келмасингдан аввал ҳам билардинг, аммо унугтан эдинг, –
деди шамол.

– Ал-мисоқни назарда тутяпсанми? Унда билиб қўй, – деди Озод, ишонч билан.
– Мен мисоқдан аввал ҳам бор эдим. Денгизнинг тубида, бир чиганоқнинг ичидағи гавҳар эдим.

Денгиз тубидаги чиганоқнинг ҳикояси

– Мана ўша чиганоқ, – деди шамол. – Унга қулоқ тутсанг, денгиз сувларининг шовуллашини эшитасан.

– Бу ерда денгиз нима қипсин? – деди Озод. – Тошлоқ жойга қаердан келди чиганоқ?

– Дунёга келганинг кечагина эди, ниманиям билардинг? – деди шамол. – Бир маҳаллар бутун ер юзини сув босган эди, ўшанда мен неча кунлаб тўлқинлар узра эсганман. Ҳеч қаерда куруқлик нишонаси йўқ, бутун дунё фақат сувдан иборат эди. Мана шу ерларда ҳам осмон баравар сув бор эди, холос. Ол чиганоқни, қулогингга тут, шояд у ҳам бирор сўз айтса.

Озод чиганоқни олди.

Учи ингичкалашиб борган, ҳалқа-ҳалқа бўлиб бирлашган сариқ-оқ ҳошиялари бор бу чиганоқнинг ичи бўм-бўш эди.

– Бир куни унинг ичига битта қум зарраси тушиб қолди, – деди шамол. – У маҳал чиганоқтирик эди. Қум зарраси жонини қийнади, чиганоқ ийғлай бошлади. Томчилар зарра атрофини ўраб қотди. Шу тариқа зарра атрофида дур ҳосил бўлди. Чиганоқнинг жони тинчиди. Лекин ичидаги нима борлигидан нима юз берганидан ўзи бехабар эди. Оламдаги барча денгиз ва конларда нимаики бор бўлса, юзлаб ўшанча нарсалар мана шу чиганоқ ичидаги мавжуддир. Унинг маънолар денгизидаги дурлари худди кечаси жилва қилаётган юлдузларга ўхшайди. Ёқутлар эса кечки пайтдаги шафаққа, балки тонг пайтида энди ёйилиб келаётган қуёш нурларига монанд. Уларни сен дуру гавҳар дема, балки ҳодисалар тоши дегин, бу тошлардан заифу нотавонларнинг боши ёрилгусидур.¹ Қулоқ сол унга, ўзинг эшит!

Озод қулоқ тутди. Чиганоқнинг денгиз шовқини орасидан шундай сас келмоқда эди:

*Бўлдум фано мен туфроғ ичинда,
Бир дона эрдим, минг дона бўлдум.*²

*Бир қатра эрдим, чўмдим денгизга,
Кирдим садафга, дурдона бўлдим...*²

– Қани денгиз? – деб сўради шамол.

– Билмадим, мен денгизни кўрмаяпман, – деб жавоб берди Озод.

– Денгиздай тўлқинланган, бир томонга сурон солиб оқиб бораётган издиҳомничи? – деди шамол. – У денгизнинг ичидаги битта дур – шу. Истасанг, бошқаларини ҳам топасан. Ҳатто шулар ҳам сенинг тақдирингдан хабардорлар.

Бир оздан сўнг типпа-тик турган бир киши кўринди. У қўл қовуштирганча қолган, пешанасини тириштириб ниманидир зўр бериб ўйламоқда эди.

– Энди бу кишининг ҳолини кўр, – деди шамол. – Бу билимли бир одам эди. Тангри таолодан ўлимни яқинлашганини билдиришини сўраб, илтижо қиласарди. Бир куни умрининг сўнгги келганини Тангри унга сездирди. Шунда у сафар олдидан видо намозини ўқишни ихтиёр қилди.

Сўзини унугтган киши ҳақида ҳикоя

– Бу – шу кишининг охирги ибодати, – деди у. – Ўлим олдидан икки ракаат видо намозини ўқишни ният қилди, аzon ва такбирини айтди, қўл қовуштириб, ибодатини бошлади-ю санони унугтиб қўйди. Шу ҳолда турибди, лекин ҳарчанд уринса ҳам санонинг сўзларини эслай олмаяпти.

¹ Фаридиддин Аттор.

² Бобораҳим Машраб.

– Бу ким? – деди Озод.

– Сўзини унугтган киши, – деди шамол. – Кетар чоғда айтар сўзини эсдан чиқарган одамнинг ҳоли қанақа бўлишини биласанми? Қара, қаттиқ уринганидан пешанаси тиришиб кетипти. Шу ҳолида у жуда ҳам баҳтсиздир.

– Эслай олармикин? – деди Озод.

Шамол жавоб бермади.

Тошкесар ҳикояси

Яна бир одамни кўрдилар, у тошларни кесиб, уй қурмоқда эди.

– Бу тошкесар дунёдан ором ва фарофат излаган эди, – деди шамол. – Бир куни йўлда кетаётib, дехқоннинг ҳосил тўплаетганини кўриб қолди. Кечасиу кундузи болға уриб, чўкич тикирлатиб тош кесганим-кесган, ҳаётим фақат машаққат ичида ўтятпи, деб ўйлади у. Дехқон эса турли-туман, мўл-кўл ҳосил олибди, энди маза қилиб янаги баҳоргача ором олиб ўтиради. Қанийди дехқон бўлиб қолсайдим! Иттифоқо, тўсатдан дехқонга айланди. Экинзорида қовун-тарвуз, буғдои-арпа мўл-кўл етилган эди, барини тўплаб, ғамлаб олди-да, роҳат-фарофатда яшай бошлади. Бир куни яна йўлда кетаётган эди, узумзор эгасининг уйига кўзи тушди. Иморат муҳташам, ичкарида ҳурматли кишилар чақчақлашиб ўтирап эдилар. Ҳақиқатан ҳам, тинмай меҳнат билан овораман, деб ўйлади у. Узумларга қарамасанг ҳам ўзи ҳосил бераверади. Қанийди узумзор эгаси бўлсан! Шу тариқа узумзорлар эгасига айланди. Узумлар беҳисоб мева тугар, кишилар келиб кўтарасига савдо қилиб, ўзлари узиб-тўплаб кетаверар эдилар. Тошкесар янада роҳат-фарофатда яшай бошлади. Бир куни ёмғир ёғиб сел келди-да, узумзорларини яксон қилиб, уйларини бузиб ўтиб кетди. Узумзор эгасида ҳам ҳаловат йўқ экан-ку, деди тошкесар. Ундан кўра сел бўлиб қолганим яхши эмасми? Ва селга айланниб, қутуриб шиддат ила кетди. Оқа-оқа бир жойга етганида қаршисидан катта қоятош чиқди, қанча уринмасин, уни кўзгатишга кучи етмади. Мана ҳақиқий ҳаловат эгаси, деди тошкесар. Қанийди қоятош бўлсан... Ва у қоятошга айланди. Ҳақиқатан ҳам метин-мустахкам қоятошга ҳеч нима таъсир қилмас эди, у ҳақиқий оромга энди етишганини ҳис қилди-да, чукур уйқуга кетди. Бир маҳал пойида нимадир рўй берадётганини сезди. Сиртқи қобигини кимдир тикирлатмоқда, нимадир ўзгармоқда эди. У пастга қараб, тубида қўлида болғасиу чўкичи билан қоятошни кесаётган бошқа бир тошкесарни кўрди...

– Мана, ҳозир болаларим роҳатда яшасин, дея тошдан иморат тикламоқда, – деди шамол. – Фикри-зиқри шу ишида, шу боис вақти жуда кам, сўз қотишига имкони йўқ. Юмуши жуда кўп, умрининг шоми яқинлашганини билгани боис, улгураманим-йўқми, деган ҳадик билан кечалари ҳам ишида давом этади. Бир куни охирги тошни ҳам қўйиб, пешанасидаги терини артаман деб бошини кўтаради-ю атрофида ҳеч нарса йўқлигини кўради. Ҳамма ёқ теп-текис, осмонда қуёш сўнгги бор ётоғига бош кўяётган, юлдузлар сўнг бор милтираётган, Ой сўнг бора тўлишган маҳал. Ҳали замон зилзила рўй беради-ю қурган иморати ер билан яксон бўлади. Ўша маҳалда нарироқда тўкилиб кетай, деб турган илма-тешик бир кулбани кўради. Кулба атрофида турли-туман баҳайбат ҳашаротлар қаторида юзлари қора, кўзлари кўк, танаси хол-хол маҳлуқлар бир нимани кутгандай айланниб юрадилар. “Қани менинг иморатим? Бу кулба қайдан келди?”, – дейди у ҳайрон бўлиб. “Умринг бўйи қурган иморатинг асли шу, – дейилади унга. – Анави маҳлуқлар эса – сенинг беҳудага айтган сўзларинг, сени дунёда чалғитган истагу хоҳишлиаринг, яъни сенинг ёвларингдир!” Маҳлуқлар ер остидан чиқиб кела бошлашади, улар шу қадар кўпки, сал ўтмай уфқа қадар энлаб кетади. “Айт! – дейилади унга раҳм қилиниб. – Форат бўлиб кетмасингдан ўз сўзингни айт! Ҳозир қиёмат рўй беради, ер юзидағи сўз айта оладиган охирги одам сенсан!”

– У ҳам ҳозир не деярини билмасдан турибди, – деди шамол. – Бу ваҳшат сабаб, билган сўзларининг ҳаммаси эсидан чиқиб кетган.

Буви ҳикояси

Нарироқдаги бир кулба ичидаги бир кампир ерда сочилиб ётган тасбех доналарини териш билан банд эди. Унинг кўзлари аллақачон нурсизланган, бармоқлари қалтирай-қалтирай, садаф доналарни тўплаб бўлган, энди қийнала-қийнала ипга тизмоқда эди.

– Бу зот, ҳар куни сахардан шомга қадар болаларини узундан-узоқ дуо қилар эди, – деди шамол. – Ёмғирлар, қорлар, дўллар ёғар, бўронлар эсар, у эса мана шу машгулотини ҳеч канда қилмасди. Айттан сўзлари ҳодисаларга айланиб ер юзи га қайтар, гоҳ арслонга айланиб болаларини кўриқласа, гоҳ шабадага айланиб зурё-дининг юзларини сийпалар эди. Бир куни вақт-соат етди, Қобиз деб аталмиш ажал фариштаси жонини олишга келди. Бу маҳалда кампир барчанинг ҳаққига дуо қилиб бўлган ва тасбех ўгира бошлаган эди. Қобиз бир қанот урди, шунда тасбехнинг ипи узилиб, доналари сочилиб кетди. Кампир бундан изтиробга тушди, пайпасланиб доналарни излай бошлади, шунда Қобиз сездирмасдан жонини олди, кампир нима юз берганини ҳатто сезмай ҳам қолди.

– Бу бувим-ку? – деди Озод, сесканиб, кейин овози титраган кўйи чақирди: – Бувижон?

– Овозингни эшитмайди, – деди шамол. – Неча йилдирки, мана шу ҳолатда – тасбех доналари билан андармон. Қачонки, – деб бирдан яна шиддат урди шамол, – сўнгги тасбех донасини ҳам ипга ўтказиб, кўнгли тинчиб, илк ҳамд калимасини айтгани он қиёмат рўй беради.

Онанинг сўнг акси

Янайам нарида бир аёлни кўрдилар, у тандирга тинмай ўт ёқар, олов кучайгандан кучаяр, тандир ичи қип-қизил ланғиллаган чўғ бўлиб, чўғлардан бири аёлнинг кўйлагига илашган, ҳозир у тутамоқда эди. Теварак эса гулу гулзор, дараҳтлар шифил мева туккан, узоқларда олтиндан бир қаср ярақлар, анвойи майсалар ўсган тупроқ орасида дурлар ялтирап эди.

– Бу аёл эса қиёмат яқинлашаётганини билди, – деди шамол. – Лекин, маҳшар бошланмасидан олдин нон ёпай, болаларим оч қолишмасин, деган ўйда тандирга олов қалади. У ёқкан олов оддий эмас, кимни куйдиришини билади, аёлни энди ҳеч қачон куйдирмайди!

– Унинг сўзлари қани? – деди Озод.

– Богни кўрмаяпсанми? – деди шамол. – Боласини эркалаб айтган ҳамма сўзларидан мана шу боғ яратилди. Тупроқ орасидаги дурлар унинг боласининг куйдиришларидан тўккан кўз ёшларидир. Боғ ичидаги қаср эса, хўжаси етказган озорларга қилган сабри туфайли бино бўлди, – бирданига шамол яна кучлироқ шиддат урди: – Билиб кўй, сўзлар айтилди, шакл олди, осмон тоқига етиб бориб, қисматга айланди ва ер юзига қайтди. Энди бу қисмат ҳеч қачон ўзгармайди!

Отанинг сўнг акси

Янайам нарида баҳайбат бир кишини кўрдилар. Ёмғирлар, дўллар, қорлар ёғар... елкаси дўлу музлардан илма-тешик бўлиб кетган, турли ваҳший ҳайвонлар оёқ-қўлларини тишлар, у шу тарз буқчайиб, ердаги буғдойларни тўплаб олмоққа тиришар эди.

– Бу одамнинг болалари бамайлихотир ўйнаб юришибди, аёли ҳар кунги юмуши билан овора, – деди шамол. – Қара, оила тинч, бехавотир. Бу улкан зот, ўзи илма-тешик бўлиб кетганига қарамай, болам-чақам, оиласам деб шу қисматга бардош бермоқда.

– Унинг сўзи қаерда? – деб сўради Озод.

– У ўз сўзини айтиб бўлган, – деди шамол. – Лекин болалари айтмагунча ҳосиласини кўролмайди. Отанинг ороми учун болалари ва аёли ўз сўзларини айтишлари керак.

– Отам-ку... – деди шивирлаб Озод. – Эй шафқатсиз! Ахир, отам-ку бу?

– Энди отанинг кимлигини билдингми? – деб гувиллади шамол. – Эй одам боласи, онанинг қандай зот эканини англадингми?

– Мен бу зухуротлардан қўрқяпман, аъзойи баданим титраяпти, – деди Озод. – Уйга қайтиб, тўшакларга ўраниб ётгим келяяпти.

– У ҳолда еру кўкларни титратиб, “Эй, тўшакларига ўраниб олган одам”, деган садо келишидан қўрқмайсанми, нодон? – деб ҳайқирди шамол.

Мағрибий

Қишлоқдан ўнгирлар томонга букик гавдали, чўтири юзли, чироқ кўтариб олган бир киши кетиб бормоқда эди.

– Буни Мағрибий дейдилар, – деди шамол. – Энди ўз маконига қайтиб кетмоқда. У жуда кекса, аммо яна минглаб йиллар яшаса эҳтимол.

– Нима учун ёруғ кунда ҳам чироқ тутиб кетмоқда, олимларданми? – деб сўради Озод.

– Кошкийди, кундузи чироқ тутиб ақлларни ёритишга уринувчи олим бўлса! – деди шамол. – Қўлидаги чироқка боқ, у – сеҳрли. Бу чироқ энди Мағрибийга бемисл куч ва кудрат тақдим этади, у – илм тилсимварининг чироги.

– Мағрибийнинг қўлидаги чироқни билар эдинг-ку? – деди шамол. – Унинг тилсими ота-боболарингга очилган эди. Уларнинг барини Мағрибий олиб кетмоқда. Бу чироқ аввалги асрларда орангиздан бир зоти улуғ бобонгга насиб этди, мана шу чироқ нури туфайли еру кўкларни фазодан кўрди ва айтдики, Тангриминг яратган макони нақадар улкан экан, лекин баҳри муҳит ортида яна бир қуруқлик борлигини тафаккур кўзи билан кўрдим¹. Бошқа бири эса, фазодаги юлдузлар ўз сирларини очганларидан хабар берди². Яна бири Тангри берган касалликларнинг тилини билдиришини сўраган эди, унинг қошида ҳар бир хасталик ўзининг яратилишидан ва ажалидан баҳс эта бошлиди³, у ажални эса одам боласи шифо деб атади. Ана шу сирли чироқ қадимдан бери шу ерда эди, аввал ҳам айтганимдай, сен тарих ва келажакнинг бир ерда ётганини кўрмоқдасан. Мағрибийнинг ким эканини билдингми?

– Мен у ривоятларни ҳаётда бўлмаган воқеалар деб юардим, – деди Озод.

– Унда Захҳок ҳам бўлмаганми? Пахлавонлару девлар майда-чўйда болаларнинг хархашаларини чалғитиш учун ўйлаб топилган нарсалармиди? Ақлу шуури етук кишилар беҳудага уларнинг маъноларига умрларини сарфлаганимидилар? Чилтанлар, Favсул-Гиёс эртакмиди? Билиб қўй, уларнинг кимлигини пайқаганлар бор орангизда. Мағрибий ҳикоятида сен эътибор бермаган бир жиҳат бор. Ривоятда сен билан тенгдosh болакайдан баҳс этилмаганми? Мағрибий сирли чироқни ҳийла билан олиб кетганида, болакайнинг бармоғида сеҳрли узук қолиб кетган эди-ку? Булар жуда қадимий маънолардир, Мағрибий унутиб қолдирган узук келажакда не ҳодисаларни бунёдга келтиришини ҳали ҳеч ким билмайди!

– Мен ҳозир қаердаман? – деб сўради Озод.

– Сен билган ерлар ортда қолиб кетди! Қаршингда туз чўлини кўрмоқдасан, лекин соғ-омон ўтишингга кўзим етмайди.

УЧИНЧИ АКС

Туз чўли

– Бу чўлни биламан, – деди Озод, қаршисида бино бўлган яйдоқ, кимсасиз чўлга тикилиб. – Нега қумлари оқиш, тўзонли? Нега ўт-ўлан ўスマйди?

– Агар одамлар унинг хусусиятини билсалар, келиб шу тузларга ўзларини кўмиб шифо истаган бўлур эдилар, – деди шамол.

¹ Абу Райҳон Беруний.

² Мирзо Улугбек.

³ Абу Али ибн Сино.

– Бу қум эмасми? – деди Озод.

– Йўқ, кум эмас, – деди шамол. – Туз бу!

Озод ортига қаради – ортда Учёнгоқ, унинг ортида эса қадрдон қишлоғи қолиб кетган эди. Олдда эса, узоқ-узоқларда қорамтири бир нима текис кўкка бўй чўзган, унинг ортидан бошқа қояларнинг учлари бўй кўрсатиб турар, чўққиларнинг оқ қорларию кўкимтири музлари күёшда ярқиради.

Озод ёнгинасидаги саксовулнинг шохини ушлаб кўрди – шох илвираб турган экан, туйкусдан ушланган жойидан қирс этиб уваланиб кетди. Озод унинг ҳам аллақачон туз бўлиб қотганини кўрди.

– Саксовул-ку? – деди ҳайрон бўлиб. – Лекин шакли қолибди, холос, ўзи эса бошқа нарсага айлананиб кетибди.

– Тўғри айтасан, – деди шамол. – Неки бор – ҳаммасини емириб, ўзига қўшиб олади бу туз. Унга на тош, на ўт-ўлан, на тирик жон бардош бера олади. Шу боис, бу теваракда на гиёҳ бор, на жонзот.

– Лекин сен нарсаларнинг маъноларидан гапирдинг, – деб эътиroz билдириди Озод.

– Мен бу чўлда маъно кўрмаяпман.

– Тангри таоло уни бежизга яратди дейсанми? – деди шамол. – Аслида, бу тузнинг менгагина кучи етмайди, холос. Тепасидан менгина елиб ўта оламан. Худонинг бошқа барча маҳлуқларини ямлаб-ютиб юборади. Унга қоришиб кетганлар ўз борлиқларини йўқотсалар-да, жонлари тузлар аро ҳилвираб-озорланиб тураверади.

– Мен бу чўлга маъно беришдан ожизман, – деди Озод. – Лекин, модомики бундан ўтиш лозим экан – билиб қўй, албатта ўтаман.

Шундай деб Озод олдинга бир қадам қадам қўйгани он, тиззасигача қумга ботиб кетди.

– Яна бир қадам қўйсам, ҳалок бўламан-ку? – деди ҳайрон бўлиб.

– Бошқа йўл йўқ, – деди шамол. – Билиб қўй, бу оддий кум эмас!

Нарёғи қаттиқроқ бўлсайди деган илинжда яна бир қадам босган эди, энди белигача ботди.

– Ёрдам берсанг-чи, – деди Озод. – Йўқса, бу алфозда ростдан ҳам ҳалок бўламан.

– Мен бор-йўғи ожиз бир шамолман, – деди ҳамроҳи. – Бахтинг чопмасаю бу чангандан чиколмасанг, у холда алвидо дейишдан бошқа чорам йўқ. Лекин қулоқ солсанг, балки туз орасидан ҳам бир садо эшитарсан?

Тузларнинг орасидан ҳам ўша Озодга таниш ўша садо келмоқда.

*Ҳеч оқил ўзини аҳли қасофат айламас,
Бу гиёҳи талхни ҳеч ким зироат айламас,
Ким падарозордур, Аҳмад шафоат айламас,
Бандай мўмин амонатга хиёнат айламас,
То отанг рози эмас, таёбанг қабул бўлмас сани...*

– Мен бу ҳикматни биламан, – деди ҳайрон қолиб Озод.

Бу гал шамол жавоб бермади. Тузлар тўзони орасида ҳануз ўша сас ҳаволанар эди:

*Мунда келдинг, кулли донишларни хотирдан унумт,
Кўзни ёши бирла ҳар соат тегирмонлар юрут,
Боги ҳирсингни муҳаббат оташи бирла қурут,
Бандай собитқадам бўлсанг падар амрини тут,
То отанг рози эмас, таёбанг қабул бўлмас сани.¹*

Туз одам

Шу маҳал тузлар орасидан бирор бош кўтарди, ортидан бошқалари ҳам қалқидилар.

– Қайт ортингга! Қайт ортингга! – деб шивирларди улар. Ҳар тарафга туз сочилмоқда эди. – Бизнинг ҳолимизни кўрганинг бас эмасми? Кирма бу маломат ди-

¹ Бобораҳим Машраб.

ёрига, қайт ортингга – ота-онангнинг қошига, хорлик қанотингни паст тут, кўзингнинг косасини оёқ остларига поёндоз қил! Отанинг кимлигини сен қаердан ҳам билардинг? Онанинг кимлигини қаердан ҳам билардинг?

– Маломат диёри? – ҳайрон бўлди Озод. – Кимлар булар?

– Ота-оналарини ранжитган, қариндош-уруғлик ришталарини узган, ҳеч кимга нафи тегмай ўтган кишилардир, – деб жавоб қилди шамол. – Бу ерда ўзларини-ўзлари маломат қилиб ётишгани учун ҳам маломат диёри демоқдалар.

Озод типирчилаб, қум кишанидан чиқишига уринар, ажабки, ҳаракат қилгани сайин тобора ботиб борарди.

– Мен қўрқяпман, – деди Озод. – Қандай қилиб чиқаман бу кишандан?

– Имдод сенга кўклардан етмоқда, – деди шамол. – Қара, қушлар учиб келишмоқда.

Озод бошини кўтариб, кўкни булат каби энлаб учиб келаётган саноқсиз қушларни кўрди.

Ҳаял ўтмай улар етиб келиб, пастлаб айланиб уча бошлашди. Ҳар бирининг тумшуғида биттадан кичкина тош бор эди, қушлар тошларни Озод турган жойга ташлаб ўтар ва яна кўкка парвоздар дардилар. Сал ўтмай, Озоднинг тевараги майда тошлар билан тўлди, Озод тошчалар узра кўксини бериб ётиб олди, туз қумининг ютиши тўхтади.

– Нима синоат рўй берди? – деб сўради у. – Нега бу қушлар тош ташиб келдилар?

– Англамадингми? – деб ғувиллади шамол. – Райхонлар орасига дастурхон ќоқсанларингни, нон увоқларини қурту қушлар еб кетсин деб дуо қилган кезларингни эсламадингми?

– Ўша қушларми? – ҳайрон бўлди Озод.

– Ўша увоқлардан ризқланган қушлар! – деб жавоб берди шамол. – Уларнинг ҳар бири тош ташлаганида, “Сендан Аллоҳ рози бўлсин”, деб самога кўтарилиди. Буни ҳамма эшитди, биргина сен эшитмадинг, холос.

– Улардан ҳам Тангirim рози бўлсин, – деди Озод, мутаассир бўлиб. – Лекин қум устига чиқиб олганимдан бир фойда кўрмаяпман. Тошлоққа етиб олиш учун яна анча йўлни шу туз узра босиб ўтишим керак, у мени яна ўз домига тортиб кетади деб ҳайқяпман.

Шамол жавоб бермади. Озод зўр бериб ўйлай бошлади.

“Демакки, бу – эшитувчи, кўрувчи қум экан, – деб ўйлади у. – Модомики, сўз тақдирни ўзгартирас, нарса ва ҳодисаларнинг асли бошқа экан... у ҳолда, бу қум нима сари бораётганимни ҳам билиши керак! Ҳар ҳолда булат – қумнинг иши эмасдир? Атрофда мана шу воқеаларни содир этаётган яна кимлардир бор бўлса, ажабмас...”

Ва деди:

– *Эй қум! Агар бутун тутумлариму одобим ила отамнинг менга берган тузу тарбиясини бир марта бўлсин оқлаб-ҳалоллаган эсам, отам бутун умри давомида бир марта гина, бир онгина мендан рози бўлган эса – хусусиятингни ўзгартир ва қаттиқ ҳолга кел!*

Ба у майнин тузларнинг оёқ остида қаттиқлаша бошлаганини сезди.

– *Эй қум! – деди у яна, руҳланиб. – Агар шу ёшга киргунимга қадар онамнинг мен учун тўйкан кўз ёшларининг биргина томчисини, саҳарлару қоронги кечаларда устимда термилиб ўтирганларининг биргина онини оқлай олган бўлсан – хусусиятингни ўзгартир ва мени қўйиб юбор!*

Кум янада дағаллашди, лекин ҳали Озоднинг қутулиб чиқиши учун етарли эмас эди.

– *Эй қум, – деди у, шамолнинг гапларини эслаб. – Агар бугунга қадар дўстларимга элимга зарра нафим теккан бўлсаю мени мамнун бўлиб беғараз дуо қилган бўлсалар – ўзгар ва чангалингни мендан узоқ тут!*

– Бу кам! Етарли эмас! – деб бирдан тўлқинланди шамол.

– *Эй қум, – деди Озод, ниҳоят, ўйланиб. – Гапимни эшит! Мен севгилим учун Лолани олиб келгани кетмоқдаман. Лекин, ҳаёт бўйи фаровонликда яшашдан ҳам кўра, уни олиб келганим он севгилимнинг кўзларида чақнагувчи яна бир чақинни – баҳтиёрлик ва севинч чақинини кўриш учун кетмоқдаман. Лола баҳш этадиган баҳт ҳақида ўйлаганим ҳам ўйқ, севгилимнинг қувончи бутун бу баҳтдан ортиқроқ мен учун. Лолада бошқа ҳикматлар ҳам борлигига*

умид қиляпман. Агар ўша ерда топадиганим ҳикмат ҳақиқатан ҳам дунёниг энг асосий тамали эса – мени қўйиб юбор ва ҳеч кимни ҳеч қачон домингга тортма!

– Яна, яна! – деб гувиллади шамол.

– **Эй маломат диёри, – деди Озод. – Магар сен мени ютиб юбормасанг, нарида эса қоялардан ишқилиб ҳалок бўлмасаму эсон-омон элимга қайтсан, у ҳолда бир куни севгилим онага, ўзим эса отага айланаман. Бу ерда падаригаю волидасига озор етказганларни чангалингда тутиб турганингни биламан. Тангрим истагани учун шундай эканингга шак-шубҳа ўйқ, аммо, у хоҳласаю оталик баҳти менга насиб этса, у ҳолда, мендан бунёдга келадиган фарзандларимнинг барча озорларини, барча шўхликларинио хатоларини ҳозирданоқ авф этдим! Эшиш ва шоҳидим бўй: ўзимдан ва севгилимдан дунёга келадиган фарзандларимиздан, ҳали улар дунёга келмаслариданоқ розиман!**

Мана шу чоғ Озод ҳалос бўлганини сезди.

Шамол ғир-ғир эсар ва эсишида ҳам севинч борга ўхшарди.

– Сен нега севиндинг? – деб сўради Озод, уст-бошини қоқиб.

– Бегараз деб жуда тўғри айтдинг, агар дилингда ғараз бўлсайди, ҳеч қачон қутуполмасдинг, – деди шамол. – Бу чўлнинг оти аслида Ғараз чўли, ғараз одамни туз каби емиргани боис Туз чўли деганлар. Нарида Ойдинкўл бор, уни ҳам кўрмоқ истайсанми?

– Албатта, – деди Озод.

Ва енгил одим отиб, шамолнинг ортидан эргашди.

Ойдинкўл

Кўлга бораверишда ўтлар қалин ва баланд ўсган, орасида кулранг тусли ўтлар ҳам бор эди, уларнинг ислари ўтқир ва кучли бўлиб, кулранг туслиларининг тиканлари ҳам бор, гуллари ёрқин сарик-оқ тусда эди. Сафсар гуллли ўтлар ҳам ўсган, улар нозикроқ бўлиб, гуркираган бошқа ўтларнинг орасида аранг кўзга ташланарди. Ўтлоқнинг ҳар ер-ҳар ерида олмалар бўй чўзган, уларнинг оқ гуллари шундоққина майсалар устига тўкилган эди.

Салдан кейин ўтлар сийраклашди, аммо ранглари тобора яшиллана борди. Тўсатдан кўл бўйига чиқиб қолдилар.

Кўл шишадай тип-тиник, шаффофф, соҳилга яқин жойларида олма гулларининг тўкилган гулбарглари оқиши капалаклар сингари сув устида қалқинар, ораларида қорамтирип тезсузар сувқўнғизлари зувиллаб сузиб юрарди. Соҳил тупроғининг сувга тулаш жойида ўтларнинг оқ ва қизғиши томирлари очилиб қолган, улардан хиёл берироқда яшилтоб сув ўтлари ўсган, билинар-билинмас чайқаларди.

– Чиройлими? – деди шамол.

– Жудаям! – деб жавоб берди Озод ва сувга яқинроқ борди.

Сувнинг туби тошлоқ экан, у ерда, саёзлиқда оқ, чавкар, тарғил ва қизил тарамтарам тошлар кўзга ташланарди, ораларидаги митти кумушранг балиқчалар бир зум қотиб турар, нима сабабдандир тўсатдан сувости қумини тўзғитиб, тошлар ё ўтлар орасида ғойиб бўлиб қетарди.

Сувнинг бир гўзал мавжи борийди, кичкина тўлқинчалар қирғоққа оҳиста-оҳиста, майнин-майнин урилмоқда эдилар. Сувнинг зилоллиги ва шаффоффлиги шу қадар эдики, тубда сузиб юрган митти балиқчаларнинг ойқулоқларию тангачаларига тушган нурнинг жилоси ҳам аксланаар, ҳақиқатан ҳам бу бемисл гўзаллик эди. Соҳилга яқин саёзликларда сув шаффофф тусда бўлса, нарироқда ранги тўқлашиб-кўкимтирлашиб борган, у ерда ҳам узундан-узун сув ўтлари кўзга ташланар, улар нурдан баҳра олмоқ учун тепага интилиб, кўлнинг тубидан сув бетигача ўсиб чиқишган, ранглари оч-яшил, ўрилмаган узун соchlарни эслатарди. Кўл катта эмас, нариги бетида ҳам бу қирғоқдаги каби ўтлар ва олмалар кўриниб турарди, мавжлардан намиқкан тупроқнинг баъзи ерлари палаҳса-палаҳса бўлиб, ўт-ўлани билан кўчиб тушгани боис, бир қанча ерда ўтлар эгилиб, ҳатто япроқлари сувга тегиб-кўмилиб ҳам қолган эди.

– Бу кўлнинг тубида булоқлари ҳам бор, улар ернинг тагидан қайнаб чиқиб турди, – деди шамол.

– Гўзаллигини! – деди Озод. Йигитчанинг кўзлари нурафшонликка ва самимиятга тўла, ҳозир бу кўзлар завқ ила чақнамоқда эди.

– Балиқлари ҳам бор экан, – деди Озод.

– Бу ерда сузгичлари қизил ойбалиқлар бор, улар кундузлари сувнинг тубларида ётишади, кечаси ой ҳаволагандагина сув бетига чиқишиади.

– Ойбалиқ... қанақа бўлади ўзи? – деб сўради Озод.

– Ойга ўхшаган эгик бўлади. Вақти келганида кўрасан – сувда сузгичларини ҳилпиратиб ой сузиб юрганга ўхшайди. Инсонлар унинг теварагида дам оладилар, болалар чўмилиб ўйнайдилар, кўлнинг шабадаси мавжларни қирғоққа оҳиста-оҳиста сурисиб, сарин-сарин эсади. Йиллар ўтиб, у қурий бошлайди. Сатҳини қуёш қаттиқ қиздириб, сувларини буғлантиради, тепасида кичкина булутлар ҳосил бўладилар ва ёш, дуркун тойчоқлар шаклинни олиб, узоқларга сузиб кетишади. Теграсидаги ўт-ўланлар қурийди, ҳозир кўриб турганинг суви қочган ерлар тарам-тарам ёрилади, ёриклиарининг орасига тез чопувчи майдо қора қўнғизлар ин қуради, ажриқ, курмак ва семизўтлар униб чиқади, кейин улар ҳам сувсизлиқдан илвирай бошлашади... дуркун таналари сўлади, озади, ингичкалашади, кувватсизланади, сувсизликдан аввал оч-яшил, сўнг сарғимтири тусга киради. Кўлнинг сувига лойқа араплашади, энг аввало зилол сувда сузиб юрган ойбалиқлар, сўнг кўл тириклигининг гувоҳи бўлмиш бошқа жонзотлар ҳам ҳалок бўлишади. Турғун сув тобора қуюқлаша боради, ям-яшил чайқалган сув ўтлари ўрнига бошқа тур ўсимликлар ўсиб чиқади, саёзлашган ерларидан қамиш ва қиёқлар бош кўтаради, пояси қаттиқ бу ўсимликларнинг шохларида ўзга жонзотлар ўрмалаб юришади, уларнинг попилтириқлари ҳар томон учади ва қайда нам бўлса, ўша ерга ўрнашиб яна урчиди, бир куни қарасанг, бу ерда қамишзорни кўрасан, уларнинг тубларида зангори тусга кирган мағзава мисол сув турғун туради, устини бақатўнлар қоплайди. Яна беш-олти йил ўтгач, бақатўнлар ҳам қуриб кетади, қамишлар сувсизликка дош беролмайдилар, теваракдаги қалин, баланд ўт-ўлану олмалар ҳам қурийди, ана шунда мен бу кўлнинг устига туз тўзонларини опкелиб сочаман...

– Мунгли-қайгули бир нарсани ҳикоя қилдинг, – деди Озод. – Лолагаю севгилимга нима алоқаси бор бу кўлнинг?

– Буни баҳту саодат кўли деб атаганлари билан, аслида оддий бир кўл, – деди шамол. – Лекин инсон маъноларни англағани боис ҳам мукаррам бўлди. Тангрим ҳар нарсага маъноларни қатма-қат қилиб жойлаб қўйган, истасанг кўрасан, истамасанг йўқ. Энди сенга бир кўзани кўрсатай. У сал нарида, кўлдан хиёл узоқда, кум орасида ётипти. Кўздан нарида бир бўри ва бир күш, ундан ҳам нарида эса тошбақа билан чаён ҳам бор. Улар минг йиллардан бери мана шу ердалар.

Кўза

Кўл тугаган жойдан у ёғи тошлоқ эди. Юз одимча юрилгандан кейин Озод ҳақиқатан ҳам ярмигача ерга кўмилиб ётган қадимий бир кўзани кўрди. Шамол бир ғувиллаб унинг ичига кириб, қайтиб чиқди. Кейин изоҳ берди:

– Бир куни бир одам келиб шу кўзанинг ичига қаради-да, “Ичи бўм-бўш экан”, – деди. Иккинчиси келиб кўрди-да, “Йўқ, бўш эмас, чунки ичиди ҳаво бор”, – деди. Учинчиси эса айтдики, “На кўза бор, ва на унинг ичи... сиз унга маъно берганингиз учун кўза бўлди, аслида қуму тупроқдан шакл берилган бир нарса эди, холос”, – деди. Бу ерда тўртингчи киши ҳам бор эди, у айтдики, “Моҳиятни кўзанинг ўзидан сўрангиз. Шамол остида ғувиллаши балки унинг ноласи бўлса не ажаб?”

– Тўртингчи киши сенсан, – деди Озод. – Бешинчи киши эса... ҳар ҳолда мен бўлсан ажабмас. У ҳолда мен ҳам нимадир дейишим керакми?

– Истасанг сукут сақла, - деди шамол. – Ҳамда мана бу икки тимсолга боқ.

Бўри билан қуш

– Бу бўри кичик ҳайвонларни тутиб ер, қуш эса дон-дун терар, иккиси ҳам шу тарз ризқланмоқда эдилар. Бир одам келди-да, “Бу бўри ваҳший ва золим экан, қуш эса безарап”, – деди. Иккинчиси айтдики, “Бўрига ваҳшний нисбатини беришинг унинг тирик ва ҳаракатланувчи жонзотни ўлдириши боисдир, қушни безарап деганинг ҳаракатсиз ва қонсиз донни егани учунми?” – деб сўради. “Ваҳоланки, дон ҳам тирик бир нарсаку”, – деди. Шунда биринчиси, “Мен моҳиятни англамаганим учун нодонлик қилдим”, – деб узр сўради. Учинчи киши айтдики: “Бўри ўзининг ваҳшийлигидан, қуш эса беzaарлигидан бехабар, фақат сиз уларга шундай маъно бермоқдасиз”. Тўртинчиси айтди: “Нарсаларга маъно бериш фақат сизга хосдир. Берганингиз маъно боис сўзингиз тингланди. Аслида, фақат Тангри ва унинг иродаси бор, холос. Бу ирова олдида на сиз борсиз, на мен, на бўри, на қуш...”

Яна айтдиларки, у ерда бешинчи киши ҳам бор эди. Унинг сўзидан биз бехабармиз. Чунки, у сукут сақлаган эди...

Тошбақа билан Чаён

Бу ерда бир ариқ ҳам бор эди. Унда сузиб бораётган тошбақа билан унинг устидағи чаён баҳслашмоқда эдилар. Чаён аллақачон тошбақанинг косасига тиқирлатиб нишурни бўлган, буни тошбақа сезиб, энди маломат қилмоқда эди.

– Дарҳақиқат, ишинг яхшиликка ёмонлик қайтаришдан бошқа нарса эмас, – дер эди Тошбақа. – Ҳозир сени сувга чўқтириб ҳалок қиласман.

– Эй нодон, – деди Чаён. – Менинг нишим ипдай ингичка, қилдай заиф бўлса, қанча уринсан ҳам бу қаттиқ тошга ўтмаслигини билатуриб шундай деяпсанми? Мабодо ўтсаю ҳалок бўлсайдинг, умринг бўйи оғир тошни ортмоқлаб юрганинг эвазига мукофотга эришардинг, нишимдан ҳалок бўлганинг учун эса, мазлум мақомини олардинг. Менинг ишим – заҳрим билан ҳалок қилиш, аммо бу туфайли маломат қилинмайман, чунки белгиланган тақдирим – шу. Аслида, яхшилик қилиш учун ниш уришга ҳаракат қилдим, сен эса маломат қилмоқдасан. Айт-чи, сенга ҳалокат мендан етадими ёки Тангри тарафиданми?

Тошбақа ўйланиб қолди.

– Гапинг тўғри, – деди кейин. – Муборак бир киши нима учун ўзини атайлаб ёвнинг қиличига рўпара қилганини энди англадим¹. Лекин сен ҳам, мен ҳам ғайб маъноларини ифода этиш учун эмас, балки яхшиликка ёмонликнинг оқибати нима бўлишини кўрсатиш учун шу сувнинг ичидамиз. Аслида бу – сув эмас, чунки сен ҳам, мен ҳам маънолармиз, холос. Шу сабабдан ҳам ҳалокатта маҳкумсан. Аллоҳ сендан ҳам, мендан ҳам, тинглагувчидан ҳам рози бўлсин.

Қарға

Узоқ-узоқларда, осмонўпар қоялар силсиласи оралиғида теп-текис, сип-силлик Искандар девори қўзга ташланиб турарди. Унга элтувчи сўқмоқ ёқасидаги кекса ёнғоқ шохидаги бир қарға қўниб олган, тумшуғида ёнғоғи ҳам бор эди.

– Аслида бу қушнинг иши ҳам хабар беришу ўргатишдан бошқа эмас. Бу қавм ўзини жуда муборак деб санайди, чунки ер юзида одам боласи илк бора бошқа одам боласини ўлдирганида, нима қилиш кераклигини қарға ўргатган эди. Ўша воқеа сабаб, булар кеккайишни хуш кўришади, ўзларини жуда доно деб ҳисоблашади. Такаббурлиги боис сўзингга кулоқ ҳам солмайди, сен унинг жаҳлини чиқаришинг керак, – деб шивирлади шамол.

Дарҳақиқат, икковининг яқинлашаётганини кўрган айёр қуш атайлаб тескари қараб турар эди.

¹ Нажмиiddин Кубро.

– Сен ота-боболаримни, аждодларимни кўрган қушсан, – деб мурожаат қилди Озод унга. – Балки камида минг ёшга киргандирсан? Лекин мен шунча йўллардан ўтиб келганимга қарамай, аввалдан билганларимдан кўра ҳайбатлироқ ҳикматлар йўқлигига ажабланяпман.

Қарға миқ этмади, аксинча, бошқа томонларга зерикиб қараб тураверди.

– Чунки кўрганларимнинг барини болалигимдан билар эдим, – деб давом этди Озод. – Учёнгоқ тепасида учиб юрганингни кўп марта кўрганман. У ердаги кишилар тақдирларидан норози бўлиб ётишларини ҳам биламан. Шунча ердан ўтиб келганимда англаганим ягона ҳикмат – ҳамма нарсанинг абас экани бўлди, холос. Дилором дейилди, аммо у тирик бўлганида, ҳозир беҳи остида болалигини эслаб кўзёш тўқадиган, меванинг чириган жойини еб севинадиган кекса кампирга айланган бўларди. Ёв дейилди, мен бундан ҳам хатарли ёвларни аллақачондан бери биламан. Балки сен тумшуғингда ҳамма биладиган кўхна ҳикматни тишлаб ўтиргандирсану у ҳикматингнинг ҳеч кимга кераги йўқдир?

Қарға Озодга жаҳлланиб қаради-да:

– Эй аҳмок! – деди ғазабга миниб, шунда тумшуғидаги ёнгоқ ерга тушиб, тошга урилиб чақилди, ичидаги мағиз тупроқ орасида юмалаб, бир чукурчага ўрнашиб қолди. – Минглаб ҳикматлардан биттагинаси бўлган лолага етишинг учун сенга қанча зот хизмат қилаётганини кўрмаяпсанми? У зотларнинг кимлигини қаердан ҳам билардинг? Истак-ҳоҳишлиаринг бино бўлиши учун сен кўрмайтган минглаб зотлар йўл кўрсатиб туришипти, халал бериши ё чалғитиши мумкин бўлган ҳодисаларни йўлингдан олиб ташлаб, тўғри маънолар сари йўллашмоқда. Сўз ва ҳикмат айтувчиларнинг айтган маънолари туфайли шу ергача етиб келолганингни, йўқса аллақачон ҳалок бўлиб кетишингни англамадингми? Бутун бу босиб ўтган йўлинг ишораларга тўла, улар ўз-ўзидан бино бўлиб қолдими? Сен нодоннинг йўлларинингга чиғаноқни ким олиб келди, кўзани ким кумга кўмди, бўри билан қушни ким ёнма-ён қўйди? Аллоҳга қасамки, ахли маънининг хизматларини англамасдан шу ергача етиб келганингга ҳайронман! Сен бор-йўғи баҳтнинг ҳикматига етаман деб кетаётган бир нодонсан, холос. Шунга қарамай, ниятинга етишингга хизмат қиласидиган маънолар йўлингга атай тўкиб қўйилди, поёни йўқ маънолар дengизидан бор-йўғи битта томчининг ҳикматини зўрга англадинг-у, энди шовқин солишингга ҳайронман!

– Лекин барибирам сени чалғитдим-ку? – деб кулимсиради Озод ва мағизни қўлига опди, лекин уни нима қилиш кераклигини билмасдан, у ёқ-бу ёгини айлантириб кўрди. – Мана, ёнгоғингни тушириб юбординг. Аммо ичиди дур эмас, оддий бир мағиз бор экан, холос.

– Бефаҳм бандаларингдан ўзинг асрагил, эй Парвардигори олам! – деди Қарға, ҳанузаччиғидан тушмай. – Ёнгоғингни чиқишини қайдан эшитақолдинг, аҳмоқ? Ақлингни ишлатмайсанми? Дур бўлганида мен қарға эмас, чиғаноқ бўлмасмидим?

Озод ўйланиб қолди. Кейин мағизни чукурчага яхшилаб жойлади-да, тупроқни шиббалаб-шиббалаб кўмди.

– Хайрият, Тангрим сенга шу ишни қилишингга етадиган фаросат берди, – деди Қарға, қоникиш билан. – Нигоҳ сол: Искандар деворининг устида булутлар қуюқлашмоқда. Сал ўтмай чақмок булутларнинг бағрини йиртиб юборади, шунда шаррос жала күяди. Нам мағизгача етиб боргач, бу ёнгоқ ниш уриб кўкара бошлайди. То сен кексайгунингта қадар у баҳайбат дарахтга айланади, меваларининг ичиди мағиз эмас, дур бўлсаям ажабмас. Балки ўшанда сенинг ўғлинг ҳам мана шу йўлдан ўрлаб келиб қолар? Ўшанда мен, сен эккан шу дарахт шоҳига кўниб, ўғлингга сенинг нодонлигингдан бир ҳикоят айтаман!

Шундай деб у қанот қоқди-да, шошилмасдан узоққа – Искандар девори тарафга учиб кетди.

– Осонгина галимга кўндиридим-ку, – деди Озод, унинг ортидан қараб. – Сен айтганчалик ақллига ўҳшамайди у.

– Кўп йиллардан бери бирор бу тарафга маъни излаб келмас эди, шу сабаб атай ўзини содда кўрсатди, чунки ёнгоғини тушириб юборадиган даражада ҳайбатли бир гап айтишингни жуда истади, – деди шамол. – Сенга отларнинг ривоятидан баҳс этганим эсингдами? Сафар олис, манзил узоқ, етгунимизча ўша ривоятни тинглаб бор, ундан ҳар бир отнинг хабари бор.

Аравага қўшилган отлар ҳикояси

Баҳор эди. Сафсар, сариқ, қизил гуллар очилган, тошлар орасидан ҳам гуллар ўсиб чиқкан эди.

Нарироқда эски ва қўхна бир арава кўринар, ҳайбатидан оғир ва залворли экани сезиларди. Қорайиб кетган тери қайишлари осилиб тураг, бўйинтуруқ ёғочи ҳам ёрилиб-ёрилиб кетган, аммо метин-мустахкам эди.

Қир устида икки ёш, дуркун тойчоқ типирчилаб чопмоқда эдилар. Файратию шиддати кўкка сигмасди. Бири бия, бири той, учқургина, оёқлари ингичка, жуда чиройли отлар эди.

Даштнинг сарсари шабадаси ёмғир исини олиб келди. Салдан кейин баҳор жаласи қўйиб юборди. Томчилар отларнинг чиройли ёлларида, узун-узун киприклиридаю қопқора кўзларида йилтиради. Жала ботиқларда қўлмаклар ҳосил қилди, уларда пуфакчалар бикирлади. Тойлардан бири чопишдан туйкус тўхтаган эди, иккинчиси ҳам унга қўшилиб тўхтади. Бири энгашиб сув ичди, иккинчиси ҳам шундай қилди. Бия қаттиқ кишнади. Оёқ остида беда ҳам ўсан эди, чимдиг-чимдиг ейишиди. Кейин бир-бирларига суйканланларича яна чопиб кетдилар, сал ўтмай қир нарёғида кўздан йўқолишиди.

Жала тасир-тусир қилиб чунон қўйди....

Анчадан сўнг улар яна пайдо бўлишиди. Той асовроқ ва шиддатлироқ экан, суву лой сачратиб чопа кетди. Атрофни бир айланиб қайтиб келиб, шеригининг рўпарасида тўхтади. Яна бир-бирларига суйкандилар. Той чўзиб кишинади.

Шундан кейин улкан бир қўл ҳар икки отни ҳам аравага қўшди. Иккалови ҳам оғир бўйинтуруқ остига киришиди.

Иккита катта, арава шотисига маҳкам михланган бўйинтуруқ буларга катталик қилмоқда эди. Ҳар ҳолда гавдалироқ отларга мўлжаллаган бўлса керак, тойларнинг ингичка бўйинларида маҳобатли кўринмоқда эди. Хиёл ўтиб, ўша қўл отларга қамчи урди, арава оғир ғичирлаб, лойларга қоришган майсаларни эзиз ўрнидан қўзғалди. Бирпасда қир учига чиқиб олишиди, қаршиларида бепоён дала намоён бўлди. Ёмғир тинган, булутларнинг оралари очила бошлаган, даланинг ҳар тарафи ўту майса бўлиб, орасида битта-иккита қизғалдоқ қип-қизариб турагди.

* * *

Ҳар тараф гулу чечак эди. Кунлар тобора исир, ёмғирлар тобора кам ёғар, кун ўтгани сайин ўтларнинг туслари ўзгариб қуруқшамоқда, энди туш маҳаллари иссиқ жазирамага айланиб бормоқда эди. Баҳор адоклаб, ёз яқинлашаётган эди. Ҳар нарса гулларини тўкиб бўлган, кечаги куртакнинг ўрнида бугун мевалар ва уруғлар етилмоқдайди.

Отлар гоҳо тин олар, арава тўхтар, икковлон ён-вериларидағи ўтлардан чимдиг-чимдиг ейишар, гоҳ тик турган ҳолиҷа мизғир ҳам эдилар. Булар дунёга келишганидан бери айрилишмаган, доим ёнма-ён эдилар, энди эса тақдирнинг иродаси или қўш бўйинтуруққа қўшилган, аравани ҳам бирга, баб-баравар тортиб боришарди. Теваракда бошқа ҳеч ким йўқми? Гоҳо узоқларда яна қандайдир шарпалар кўрингандай бўларди, улар ҳам аравани тортиб бораётган отларга ўҳшаб кетарди... ростдан ҳам шундайми, йўқми, билиш қийин эди.

Гоҳо кечалари ўша қўл буларни бўйинтуруқдан озод қиласарди. Аввалбошда тутқуниликдан халос бўлган тойлар ёшлиқ шиддати или у ёқдан бу ёқка чопиб ўйнашган бўлса-да, бундай завқиёбликлар тез орада барҳам топди. Отлар арава ёнidan кетмас бўлдилар. У қўлга ажойиб бир садоқатлари бормиди? Ҳар ҳолда асов, ёввойи бу маҳлукларнинг ўша қўлга лом-мим демай бўйсунишлари ҳайратланарли эди. Аравадан халос бўлишганида улар шу атрофда секин-осойишта ўт чимдишар, кавш қайтаришар... осмон узоқ, ер қаттиқ, олис қўкларда юлдузлар беҳис живирлаган кечаларда бъязан бир-бирларига суйканишар ҳам эди.

Баҳорнинг ёмғирларида кўпчиган тупроқ озғинлашиб қуруқшамоқда, ўтлар ҳам аввалгидай серсув эмас, кўлмак сувлари илиб қолган, ҳар тонг қўёш араваси имиллаб кўк тоқига қараб йўлга тушар, шом манзилига ҳориб-чарчаб етиб келганида қоронғилик чўка бошлар... кунлар ана шу алфозда бирин-кетин ўтар эди.

Бир куни саҳарга яқин бия безовталана бошлади. Бўйинтуруқ қайишлари бўйинни маҳкам қисиб турарди, ҳарчанд уринмасин, халос бўлолмас, аъзойи бадани дир-дир титрар, кўзлари олайиб кетган эди. Ёнидаги той бошини бошига суйкади, енгил кишина-ди, бу кишинашда ҳамдардлик маъноси борийди. Той йўлдошига нима бўлганини тушунолмаётган эди. Бўйинни чўзиб олган бия ҳам қаттиқ зорланиб кишинади, катта-катта қора кўзларидан ёш оқа бошлади. Йиғлармиди? Отларнинг йиғлаганини ким кўрган? Аъзойи бадани катта-катта тер томчилари билан қопланди, ниҳоят, енгил тортиб, бўйинтуруқка ҳолсиз-мажолсиз осилиб қолди. Ингичка оёклари дир-дир титрар, бурун парраклари керилиб, қаттиқ-қаттиқ нафас олар, саҳар салқинида нафаси буғ бўлиб чиқар эди. Шу маҳал қайдандир ингичка, шодон кишинаган товуш янгради, иккала от ҳам бўйинларини буриб қарашибди: ҳозиргина дунёга келган, териси ҳали шилимшиқ тойчоқ туёклари қалтирай-қалтирай, шудрингдан нам ўтлар устида тойғона-тойғона зўрга қад ростлаётган эди. Лекин ҳар қадам босганида дадиллаша борарди, ниҳоят, туёклари ҳануз қалтираганча онасининг қошига келди, бия уни ялади, кейин чўзиб кишинади. Тойчоқ искалана-искалана, онасини эма бошлади.

Той ҳам чўзиб кишинади.

Сарсари шабада ифор исини таратар эди. Юлдузлар живир-живир кўз қисишарди. Шу тариқа икки от учта бўлди.

Энди арава қўшилган икки от олдингидаидай илгарилар, ортидаги озод тойчоқ эса гоҳ ўйнаб чопиб кетар, гоҳ ерга чўккаб, кўрқанидан бошини косаси ичига тортиб олган тошбақа боласини исказиб кўрар, гоҳ ўтларни чимдидер, аммо сабри чидамай, яна шаталоқ отиб чопиб қолар, узоқроққа кетганида бўйинтуруқ ичидаги бия чўзиб кишинар эди, баъзан бўйинтуруқдан чикишга уриниб типирчилаганида, қайишлар бўйнига чукур-чукур ботар эди.

Аравага қўшилган икки от ва бир тойчоқ ана шу тарз уфқ томон кетиб борар эдилар.

* * *

Ёз шу алфозда ўтди. Отларнинг гавдалари чангга ботди, ёллари дағаллашди. Лекин битта ҳолат ўзгармасдан давом этар: улар уззукун бир хилда йўл босишарди. Энди ўтлар баҳордагидай мўл-кўл эмас, кўлмаклар ҳам озайган, отлар анча бакувват тортиб қолишгани боис буни писанд қилишмасди. Гоҳо ўтлоққа чиқиб қолганларида бир оз тўхтар ҳам эдилар. Бия кишинар, тойчоғи чопиб бориб ўтлай бошлаганида булар ҳам аравани судраб ортидан эргашишарди. Бир ўт чимдидер, бир тойчоққа қарап эдилар. Икковининг ҳам ёшлиқ шиддати анча сусайган, аммо қувватлари ошган эди. Айғирдан куч ёғилиб турарди, қадамлари вазминлашганига қарамай, аравани енгилгина тортиб кетмоқдайди. Орада куз келди, ортидан қиши қиличини кўрсатди. Яна баҳор бўлди, яна кунлар исиди. Ёзниг адогида тағин икки тойчоқ туғилганини айтмаса, бу орада айтарли ҳеч қандай воқеа рўй бермади. Энди арава ортидан учта тойчоқ юргургилаб, ўйнаб чопар эди.

* * *

Вақт шу зайл ўтди. Яна куз келди.

Тупроқни тамоман лойу балчиққа айлантириб эзгин ёмғирлар ёғди. Осмон бир хил қорамтирип булутлар билан қопланди. Майсалар сарғайиб, уруғларини сочиб юборишиди. Энди отлар кўпинча ёмғирда ҳўл бўлган ўтларни ер, туёклари тойғона-тойғона аравани тортишда давом этишарди. Тойчоқлар ҳануз ўйноқлашини қўймас, гоҳ тўхтаб, узоқларга қараб қолишарди. Олисларда тоғлар борийди, улар ёзда кўкимтирип тусда бўлса, ҳозир қорайиб кўринимоқда эди. Тойчоқлар қоп-қора кўзларини ўша ёкка тикиб қараб туришарди-да, бирданига яна лой сачратиб арава ортидан чопиб кетишарди.

Арава эса ҳануз ўша: эски, кўхна, катта ғилдираклари бир маромда айланар, гоҳ чуқурга тушганида отлар зўриқишиар, қайишлар ишқаланган елкаларининг юнглари тўкилиб, тери ости кўриниб қолган эди. Узоқ бу сафарда иккала от ҳам анча озди, энди елка ва ўмров суюклари туртиб чиқиб турар, айғирнинг ҳам қовурғалари саналиб қолганди.

Кеч кузга борганда далада ўтлар деярли қолмади ҳисоб. Ортидан қиличини курсатиб қиш ҳам келақолди.

Энди арава ва отлар кимсасиз яйдоқ даланинг қор босган ўйдим-чукурлари аро имиллаб кетиб бормоқда эди. Қайишлар ёзниң жазирамасидау кузнинг ёмғирларида қорайган, аммо ҳануз пишик ва мустаҳкам, “ажабо, қайси ҳайвоннинг терисидан ошланган экан”, деган ўй келарди хаёлга.

Араванинг устига айлантириб темир қопланган, баъзи ерларида михлари бўртиб турган ғилдираклари қолдирган изга ёқкан эриган қор суви қорайиб тўпланади, лойга аралашиб, балчиқка айланади. Ғилдираклар сув теккани боис оғир ғижирлаб-ғийқиллайди. Осмонда тунд, кулранг булутлар туриб қолган, улар сузмайдилар. Бу ҳавода не учундир шабада ҳам йўқ, теваракни совуқ эгаллаб, турғун бўлиб олгандай. Бор-йўқ манзара шу – кимсасиз, йўлсиз дала, узоқда ўсган қандайдир баргиз довдараҳт, теп-текис кўрингани билан аслида ўнқир-чўнқир дашт... ва шу даштда аравани ҳануз тортиб бораётган икки от...

Отларнинг катта-катта қўзларида энди мутеълик сезилади. Мудхиш бир бўйсуниш илиа тортиб боришади аравани. Гоҳ унисининг, гоҳ бунисининг оёғи тойиб, мункиб кетади, ҳар ер-ҳар ерда қор эриб, ичиди музлари сузиб юрган кўлмаклар ҳосил бўлган, аммо нима сабабдандир у кўлмаклардан ҳовур кўтарилади – баъзан отлар ана шундай кўлмаклардан сув ичиб олишади. Чап ҳам, ўнг ҳам адоқсиз оқлик, баъзи ерларида бултурги гиёҳларнинг қорамтири учлари тиккайиб чиқиб турган шу макон... майдондаги ёлғиз арава... хўмрайган осмон... бор-йўқ манзара шу, холос.

* * *

Шом маҳали олисда қорларнинг чангини тўзғитиб қанақадир ҳайвонлар пайдо бўлишди. Узоқдан уларнинг қанақа ҳайвон эканини билиб бўлмас эди. Улар учта ёки тўртта, қорни тўзғитиб чопиб келишмоқда эди. Қор сочишидан күён деб тахмин қилса бўларди, чунки гоҳо қуёнлар қор устида ана шундай ўйнашади. Лекин отлар бирданига безовталаниб қолишли, эркаги бурнини кериб қаттиқ пишқирди, урғочисининг қўзлари олайиб, бошини яна силтай бошлади. Ортдаги тойчоқлар ҳам типирчилашди, улардан бири ингичка овоз билан кишинаб юборди.

Қор тўзони ва уни ҳосил қилаётганлар яқинлашиб кела бошлашди. Гавдалари қуёндан анча катта, ранги ҳам қорамтири эди, шунда уларнинг чиябўрилар экани аён бўлди. Чиябўрилар тўдаси ҳалокатли бўлади. Буларнинг саноғи уч-тўртта эмас, анча кўп эди.

Айғир тери қайишларни узмоқчидай силтана бошлади, қайиш хира йилтираб турган жигарранг тусли терисига чуқур ботиб кетди. Урғочиси ўзини ҳар ён ура бошлади. Ортдаги тойчоқлар кўкка сакрашди. Араванинг битта ғилдираги қанақадир чўнқирга тушиб, хиёл қиийшайганча тўхтаб қолди, отларнинг типирчилашларига жавобан у ҳам силтанар эди.

Чиябўрилар етиб келишганда иккала отга ҳам ғайритабиий қувват қўйилиб келди, уларнинг типирчилашларидан арава залворли чайқаларди. Ёш тойлардан бири чиябўрилардан хуркиб, орта қараб чопаётган тойчоққа караб туришди-да, гала бўлиб тойчоқ ортидан чопишиди. Отлар яна зорланиб кишинашди, айниқса бия жон аччиғида типирчилар эди. Мана, чиябўрилар тойчоққа етиб ҳам қолишли, бири орт томонидан сакраб, сағрисига тишларини ботирди, тойчоқ мункиб кетди. Қолганлари ҳам ташланишганида, атрофни қоронғилик ўраб олди, унинг ичидан тойчоқнинг ингичка кишинаши эшитилди-ю, шу билан ҳаммаёқ тинчиди...

Тақдирга тан берган отлар эртасига яна йўлда давом этишди. Энди арава ортидан иккита той югуриб борар, уларда аввалги ўйноқилигу шиддат сезилмас эди.

Кечга яқин яна гупиллаб қор ёға бошлади. Ҳаммаёқ оппоқ қорга бурканди. Арава ботиб қолди. Ғилдираги тушиб қолган жой анча чуқур экан, отлар ҳарчанд уринишмасин, чиқавермади. Шу совуқ ҳавода ҳам таналарини тер босган, елкаларидан ҳовур кўтарилади. Айғир бутун кучини йигиб яна бир зўр берган эди, ғилдирак чуқурдан чиқди. Шу маҳал айғирнинг туёқларидан мадор қочди, у бўйинтуруғига осилиб типир-

чилай бошлади. Қаддини тутиб туришга мажоли етмас, лекин шунда ҳам туришга интилар эди. Бия довдираб, қаттиқ кишинади, ортдаги тойлар айғир атрофида айланы бошладилар. Улкан боши лойларга қориши, узун ёллари балчиққа беланди. Қаттиқ ҳансирар, нафасининг ҳовури қорни эритарди, озод тойларнинг бири келиб, унинг бошу кўзини ялади, бошқаси ҳам келиб, бўйнига ишқаланди. Айғир қаттиқ пишқириб нафас олди, кейин жимиди.

Арава шу ерда туриб қолди.

Шунда ўша улкан қўл бўйинтуруқни кўтарди, тери қайишларни узди. Бия ҳам халос бўлган эди. У айғирнинг атрофида айланниб исқади, кўзларида ҳануз мутеълик ва бўйсуниш ифодаси бор эди. Ажаб, кўз ранги ўзгарган, бир маҳаллардагидай қоп-қора эмас, балки сарғиш-жигарранг тусда, вужудидаги шиддат ва шавқ аллақачон йўқолиб битган эди. Икки биқини чандик бўлиб кетган бу от йўлдошининг ёнига чўк тушди, бўйнини бўйнига қўйди.

Кечаким жимжит эди. Тойчоқлар ахён-ахён пишқиришарди.

Бу тунда яна нималардир рўй берди. Аммо зулумот шаклларни кўздан яшириди, фақат овозлар қолди, холос. Ёғаётган қор эса овозларни ютиш хусусиятига эга эди, шу сабаб тахмин қилишнинг иложи бўлмади. Бироқ тонг отгунига қадар ер юзининг мана шу жимит қисмида ҳаракат тинмади. Тонг отганида эса бия ҳануз йўлдошининг бўйнига бўйнини қўйиб ётгани кўзга ташланди. Устини қоплай бошлаган қор эrimас, хорғин кўзлари очик, қарогида томчилар оқаринқираб музлаб қолган эди.

Икки тойчоқ оналарининг ҳам жон берганидан ҳали бехабар, нарироқда қор титкилаб, емиш ахтармоқда эдилар.

Бу тонг ўзи билан илиқ шабадани олиб келди, қайлардадир музлар ёрилди, унинг эсишида баҳор нафаси бор эди.

...Тойчоқлар ҳали ёш эдилар, шу сабаб мусибатни тез унтишди. Яна баҳор келди, тупроқдан майсалар униб чиқди, қушлар шодон чугурлашди. Теварак илиқ эпкинларга тўлди, кўкда қалдирғочлар учдилар, мусичалар кукулашиб, ин кургани жой ахтаришди.

Баҳор теваракни жўштириб юборди. Икки той жунбишга келиб, ўру қирларни гир айланниб чопишиди.

Чопа-чопа арава турган ерга келиб қолишиди. Каттароғи бир нимани эслаган каби арава яқинига келди, тумшугини чўзиб ҳадиксираб исқаб кўрди.

Арава оғир-вазмин, ёғочлари ёрилиб-ёрилиб кетган, каттакон ғилдирагининг теграсига гир айлантириб темир қоқилган эди.

Шу маҳал ўша улкан қўл уларни суребориб аравага қўшди.

Отларнинг гавдаси кичик бўлгани учун бўйинтириқ катта келган, ингичка бўйинлари бу улкан бўйинтириқ остида янаям ингичкалашгандай туюларди.

Кўхна арава ғилдираклари ғижирлаб жойидан кўзгалди...

* * *

– Отларнинг кўзида бўйсунишдан бошқа ифода кўрганмисан, болам? – деб сўради шамол Озоддан, отасининг товуши билан. – Улар ўша қўл эгасидан бошқани танимайдилар. У манзарада қўл эгасидан бошқа ҳеч ким йўқлигига диққат қил – сен бунга ўзга маъно берасан, садоқат деб атайсан ва саодатнинг калитини садоқатда деб биласан. Дарҳақиқат, у мутеълик аслида буюк бир иноятдан ўзга эмас, кошки шундан ҳам бир ўйт олсанг.

У тобора кучаймоқда, ўт-ўланлар эгилиб-букилмоқда эди.

– Инсон боласининг ҳаёти маънолардан иборат эканини энди яхши биласан, – деди у, Озоднинг устида чарх ураркан. – Бошқа ҳамма нарсаларнинг ғорат бўлиб кетишини, фақатгина маънолар қолишини ҳам биласан. Лекин шарқдан булутлар сурилиб-мингашиб келмоқдалар, уларнинг қуюқлашган ораларида чақмоқлар бино бўлмоқда. Ҳозир унинг овозини эшитасан, ўзини ҳам кўрасан!

Дарҳақиқат, самода қора булутлар қат-қат уйилиб, бир-бирининг устига мингашиб сурилиб келган, совуқ жала эпкини бот-бот уфурмоқда, бу эпкин бегона эди, унда шиддат ва жанг сурони борийди.

Шу ўзгаришлар остида далада бир кимса бандидан синган чечаклар устида хомуш ўтираш эди.

– Маънидан баҳс этилди, – деди шамол. – Бу киши ҳаёт маҳали маъно оламига сен каби ҳайрат ила тортина-тортина кириб келаётган бўз болаларнинг қалбидаги митти дурни илғар даражада истеъдод эгаси эди. Атрофидагилар кибру ҳаво ичидаги эл-юртни маломат қўлганларида, ўтлоқлар аро олов ёқиб, таомлар пишириб ўйин-кулги қилишганида жони озорланган, ҳар бир гулнинг синган қаддини тиклайман дея урин-ганлардан бири эди. Сен олдинда маломатчиларни кўрасан, уларнинг ким эканини қайдан ҳам билардинг? Бир-бирини итариб-суриб чўққидаги лола сари интилган олон-монни эсладингми? Кибру ҳаво ахли ана ўшалар эдилар. Бошқалар чечакларни теп-килаш билан овора эканлар, бу киши авайлаши кераклигини билган эди. Қиёматдан баҳс этилди, энг сўнгги гул қаддини тиклаган пайт рўй беради қиёмат бу киши учун. Майсаларнинг остида кимлар борлигини билдинг-ку? Ана ўшанда ҳамма майсалар бу кишининг ҳаққига “Сендан Аллоҳ рози бўлсин!” деб нидо қилиб хазонга айланадилар..

Озод шоён мутаассир эди.

Тўсатдан булатлар орасидан кўзни олгудай чақмоқ ялтиради, ортидан овози келди – момақалдироқ теваракни титратиб юборди. Эпкин шиддатланди, нам тупроқ ва тошларнинг исси анқиди атрофда. Ўтларни ерга эгиб-юлқилаб, бот-бот тўлқин урмоққа бошлади чақмоқларнинг шамоллари.

– Бу ерда кўришинг керак бўлган ҳодисаларни кўриб бўлдинг. Юр мен билан бўлак ҳаволарга, бўлак манзилларга, – деди шамол ва Озодни ўраб-чирмаб олди.

Маломатчилар

Пастда, дашту биёбоннинг бир четида бир тўда киши кўринди. Атрофда фақат сарғайиб-қуриган шохчалар, буталарнинг қуруқ таналари, туссиз ва рангиз ўлик тупроқлар устида жаврашиб ўтирган бу кишилар нима учундир шўх-шодон, қандайдир таом пишириш билан банд эдилар.

– Булар кимлар? – деб сўради Озод, кўрганларига ақли ишонмай. Кимсасиз даштда, на сув, на емиш бор бужонсиз кенгликларда кишиларнинг таом пишириб, ўйнаб-кулишлари ақлга сиғмас эди.

– Булар бахтдан бехабар, маъни уқмас кишилар, – деб жавоб қилди ҳамроҳи. – Бутун умрлари давомида қилар ишлари турли таомлар пишириб қорин тўқлаш, теваракда кўринган неки борни маломат қилишдан иборат. Сен ўтган манзиллардан улар ҳам ўтишди, панду насиҳатларни ҳам эшитишди, аммо маъниси ақлларига етиб бормади. Вақти келиб бу кишилар ҳам сўз айтиш неъматидан маҳрум этилгач, шакли инсону асли ҳайвондан иборат маҳлуқлардан фарқи қолмайди. Кўзлари маъно касб этмай қўяди, ранглари қорайиб, терилари таналаридан палахса-палахса бўлиб ажралиб тушади, шу тариқа инсонлик мақомидан чиқиб, ҳайвонлиқдан ҳам тубанга тушадилар ҳамда кун келиб жонларини жабборга топширганларида, ер осталарининг жирканч маҳлуқларига айланиб кетадилар.

Чўл ўтинлари чирс-чирс ёнар, кўкимтири турун тепага ўрлар, бу давра не учундир хушнуд ва хушчақчақ, оғизларидан сўлаклари оққанча таомнинг пишишини кутар эдилар.

– У ҳолда бу кишиларнинг мавжудиятидан мурод не? – деб сўради Озод.

– Мавжудиятидан мурод? – деб сўради шамол. – Ўзлари шу ўйлни танлаб олишди-ку? Боя ўйлда кўрганинг кишилардан фарқ қилиб, булар ўз тақдирларидан розидирлар. Ҳамма орзулаган иноятлар бу жонзотларга керак эмас. Оловда исиниш, ҳиринг-ҳиринг кулиш ва дуч келган нарсани ейишдан бошқа қилар ишлари йўқ. Мана шу рангу туссиз, маънисиз ҳаётларида яна абадиятдан ҳам умидворлар. Сен кўрган Хоин ўзининг хоинлигини, ёв ўзининг ёвлигини билар, шу боис ҳам изтироби ичидаги Парвардигорнинг марҳаматидан умидвор эди. Ҳатто бадбахт маймунлару кўзи кўр куртлар ҳам кун келиб, тақдирларининг ўзгаришини билганлари сабабли, жонли тимсол сифатида яшаганлари учун Тангри розилигини истаб дарахтлар устида масхара бўлиб ёки

каваклар ичидә умр кечириб юришади. Булар эса кибру ҳаво ичидә ўзларини олам гултожи деб ўйлайдилар. Булар ҳам сенинг элингдандир. Билиб қўй, Тангрим яратган барча маҳлуқларнинг орасида энг даҳшатлиси мана шулардир! Нега юзингни терс ўгирмоқдасан?

– Қўй, уларни кўрсатма менга, – деди Озод, озорланиб. – Бу кишиларнинг бутун туриш-турмуши мени қўрқитмоқда, шу ҳолимда, “шундай кишиларга рўбарў келишдан ўзинг асраригин” деган калимадан бошқа сўз ақлимга келмаяпти.

– Имон билимдан ҳосил бўлишини англамаган қавмдир бу, – деди шамол, Озодга раҳм қилиб. – Бу кишиларнинг ўйин-кулгиларини, айшу сафоларини, кибру ҳавога тўла лафзларини эшитишни истайсанми? Ораларида ўзларини мадҳ етувчи шоирлари ҳам бор, уларнинг назмини тинглашни истайсанми?

– Ҳаргиз у томонга юзимни буришга ундама мени, – деди Озод терс қараб. – Зотан, бу ёққа келишда хәёлимга ҳам келмаган кўп нарсаларни англаб етмоқдаман ва англашимда кўмак берганинг учун сендан миннатдорман. Истасанг яъжуж-маъжужлар ичига бошла мени, истасанг ер осталарининг тубсиз дарёлари томон етакла... аммо бу қавмдан мени узоқ тут.

– Тўғри айтдинг, – деди шамол, қониқиш билан. – Булар – мардуллардир. Булардан ҳам бебахтрок яна бири бор – ҳозир уни ҳам кўрасан, шомларни титратадиган қичқириғини ҳам эшитасан. Уни Муртад дейдилар.

Муртад

Дашту биёбоннинг сўник қумлари аро бир киши тентирайди.

У – озғин, юзлари қорайиб кетган, бармоқлари қийшиқ, кўзларида жаҳаннам ўти ловуллаб турадиган бир кимса. Далва-далва кийимларини шамол юлқилайди, яқинлашса қушлару ҳашаротлар хуркиб нари қочишади.

У бир нималарни гапирмоқчи бўлади, аммо бўғзидан тушунарсиз товушлар чиқади. Майсага оёғи илашса ҳам, тошга қоқилса ҳам, устига бир күш ахлатини ташлаб кетса ҳам ўзича ғўлдирайди.

Гоҳо қорамтири тирноқлари кўчиб кетган акашак бармоқларини кўкларга чўзади, ҳавони ғижимламоқчидай чангалини очиб-юмади, ғудранади. Кимгадир нимадир деяётганини илғаш мумкин, аммо гапларини тушуниб бўлмайди.

Буталар орасида емиш тиланиб чирқиллаётган қандайдир қушнинг полапонини ушлаб олади-да, тириклий ғажий бошлайди. Оғзида патлари билан яланади, кейин яна йўлида давом этади. Сувсаганида янтоқнинг поясини узиб олиб чайнайди. Шу кетишида тошҳайкал олдидан чиқиб қолади. Маъсума бир қизни эслатадиган тош олдида ниманидир эсламоқчидай, пешанасини тириштириб узоқ ўйланади, бироқ эслай олмайди, бундан алами келиб “Хо-ҳо-ooo!” деб чўзиб қичқиради. Узундан-узоқ бу қичқириқни шамол олиб кетади, бу қичқириқ аксланмайди, балки ҳавога ва қумга сингиб йўқ бўлиб кетади.

Тонгларнинг шудрингларини сочиб-сочиб, жазирамаларнинг иссиғида товонлари ёрилиб-ёрилиб, қаҳратонларнинг музламаларида оёқ-қўллари совуқ ура-ура ана шундай кезинади бу бандади.

Кин ва қаҳрга тўла кўзлари олазарак боқади атрофига. У кимдандир, нимадандир ғазабнок, аламнок, аммо кимдан ғазабланганини эслолмайди, шуни эслашга уриниб бадар кезинади. Бир маҳаллар юзини, қўлларини совуқ урган, шундан қорайиб-қорайиб кетган.

Узоқларда кучугини эргаштириб бир одам кетиб боради, юзи қора киши унга анча термилиб турди-да, бир нимани эслагандай, ортидан югурга бошлайди. Ҳарчанд югурмасин, кучук етаклаган киши билан орасидаги масофа қисқармайди, балки узоқлашади. Юзи қора банда кум устига йиқилади, шунда ҳам олдинга сурғалишга уриниб, бир неча қулоч суринади ҳам... яна қараганида уфқ бўм-бўш... ҳеч кимса кўринмайди. Шунда у осмонга қараб яна “Хо-ҳооо!” деб қичқиради.

Санқий-санқий, туз чўлидан чиқиб қолади. Бироқ, чўлнинг тубсиз қумлари уни ютмайди. Кум узра, қаерда кетаётганини ҳам идрок этмасдан одимлаб ўтиб кетади. Изидан туз тўзони кўтарилади-ю бирпасдан кейин ўз-ўзидан тинади.

Тепасида жуда баланд, жуда узоқ осмон, оёқ остида қаттиқ ва забонсиз ер... юра-юра Ойдинкўл соҳилидан чиқиб қолади. Ҳайвон каби ерга ётиб, тили билан ялаб-ялаб сув ичади, мамнун бўлиб яна ғўлдирайди ўзича, бошини қийшайтириб сув тубига қараб туради-да, сокин-осойишта сузаётган балиқлардан бирини илкис ҳаракат билан тутиб олиб ямлади. Балиқнинг думи оғзида жонсиз-жонсиз қимирлайди.

Ойдинкўлнинг сувлари беозор жимирилайди. Жилвалар унинг ёдига яна нимани-дир солади. Сувга термилиб узоқ ўтиради, маънисиз кўзларида бир лаҳза, атиги бирлаҳзага нимадир милт этади.

“Хо-ҳоооо....” дейди ғўлдираб, умидсиз, илинжсиз... Сувга тикилиб узоқ ўтиради, кейин бирданига недандир руҳланиб кетади. Тополмаётган нарсасини топган каби, англамсиз ёввойи қувонч балқиди кўзларида, сувларни атрофига соча бошлайди.

Унинг ортидан сояси бетиним эргашиб юради. У Муртадни бетиним маломат қиласди.

* * *

– Сувга тушганингда мени йўқолади, деб ўйладингми? – деб сўрайди ҳамроҳи.

Қора одам индамайди, тушунксиз нигоҳини унга тикиб, яна ғўлдирайди.

– Дилингда бир маҳаллар илинж аралаш кўркув илвираганини билмасмидим? – дейди соя. – Нариги дунёни кўрмоқчи эдинг-ку! Фаришталар, қабр азоби... савол-жавоб қандай бўлишини билмоқчи эдинг-ку!

Муртад индамайди, ерда ётган бир хасни олиб, айлантириб кўради, кейин оғзиға солиб чайнаганча, кўзларини лўқ қилиб унга термилади.

– Ўзингнинг тепангда ўзинг қаққайиб туриб қолганинг эсингдами? – деб давом этади ҳамроҳи. У жуда қуоқ, шу боис ҳаддан ташқари кора бўлиб кўринади. – Ёруг дунёдаги ҳаётим тугади деб ўйладинг. Бироқ, осталаридан дарёлар оқиб турувчи анхорлар ёки ловуллаб ёнган дўзах нишоналари кўзга ташланмади – атроф қандай бўлса шундайлигича, ўзгармасдан қолди, ҳайбатли сўрок фаришталари келмади, тошлар орасида, синган майсалар устида бир ўзинг турaverдинг. Эслаяспсанми?

Муртад индамайди.

– Яъжуҷ-маъжуҷлар сенга тегмасдан питирлаганча ён-верингдан ўтиб кетишди. Ҳаммаси пастликка – Дилором томонга селдай оқиб бормоқда эдилар. Уларнинг кўкимтирик кўзларида шошқинлик ва саросима кўрдинг. Сўнг булуллар сурилиб келди, қаттиқ шамол эсади. Осмон ёрилганида... тоғлар парчалангудай бўлиб чақмоқ яллиғланганида ақлу ҳушиңг ўзингда эди. Чакмоқ чақилган жойидан осмон ёрилганини, ёрилган жойидан кимлардир ер юзига тушиб келганини ҳам кўрдинг. Осмон ёриқларидан энди кўкларга кетсам керак, руҳимни кўзага солиб, ҳарир матога ўраб осмонлар оша кўк тоқигача етказишса керак деб ўйладинг. Йўқ, аксинча, сени ер қаърига судраб кетдилар. Экинлар униб чиқадиган ҳосилдор қатламдан сўнг тошли қатлам, ундан сўнг яхлит харсанглар... уларнинг остида эса ер ости қоялари бор экан. Энди эсладингми?

Муртад маъносиз кўзларини ерга тикади, бир ҳашаротни ушлаб эзғилаб кўради, уни егиси келмайди.

– Сен ҳам, мен ҳам ер ости қояларининг остидаги жим оқадиган сокин қора дарёларга етиб бордик, – дейди соя. – Қоронғилик қаърида сувнинг музлиги худди олов теккандай. У дарёларда аллақандай маҳлуқлар бор эдилар. Бу ердаги кишилар ҳаво етмай бўғилиб-бўғилиб, гоҳ сув остига чўкиб, гоҳ сув бетига қалқиб-қалқиб яшашмоқдайди. Улар ер ости дарёларининг юзаларида бўлиб, осталарида яна кимлардир бор, аммо ким эканликларини билмас эдинг. Улар шу қадар кўпки... бир-бирини ғажимоқда, “сен бўлмасайдинг мен шу кўйга тушмас эдим” дегандай, бир-бирига ҳолсиз-ҳолсиз ташланиб, бир-бирининг томофини беҳол-беҳол чайнашмоқда эди. Мадори куриганидан қаршилик ҳам кўрсатолмай, кўзлари олайган ҳолда жағларини базўр қимирлатишарди... гўё “бир-бирингизни енг” деган ҳукм келгани каби. Бу ҳукм қандай

келишини биласанми? Бир майса ўзининг униб чиқишини ўз ҳолича тұхтата оладими? Бир тирик одам боласи ўзининг кексайишини тұхтата оладими? Ҳукм ана шундай келади: ҳукм келганида, истаса-истамаса ғажийверади. Эслаяпсанми? Ким эканингни, қандай муртад бўлганингни хотирлаяпсанми? Сен Дилоромни дея муртад бўлган одам эдинг, эй бадбаҳт!

Бу сўзни эшитиб, Муртад қора юзини самога қаратади, кўк қўзларида юлдузлар хира аксланади. Осмондан юзига бир-икки ёмғир томчиси тушади. “Хо-ҳоо!” дейди у чўзиб, маъюс.

– Инсонни истаб муртад бўлиш ҳам мумкин эканми? Мурғаклигингдан қулогингга қуйилган, юрагингни тубларига қадар ўрнашган ва ақл билан тасдиқ этилган нарсалардан воз кечиб бўларканми, эй бадбаҳт? – дея маломат қилади уни сояси. – Сен ўз ҳаётингда Тангрини таниган, буйруқларини ва иродасини тан олган, ҳамма сингари жаҳаннамидан қўрқадиган ва жаннатдан умидвор бир банда эдинг. Қошингда ҳодисалар ўз тилларида, ўз ҳолларича сўзлар, сен ҳам ўз ҳолингча эштирардинг. Бир куни кўчада Эраннинг жуда бадбашара кучугини кўрган эдинг. “Нақадар бадбашара экансан!” деганингда, кучук тилга кириб, “Эй одам! Нақши айблаяпсанми, наққошними?” деб маломат қилганида ҳушдан кетар даражада кўрқану нодонлигингдан ҳўнг-ҳўнг йиғлаган ҳам сен эдинг. Сабаби, сен ҳам нақш эдинг.

Дилором эранга ёр бўлди. Сен эса эран эмас, ўз ҳолингча сандироқлаб юрган минглаб кишилардан бири эдинг, холос. Нақш ҳолингда, ўз нақшларингдан норози бўлиб, наққошга қарат “Нима учун мени бу алфозда яратдингу бу чизиқларни раво кўрдинг?” деб қичқирдинг.

Сенга дашном берган кучук ўз қисматидан рози эди, сен эса – ақлу тасаввуринг билан янада гўзалроқ нақшлар борлигидан хабар топгач, ўшаларга ҳавасланмоқда эдинг.

У хоҳласа, сени бошқа шаклда яратиб қўя олишини билганинг учун нидо қилар эдингки, бу ҳолимдан рози эмасман, бошқа бир ҳол бер!..

Барини билар эдинг – Дилором тупроқларга ёғиладиган барака мисоли эди. Лекин унинг ҳам умри ўтишини, сарғайиб-сўлишини, вақти келиб тупроққа қоришишидан хабардор эдинг. Модомики, у етишган даражалар сенга азалдан тақдир қилинмаган экан, барибирам Дилоромнинг баракотларидан баҳраманд бўлиш, нақшлари бадбашара ҳаётинг у туфайли ўзгаришидан умидланган эдинг.

Заифани Тангirim муборак қилиб, ўз сўзини айтди. Ўша муборакликни олдинроқ яратган бошқа бандасига хос кўрди, уни заифанинг эгаси деб улуғлади. Шу қадар муборак қилдики, нигоҳ ташлашни ҳам ҳаром деб белгилаб, ўтиб бўлмас чегара тортди.

Сен эса, “Худои таоло гуноҳу савобни, ҳалолу ҳаромни одамлар учун яратди. Одам бўлиб яралмасайдим, мен учун гуноҳу савоб, ҳалолу ҳаром бўлмас эди”, дея изтиробга чўмдинг. Англайапсанми? Бори нарсани рад қилсан, одамликдан чиқармидим, одамликдан чиқсан, Дилором менга ҳалол бўлармиди, деб ўйладинг.

Ўз одамлигинги ана шунда рад этдинг. Эътиқодингнинг сўнгги маломатини тупроққа кўмдинг. У ердан бир ўт ўсиб чиқди: барги қизил, гули тўққизил, гулкосасининг ичида қора нуқталари бор, ғалати бир гул. Бори билганингни рад этдинг, мен одам эмасман, банда ҳам эмасман дединг – шу тарз муртад бўлдинг, мудҳиш озодликка чиқдинг!

Неки қонуният бор – абас бўлди сен учун. “Истасам, одам қонини ичаман, истасам, мақбаралар устига чиқиб дам олиб ўтираман... Элу юрт маломат қилса-чи? Эл нима бўлти мен учун? Юз йилга бориб-бормай тупроққа қўшилиб кетадиган бу кишилардан менга не наф” дединг. Воажаб, шунда Дилором ҳам кўзингга жуда оддий бўлиб кўрина бошлади. Тилсимини йўқотди у, фусуни ғойиб бўлди. “Сен ким бўпсан?” дединг қаҳрингдан тишларингни фижирлатиб, яниб. “Сонсиз-саноқсиз аёлларнинг биттасисан, холос. Истасам, амримга олиб, қул қилиб эшигимда ишлатаман, истасам, нафсимни қондирман. Туссиз-рангиз теваракдаги аянчли бир кас эканингни энди билдим, янглиш эй пари!”

Шуурингни ниҳоясиз ва баҳайбат қора кин чулғаб келган эди. Тоғлару тошлар каби оғир ғазаблар ошён қурган эди юрагингга. Қоялар ёрилиб, ёвнинг кичик бир тўдаси ёруғ дунёга чиқиб келганини билиб, ўша томон от солдинг.

Узоқ йўл босдинг. Жарликларнинг қирғофида, ўшшайған қояларнинг лабида нафис наъматак чайқалган жойдан ўтиб бординг. Тепага етганингда Эраннинг Дилором дея ёвнинг келар йўлига чиққанини кўрдинг.

Рўпарангда тоғ титрар, ер ҳам титрар, бир сурон эшитилмоқда эди – ҳар ҳолда, у – ёвнинг сурони эди.

Ўша жаҳолат ичра ортидан яқинлашиб бордингу тифни курагига дастасигача ботирдинг. Эран миқ этмай чўкка тушиб, жимиб қолди. Яра жойидан қон оқиб, пастга қараб ингичка чизиқ ҳосил қилиб оқа кетди.

Сурон яқинлашмоқда эди. Энди бу ёвнинг шовқинидан ўзинг ҳам қўрқмоқда эдинг.

Шамол қулоқларинг остида қичқирап эди. Шу маҳал қаршингда бир арслон пайдо бўлди.

У ҳайбатли, хўмрайиб, қаҳр ила қараб турар эди. Тўхтай десанг, ёв келмоқда... қочай десанг, мана бу арслондан ҳам қўрқмоқда эдинг... тўсатдан у баҳайбат панжасини ҳаволатиб, бир урди, отинг ағанаб, ҳавога учиб кетдингу сал ўтмай тошларнинг орасида кўрдинг ўзингни!

...Узоқ йиллар қимир этмай шу алфозда ётдинг. Ёмғирлар, қорлар ёғди, сўнг баҳор келиб, музлар эриди. Ниҳоят, бир нимани эслагандай бўлиб қалқанингда, барча билганингни маънолари билан бирга унутганингни пайқадинг. Узоқ, жуда узоқ ўйландинг, ҳатто ўзингни кимлигингни ҳам эслолмадинг, нималигингни ҳам билмадинг. Қорнинг очганини сездинг, аммо нимани ейиш кераклигини ҳам билмасдинг. Шунда бир қуш келиб майсани чўқиди, сен ҳам шундай қилдинг. Бошқа бир қуш келиб кўлмақдан сув ичди, сен ҳам қуш каби сувдан ичдинг.

Теварагингга боқиб, қанақадир ёввойи ҳайвон бошқа бир ҳайвонни ушлаб бурдалаб еяётганини кўргач, сен ҳам бир ҳайвонни тутиб единг.

Қорнинг тўйгач, яна зўр бериб бир нималарни эслашга урина бошладинг. Аммо эслолмадинг, турган жойингда сакраб, осмонга қараб “Хо-о-о!” деб чўзиб увилладинг.

Эсла! Отанг бор эди, эсла! Онанг бор эди, эсла! Бир дунё одамлар бор эди, бири дехқон, бири узумзорлар эгаси эди, бир ажойиб қиз бор эди, оти Дилором эди... эсла!..

Кун уфққа ёнбошлагани сайнин соя ҳам узайиб боради, буталарнинг, қум ва тошларнинг сояларига қўшилиб-айрилиб, маломатида давом этади:

– Акаларинг, укаларинг бор эди! Яйловларда хивични от қилиб чопардинг. Қирларда куюн оёғинг остида ўралашарди. Ҳамма нарсанинг тилини тушунардинг. Отанг буғдои экарди, ораларида ўйнаб юрардинг, буғдои унидан онанг нон ёпар, у нонларни ҳидлаб-ҳидлаб ер эдинг. Қариб-илвираб қолган кампирлару чоллар бор эди, улар сени ҳар кўрганларида дуо қилар эдилар... Эсла!

Муртад эслолмайди, аммо соянинг овозини ҳам ўчиролмайди, бошини чайқайчайқай илкис ўрнидан туради-да, яланг оёқлари билан намчил тупроқни соча-соча, боши оққан томонга жўнаб қолади, соя эса изидан қолмайди, қайга борса эргашаверади, муртад бундан безор бўлганидан яна “Хо-о-о!” деб бақиради.

– Эсла, эсла, эй имонсиз! – дейишини кўймайди соя.

* * *

– Аслида биттагина сўзни эсласа кифоя, ўшанинг маъноси дилига киради-ю, ҳамма нарса ўз ўрнига тушади, – деди шамол. – Лекин Парвардигори олам унга у сўзни унумтириди, энди қиёматга қадар эслай олмайди!

– Ёв... – деди ўйлануб Озод. – Ёв ҳам... сўз айттолмас... аммо биргина сўзга илҳак эди...

– Кўзга кўринмас арслон ҳалиям шу ерда, – деди шамол. – Панжаси билан яна бир урса, бу кимса санқиб юрувчи бўй-бўйши тирик кўзага айланади, чақмок урганида эса қирқ бўлакка бўлинуб синиб кетади, ҳар бир бўлаги яна ўша нидосини айтиб қичқира бошлайди...

(Давоми бор)

Шеърият



Мирпўлат МИРЗО

Юртим, севдим сени юракдан

Водийда баҳор

Қамчиқ довонидан ўтиб қарасанг,
Манзара кўринар ажисб, бокира.
Чулгамиши водийни бир баҳорий ранг,
Унинг ҳуснига кўз тегмасин сира.

Боғлар ифорларга чўмилар сармаст,
Кўклам адирларга ёймиши палаклар.
Хув, уфқда сузган туманлар эмас,
Исириқ тутатар кўкда малаклар.

География ўқитувчиси

География ўқитувчисига қийин бу асрда,
Турфа низолардан тинчимади замон.
Ер юзида жўшар тўфону қасирга,
Давом этар унда талатўп ҳамон.

Сайёрани ҳеч ким унингча севмас,
Сурати кўз ўнгидан кетмайди нари.
Курраи арз унинг учун глобус эмас,
Аслаҳаҳонада ётган ер шари.

Дарс берар у миллат талабасига,
Аудиторияда ҳар куни овози тарагалар.
Бироқ, ҳадикда боқар жаҳон харитасига –
Ўзгармадимикин давлатлар, чегаралар?

*Сўзлар қитъалардан, сўзлар иқлимлардан,
Ёши қалбларни дунёга этгудек шайдо.
Лекин юраги унинг ҳадикда ҳар дам –
Бўлмадими уммон ўрнида саҳролар пайдо?*

*У жаҳон мамлакатлари ҳақида сўзларкан,
Ҳар биттаси ҳақида алоҳида тўхтар.
Рангдор харита унинг наздида баъзан
Ҳасратнинг қуроқ-қуроқ суратига ўшиар.*

*Ўзгариб бормоқда азалий табиат, э воҳ,
Сайёра бошида алланечук гам.
Асаблар акси бўлиб чақнаганда чақмоқ,
Чатнар мангу музлик – Антарктида ҳам.*

*Унинг теран орзуси шундоқ эрур, чин,
Барча эллар баҳти бўлсин бус-бутун.
Ҳар вақт қитъалардан ҳарир эпкинлар эссиш,
Бирон-бир водийдан ўрламасин кўкка тутун.*

*Яна бир орзуси бор юрагин тубида –
Дунёнинг бошка бир бурчидаги мана бу мамлакат
Яъни, география ўқитувчиши ўзининг дарсида
Ўзбекистон ҳақида сўзласин тўлиб-тошиб.*

*Харитага яқин келиб, кўрсатиб десин:
– Янги ой шаклидаги мана бу мамлакат
Ўзбекистон деган юртдир: ҳур эркин,
Унда эзгу инсонлар яшайди фақат.*

*Илк глобусни яратган Беруний юрти бу,
Тарихи улуғлардан бамисли каҳкашон.
Бу мамлакат ҳилолдек сочар экан ёгду,
Сайёрамиз заволга юз тутмас ҳеч қачон!*

Faфур Fулом

*Буюк эрк ҳисси ҳеч бўлмагай барбод,
Дарахишон юлдуздек дилда орзу шан.
Ассалом, эй юртим – музaffer, озод,
Мен баҳтинг куйчиси – Faфур Fуломман!*

*Кетди-ку, зулм-қутқу булутдек тарқаб,
Халқим, дастинг етди юксак қуёшига.
Буюк толеингни турибман алқаб,
Мен ҳам, мана, кириб муборак ёшига.*

*Қошимни чимириб, бир зум олиб тин,
Умрим баҳолайман, инсонга хос бу:
Ёлғонни гоҳ чин деб инондим, лекин,
Юртим, севдим сени юракдан рост бу.*

*Юпатдим дилни гоҳ кулгилар билан,
Чун ғаним шарпаси маълум ҳар касда.
Яшадим шоқолу тулкилар билан –
Яшагандек арслон битта қафасда.*

*О, шеърий хитоблар, о, пуч мисралар,
Сизни қўл учидা битдим гоҳида, –
Нечоғли туйсам ҳам теран, шоҳ асар
Юртим ҳасратида, юртим оҳида!..*

*Мутафаккир укам, интилиб олга,
Истеҳзо қўлмоқча ҳақлисан юз бор.
Билмадим, тушардинг сен нечук ҳолга
Тепангда сиртмогин ўйнатганда дор?!.*

*Ҳарқалай, ҳур айём нурли комидан
Мозийнинг юзига тик боқолган мард.
Дунёга бонг урдим ўзбек номидан,
Ўзбек деган номга юқтиирмадим гардо...*

*Ассалом, эй юртим, ассалом, Ватан,
Бахтинг умидида яйраб-елурман!
Сен қачон йўқласанг, ишлар қаъридан
Ҳамиша: “Лаббай!” деб чиқиб келурман!*

Андижон

*Баъзан умринг айёмлари нурли бирам,
Баъзан кўнглинг тўлмагайдир кечган ондан.
Тонг еллари шивирлади: – Йўлга отлан,
Юрагингга илҳом топгунг Андижондан!*

*Осмонўпар чўққиларга юзландим, мен,
Нидосидан томиримда туйдим титроқ:
– Шоир Чўлпон шеъри юксак биздан-да, чин,
Мирзо Бобур руҳи биздан виқорлироқ!*

*Дарёлардан сўрадим сўнг: – Сиздек кабир,
Жўмард қалблар қай пучмоқда, қай маконда?
Улар айтди: – Сен қалбларга боққин, ахир,
Дарёдилли одамлар бор Андижонда!*

Чаманларга юзим бурдим ошуфта ҳол:
 – Қай чамани, айтинг, сизга айлай қиёс?
 Деди улар: – Бизларни ҳам қилгайдир лол
 Андижонда очилганда гуллар қийгос!

Сокин кеча фалакларга кўзим тикдим,
 Акси борми дея ерда каҳкашоннинг?
 Ҳилол менга айтди: – Тўнлар термулиб жисим,
 Кўрдим уни кўчасида Андижоннинг!

Багрингга мен келдим юксак туйгу билан,
 Ажисб байтлар шарораси тушди жонга.
 Мен одатда мўъжизага бермасдим тан,
 Ҳайратимни ҳадя этдим Андижонга!

Теранлик

Иброҳим ГАФУРОВГА

Юрагида ҳислар ургандар тугён,
 Туйгулар чирмаса вужудни майин...
 Вазмин тутолгайми ўзини инсон,
 Гўёки ҳеч нарса бўлмагандайин?

Ғалаён қисла гоҳ изтироб чандон,
 Ҳасратлар қаддини айлаб турса дол...
 Вазмин тутолгайми ўзини инсон,
 Гўёки ҳеч нарса бўлмаган мисол?

Элу юрт дардига боқмайин лоқайд,
 Ёшлилантириб турса ғамлар кўзини –
 Ҳар қандай бардошли инсон ҳам бу пайт
 Кўрсата олгайми вазмин ўзини?

Умр деганлари уқубат қат-қат,
 Заводидир гоҳ битта нотўери қадам...
 Ҳаёт уммонида сузаркан, фақат
 Вазмин кўрингайдир айсберг-одам.





Эътибор ОХУНОВА

Ифтихор

*Юртим, сенга фахр ила бирдам термулгим келди,
Мен бир қизинг, онажон, сендан ўргилгим келди,
Фазлим сенинг пойингга гулдек тўкилгим келди,
Қалбим тўла меҳр, ишқ, сенга севилгим келди,
Чиқарман ҳузурингга гўё севиклим келди.*

*Э воҳ, бу бошинг сенинг не-не жафода ўтди,
Ҳаёт – май, умр – сув деб, кимлар сафода ўтди,
Қадоқ қўл, асил инсон тарки дунёда ўтди,
Нодонларинг от миниб, доно пиёда ўтди,
Онажон, бошинг силаб, жиндек ўй сургим келди.*

*Ёдимга олдим бу дам, не барчин барноларни,
Очилмай ғунча сўлган Турсуной, Раъноларни,
Нурхонлар кўп эди-я, ахтарсам маъволарни,
Ўтюраклар баҳт, дея, кўрди не савдоларни,
Баҳтимни дунёларга билдириб қўйгим келди.*

*Сенинг не ўғлонларинг тупроқда қолиб кетди,
Деворда гул палаклар, чимилидик ёниб кетди,
Дили бесаломатлар Ватандан тониб кетди,
Неча минг шаҳидларинг мардона, ғолиб кетди,
Мангу олов пойида бир зум ўлтиргим келди.*

*Юртим, фидойи жонинг бўлиб, остоананг ҳатлай,
Яшардинг, кучга тўлдинг, ёзилдинг ҳусниҳатдай,
Кезарман, кўчалар ҳам мисли гўзал санъатдай,
Ўғил-қизларинг сенинг юрагингга қудратдай,
Ёмон кўзлардан асраб, мен тумор бўлгим келди.*

*Истиқлол неъматидан ҳар кимнинг бағри бутдир,
Ҳар ерда файз-барака дехқон уйида қутдир,*

**Саҳитмани дунёларга билдиришим
келди**

*Қизлар эгнида атлас, безаклари ёқутдир,
Ҳаммада бир ҳаяжон, бу – баҳт нашъаси, ўтдир,
Ҳатто, тиконлар яшина, дегай: гул кўргим келди.*

*Багринг – менинг китобим, ўтайин ёза-ёза,
Неча асрлар йиғлаб, етиб келдик бу ёза,
Үйим, дилим мунаввар, осмоним тоза-тоза,
Розимни айтай ёниб, бу тоңг қалам қозоза,
Хузурингга шеър олиб, ишқ-ла, юрагим келди.*

Хонатлас

*Камалак товланар ловуллаб,
Хандондир шаршара шовуллаб,
Тўй бу кун... қишлоқлар, овуллар
Қизларин эгнида хонатлас.*

*Атлас-ки, исми гул, Лайлодир,
Наврўзdir, Гирядир, ҳайродир,
Йигитлар кўнгли шан, шайдодир,
Қизларнинг эгнида хонатлас.*

*Хонатлас – юрт аввал-азали,
Маҳзуна, Увайсий ғазали,
Хонатлас эгнида... сулув ғамзали,
Қизларнинг эгнида хонатлас.*

*Атласимда қуёш акси бор,
Турналар қўшиги, рақси бор,
Муҳаббат, раишк, ҳижрон баҳси бор,
Қизларнинг эгнида хонатлас.*

*Самога сочилмии юлдузлар,
Нурлидир кечалар, кундузлар,
Атласнинг чиройи ҳур қизлар,
Қизларнинг эгнида хонатлас.*

*Юртимнинг баҳорин рамзи гул,
Беҳиштнинг суврати-акси гул,
Атласга эши соchlари сунбул
Қизларнинг эгнида хонатлас.*

*Сарҳадлар оша кўп юрт кўрдим,
Дунёни оралаб мен сўрдим,
Хонатлас юрти бу – хон юртим,
Қизларнинг эгнида хонатлас.*

* * *

*Меҳр йўлида эди қўзлар қаролиг ичра,
Васфини куйлар эди диллар яролиг ичра,
Ул эди олисларда, мубҳам оролиг ичра,
Уни мукаррам этган диёримдан айланай!*

*Шукрким, мурувват ҳам қўзу қароғлардадир,
Кулбамиз ёритгувчи нуру чароғлардадир,
Демангиз: Меҳр олис шому йироғлардадир,
Меҳрга қоя бўлган давронимдан айланай!*

*Шукрким, кунлар обод, тунлар мунаvvар бўлгай,
Одамзод бир-бирига суюқ, суманбар бўлгай,
Юрагида кин эмас, муҳаббат анвор бўлгай,
Меҳр-муҳаббат омон... омонимдан айланай!*

*Меҳр-оқибат бирла келгай жону жаҳоним,
Беҳиштларга менгзалгай чўлу сахро, пайҳоним,
Қояларга, тоғларга бўй чўзгай қир, сайҳоним,
Тор гўшамни кенг этган жаҳонимдан айланай!*

*Бир ширин сўз сехридан дилда машъал ёнадир,
Бир совуқ сўз заҳридан лашкар ҳам қўзғоладир,
Дерлар: Меҳр бу – кўхна дунёга ҳам онадир,
Эзгуликни улгайтган онайизоримдан айланай!*

*Йўлларини тўсмангиз, меҳр кезсин дунёни,
У ғолиб юрсин мудом, енгиб кибру рўёни,
Мисқолламанг, қизгонманг, беркитманг у кимёни,
Қаҳратонларда унган баҳоримдан айланай!*

*Дерлар: Меҳр инжуга айлантирап тупроқни,
Гурбатнинг йўлин тўсиб, у даф қитур фироқни,
У бўлса, қошингда кўр ҳатто шому йироқни,
Замонлар ичра дорулзамонимдан айланай!*

*Дерлар: Қилич билан даф бўлмагайдир рақибинг,
Наф бермагай кудурат, коҳишиларинг, таъқибинг,
Меҳру дилинг элчи қил ... останангда ҳабибинг,
Меҳр яхши айлаган ёмонимдан айланай!*

*Дерлар: Меҳр – кўнгилнинг чарақлаган чироги,
Удир, ҳикмат битилган китобнинг зарвароги,
Меҳрли кулба – ёруғ, меҳрсиз қаср – қоронегу,
Уни сиймиё этган давронимдан айланай!*



Наср

Набижон ЖАЛОЛИДДИН

ВОКЗАЛ

Хикоя

– Эҳтиёт бўлинг, биринчи йўлдан «Нукус-Тошкент» поезди кириб келмоқда!

У чўчиб уйғонди ва кўзларини хиёл очди. Нигоҳига энг аввало урилган нарса шу бўлди: олдинги қаторда бозорчи хотинлар кўтариб юрадиган катта-катта иккита юк сум-касига бошини кўйиб, ёнбошлаганча ўтирган одамнинг (ёнбош ўтиргани учун очилиб қолган) ички чўнтағидан чарм курткали қора кепка кийган бир одам ниманидир оларди. У ниҳоятда эҳтиёт бўлиб ҳаракат қилаётганини уйку эллитган кўзлари сезди. Сезди-ю, барибир уйку зўр келди. Шовқин аввал бир маромга тушиб, уйғун товушга, кейин эса бўшилик қаъридаги жимжитликка айланди.

Бир пайт қулоқларини яна шовқин, аниқроғи, ўшқириқ овозлари тутди.

– Пулим қани?.. Пулим йўқ!.. – дея саросимада типирчиларди олдинги қаторда ўтирган ҳалиги одам, қора шляпасини бошига апил-тапил қўндириб. Шўрлик эс-хушини йўқотиб, дам шиму қастюмининг чўнтақларини ковлаштирап, дам ўрнидан туриб, юкларини тимирскилаб қоларди, гоҳо энгашиб ўриндиқларнинг остига ҳам такрор-такрор кўз ташларди. Ёнида ўтирган эллик ёшлар чамасидаги эркак билан аёл (эр-хотин шекилли) гоҳ унга, гоҳ бир-бирларига олазарак қарашиб, елка қисишади. Қастюм-шим кийиб, уринганроқ бўйинбог тақсан берироқдаги зиёлинамо киши эса чўнтағидан хотиржам носқовоқ чиқариб, бармоқларида бир оз айлантириб турди.

– Одамларам!.. – деб қўйди ёнидаги қиз билан йигитга бир қараб, сўнг кафтига нос солиб, тилининг остига ташлади.

– Бирон нарсасини ўғирлаб кетишиди шекилли, – деди орқа ўриндиқقا ўтиаркан, гулдастамонанд чиройли дўппи кийган ўттиз ёшлардаги мўйловли қоринамо йигит. – Мол аччиғи– жон аччиғи-да.

– Ўзига эҳтиёт бўлса бўлмайдими, – дея кўкракларининг остини икки кафти билан беихтиёр кўтариб қўйди яна бир ўриндиқдаги сатанг аёл. – Бу ерни Тошкан дейдилар ахир!..

Шляпали одам кетма-кет ғудраниб, ҳамон тимирскиланар эди.

– Қанчайди ўзи? – дея сўради зиёлинамо, шунча вахимага арзийдими ўзи қабилида носли оғзини чўччайтириб, шунинг ортидан негадир кўксини кериб.

– Қанча бўлсаям пулда-а? – шипшиди ёнбошдаги аёл, эрини оҳиста туртиб. – Пул топиш осонми ҳозир?

Шляпали кўзлари олайиб жим қолди.

– Икки юз минг... Чиптаям кетиби... – дея ўзига ўзи гапираётгандай ғўлдиради. – Ҳе, онангни... – Бошидан шляпасини олиб, гўё пул ичидаги тургандай бир-икки пайпасладида, қайта кийди.

– Войбў-ў, кўп экан-а? – яна эрини туртди аёл. – Бечора-я!..

Эр эса кўзларини лўқ қилиб, аввал хотини, сўнг шляпалига қаради, лекин бирон сўз демади.

Зиёлиномо чўнтағидан шапалоқдай қофоз чиқариб (максус олиб юради шекилли), ҳафсала билан карнайча ясади. Унга эринмай носни туфлади, оғзи тоза бўлди чоғи, карнайчанинг четларини қайриб беркитди ва уни ўриндиқ остига ташлади.

– Юқ-пукларингизни ичини қаранг-чи, балки бир хаёлда солиб қўйгандирсиз, – деди кейин яна кўкрак кериб, ўриндиқ ястанаркан.

Сатанг зиёлиномонинг қилиғидан ҳазар қилгандай бурнини жийирди.

– Кўпликка кўп эмас-у, барибир жалка-да, – дея қўлларидағи тилла узук ва била-кузукларини бир-икки силтади. Шунинг ортидан бўлиқ кўкраклари ҳам титраб кетди, ҳафсала билан терилиб, бўялган қошу киприклари тепага қайрилиб, қийиқ кўзлари катта-катта очилди. Бу одати ажинларини билинтирмасликка, ёш кўринишга, балки ҳаттоқи ёркакларга маъноли қарашга уринишлар туфайли пайдо бўлган бўлса ажабмас.

Шу пайт резина таёқ ушлаган сержант кўринди.

– Ҳов, ака, – деди баланд овозда қизнинг ёнида ўтирган йигит бўйини чўзиб. – Анови одамни пулинни ўғирлаб кетишиби.

Сержант кимга гапириди дегандай, у ёқ-бу ёққа аланглади.

– Ҳа-ҳа, сизга айтяпмиз, ука. – Бу зиёлиномонинг овози эди.

Бояги йигитнинг овозидан нимадир бўлганини сезган бир неча томошаталаб атрофга тизилди.

Шляпали ранги оқарип, шалвираганча ўтириб қолганди.

– Нима бўлди, ака? – сўради сержант унинг олдига келиб, бир оз энгашаркан. Унинг милиционерга унчалик ўхшамаслигини ilk гап-сўзи, ўзини тутишиданоқ пайқаш мумкин эди.

– Нима бўларди, ўмариди кетишиби, – дея тўнғиллади хотин эрининг елкасига яхшироқ суюниб.

Эри хотинига бир қараб олгач, сержантга қайрилиб, бошини сарак-сарак қилди.

– Қанчайди? Ким ўмарди? – Сержант кейинги саволи мантиқизроқ чиққанини дарров сезиб, тузатишига уринди. – Ўғрини кўрдингизми?

– Икки юз минг... – дея олди аранг шляпали чийиллаб.

– Мен кўрдим, – деди ҳалидан бери индамай ўтирган, охорли оқ кўйлак устидан кўркам кастюм-шим кийган ўттиз беш-қирқ ёшлар чамасидаги келишган йигит. – Ўғрини мен кўрдим, – деб қўйди у яна бир бор таъкидлаб ва гувоҳга айланганини сезмади.

– Ўғрини кўрган бўлсангиз, нега индамадингиз? – қошларини баттарроқ кериб, кўзларини чақчайтирди сатанг. – Дарров бакирмайсизми!..

Зиёлиномо нима деркин маъносида Гувоҳга тикилиб қолди.

– Кўрқандир-да, – шипшиди хотин, эрини билинар-билинмас туртиб.

– Кўрган бўлсангиз, қани, бўёққа келинг-чи, – деди сержант уни қўли билан имлаб, буйруқнамо оҳангда.

Гувоҳ қаддини керди, ўзини бепарво тутишига уринди.

– Аввало сиз мен билан бунақа оҳангда гаплашманг, ука. Мен сиз ўйлаган одам эмасман.

Унинг дадиллигидан сатанг рағбатланди.

– Ўзи сизлар яхшироқ ишлаб, кўпчилик бўлиб у ёқ-бу ёққа юриб турсанглар мана шунақа ишлар бўлмайди!

– Тўғри айтасиз, – деди зиёлиномо ўнг чиганогини ўриндиқ суюнчигига тираб. – Булар бошқа жойда ҳар қадамда туришади, лекин вокзалда озчилик...

Сержант гапга парво қилмай деди:

– Уэр, ака, илтимос, бу ёққа ўтинг. – Сўнг шляпалига юзланди. – Сиз паспортин-гизни беринг.

Гувоҳ гап мана бундай бўпти қабилида илгари босди.

Шляпали титроқ қўллари билан сумкасини титкилаб, бир амаллаб паспортини то-пиб узатди.

– Сиз ҳам, ака...

– Нима мен ҳам? – деди Гувоҳ кўзларини лўқ қилиб.

– Паспортиңизни беринг.
 – Нима қиласиз?
 – Э, қызық экансиз, аввал сизлар билан танишишим керакми, – дея тушунтириди сержант хотиржам. – Ўғрини топиш учун жабрдийда ва гувоҳнинг кимлигини билишим керакми ахир?

Гувоҳ ички чўнтагини ковлади.

– Мен жуда унақа гувоҳмасдирману, лекин кўргандай бўлдим...
 – Энди бунақа дейди, – гап қўшди сатанг.
 – Тушунтиргунимча бирпас жим туринг, опа, – бир оз асабийлашди у. – Ухлаб қолган эканман. Анови карнай қайсиdir поезд кириб келаётганини эълон қилувди, чўчиб уйғониб кетдим...

Сержант кўл телефонининг соатига бир қараб, ўзига гапираётгандай деди:

– Охирги келган поезд «Нукус-Тошкент» эди, демак, соат еттилар экан.
 – Ҳа-ҳа, тўғри, «Нукус-Тошкент» поездиди, – деди Гувоҳ бу топқирилкка бир оз қойил қолиб.

– Хўш, кейин-чи? – дея бепарво сўради сержант.
 – Кейинми?.. – Гувоҳ хиёл каловланди. – Кейин карнайнинг овозидан чўчиб кетдим. Кўзимни очсан, қора кепка билан калта кожа кийган бир одам бияғди чўнтагини ковлаётган экан. Уйку зўр келиб, яна пинакка кетиб қоппан-да... – Кейин кўзлари паришон тортиди. – Курткаси кожамиди, билмайман. Лекин қорайди.

– Кўрсангиз танийсизми?
 – Танисам керак... Танийман-э...
 – Сиз, ука, буларни сўроққа тутгунча муттаҳамни топинг, – деди зиёлинамо кесатиб.
 – Сиз кўрмадингизми ўғрини?
 – Йўқ, лекин, – зиёлинамо ўзини мард кўрсатишга уринарди. – Мен ҳам шулар тарафман, – деди боши билан Гувоҳ ва шляпали томон имлаб.
 – Унда сиз ҳам паспортиңизни беринг.
 – Марҳамат, – зиёлинамо атрофдагиларга бир-бир кўз ташлади. – Буларга индамасанг... Ҳаммамиз бир бўлсак, ўғриниям, пулниям топади.
 – Тўппа-тўғри, – деди сатанг салкам ўшқириб ва у ҳам паспортини берди. – Жуда-а... мелисаман деб, а...

– Мен ўшанда шом ўқиб, – дея туйқус гапга қўшилган қоринамо бир тўхталиб, у ёқбу ёғига қараб олди, – қайтётувдим. Мен ҳам бу акам айтган одамни кўргандай бўлдим. Агар адашсам, Аллоҳ кечирисун...

– Сиз ҳам паспортиңизни беринг.
 Хотин қориндор эрининг бақбақали улкан бошига бир қараб олди.
 – Паспортларни йигяпти, биз ҳам берайлик.
 Эр бошини сарак-сарак қилиб:
 – Тўғри, – деркан, бошидан бошқа бирон жойи қимирламагандай туюлди.
 Хотин хужжатларни узатди.
 – Манг, ука...
 – Қолган гапни хонада гаплашамиз, қани, юринглар-чи!
 Сержант ортига бурилиб, бир-икки қадам ташлади.
 – Қаёққа? – деди Гувоҳ хайрон бўлиб. Бошқалар нигоҳида ҳам шу савол зоҳир эди.
 – Қаёққа бўларди, хонага. – Сержант яна бир-икки қадам ташлади. – Ишни расмийлаштириб, кейин ўғрини қидирамизми ахир?

Томошабинлар бирин-сирин тарқала бошладилар.
 – Ё қўрқяпсизларми?
 Сержант бу гапни атайлаб айтганини сездирмасликка уринди.
 – Ким қўрқади-еї... – Сатанг ўрнидан турди. – Сиздан ҳам қўрқаверсак энди, ука.
 – Топасиз-а – топасиз... – деркан, дипломатини олиб Гувоҳ ҳам юрди. – Қўрамиз ҳали топганингизни.
 – Ҳай, туринг, ҳамма кетяпти, – дея хотин эрини туришга ундади. – Паспортизни овлоди-ю ахир...
 – Тўғри...

Эр кучаниб ўрнидан қўзғалди.

Ҳамма қимирласа ҳам шляпали меровсираб ўтираверди.

– Сизчи, ҳов, ака. Ўгрини топайликми ахир? – деди ўгирилиб сержант.

– Юкларим... юкларимиз-чи?

– Ҳа-я-ҳа-я!.. – дейиши барчалари ўринларига қайтмоқчи бўлишиб.

– Биз қараб турамиз.

Бу йигитнинг пинжига тиқилгудай ўтирган қизнинг овози эди.

– Яхши... – Сержант улар томон юрди. – Қани, сизлар ҳам паспортингларни беринглар-чи.

– Бизда паспорт йўқ, – деди йигит бир оз қўпол овозда. – Студент билети бор.

– Уям бўлаверади, – сержант улар томон қўл чўзди. – Юкларни пойлаб турасизлар, хўпми. – Бир гувоҳномага, бир йигит билан қизга қааркан, қўшиб қўйди: – Суратингларга ўхшамайсизлару?..

– У биринчи курсдаги расм-да, ака, ҳозир тўртинчи курсмиз, – дея изоҳ берди йигит.

– Унда, майли.

Сержант барчани ортидан эргаштириб, жўнади.

Шу пайт карнайдан эшитилган овоз чор атрофни тутди:

– Эҳтиёт бўлинг, иккинчи йўлдан «Тошкент-Бухоро» поезди жўнаб кетмоқда!

– Ие, бизнинг поезд-ку, – дея типирчилади хотин эрини дам ўёғи, дам буёғига ўтиб турткilarкан. – Ҳей, ука, паспортизни беринг, бизнинг поезд кетяпти.

– Улгурасиз.

Сержант юришдан тўхтамади.

– Поезд кетиб қолади ахир!.. – чийиллади хотин, яна эрини туртиб.

– Тўғри, – қорнини ушлаб ҳарсиллаётган эр на юриши ва на туришини биларди.

– Улгурасиз дедим-ку! – Сержант энди жиддий тортиб. – Керак бўлса, поездни тўхтатиб турамиз.

Хотин жим қолди.

Хонада яrim тахта деворнинг нарёғида столга энкайиб ялангбош капитан ўтиради.

Сержант тўртта стулга тўрт кишини ўтқизди, бошқалар тик қолдилар. Сержант капитан томон қайрилганда, Гувоҳ шошиб ўрнидан турди-да, сатангга жой берди:

– Сиз ўтиринг, опа.

– Вой, сизни овора қилиб-а, – киприкларини маъноли қоқди сатанг.

– Баҳодир ака, мановиларнинг пулини ўғирлаб кетишибди, – деди сержант яrim деворга чиганоқларини тираб, паспортларни стол устига қўяркан.

Капитан бошини кўтармай, ҳатто ҳолатини пича бўлса-да ўзгартирмай ҳижжалаб деди:

– Аввало аканг онагинангни қучоғида! Қолаверса, доложит қилишни билинг, ўртоқ сержант.

– Кечирас, ўртоқ началник, айборман, – сержант ғоз туриб, ўнг қўлини чаккасига қўйди. – Жабрланувчи ва гувоҳларни олиб келдим.

Капитан бошини кўтарди.

– Ўғрини-чи?

– Белгиларни айтишиди, ҳозир қидиришга тушаман. Рухсат этинг, – сержант яна қўлини чаккасига тиради.

– Мана бу бошқа гап. Рухсат, – деди капитан тагин столга энкайиб.

Сержант шошиб эшикка йўналди.

– Ҳой, ука, ҳой, ука!.. – деганча қолди хотин эрини туртиб.

– Тўғри, – деди нима гаплигини тушунмаган эр.

Гувоҳ яrim деворга кафтларини қўйиб, жиддий қиёфада мурожаат қилди:

– Ўртоқ капитан, аввало бизни жиноятчилардай бу ерга олиб келишинглар энг камида қонунга зид. Қолаверса, сизлар...

– Аввало, ўртоқ гражданин, – дея қошларини кериб, пастдан ўқрайди капитан.

– Сизни бу ерга мен олиб келганим йўқ. Сиз билан энди танишаман. Фамилиянгиз нимайди?

– Ҳамма гапирсаям, сиз жим ўтириңг, бўптими! – Хотин эрини ростакамига бир туртиб қўзғалди. – Қани, бундайроқ туринг-чи, – ярим деворга тираниб, чап чиганоги билан Гувоҳни сурди. – Ҳамма бало сиздан бошланди! Нега кўрдим дейсиз-а?! Ҳамма қатори индамай ўтирсангиз бўлмасмиди. Сизни шарофатингизга биззи поезд кетиб қолади.

– Эҳтиёт бўлинг, иккинчى йўлдан «Тошкент-Бухоро» поезди жўнаб кетмоқда!

– Ҳай, укажон, Э-э – ялинчоқ оҳангда капитанга юзланди хотин. – Бизларга жавоб беринг.

– Фамилиянгиз?.. – пинагини бузмай сўради капитан.

Хотин паспортларни чанглаб, эрининг қўлтиғидан оларкан, Гувоҳга олайиб қаради:

– Ана, кўрдингизми, булар инсофли, сиз бўлса!..

Гувоҳ ҳайрат ила елка қисди.

– Мен нима қилдим?.. – дея стулда паришон ўтирган шляпалига қаради. – Сиз айтинг, ака, мен нима қилдим?!..

– Э-э!.. – дея шляпали ўрнидан турди. – Менга қаранг, ҳов, ука, мен энди уйимга қандай етволаман?

Капитан пастдан ўқрайди.

– Укайиз, ака, уйингизда, тушундингизми? Фамилиянгиз нима?

Айтди.

– Сиз кимсиз?

– Жабрланувчи.

– Ие, ҳали сизни ўмаришдими? Қанчайди?

– Икки юз минг... Чиптаниям...

– Ҳа-а, тузуккина... Сизга чипта олиб берамиз. Пулини уйингизга боргач, жўнатиб юборасиз.

– Раҳмат -у, аммолекин менинг пулим-чи?

– Топсак, жўнатамиз, – капитан тасқараларча жилмайди.

– Агар рози бўлсангиз-да...

Ташқаридан овоз эшилтиди:

– Эҳтиёт бўлинг, тўртинчи йўлдан «Москва-Тошкент» поезди кириб келмоқда!

– Ҳаммаси сизни деб бўлди! – дея ўдағайлари шляпали Гувоҳга қараб. – Пулни йўқотган мен, сизга нима ғамийди? Индамай ўтирмайсизми!..

– Нима бўляпти ўзи?! – асабийлашди Гувоҳ, капитан томонга интилиб.

– Сизгаям навбат берилади, – капитан унга қайрилиб ҳам қарамади. – Сиз, ака, – деди шляпалига, – қачон, қаерда, қанча пул йўқотганингизни ёзиб беринг.

– Поездимга улгурманми, соат тўққизда?

– Энди саккиз ярим бўляпти, улгурасиз.

Шляпали стулини кўтариб, сўл томондаги кичикроқ стол ёнига қўйди ва капитан узатган ручкани олиб, ёзиша киришди.

Капитан кимгадир телефон қилиб, буйруқ оҳангига деди:

- Тўққиздаги поездга битта чипта берворинг. Пулини кейин тўлашади.

Энди сатанг ўрнидан туриб, қоши, лаби, кўкрагини керди-да, ярим деворга яқинлашиб, Гувоҳни сал туртди.

– Ҳамма гап сизда! – дея гезарди ва капитанга қаради. – Ук... Ўртоқ капитан, мен нима қилай? Мен ҳеч нарсани эшигтганимам, кўрганимам, даъвоимам, гапимам йўқ.

– Ундей бўлса, жуда яхши, – деди капитан пастдан қараб. – Биззиям сизга даъвомиз йўқ. Фамилиянгиз?..

Айтди.

– Мана, паспортингиз...

Сатанг Гувоҳга қайрилиб, яна бир бор қаттиқ гезараркан, эркакнинг иши мана бунақа бўлади дегандай, зарда билан эшикка йўналди.

Гувоҳ тутақди:

– Нима бўляпти ўзи, ўртоқ капитан? Менинг айбим нима?!

Капитан ҳамон ўшандай ўтирарди.

– Сиз кимсиз?

- Менми?.. Мен фермерман.
- Уни сўрамаяпман, гувоҳмисиз, жабрланувчими, айборми - ким? –
- Мен... Гувоҳ... Гувоҳман...
- Сиз бундайроқ туринг, – деди уни қўли билан суриб зиёлиномо. – Ўзи фермерлар қутириб кетишган. Пули кўп-да, пули. Бориб пахтангни тер... – Энди капитанга қайрилди. – Мен нима қиласай, ук... Ўртоқ началник?
- Сиз кимсиз?
- Менми?.. Мен нос чекишим керак...
- Нос чекиши умуман мумкин эмас, у мутлақо ноқонуний нарса. Мен кимсиз деб сўраяпман.
- Айтди. Бу орада саросимада қизариб ҳам кетди. Чунки носнинг ноқонуний нарса эканлигини ҳеч қачон эшитмаганди-да.
- Мана паспортингиз. Даъвоингиз йўқ бўлса... – Капитан бошини столга эгиб, ўнг қўлини силтади. – Хайр!..
- Зиёлиномо аввал титранганча, чўнтағидан носқовоғини олди, кейин яғир бўйинбогининг тугунини чимдига кўйди-да, раҳмат деганча эшикка йўналди. Остонада тўхтаб нос отди ва кўздан ғойиб бўлди.
- Эҳтиёт бўлинг, учинчи йўлдан «Тошкент-Самарқанд» поезди жўнаб кетмоқда...
- Менга қаранг, ўр...
- Гувоҳнинг гали оғзида қолди.
- Шляпали ярим девор ёнига келиб, ёзган нарсасини капитанга узатди ва ҳайрати ортаётган Гувоҳга бўлди-да энди маъносида қараш қилди.
- Бу орада бир бола кириб, капитанга чипта бериб кетди. Капитан чиптани шляпалига тутди:
- Оқ йўл, ака, тоест, гражданин, – деди ва яна бир бор таъкидлади: – Чиптанинг пулини мана бу счётга банк орқали йўлланг. Агар пулингизни топсан, сизга жўнатамиз.
- Шляпали раҳмат деганча, Гувоҳга бир олайиб, ташқарига югурди.
- Менга қаранг, ҳов...
- Гувоҳнинг гали яна оғзида қолди.
- Коринамо мункайиб капитанга мўлтиради:
- Мениям паспортиларни берасизми, ака?
- Капитан ер остидан ўқрайди.
- Ака?.. – Сўнг юзи ёришиб, нигоҳи майинлашди. – Сиз кимсиз, қори ака?
- Айтди.
- Даъвоингиз йўқми?
- Йўқ.
- Мана паспортингиз. Оқ йўл...
- Коринамо Гувоҳдан узр сўраб чиқиб кетди.
- Капитан Гувоҳга ручка ва қофоз узатди.
- Ёзинг!
- Нимани?
- Гувоҳ хонада ёлғиз ўзи қолгани боис бўшаши.
- Кўрганларингизни.
- У эндигина ўтирганда, сержант бир-бирига жуда-жуда ўхшаган икки одамни етаклаб кирди.
- Шубҳали шахсларни ушлаб, келдим, ўртоқ капитан, – дея қўлини чаккасига кўйди.
- Қанақа шахс-еїй, ака?.. – дея силтанди қора чарм куртка кийгани.
- Ака онангизнинг куч... уйида бўлади, гражданин, – деди сержант дона-дона қилиб.
- Чарм курткали жим қолиб, бошидан қора кепкасини олди.
- Оддий қора куртка ва кепка кийгани эса олазарак эди .
- Мана, хужожатлари, – дея сержант капитанга битта қофоз билан паспорт узатди
- Яхши! – деди капитан.

– Қани, икковингиз бир четда ёнма-ён туринглар-чи... Хў-үш... Ие, биримиз яқинда озод бўлмиз-да, а? Биримиз эса...

Гувоҳ ёзишдан тўхтади.

– Қани, диққат билан қаранг-чи, қайси бири сиз айтган одам?

У ими-жим диққат қилди.

Шу пайт чарм курткали капитан билан сержантга бирров кўз ташлаб олди-да, ўнг қўлини бўғзига олиб бориб, олайганча «каллангни оламан» дегандай бўлди.

Гувоҳ чўчиб кетди, кўзлари аянчли тусга кириб, мағрур елкалари шалвиради.

Бу орада оддий курткали бўшашиб турарди.

– Билмадим-у... Менимча... – дея ғудранди Гувоҳ.

– Сиз ёзаверинг! – деди капитан уни ўтиришга унданб.

Гувоҳ, дипломатини очиб, каттакон дастрўмол олди-да, юз ва бўйини артди.

– Сизга рұксат, – деди капитан, чарм курткалига паспортини узатиб. – Кетишингиз мумкин.

Чарм курткали аввал капитанга эгилиб раҳмат айтди, кейин Гувоҳга қайрилиб:

– Раҳмат-ей, ака, ўғил бола одамакансиз, – дея ғойиб бўлди.

– Бунисини эса тегишли жойга олиб чиқинг! – буюрди капитан сержантга.

Оддий курткали сержант етовида эшикка юаркан, ёш тўлган нафратли кўзларини Гувоҳга тиқди-да, тишлари орасидан деди:

– Ҳали болаларимни кўрмовдим... Инсофисиз одам экансиз!

Гувоҳнинг овози ҳам титрай бошлаганди:

– Нима бўляпти ўзи, ўр?..

Капитан парво қилмай, стул суннчиғига ястаниб, қўлларини тепага қилди ва бармоқларини бир-бирига қовуштириб қисирлатди.

– Ёзиг бўлдингизми?

– Ҳмм... Ҳозир...

Ташқаридан таниш овоз эшитилди:

– Эҳтиёт бўлинг, биринчи йўлдан «Тошкент-Х» поезди жўнаб кетмоқда.

У капитанга қараб илтижоли мўлтиради. Капитан паспортини кўздан кечирарди.

– Сизнинг поездингизми?

– Ҳмм... – Унинг юзи баттарроқ аянчли тус олди, ҳатто оппоқ оҳорли кўйлагининг қиррали ёқалари ҳам шалвираб қолгандай туюлди.

– Жим юрсангиз бўлмайдими, ака, – деди настиҳатомуз хўрсиниб капитан. – Бугун энди шу ерда қоласиз...

Гувоҳнинг кўзлари ростмона ёшланди.

– Ундай деманг, ака... ўртоқ капитан!

Бир хўрсиниб қўйган капитан инсофга келди:

– Ҳозир фермерларни ҳурмат қилмасак, кимни ҳурмат қиласиз. Майли, сизга ҳам рұксат. Фақат керак бўлиб қолсангиз чақирамиз, тушундингизми?

– Тушундим-тушундим... – У паспортини оларкан, капитаннинг қўлини ўпиб олишига сал қолди. – Раҳмат... Раҳмат, ўртоқ кап...

– Оқ йўл, ака... – Капитан бошини қўтариб, жилмайди. – Оқ йўл!..

Гувоҳ дипломатини қўтариб, эшик томон чопди.

– Эҳтиёт бўлинг, биринчи йўлдан «Тошкент-Х» поезди жўнаб кетмоқда...



Шеърият



Исмоил ТҮХТАМИШЕВ

Интилдим ҳурликка тикиб күзимни

* * *

*Дунё турсин осойишта, тинч,
Ҳар бир дилда балқисин севинч,
Барҳақ бўлсин ҳамиша илинж,
Оlam тўлсин дея зиёга,
Она, қўлни очинг дуога.*

*Тўлиб оқсин дарё, сойимиз,
Мўл-кўл бўлсин дон, буғдоимиз,
Порлайверсин юлдуз, ойимиз,
Оlam тўлсин дея зиёга,
Она, қўлни очинг дуога.*

*Чоҳ қазмасин одамга-одам,
Баҳам кўрсин шодлигин ҳар дам,
Инсоф берсин ёмонларга ҳам,
Оlam тўлсин дея зиёга,
Она, қўлни очинг дуога.*

*Яратганнинг ўзи қўлласин,
Тўғри йўлга бизни йўлласин,
Ватанимиз яшиаб, гулласин,
Оlam тўлсин дея зиёга,
Она, қўлни очинг дуога.*

Онајсоним, дорулдур замон,
Сиз туфайли қучилгайдир шон,
Бахтимизга бўлингиз омон,
Жўр овозман сизнинг дуога,
Оlam тўлсин дейман зиёга.

* * *

Интил, барҳам бергил камликка,
Кўниумагин боши хамликка,
Хўкм сурган хотиржамликка
Шукроналар айтиб юр, болам!

Барҳам топди нолаю оҳинг,
Юксакларни қучди нигоҳинг,
Ишонч бўлиб доим ҳамроҳинг,
Шукроналар айтиб юр, болам!

Кўрсатарди қабоҳат кучин,
Енгиб ўтдинг кўргуликни, чин,
Мустақиллик, эркинлик учун
Шукроналар айтиб юр, болам!

Хурлик бугун ўз қўлларингда,
Дастинг узун, ўз қўлларингда,
Ризқинг бутун, ўз қўлларингда,
Шукроналар айтиб юр, болам!

Юз кўрсатди орзую ният,
Хурлик, асли, буюк бир неъмат,

Кўп нарсалар, ахир, ганимат,
Шукроналар айтиб юр, болам!

Кунларингга – осойишта, тинч,
Балқигайдир юзларда севинч,
Бўй кўрсатди қатъият, илинж,
Шукроналар айтиб юр, болам!

* * *

Яшаяпман хокисор, сокин,
Мен ўзимча эртароқ тиндим.
Тарқ айлади шитиёқ, лекин
Безовта қалб, сени согиндим.

Яралганман, дердим, оташдан,
Дард, аламдан ногаҳон синдим.
Четга чиқиб қолдим кураидан,
Безовта қалб, сени согиндим.

Унумтиб не-нени тобора,
Зарра қумдай ерларга сингдим.
Энди, топай, излаб бир чора,
Безовта қалб, сени согиндим.

Нигоҳимни тортмас сулувлар,
Йўл бермагай гўёки индим,
Кел, юракка солгин ғулулар,
Безовта қалб, сени согиндим.





Муножотхон КАРИМЖОН қизи

Эзгулик баётлафи

Сабр

*Сабр, сени ҳамроҳ қилиб,
Нималардан айрилдим-а?
Сабрсизни гумроҳ билиб,
Дунёлардан айрилдим-а.*

*“Сабр таги – сариқ олтин”, –
Деганлари тўғри дердим.
Сабрсизлар доим олдин,
Мен-чи, мудом ортда юрдим.*

*Узр, сабр, чўккан кўнглим,
Дардоларини тўкиб солдим.
Ахир, сабр қила-қила,
Менга фақат армон қолди.*

*Гиналарим оғир олиб,
Мендан кечиб кетма, сабрим.
Сабрлилар орасида
Билинса, бас, ўрним, қадрим.*

*Майли, дейман, яна аста
Бесабрга йўл бераман,
Эҳ, бормисан, қадрдоним,
Деб, сабрга қўл бераман.*

Пинҳон дард

*Соғинч ўртаса ҳам бағримни эзиб,
Бардошим толса-да, дунёни кезиб,
Қўрқаман, ўзгалар қолмасин сезиб,
Ҳеч кимдан сўроқлай олмасман, сени,
Чунки, сен қалбимда пинҳон дардимсан.*

*Кўнгил қўмсаб, аста, кўзлардан сўрап,
Кўзлар шивирлашган сўзлардан сўрап,
Сўзлар қай тил билан кимлардан сўрап,
Ҳеч кимдан сўроқлай олмаслар, сени,
Чунки, сен қалбимда пинҳон дардимсан.*

*Маъюсгина кўнгил, бечора кўнгил,
Ишқнинг оташида минг пора кўнгил,
Гамгин кўчаларда овора кўнгил,
Ҳеч кимдан сўроқлай олмагай, сени,
Чунки, сен қалбимда пинҳон дардимсан.*

Тўртликлар

*Шодликдан кўрпача тиксам
Ва унга яширсам оламни.
Қайегу-ғам зир излаб, топмаса,
Сўнг, мангу тинч қўйса одамни.*


* * *

*Наврўзинг муборак, муқаддас юртим,
Жонгинам садога баҳорларингга.
Қуёш уйқусидан кечиб, парвона,
Сенинг билурдайин наҳорларингга.*

* * *

*Ҳеч не талаб эмасман сиздан,
Куттам, ишқу меҳру мурувват.
Қор ёғмасин қабогингиздан,
Илиқ, нигоҳ кўрсам, бас, фақат.*

Жаҳон ҳикоялари хазинасидан



О'ГЕНРИ

СҮНГГИ ЯПРОҚ

Ҳикоя

Вашингтон Сквернинг ғарбидаги кичик бир даҳада кўчалар чалкашиб кетган ва “тор кўчалар” номини олган йўлакчаларга бўлиниб кетган эди. Бу “тор кўчалар” ажабтовор бурчаклар ва эгри чизиқлар ҳосил қилганди. Ҳаттоқи, бир кўча ўзини-ўзи бир ёки бир неча марта кесиб ўтарди. Бир пайтлар бир мусаввир бу кўчанинг ноёб хусусиятини кашф қилган экан. Дўйондан келган пул йигувчи киши бўёқ, қофоз ва бўз учун тўлов қоғозларини кўлида тутганча шу кўчаларни айланиб ўтаётib ҳисоб бўйича бир цент ҳам ундиrolмай қайтиб кетаётганини кўриб қолишини бир тасаввур қилиб кўринг!

Шундай қилиб, ажиг маскан бўлмиш Гринвич Виллиж даҳасига шимолга қараган деразалар, XVIII аср нақшли пештоқлари, голландча кия шифтли болохоналар ва арzon ижара ҳақлари илинжида санъат намояндлари ҳар тарафдан кўчиб кела бошлидилар. Сўнгра улар олтинчи авенюдан бир неча қалай кружка ва бир ёки икки дона овқат пиширадиган чўғдонларини олиб келиб, бу ерда “санъаткорлар гурунги”ни ташкил қилишди.

Баланд бўлмаган уч қаватли ғиштин бинонинг юқори қаватида Сью ва Жонсиларнинг устахонлари жойлашганди. Дўйстлари Жоаннани эркалаб Жонси деб чақиришарди. Бири Майн штатидан; бошқаси эса Калифорниядан келган эди. Улар Саккизинчи кўчадаги “Дельмонико” ошхонасининг табльоти¹ атрофида танишиб қолишган ва уларнинг санъат, сачратки салати ва урф бўлган кенг енгли кўйлаклар борасидаги қарашлари шунчалик мос келган эдики, натижада улар биргаликда устахона очишга қарор қилишганди.

Бу май ойида содир бўлган эди. Ноябрда эса шифокорлар Зотилжам деб атайдиган кутилмаган совуқ ва бераҳм бир меҳмон ташриф буюорди. У шу туарар жойлар атрофида кезиб юрар ва йўлида учраган кимсага раҳм-шафқат қилмай ажал исканжасига тортарди. Шарқий ҳудуд бўйлаб бу ўлим хабарчиси ҳеч нарсадан тап тортмай ортидан ўнлаб қурбонларни қолдириб шаҳдам қадамлар билан одимлаб борди, аммо бақатўн босиб кетган ўша хароб ва чалкаш “тор кўчалар”га келганда қадами секинлашди.

Зотилжам деган жанобни сиз зинҳор олижаноб мўйсафид киши деб атамаган бўлардингиз. Акс ҳолда муштлари қизарган, ҳансироқ бу қари галварс Жонсидек азобга умуман бардошсиз, нимжонгина бир аёлни рақиблик учун танламаган бўларди. Афсуски, у айни шу қизни маъқул кўрди. Жонси эса ҳолсиз-мадорсиз аҳволда бўялган

¹ Табльот – баъзи бир мамлакатлардаги умумий овқатланиш столи (дам олиш масканларида, ошхоналарда, ресторандарда – тарж).

темир ётоқقا михланиб ётиб қолди. У кичкина голланд дераза ойнасидан ташқарига, қўшни ғиштли бинонинг бўм-бўш деворига ногоҳини тикканча жимгина ётарди.

Бир куни эрталаб безовта бўлган шифокор Сьюни оқариб кетган паҳмоқ кошлари билан имлаб даҳлизга чақириди.

– Унинг тузалиб кетишини мен, айтайлик, ўндан бир эҳтимол деган бўлардим, – деди у термометридаги симобни силкитаркан. – Шунда ҳам бу имконият унинг яшашга бўлган интилиши билан боғлиқ. Агар бемор гўрковга иши тушишини шунчалик хоҳлаётган бўлса, доришунослик китобларимиздаги кўрсатмалардан ҳеч қандай фойда йўқ. Хонимчангизнинг ҳаётига бўлган қизиқиши сўниб бўлган. Унинг фикру хаёlinи нима банд этган?

– У бир кун келиб Неаполитан кўрфазини ҳар хил бўёқларда тасвирлашни дилига туғиб қўйганди, – деди Сью.

– Нима? Тасвирлаш? Қўйсангиз-чи! Мен ҳақиқатдан ҳам ўй суришга арзийдиган нарса ҳақида гапирияман! Масалан, бирор йигит ҳақида ўйламайдими?

– Йигит? – деди Сью, овози худди чанқовуз каби жарангдор янграб. – Наҳотки йигитлар бунга арзиса... Йўғ-эй, доктор, ҳеч ҳам ундан эмас.

– У ҳолда, бу шунчаки дармонсизлик оқибати бўлса керак, – деди шифокор. – Мен фан вакили сифатида бор маҳоратим ва илмимни ишга солиб кўраман. Аммо бемор ўзининг жаноза маросими ҳақида ўйлашни бас қилмас экан, дорилар шифобахш кучининг ярми йўққа чиқаверади. Агар сиз уни қишида қанақа енгли либослар урф бўлиши ҳақида савол сўрашга қизиқтира олсангиз, унинг тузалиб кетиш имкониятини мен ўндан бир эмас, бешдан бир эҳтимол деб бемалол айтган бўлардим.

Шифокор кетгандан кейин Сью хонасига кириб кетди. У ерда йиглайверганидан японча дастрўмолини ҳам хўл қилиб юборди. Сўнгра у қаддини тутиб, кўлида мольберт билан регтайм чалганча Жонсининг хонасига кириб келди.

Жонси кўрпанинг тагида билинар-билинмас ётар, кўзлари эса дераза томон қадалганди. Сью Жонсини ухлаб қолган деб ўйлаб ҳуштак чалишни бас қилди.

У тезда мольбертни ҳозирлади ва ойномадаги бир ҳикоя учун сиёҳда расм чизишни бошлади. Ёш рассомлар катта санәтга илк қадамларини ойномаларда босиладиган ҳикоялар учун суратлар чизиш билан кўйишади, ўз навбатида бундай ҳикоялар орқали ёш ёзувчиликлар адабиёт оламига кириб келишади.

Сью монокл таққан башанг кийимдаги айдаҳолик чавандоз йигит суратини чизаётган вақтда қулоғига шивирлаган бир овоз эшишилди, сўнгра бу овоз бир неча бор такрорланди. У дарҳол Жонсининг ётоги томон шошли.

Жонсининг кўзлари катта очиқ эди. У нигоҳини деразадан ташқарига қадаган кўйи санаиди – тескари тартибда санаиди.

– Ўн икки, – деди у ва сал ўтмай: – ўн бир, сўнгра – ўн, тўққиз, ундан сўнг эса: – саккиз, етти, – деб санаиди у деярли бир маромда.

У хавотир олганча деразага қаради. У ерда санайдиган нима бор? Маҳзун кўринишдаги бўм-бўш ҳовли ва йигирма қадамча наридаги ғиштли бинонинг теп-текис деворидан бошқа ҳеч нарса кўзга ташланмасди. Изларидан чирий бошлаган, эгри-буғри қари печакгул ғишт деворнинг ярмигача чирмашиб кетганди. Кузнинг совуқ нафаси унинг баргларини аёвсиз тўкиб юборган, деярли ялонгоя бўлиб қолган новдалари эса уқаланиб кетаётган ғишт деворга жон ҳолатда тирмашиб турарди.

– Нима ҳақида гапириясан, дугонажон? – сўради Сью.

– Олти, – деди Жонси пичирлаб. – Улар энди тезроқ тўкила бошлади. Уч кун аввал улар юзтacha эди. Санайвериб бошим оғриб кетарди. Энди эса осонроқ бўлиб қолди. Ана, яна биттаси тўкилди. Ҳозир атиги бештагина қолди.

– Бешта нима, азизим? Дўстинг Сьюдига айтсанг-чи!

– Барглар. Печакгул япроқлари. Уларнинг сўнгиси тўкилганда, мен ҳам ҳаёт билан видолашаман. Мен буни уч кундан бери сезиб келяпман. Шифокор сенга ҳеч нарса демадими?

– Бундай бўлмағур гапни биринчи бор эшишиш! – деб жавоб қайтарди Сью шикоятомуз оҳангда, ўзини дугонасининг гапларини эътиборга олмаган қилиб кўрсатиб.

– Қари печакгул япроқларининг тузалиб кетишингга нима алоқаси бор? Ахир сен у

печакгулни жуда ёқдирасан-ку, қулоқсиз қизалоқ! Бўлди, тентакликни бас қил! Ахир бугун эрталаб доктор сенинг тез кунда тузалиб кетишингни ...ўндан ...ҳозир, эслаб кўрай ...ҳа, ўндан тўйқиз эҳтимол деб айтганди. Бу эса ҳар биримиз Нью Йоркда трамвайдага кетаётуб ёки янги қурилаётган уйнинг ёнидан ўтаётуб дучор бўлишимиз мумкин бўлган хавф-хатар билан баравар дегани-ку! Шўрвадан озгина ичиб олгин, ўртоқжонинг Сьюдига эса рухсат бер, у чизаётган суратини тутгатсин ва уни муҳаррирга пуллаб касал қизалогига портвейн шароби, ўзига эса юмшоқина чўчқа котлетидан олиб келсин.

– Энди шароб олишингга ҳожат йўқ, – деди Жонси кўзларини деразадан узмасдан. – Ана, яна биттаси тушяпти. Бўлди, бошқа шўрва ичгим келмаяпти. Ҳозир улар тўрттагина қолди. Қоронғи тушмасидан охиргисининг тушишини кўрмоқчиман. Сўнгра мен ҳам бу ёруғ оламни тарк этаман.

– Жонси, жонгинам, – деди Сью унинг тепасида эгиларкан, – менга кўзларингни юмиб деразага қарамай туришга сўз берасанми? Мен унгача ишимни тугатиб олардим. Суратларимни эртага топширишим керак. Менга ёруғлик зарур, бўлмаса пардани тушириб қўярдим.

– Бошқа хонада чизсанг бўлмайдими? – сўради Жонси совуқ оҳангда.

– Олдингда қолсам дегандим. Ундан ташқари, шу ахмоқона печакгул баргларига қарашингни хоҳламайман.

– Тугатишинг билан менга айт, – деди Жонси кўзларини юмаётуб. У мум ҳайкал каби ранги синиқ ва ҳаракатсиз ётарди. – Чунки сўнгги япроқнинг тушишини кўрмоқчиман. Мен кутишдан чарчадим. Ўйлайвериб ҳам чарчадим. Мени бу дунёга боғлаб турган барча ришталардан халос бўлиб, ўша ҳаётдан тўйган бечора япроқлар мисоли ҳавода учганча ғойиб бўлишни хоҳлайман.

– Ухлашга ҳаракат қил, – деди Сью. – Берманни чақириб чиқишим керак. Унга қараб умрини ёлғизлиқда ўтказувчи кончи суратини чизмоқчиман. Бир дақиқа ўтмай қайтаман. Келгунумча жойингда қимирламай ётгин.

Қария Берман пастки қаватда яшайдиган бир рассом эди. У олтмишдан ошган, Микеланжело ясаган Мусо ҳайкалини каби жингалак соқоли ихчамгина жуссасига ярашиб турагди. Берманнинг санъат соҳасида омади чопмади. У қирқ йил мўйқалам сурган, аммо ҳали-ҳануз унга илҳом парисининг этагидан тутиб қолиш насиб этмаганди. Ҳар сафар бу мусаввир шоҳ асар яратмоқ учун шайланади, лекин ҳозиргacha бу ишни бошлай олмаган ҳам эди. Мана, бир неча йилдирки, баъзан эълонлар учун тириклилек йўлидаги ўлда-жўлда ишланган расмларини айтмасак, арзирли бир иш қилмаган ҳам эди. У профессионалга қурби етмаган маҳаллий ёш рассомлар учун тирик манекенлик қилиб кун кўрарди. Ичкиликка мукласидан кетган, шунга қарамасдан ҳали ҳам яратажак шоҳ асари ҳақида гапиришдан тинмасди. Умуман олганда эса, кўнгили бўш одамларни жини сўймайдиган, ўзини юқорида яшовчи икки рассом қизи химоя қўлиувчи қўриқчи ит деб ҳисоблайдиган баджаҳл бир чол эди.

Сью Берманни пастки қаватдаги хира ёритилган ҳужрасидан топганида, ундан қора арча мевасининг ҳиди анқиб турагди. Хонанинг бир бурчагидаги мольбертда эса йигирма беш йилдан буён шоҳ асарнинг илк чизгиларини интиқлик билан кутаётган бўй-бўш мато ётарди. Сью унга Жонсининг хаёлидагиларни, қизнинг ўзи ҳам япроқ мисоли енгил ва нимжон бўлиб қолганини, ҳаёт ришталари нозиклашиб қолиб, шамолдаги япроқ каби учеб кетишидан ҳавотирда эканини айтиб берди. Қизарган кўзлари ёшланга бошлаган Берман бундай хаёлпаратлиқдан ғаши келиб бақириб юборди.

– Нима? – деб ўшқирди у. – Ҳеч жаҳонда лаънати бир печакгул япроқлари тўкилгани учун ҳам одам ўладими? Бунақасини сира эшитмаган эканман. Йўқ, сенинг ўша ахмоқ кончи суратинг учун манекенлик қилишни хоҳламайман! Қандай қилиб бундай бўлмағур фикрларни унинг миясига келишига индамай қараб турипсан? Э-э-эҳ Жонси хоним.

– У бетоб бўлиб анча заифлашиб қолди, – деди Сью, – иситмаси баландлигидан алаҳсираб ҳар хил беъмани нарсалар ҳақида алжирайти. Майли, жаноб Берман, агар менга манекенлик қилишни истамаётган бўлсангиз, сизни овора қилиб ўтирумайман. Аммо нима бўлганда ҳам сиз жирканч қари ... қари эзма чол экансиз!

– Эҳ, барибир заифалигингга борасан-да! – қичқирди Берман. – Манекенлик қилмайман деб сенга ким айтди? Бўлақол тезроқ! Сен билан бораман. Ахир ярим соатдан бери сенга шуни уқтиряпман-ку! Худойим-эй! Бу ер Жонси хонимдек қиз учун касал бўлиб ётадиган жой эмас. Бир кун келиб мен албатта шоҳ асаримни чизаман, кейин биз бу ердан кўчиб кетамиз. Албатта, бўлмасам-чи!

Улар юқорига чиқишганда Жонси ухлаб қолган экан. Сью пардани дераза токчасига тушириб, Берманга бошқа хонага ўтишга ишора қилди. У ерда улар деразадан печакгулга хавотир билан қарашди. Сўнг бир лаҳза лом-мим демай бир-бирларига тикилиб қолишиди. Ташқарида ёмғир аралаш қор тўхтовсиз ёғарди. Берман ўнгиб кетган кўйлагида ёлғиз яшовчи кончи ўлароқ қоятош ўрнини босувчи тўнтарилган қозон устига ўтириди.

Эртаси куни эрталаб Сью бир соатлик деразани ёпиб турган яшил пардага қараб турарди.

– Пардани кўтар, кўришни хоҳлайман, – деб шивирлади у буйруқ оҳангиди.

Сью ҳорғин ҳолда унинг айтганини бажарди.

Аммо не ажабки, тун бўйи шаррос қўйган ёмғир ва эсган кучли шамолга қарамай ғишиш деворда ҳали ҳам битта япроқ кўриниб турарди! У печакгул япроқларининг сўнггиси эди. Пояга яқин жойлари ҳали-ҳамон тўқ яшил, аррасимон қирралари эса қуриб сарғая бошлаган бу япроқ йигирма футча баландликда матонат билан ўз новдасига осилиб олганди.

– Бу сўнггиси, – деди Жонси. – Уни кеча кечқурун албатта тўклилади деб ўйлагандим. Шамолни эшилдим. У бугун тўклилади, шунда мен ҳам ўламан.

– Нафасингни ел учирсин! – деди Сью, сўлғин юзини ёстиқ томон бураркан. – Ўзингта жонинг ачимаса, менга раҳминг келсин! Менинг ҳолим не кечади?

Аммо Жонси жавоб қайтармади. Инсон қалби сирли, олис саёҳатга ҳозирлик қилаётган бу оламдаги барча нарсага бефарқ бўлиб қоларкан. Жонсини дўстлик ва ҳаётга боғлаб турган ришталар бирма-бир узиларкан, у ўша хаёли таъсирига тобора берилиб кетаётгандай эди.

Яна бир кун ўтди, фира-шира бўлишига қарамасдан ҳали-ҳамон новдасида осилиб турган ўша ёлғиз япроқ кўзига ташланиб турарди. Қоронғи тушиши биланоқ шимолдан эсаётган шамолнинг яна жилови бўшади, бу пайт ёмғир ҳам тинмай деразага урилиб, паст голланд тарновларидан чаккиллаб пастга оқарди.

Тонг отиши биланоқ бағритош Жонси яна пардани кўтаришни буюрди.

Печакгул барги ҳали ҳам ўз жойида эди.

Жонси унга узоқ вақт тикилиб ётди. Сўнгра газ плитасида товуқ шўрвасини араплашибиргаётган Сьюни ёнига чорлади.

– Қанчалик заиф бўлган эканман-а, Сьюди, – деди Жонси. – У сўнгги япроқ ҳам қанчалик заифлик қилаётганини кўрсатиш учун тўклимай туришга куч топа олди. Ўзига ўлим тилаш катта гуноҳ. Бундай ният қилганим учун ўзимдан ўзим уялиб кетяпман. Ҳозир менга озгина товуқ шўрвадан бергин, яна портвейнли сутдан ҳам олиб кел... Йўқ, шошма! Аввал ойнани келтир, ёнимга ёстиқ ҳам тўшаб қўй, ўтириб овқат пиширишингни кўрмоқчиман.

Бир соатдан кейин у деди:

– Умид қиласманки, бир кун келиб мен албатта Неаполитан кўрфазининг ранги суратини чизаман.

Тушликдан кейин шифокор келди, у кетаётганда эса Сью бир нарсани баҳона қилиб унинг орқасидан дахлизга чиқди.

– Имкониятлар баробар, – деди шифокор Сьюниг нозик, титраётган қўлларини сиқиб қўяркан. – Яхши қаров билан касалликни албатта енгасизлар. Ҳозир эса мен пастки қаватдаги беморни кўришим керак. Унинг исми Берман экан. Менимча, рассом бўлса керак. У ҳам зотилжамга чалинибди. Кексайиб қувватдан қолган, касали эса жуда оғир. Ҳеч қандай умид қолмаган, бирибир касалхонага юборсак тинчроқ ётади.

Эртаси кун шифокор Сьюдига деди:

– Унинг ҳаёти хавф остида эмас. Сизлар енгдинглар. Унга яхши овқат бериб ғамхўрлик кўрсатилса, тез кунда оёққа туриб кетади.

Ўша оқшом Сью мамнуният билан түқиётган түқ мовий ва умуман кераксиз жунли шарфини туттанча Жонсининг ётоғига келди, бир қули билан қизни ёстиққа құшибағрига босди.

— Сенга бир гап айтишим керак, менинг жажжигина оппоқ қуёнчам. — деди у. — Бугун жаноб Берман касалхонада зотилжамдан вафот этибди. У атиги икки кун бетоб бўлиб ётибди. Қоровул уни биринчи куни эрталаб пастдаги хонасига оғриқдан ночор аҳволда кўрган экан. Оёқ кийими ва уст-бошлари жиққа хўл ва совуқдан музлаб кетган экан. Ўша машъум кечада қаерда бўлғанлигини тасаввурларига ҳам сиғдира олишмабди. Ундан кейин улар ҳали ҳам ўчмаган фонар, жойидан қўзғатилган нарвон, бир нечта сочилиб ётган мўйқалам билан бирга яшил ва сариқ бўёқларни топишибди — деразадан ташқарига қарагин, қадрдоним, девордаги сўнгги япроққа бир назар ташлагин. У нега шамолда тебранмаётганига ҳеч эътибор бердингми? Эҳ, жонгинам, бу Берман яратган шоҳ асар — уни у ўша сўнгги япроқ тўкилган кечада чизган экан!

*Инглиз тилидан Маъруф Абдуллаев
таржимаси*





Ҳуррият шуълалари

Омон МАТЖОН,
Ўзбекистон ҳалиқ шоири

Истиқбол шағафи



* * *

*Истиқболим құттуғ сенинг йигирма ёшинг,
Мангу бўлсин Ватан узра балқан қуёшинг.*

*Халқим минг-минг йиллар күтган азиз айёмда
Оlam кўрсинг бошингдаги шу олтин тожинг.*

*Ватан меҳри йўғрилган энг азиз наво бу,
Фахр ила куйлар уни кексаю ёшинг.*

*Зўр даҳолар масканидир юртим азалдан,
Дунё тарихинда абад мағрурдир бошинг.*

*Янги улуг кошоналар кўтардилар қад,
Фарзандларинг камолидек улгаяр ёшинг.*

*Келажаса инг таянчи дир баркамол авлод,
Она Тошкент руҳи сенинг буюк наққошинг.*

*Истиқболдир бизнинг сўнмас қуёшимиз,
Юксак тутар уни юртим, Юртбошимиз.*



**Зикрилла
НЕМАТ**



Бахтлар бешиги

Тонгда кўз очурмиз тарона билан,
Тинч-омон кунларга шукронга билан,
Тўйингга шошурмиз тўёна билан,
Айёминг муборак азиз онажон,
О, баҳтлар бешиги, жон Ўзбекистон!

Сенда кўрк, гўзаллик, ажисб сеҳр бор,
Куёшидай қалбингда чексиз меҳр бор,
Яшармиз бағрингда озод, баҳтиёр,
Ўзимиз бекмизу ўзимиз султон,
Эзгулик диёри – ҳур Ўзбекистон!

Ушалди аждодлар асрий орзуси,
Ёнар юракларда ҳурлиқ ёғдуси,
Эзгу-тилакларда тишлик туйғуси,
Шаҳду шиддатингга қойилдир жаҳон,
О, баҳтлар бешиги, жон Ўзбекистон!

Бир ён Овруподир, бир ён Осиё,
Юртим, тўрт тарафга таратдинг зиё,
Ақлу заковатинг тан олди дунё –
Олқишилагай сени замину замон,
Эзгулик диёри – ҳур Ўзбекистон!

Ганимлар гийбати – ўткинчи шамол,
Уларни кўнглингга олма ҳеч малол,
Сен улкан чинордек юксал, бемалол,
Эй, толе юлдузим порлаган осмон,
О, баҳтлар бешиги, жон Ўзбекистон!

Меҳр-ла яшинатиб дала-даштини,
Халқим тинч кунларнинг сурар гаштини,
Азиз фарзандларинг шиддат-шашибини –
Нурли бир келажсак чорлайди бу он,
Эзгулик диёри – ҳур Ўзбекистон!

*Юртим, жоним қадар суюксан-суюк,
Бахт-иқболинг бўлсин бундан-да буюк,
Онажоним, дея, ардоқлаб, суюб,
Эрка бир болангман қучарман, шодон,
О, баҳтлар бешиги, жон Ўзбекистон!*

Юртимниң ёзи

*Шилдираб-шилдираб оққан ариқлар,
Англадим, заминнинг соҳир овози.
Олов атиргуллар, сўлим ошиқлар,
Айланайин сендан, юртимниң ёзи.*

*Кўҳлик қизлар каби юзи қизармии
Ва ё бу шунчаки олмалар нози.
Күничалар тилида санойи хонии,
Айланайин сендан, юртимниң ёзи.*

*Чарос, боғ-рогларнинг муnis нигоҳи,
Бир ҳикмат хабари олча-голоси.
Таъриф-тавсифингни тополмам гоҳи,
Айланайин сендан, юртимниң ёзи.*

*Мен меҳр кўраман қуёш тафтида,
Дилимда жўш урап истиқлол рози.
Осмон ҳам эъзозда дарё кафтида,
Айланайин сендан, юртимниң ёзи.*

*Эй мағрур тоғларим ибрат мактаби,
Дилбандлар қувончи диллар баёзи.
Неъматлар шукридан қалблар матлаби,
Айланайин сендан, юртимниң ёзи.*

*Ифтихор ҳиссидан диллар нурафшион,
Туганмас юраклар файзи, фаёзи.
Мен муножжот айлар куйчи шоирман,
Айланайин сендан, юртимниң ёзи.*



*Файрат
МАЖИД*



Навоий сабоги



Насиба БОЗОРОВА,
БухДУ докторанти

“НАФС ИЛА РУҲНИ ЗИНҲОРКИ ҚИЛМА МАХЛУТ”

Шарқ шеъриятида ишқ, ирфон, гўзаллик, дин ва ахлоқ хусусидаги қарашларнинг бари бир нуқтада бирлашади, бир мавзу доирасида умумлашади. Бу нафс ва руҳ масаласидир. Нафс ва руҳ инсон зотида бирлашган, бир-бирини тўлдириб, айни чоғда, бир-бирини рад этувчи икки қарама-карши қутб. Нафсда ҳам, руҳда ҳам чексиз қудрат яширин. Уларнинг моҳияти ҳеч қачон бир-бирисиз аёнлашмайди. Нафс руҳнинг мавжудлигини далилласа, айни чоғда, руҳ ҳам нафс борлигини тасдиқлади. Ҳар иккаласининг вазифаси зоҳиран бир хил бўлса ҳам, ботинан мутлақ фарқли. Айни шу фарқланиш асосида, уларнинг табиати, хусусияти намоён бўлади.

Тасаввуф аҳли нуқтаи назарида руҳ яратилган бир жавҳардир. Фақат у яратилганларнинг энг латифи, жавҳарларнинг энг тозаси ва энг нурлисиdir. Файб оламидаги нарсалар у орқали кўринади ва ҳақиқат аҳлига кашф унинг соясида билинади. Руҳнинг зидди ҳисобланган нафс эса, барча ёмонликларнинг дояси ҳисобланган. Руҳ қанча нурли ва юксак мавжудлик бўлса, нафс шу қадар чиркин ва тубан борлиқ сифатида эътироф этилган. Тасаввуфда инсон феълидаги бари иллатлар нафсдан, фазилатлар эса руҳдан қайнотланади, деган қараш устувор. Шу боис ҳам, сайру сулукда бутун ҳаракатлар нафсни исплоҳ қилиш ва руҳни камол топтиришга қаратилган.

Улуғ мутафаккир Навоий ҳам мутасаввулларнинг бу қарашларига тўла қўшилган ва ўзининг деярли барча асарларида нафс ва руҳ мухолифотидан сўз юритган. Бу орқали эса, улуғ шоир нафс ва руҳ хусусиятлари, уларнинг инсон тақдиди ва қисматидаги ўрнидан кенг баҳс юритган. Чунончи, шоирнинг аввали охир нафс ва руҳ талқинини яратган ушбу ғазалига эътибор қилсан:

*Гар фано расмини қилмоқ тилар эрсанг мазбут,
Нафс ила руҳни зинҳорки қилма маҳлут.*

*Руҳ ул нурдурким, ҳақ анга бермиш авж,
Нафс зулматқа қолиб, қилмиш анга поя хубут.*

*Руҳ раҳмони эрур, нафс эрур шайтони,
Иккисин бир-бирига қўшмақ эмастур машрут.*

*Руҳга шева калимулло ишин қилмоқ фош,
Нафс фиръавнлиқ асбобини айлаб марбут.*

*Руҳга дааъб ҳабибулло иши ойини,
Нафс бужаҳллиқ асбобини айлаб мабсум.*

*Ё раб, эт бизни ҳабибинг сифатига росих,
Айла бужаҳл тариқин ичимиздин масқут.*

*Қип Навоийни ҳамул хат била, ё раб, озим
Ким, бирор ёнидин айрилди ўтуз олти хутум.*

Орифона руҳда битилган ушбу ғазалнинг биринчи байтиданоқ, шоир комилликнинг энг муҳим жиҳатларига эътибор қаратади. Унингча, “фано расми” – ўзлигини маҳв этмоқни истаган одам, аввало, нафс ва руҳни бир-биридан фарқлай олиши, иккаласининг бир нарса эмаслигини англамоги лозим. Зеро, Шайх Абу Толиб ал-Маккий ҳам ўзининг “Қут ул-қулуబ” асарида бу хусусда шундай ёзган: “Руҳ ҳам, нафс ҳам жисмдаги мустақил борлиқдир. Руҳ ҳайр – яхши ишлар учун ҳаракатланади ва бу ҳаракатдан кўнгилга бир нур зуҳур этади. Нафс эса, шаръ – ёмон ишлар учун ҳаракат этади ва бундан кўнгил зулматга тўлади. Шайтон бу зулматни кўриб кўнгилга ифво солади”. Навоий ҳам худди шундай қарашларни назм ипига тизади. Улуғ шоир илоҳий-маърифий ғоялардан келиб чиқиб нафс ва руҳ хусусида мулоҳаза юритар экан, ўз ғазалида тазод, ташбех, талмех каби бадиий воситалар асосида фикрларини жонли ва ёрқин бўёкларда акс эттиради. Айтиш жоизки, бадиий воситалар ёрдамида шоир сўзларга ўзига хос вазифа юклаган ҳамда ўкувчини сўз зинидаги сўзни англашга чақирган.

Шоир руҳ ва нафснинг хусусиятини ёритишда дастлаб нур ва зулмат тазодини кўплайди. Унингча, руҳ ҳақ юксалтирган нур бўлса, нафс тубанликдаги зулматdir. Бу зиддият бевосита дунё икки қарама-қарши куч – нур ва зулматдан иборатлиги тўғрисидаги тасаввурларни ёдга солади. Бу билан шоир гўё инсон вужудида ҳам икки куч – эзгулик ва ёвузлик доимий муҳолифотда бўлиши, бирининг галабаси иккинчисининг мағлубиятига сабаб эканлигини таъкидлаётгандек. Шоир кейинги байтларда нафс ва руҳнинг зиддиятини янада аникроқ чизади. Улуғ шоир бошқа бир қатор ғазалларида ҳам нафс ва руҳ зиддиятидан сўз юритган. Бундай ғазалларда шоир ўкувчини руҳ латофатига рахна соладиган нафс шумликларидан огоҳликка чорлайди. Унингча, нафс ва руҳ иккаласи бир нарсанинг икки қарама-қарши томони. Руҳ кўнгилда маърифат, илму ҳикмат чирогини ёндириса, нафс кибру ҳаво, риё, мунофиқлик, молпарастлик иллатларини пайдо қиласди. Бири инсонни қанчалик юксакка кўтарса, иккинчиси шу қадар тубанликка тортади. Бири туфайли инсон камол топса, биридан заволга юз буради. Бири – шайтоний бўлса, бири – раҳмоний. Чунончи:

Руҳунгга сиҳҳат ўлса малойик бўлур сипоҳ,

Нафсингга қувват ўлса шаётин бўлур табаъ, – дейди шоир. Демак, инсон руҳи – илоҳий дам, нафас. Руҳни камолга етиштириш инсонни малакларга етакчи қиласди, аксинча бўлса, яъни, нафс қувватланса, у шайтон тобесига айланади. Хўш нафснинг қувватланиши қандай содир бўлади? Нафс қачон кучга тўлади? Биринчи галда, дунё севгиси кўнгилни эгаллаганда. Дунё – Навоий шеъриятида энг кўп ташбехга асос бўлган тимсол. У баъзан нафс тимсолини ҳам ифода этади. Руҳ хусусиятларини очишида ҳам улуғ шоир бу тимсолдан самарали фойдаланган. Чунончи, мутафаккир шоир бир ғазалида: “Ки руҳ булбулининг лойиқи эмас бу қафас”, дея руҳни булбулга, танини эса қафасга ўхшатади. Мисра мазмунига чуқурроқ разм солсак, унда шоир “қафас” – моддий дунё ташвишларига руҳ булбулини банд айламаслик лозимлигини уқтираётгани аёнлашади. Ёки шунга ўхшаш фикрни шоирнинг бошқа бир байтида ҳам кўриш мумкин:

*Табиат ҷоҳидин руҳунгни қутқарким, хуш эмастур,
Қафас қайди аро булбулға бўлмоқ мубтало асру.*

Байтдаги “табиат ҷоҳидин” икки маънода тушуниш мумкин: 1. Борлик, дунё. 2. Инсоннинг моддий эҳтиёжлари, нафсоний истаклар. Руҳ учун дунё, унга хос истак, майллар – ҷоҳ. Руҳ булбул бўлса, бу истаклар гўё қафас. Дунё ташвишлари билан

умр ўтказиш, эртаю кеч моддият учун югуриш руҳни толиқтиради, чарчатади ва уни ҷоҳа ташлайди. Бундай ҳолда руҳ юқсан ҳис ва туйгулардан маҳрум, оддийгина тириклик асоси бўлиб қолаверади. Руҳни “ҷоҳ”дан қутқариш – кўп машақатли иш. Бу машақатларнинг аввали тавба билан бошланса, сўнгги – тўрт унсур – жисм талаблари, ҳоҳиш ва истакларидан кўнгилни фориғ айлаш, ўздаги кибру ҳаво, манманлиқдан буткул кечиш – фано бўлиш билан якун топади. Бу хусусда шоир бундай дейди:


*Десанг фалакка чиқай, фоний ўл аносирдин
Нединки, руҳунггадур чормиҳ бу тўртв.*

Руҳ ўзини банди қилиб турган занжирлардан қутулгач, файз ва завқа мусассар бўлади. Бундай ҳолда руҳга ҳеч нарса тўсиқ ва хавф сололмайди. Зоро, Нажмиддин Кубро ёзганидек: “Қудсий руҳ латиф ва самовийдир. У ҳиммат қуввати ила тўлибтошгани замон руҳ самога битишур ва само унга ғарқ бўлар. Аслида, руҳ билан само айни бир нарса. Бу руҳ бетиним парвоз этар, юксалар, қувватланар, тарбияланар ва мукаммаллашар, самонинг шарафидан ҳам кўп устун бир шарафга эришмоқ учун ушбу ҳол давом этар. Ниҳоят, само чўққисини ишғол этар”. Демак, руҳнинг парвози завқу шавқа тўлишидан руҳ беҳад қувватланади. Бу руҳ орқали кўнгил ҳикмат ва маърифат сирига тўлади. Акс ҳолда, улуғ шоир:

*Шавқ тиийғи бирла солик айласа кўнгилни чок,
Файз шаҳристони сайрига топар дарвоза руҳ, – деб ёзмасди.*

Умуман, Навоий бу каби байтлари орқали инсонга нафс шумликларидан ўзни муҳофаза қилиб, руҳ кенгликларини сайдишиш ҳамда бундан келадиган файз билан ҳаётни безаш лозимлигини уқтиради.

Хуллас, Навоий инсонийлик шарафи, қиймати, шахс камолоти хусусида ёзар экан, нафс ва руҳ тасвирларига алоҳида эътибор қаратади. Айниқса, улуғ шоир ғазалларида руҳнинг мақом ва даражалари, нафс мартабалари чукур ёритилганки, уларни ўрганиш навоийшунослигимиз учун фойдадан холи бўлмайди, деб ўйлаймиз.





Озода БЕКМУРОДОВА

Зарғин ётдулар-ла безанлан иўллар



* * *

Ватан согинчларда яшайди...

*Хеч қачон түймайсан пок дийдорига,
Дилнинг туб-тубларин ўртар бир ҳажср.
Болалигим қолган мовийлик,
Умримга берилган муazzам ажр.
Оқ ранглардан қамашган осмон,
Кўксига покдомон шамоллар тақиб,
Елиб бораётган сўнгсизлик томон...
Хаёлан ортига нигорон боқиб.
Тоабад юракни ўртаган ҳижрон,
Борлигингни тўлаб ҳақнинг йўлига.
Бир лаҳза орқага қайтариб бўлмас,
Бир марта берилган илоҳий имкон.
Оппоқ байроқларни қадаб руҳингга,
Шаффоф хаёлларга кўмиб ёдингни,
Ул шабнам онларнинг тотини туийиб,
Ювасан,
Кўзларинг қаърига чўккан кирларни.
Болалигим – оппоқ Ватаним,
Ҳарир, майин тонглар маржони.
Юлдузлар кўзёшин ичур хаёлим,
Ёруғ ҳисларимнинг, ёруғ ҳар они.*

* * *

Чопиб бораятман ортингдан,
 Оёғимни қўлимга олиб.
 Соchlарим силкиниб беҳис шамолларнинг түгёнларида,
 Товоnlарим қонаб,
 Юрагим қонаб,
 Юғуриб бораятман, ҳануз
 Умидимнинг хуржуни бўм-бўши.
 Фасллар бир боқмай кетиб боряпти,
 Сурон солмай ўтиб бораяпсан,
 Нимасан, кимсан деб, бир қарамайсан,
 Кўнглимни бир сўраб, худо йўлида,
 Ҳолимга боқмассан,
 Назар қилмассан.
 Ҳар куни тураман бир маъно кутиб,
 Интиқ термуламан ҳиссиз юзингга,
 Ёритсанг умримнинг сарҳадларини,
 Бир қараб қўйсайдинг сен ҳам изингга...
 Вақт!..

* * *

Йўлга чиқдингизми
 Нур аравада,
 Тонгнинг нафасида Семурәдек елиб?
 Ҳаволарда юксак руҳлардек сузиб,
 Айрилиқ уфқининг бағрини тилиб...
 Келаяпсизми?..
 Заррин ёғдулар-ла безанган йўллар,
 Ёруғ изингизни ўтиб қолурми?
 Сизга етолмаган ошуфта гуллар,
 Чашмингиз ўтидан ўтич олурми?
 Йўлга чиқдингизми?..
 Бўрон қанотингиз гирёна қалқиб,
 Диidorим шамига зор талтинурми?
 Абру найсонларга чечаклар тақиб,
 Қадамингиз саси кўкдан инурми?
 Кутлуг таширифингиз-тантана расми,
 Борлигимни чулгаб баҳт ифорига,
 Яшинблар кетурми, умрим дафъатан.
 Ҳаёт воҳасининг кенгликларида?
 Йўлга чиқдингизми,
 Нур аравада?..

* * *

*Менинг пешонамга сизмаган очун,
 Менинг юрагимга боқмаган қуёш.
 Ёрг ҳисларимни беаёв янчиб,
 Аёл қисматимга ёғдирган оташ.
 Афсунлар ўқиган шонли йўлимга,
 Юрагим қонини ишиб тўймаган.
 Томир-томиримга қадар сингишиб,
 Зинҳор ўз ҳолимга қўймаган.
 Эй мени орзудек, севмаган очун,
 Бир қатра сувини аяган уммон.
 Изларин чашимимга тўтиё қилсан,
 Севмаган,
 севмаган,
 севмаган ҳамон.*

*Фалак жаранггини кўксимга уриб,
 Менам бир малаклик шавқин истадим.
 Руҳим парвозини кўкларда кўриб,
 Илоҳ водийсида қурсам маслагим.
 Кўзларимга паноҳ нурнинг сояси,
 Бошимни силаса бир субҳ менинг.
 Аёл ҳисларимнинг эриб қояси,
 Таирифингни кутмасам сенинг.
 Менинг пешонамга сизмаган очун.
 Сенинг пешонангда балқмадим, нечун!*


Биз хоҳлагандек эмас, қўлимидан келганича яшаймиз.

Менандер

* * *

*Одамларни ҳадеб муҳокама қилаверсанг,
 уларни севиши учун вақт етмайди.*

Она Тереза



Бехзод ФАЗЛИДДИН

Жамолини жилваси жисму жонимда

Хол

*Бир хос ишиқ сўрадим – баркамол, салим,
Иссиқ-иссиқ ёшлиар дийдамни ювди.
Кўксимдаги харсанг ипакдай ҳалим,
Ҳар заррам тўлғонди, ҳар заррам севди.*

*Севдим, вужудимда алвон нур оқди,
Руҳимга ўраниб, кўкка ўрладим.
Юлдузлар кўзимга машъала ёқди,
Кўнглимда тажаллий этдинг – порладим.*

*Жамолинг жилваси жисму жонимда,
Гарчи хоки пойман, гарчи бир хасман,
Шундай сувратимда, айни ҳолимда,
Ўзингдан бошқага муносибмасман.*

* * *

*Нега асли гўзал эмас гўзалик,
Вафосиз ишларда бор менинг қасдим.
Ҳаммамизга тақдир номукаммаллик,
Бутун бўлганимда одам бўлмасдим.*

*Феълимдан ўткала борар виждоним,
Кўзи очиқ кунлар мендан норози.
Бу томирчаларга сизмайди қоним,
Ўртада овора ҳаёт – тарози.*

*Гоҳида, ҳақиқат билан қовуши мас
Сўзларимдан қўрқиб кетаман бирдан.*

Ё учиб кетмайди, ё ерга тушимас,
Яшаб бўлмайди-да, бу юрак билан.

* * *

Улар кўздан иироқ, кўнгилга яқин,
Мўъжиса яшинган япроқларига.
Ҳавасинг ва жиндай ҳасадинг келар
Йўқолиб кетмаган титроқларига.

Чирой очиб аста бошин кўтарар,
Сўнг гўзал бўлишига журъат қилгайдир.
Агар еб қўймаса қўю қўзилар,
Даштни бу чечаклар жаннат қилгайдир.

* * *

Бу хатолар, аччиқ хатолар,
Хузурингга очиб берди йўл.
Саволларга дуч келдим нуқул,
Юрагимда қадим садолар.

Қанотларим куйиб пастладим –
Баланд уча олмас ёлгизлар.
Мудом йўқлик изимни излар,
Ўзгинамни сенга асрардим.

Қўлда қолиб кетди дуолар –
Нима бўлди? Нима жин урди?
Кипригимга азоб ин қурди,
Энди мени дардолар даволар.

Яхшиямки, хатоларим бор,
Йўқса, мени суймасми эдинг,
Ёмғирларга тўймасми эдинг?
Дийдор юрти бўлди тавбазор...



Сизга гапим бор

Шунча узоқмиди меҳрингиз шаҳри,
Олис-олислардан босиб келдим йўл?
Шу зиёрат ҳаққи, шу сафар ҳаққи,
Кўнглимнинг қулфиға уриб кўринг қўл.

*Субҳидам юзида табассум балқиб,
Кўзларни яшинатган бир неъмат эдим.
Неларни ўйлайсиз офтобга боқиб,
Мен ҳам бир шуъладай ганимат эдим.*

*Юлдузлар меҳримдан бўлди бир шингил,
Ниятни асрадим яхши ниятга.
Билмам, бу оламда бир соҳиби дил
Мен каби зормикан самимиятга?*

*Кўнглингизни очинг, кўнглим тўла нур,
Айланай энг ёргу тилагингизга.
Дунё сўрамайман, сўрамам ҳузур,
Бир оғиз гапим бор юрагингизга.*

* * *

*Ортиқ ушлаб турмай очиқ осмонга
Кўйиб юбораман юракни – шарни.
Аста сингиб кетар мовий майдонга
Паналаб ўтгандай машъум хатарни.*

*Ҳеч ким ниқтамаса, ҳеч зоғ тегмаса,
Боладай ўйноқлар завққа берилиб.
Кўрқаман, қўкда ҳам озор чекмаса,
Ёрилиб кетмаса эди, ёрилиб.*

Нажот

*Тақдир қандай тадбир этар эртага,
Кўнглимда муқаддас ният кўкарап.
Ким қўлга ишонар, бирор елкага,
Мени эса, бир кун сўзлар кўтарар.*

*Бору йўқлик билан келсан юзма-юз,
Изимдан эргаиса қора нуқталар;
Иймоним сўз эрур, амалим ҳам сўз,
Ўшандা ҳам мени сўзлар қутқарар.*



Роман: кеча, бугун, эртага

Исломжон ЁҚУБОВ,
филология фанлари номзоди,
доцент



ЎЗБЕК РОМАНИНИНГ МАЊАВИЙ - РУХИЙ АСОСЛАРИ

Қаҳрамон тақдири мисолида ҳалқ тақдири ифодаси

Ойбек “Кутлуг қон”да, адолатсизлик ҳукмрон воқеликда, келажак умидларини, яъни зулмат ичра нурни кўради. Кутблантирилган “қора куч”ларга зид ҳолда “ёруғ кучлар”ни тасвирлай олади. Натижада китобхон қалбига умидбахш туйғулар улашади. Бу Ойбек ижодий услубига хос ижобий қаҳрамонларни ёруғ рангларда тасвирлаш реалистик тамойилига ҳам, миллий адабиёт анъаналарига ҳам тўла мувофиқ келади. Хатто ҳалқ ижтимоий онгининг уйғониши ғоявийликка кучли тамойил билан ёндашилганига қарамасдан, бугунги кунда ҳам ўз долзарбилигини тўла сақлайди, давримизга ҳамоҳанглиги билан улкан аҳамият касб этади.

Бироқ адид романда асосий эътиборини ижтимоий-тариҳий воқелик ва характерлар муносабати масаласига қаратишга мажбур бўлади. Тасвирда асосий ургуни ижтимоий конфликтни очишга йўналтириб, қаҳрамон тақдири мисолида ҳалқ тақдирини кўрсатишга интилади. Характерлар динамикасини янги тариҳий ўзгаришларни тасдиқлашга хизмат қилдиради. Айтиш мумкинки, адид эски жамият ақидаларининг инкори ва янгисининг тасдиғи стереотипига амал қилади. Унинг аксарият қаҳрамонлари ҳаёт воқеаларининг бутун драматизми ва фожиалари сўқмоғидан ўтгач, онги уйғониб, ижтимоий курашчиларга айланишади. Яъни конкрет ҳаётий вазият қаҳрамон тақдирини белгилаб беради.

Шунга қарамасдан, бугунги ўзбек романларининг қаҳрамонлари ойбекона “кўпчилик” деб аталувчи тўдадан кескин фарқланади. Улар ўз истаги бўйича ўйлаб, кўнгил интилишлари билан ҳаракат қилишади. Зотан, Ойбек тасвирида миллий онгининг уйғониши синфийлик билан чамбарчас боғланиб кетади. Ҳалқ истиқболи “баҳтли ҳаёт” учун курашда, жабр-зулмга қарши ошкора исенда: “ҳамма бўриларни, ҳамма қонхўрларни, золимларни янчидан ташлаш”да кўрилади. Индивидуал қаҳрамон тақдири ҳалқ тақдирининг узви эканлиги билан қадрланади.

Бугунги романчилиқда аксинча ҳол бўй кўрсатади. Яъни ижтимоий-иқтисодий ва мањавиий-руҳий мувозанатнинг бузилиши инсон онгини уйғотишга эмас, балки тафаккурни тушовлаб, одамларни майдалаштиришга олиб келиши жараёни идрок этилади. У.Ҳамдамнинг “Мувозанат”, Х.Дўстмуҳаммаднинг “Бозор”, Л.Бўриҳоннинг “Жазира маддаги одамлар”, О.Мухторнинг “Тепаликдаги хароба”, А.Нурмуродовнинг “Қон ҳиди” сингари романларида инсон шахси тамомила индивидуал қиёфалари билан жонли одам сифатида ифодаланади. Улар ижтимоий интилишларга тамомила бошқача ёндаша-

дилар. Бу қаҳрамонлар орқали кўпчиликнинг “оломон”лиги фожиаси ёрқин ифода этилади. Кўпчилик алоҳида инсонни тушунишга уриниши лозим. Одамзод фидо бўлувчи курбон эмас. Ватан ўғлонлари ғоя йўлида ўлиши эмас, балки бу дунёда яйраб-яшашлари лозимлиги янгича ракурсларда инкишоф этилади. Шубҳасиз, бу бугунги ижтимоий-эстетик тафаккурнинг тутуми, миллний онг тадрижининг тўхтами. Демак, уни Ойбекдан талаб қилиш тўғри эмас.

Ёзувчининг “Навоий” романида ҳаёт синовларини матонат билан енгиб, ўзлигини англаган қаҳрамонлар ҳолати жонли тасвирланади. Улар орасида Навоий ўз эркинлиги билан ажralиб туради. Навоий сиймоси орқали ақидаларида сабит, истиқболга комил ишонч билан бокувчи қудратли рух эгасининг эзгулик йўлидаги ҳаракатлари китобхон қалбига далда берибгина қолмай, яратувчанлик ва ижодкорлик руҳини ҳам тўлдиради.

Мамлакат ҳаётида тўхтовсиз сиёсий зилзилалар давом этаётган 30-йилларнинг охири ва 40- йилларнинг бошларида имонли ва виждонли адаб сифатида Ойбек эл-юрт тақдирига бефарқ қарай олмас эди. У инсоният улуғ фалокатлар қаршисида тақрор қолмаслиги учун, бани одам фарзандлари бир-бирларига ўзаро муҳаббат ришталари билан боғланмоғи, юртда адолат барқарор бўлишини тилади. Ойбек фикри давр ва салтанатлар оша кезиб, темурийзодалар тақдири мисолида тубсиз ўпқон ёқасига келиб қолган империяни муқаррар ҳалокатдан огоҳ этибгина қолмай, истиқболда бошланажак машъум бўрондан ҳам дарак берди.

Омон Мұхтор “Навоий ва рассом Абулхайр” (2006) роман дилогиясида Ойбек анъаналярини ижодий ўзлаштирган бўлишига қарамасдан, бадиий заминдан ҳаётий мантиқ излаб Навоий яратган рубобий шеърият бағридан кўнгил тимсолини топади. Бу ШАҲС-нинг шикаста руҳи, мураккаб кайфиятию фузун дардларини мутасаввуф-валийлар эътиқоди билан чамбарчас боғлаб идрок этади. Мисралар талқинидан комил ва салим маънолар топади. Шунинг учун ҳам Навоий китобхоннинг кўз ўнгидаги гўзал хаёлотию истак-майиллари, ширин хотироти ва мужкримона тазаррулари билан намоён бўлади. Бу эса О.Мұхтор Навоийни маданий-маърифий ва ижтимоий-сиёсий фаолият марказидаги “тадбиркор” инсон сифатида англамаганлиги, насримизда улуғ гуманист шахсини тадқиқ ҳамда таҳлил этишда муайян силжишлар юзага келганлигини кўрсатади.

Дарҳақиқат, дилогияда улуғ мутафаккир ижодидан мантиқли умумлашмалар, фавқулодда гўзал маънолар топилган. Хожа Абдулла Анзорий мозори жорубкаши шарафига мушарраф бўлиш аслида ана шу муборак останани супуриш – озода сақлаш баҳонасида аждодлар руҳидан баҳраманд бўлмоқдир. Романда Навоий маънавий пирларга эътиқоди баланд, хайр-саховатли бинокор, ҳиммати баланд меҳрибон инсон сифатида фуқарога шафқат назари билан қараб, унинг қалбига йўл топувчи кишидир.

Ёзувчи қалб ва қиёфа бирлигини таъминлаш йўлидан бориб, ўтган умрени сархисоб қиладиган хокисор эътиқод кишиси, ўз мақсадларини аниқ белгилаб олган фидойи инсоннинг шиддатли руҳи, адолат ва ҳақиқат тантанаси учун курашдаги меҳр-шафқатини улуғ даражасига муносиб тарзда тасаввур қиласи ҳамда тасвирлай олади. Романда ўйчил инсон тафаккури ва ҳиссиёти тўла намоён бўлган. Асар Навоийни тўлароқ англаш, уни фикр тарзи, ахлоқий қаноати, эътиқод йўсими жиҳатидан ҳис ва идрок этиш имконини беради.

Бу ҳол мутлақо тасодиф меваси эмас. Илло, замонавий ўзбек адабиёти, хусусан, наспи инсон маънавияти қирраларини текшириш, руҳиятидаги кўз илғамас сезимларни тадқиқ этиш сари интилоқдаки, Навоийни англашимиз ҳам шунга ҳамоҳанг тарзда кечмоқда. Умуман, мазкур роман-дилогия ёзувчининг юқори ва анча мукаммаллашган услубий ютуғи бўлибгина қолмай, навоийшунослик, навоийхонлик оламида ўзига хос бадиий тажриба, шунингдек, ўзбек адабиёти тараққиётида кўзга ташланадиган муҳим янгилик ҳамдир.

Албатта, ўзбек романчилиги қаҳрамон тақдири мисолида ҳалқ тақдирини ифода-лашдек ойбекона анъанадан буткул воз кечмади. Бу ҳол О.Ёқубов ва П.Қодиров яратган қаҳрамонона характерлар талқинида давр идеалларининг тасдиқланиш тарзида давом этди.

Одил Ёқубовнинг “Диёнат” (1973) романида улкан имкониятларнинг одам феълига таъсири алоҳида шахснинг парвози ҳамда инқирози, яъни кучли ва ожиз томонла-

ри фонида кўрсатилади. Инсофли ва диёнатли одам бўлиш нечоғли қийин эканлиги, тақдирига тадбир топиш мушкуллиги, ҳалоллик ва ҳақиқат қаршисида киборлик, ёлғон, қаллоблик маҳв бўлиши ифодаланади. “Оққушлар, оппоқ қушлар” (1988) романида ёзувчи, бутун умри меҳнат билан ўтса-да, эъзоз топмаган Шораҳим шоввозни шахсий ҳаётини тафтиш этиш жараёнида тасвирлайди. Беҳаловат кунлар, йигитлик саргузаштлари, бокира севги тарихи, жанг майдонидаги жасоратлар ҳақидаги хотиралар, умр йўлдоши Ойсулов олдидаги қарзлар, айрилиқ азоблари унинг кўнглида хазин ни долар, аламли фарёдлар түғдиради. Мураккаб ва ғаройиб табиатли бу инсонни адаб завқ-шавқларга тўла нурли кунлари, алам-изтироблари, табиатидаги турфа зиддиятлар, кучли ва заиф жиҳатлари билан турли ракурслардан кузатади. Муҳими, Шораҳим Шоввознинг мардона руҳи ва қаҳри олдида Муҳаффар ва Фотиҳдек кимсалар довдирб қоладилар.

Бу иккала романдаги Нормурод домла, Шораҳим шоввоз каби қаҳрамонлар эътиқодидан қайтмаган ҳалол, ҳақгўй, адолатпарвар, диёнатли эканлиги боис даврига сифмаган кишилар бўлишса-да, улар ўша романлар яратилган давр идеалларининг тасдигига хизмат қиладилар.

“Адолат манзили”(1994) романида адаб эътиқод йўлида жонини ҳам, қонини ҳам аямаган шиддаткор ва ўқтам қариянинг жамиятнинг инсон тақдирига муносабатидан чиқарган хулосаси орқали ҳукумат интилишларини кескин инкор қиласди. Мустамлакачилик кайфиятидаги сиёсий-ҳуқуқий кучларнинг тубан усул ва найрангларини фош қилиш орқали уларнинг асл қиёфалари очиб ташлайди. Ярим асрлик умрини Ҳукумат ишига бағишилаган Ветеран ноинсоф, диёнатсиз, баттол, ҳаромхўрлар, муттаҳам амалдорларга рўбарў бўлар экан, ўзини болаларча ожиз сезиб, ўқинч-армон билан: “Йўқ, шўро ҳукумати йўқ энди! ... Эссиз бу ҳукуматга бағишилаган ярим аср умрим!”, – дея хитоб қиласди. Шу нуқтада Ветераннинг инсоф, иймон, диёнат, инсон тақдири ҳақидаги қарашлари Нормурод домла, Шораҳим шоввоз каби қаҳрамонлардан кескин фарқланади.

Кўринадики, анъанавий реализм доираси объектив шароит берган имконлар ҳамда муйян ёзувчи ҳаётий тажрибаси, тафаккур тарзи, тасвир маҳоратининг ортиши ҳисобига фикрий салмоғи, қамров диапазони ва ифода тарзига кўра ижобий томонга ўзгариб, такомиллашиб борган.

Аммо юқорида танишганимиздай, О.Ёқубов замонавий мавзудаги романлари конфликти ва пафосини давр руҳига мослаштиришга, ижтимоий адолатнинг қарор топишини замон майдонга чиқарган мардона кишиларнинг ҳатти-ҳаракати ва интилишлари билан изоҳлашга ҳаракат қиласди. Бундай ҳусусиятлари билан Сайд Аҳмаднинг “Жимжитлик”, Эркин Самандарнинг “Дарёсини йўқотган қирғоқ”, Тоғай Муроднинг “Отамдан қолган далаллар” типидаги асарлари “Диёнат”, “Оққушлар, оппоқ қушлар”, “Адолат манзили” романларига бир қадар яқин туради.

Бизнингча, адабий қаҳрамонларни ижтимоий ҳаёт шиддатига боғлаб қўйиш пировардида адабиётни жамиятнинг ижтимоий-аҳлоқий муаммоларини ҳал қилиш воситаси деб билиш эканлиги сабабли бундай асарларда ҳамиша ҳам инсон руҳияти драматизми етарлича инкишоф этилмайди. О.Ёқубов “жабр дийда” инсонлардан қаҳрамонона характер яратишга урингани, улар курашчанлиқдан маҳрум бўлиб қолишидан хадиксирагани туфайли замонавий мавзудаги романлари тарихий романлари даражасига юксала олмайди.

Пиримкул Қодиров ўз романларида буюк тарихий сиймолардан тортиб, талабалар, чўпонлар, оловкорлар, зиёлилар, чўлкуварлар тақдиригача ифода этар экан, аввалимбор инсон истеъододи, ирода йўналиши ва тақдирини унинг касб-кори билан чамбарчас боғлиқ деб билади. Назаримизда, бу ҳол адабнинг диққат марказида тарихни ярататётган инсон меҳнати, яъни давр руҳи масаласи турғанлиги, инсон шаъни, қадри, эрки, масъулиятига эътибор етакчи концепция даражасига кўтарилиганлиги билан изоҳланади. Шунинг учун ҳам ёзувчи романларида ижтимоий ҳодисаларининг инсон тақдирига таъсири, касб психологияси масалалари қаламга олинган.

Адаб ижодхонасини ҳаёти ва истеъодига хос белги-сифатлар гармоник бирлигига имкон қадар кузатиш, ижодий тажрибаларини муйян даражада умумлаштиришга уриниш шуни кўрсатадики, майший ҳаётни бутун тафсилотлари билан изчил ва батафсил

кўрсатиш адаб услубига хос етакчи хусусиятдир. Назаримизда, жамият маънавий ҳаётида ҳалқ руҳияти ва тарих сабоқларига қизиқишининг кучайиши, қолаверса, ёзувчи ижодининг ички тадрижида кузатилувчи кучли ва ёрқин характерларни тасвирилашга бўлган интилиш пировардида унинг Бобур ва бобурийлар мавзусига кўл уришига олиб келган.

Тарихий романлардан ёзувчининг кўзлаган мақсади турли давлатлару суполаларнинг пайдо бўлиши, ривожи, инқирози ва қайта қад ростлаши жараёнларини мифассал беришдан иборат. Аммо бу вазифа албатта бадиий асар доирасидагина ҳал қилиниши шарт эмас. Уни зўр тарихчи олим ҳам бемалол уddaлаши мумкин. Бизнингча, П.Қодиров тарихий романларида ҳужжатларга таяниш салмоқли ўрин тутиши ёзувчининг тасвир объектини теран билиши ҳамда изчил ва батафсил ифодалаш услуги билан боғлиқдир.

Таъкидлаш лозимки, истиқбол йилларида ижтимоий-сиёсий ва иқтисодий-маънавий ўзгаришлар таъсирида эврила бошлигарни юзага келтирди. Натижада адабиётимизнинг илгариги босқичларида кузатилмаган, ижтимоий муҳит ва инсонни янгича ракурсларда англаш, тафаккур ҳамда кечинмага асосланиш ижодий босқичига ўтила бошланди. Рационаллик ва ҳиссий-эмоционаллик ягона актга бирлашди. Ҳатто, айтиш мумкинки, иррационалликнинг бир қадар босимроқ бўлиши, ижтимоий фикр салмоғининг инсон ботинига кўчиши кўзга ташланди. Ижод ахлининг дунёни эстетик идрок этишида юз берган бундай ўзгаришлар ижтимоий-сиёсий ва маънавий психологик омиллар таъсирида, аниқроқ айтганда, жамият ижтимоий-психологик кайфиятининг суръат ва миқёсларида ҳамоҳанг тарзда юзага келди, бадиий матн меҳварига кўчди. Илгари большевистик ғоя босими остида қалам тебратган О.Ёкубовнинг “Адолат манзили”, П.Қодировнинг “Она лочин видоси” сингари асарлари услубида кузатилган тозариш жараёнлари аслида жамиядта юзага келган янги руҳий-психологик кайфият ифодаси туфайли пайдо бўлди. Зотан ўзгарган кайфият-ҳолатлар ўзига мутаносиб шакл ва услубни ҳам тақозо этади. Шу маънода ўзбек адабиётида кечётган жараёнлар собиқ иттифоқ республикалари адабиётлари, кенг маънода эса, ягона психологик майдонга айланган дунё воқеалигига ҳамоҳанг бўлиши табиийдир. Бинобарин, ўз-ўзи, миллатининг тарихий тақдири, бугуни ва эртаси, қадрияларини қайта баҳолашга эҳтиёж ва зарурат сезган ижодкорларимизнинг оламни эстетик қабул қилиши уларнинг ифода тарзида инъикос этиши ғоятда табиийдир.

Шахс драмаси ва тарихий-бадиий ҳақиқат

Муҳаммад Алининг “Улуғ салтанат” тетрологияси дастлабки уч китобида тарихимизнинг энг улуғ сиймоси – соҳибқирон Амир Темур ҳамда бир қатор темурийзодалар тақдири серқирра идрок этилган ва ифода қилинган. Асарда Амир Темур мураккаб инсоний характерга эга бетакрор феномен сифатида талқин этилган. Соҳибқирон солиҳ фарзанд, жонкуяр ини, оқибатли оға, меҳрибон ота, севимли эркак сингари қирралари билан намоён бўлган. Ёзувчи китобхонни Амир Темурнинг ички оламига олиб киради ва уларга соҳибқироннинг ҳамма каби ҳис-туйғуга эга, ушалмаган армонлари, оиласи миаммолари бор инсон эканлигини кўрсата олган. Адид асарларида соҳибқироннинг биз кўникан идеал, ҳеч қачон адашмайдиган, совуқкон қиёфаси ўрнини баъзан кудратли, баъзи вазиятларда эса, иложсиз қоладиган оддий бир инсон эгаллади. Илгари ўқувчини соҳибқироннинг ҳарбий салоҳияти фахрлантирган бўлса, энди у тирик инсон тарзида гавдалана бошлади. Унинг нафақат ижтимоий-сиёсий, балки оиласи-маиший тузуклари ҳам диққат ва таҳсинга сазовор эканлиги аён бўлади. Шу боис, романда акс этган тарихий ҳақиқатлар музаллифнинг бадиий топилмалари билан уйғунлашиб, гўзал бадиий эффект ҳосил қилган.

“Улуғ салтанат” романида тарихий воқеалар кўлами эмас, балки музаллифнинг муайян ҳодиса ва қаҳрамонлар ҳақидаги фикри кўлами ҳал қилувчи аҳамиятга эга. Бундай концепция эса асарга эпик кўлам баҳш этган. Адид шахс драмаси орқали юртда парокандаликка барҳам берилиб, кучли салтанат бунёд этилган тарихий замонни кўрсатган.

Эркин Самандаровнинг “Тангри қудуғи” романида тарихий шахслар фожиаси бадиий тўқимага нисбатан кенгроқ ўрин тутади. Аммо адид қаҳрамонлар руҳиятини очишда мададкор руҳлар билан туш орқали мулоқотга киришиш мотиви, шунингдек, композицион параллелизм усулидан ҳам фойдаланади. Шу орқали реал воқеалар мазмунини қиёсий тарзда ифода этиш, образлар характерини бўрттириш, умумлаштириш, ижтимоий-маиший муаммоларни изоҳлашга эришади. Бу ҳол поэтик тафаккур ривожланишининг маҳсулни бўлган турли бадиий тасвир усули ва воситалари халқ тафаккури билан бирга ўсиб, такомиллашиб, бойиб боришини кўрсатади.

Асад Дилмурод “Паҳлавон Муҳаммад” романида Навоийдек улуғ шахс фаолияти ва ижодининг йўналишида, тараққиёти ва такомилида муҳим роль ўйнаган Паҳлавон Муҳаммад Абусаид ҳаётини халқ ва ватан манфаатлари учун фидойилик намунаси, поэтик ижодини эса эзгулик ғояларининг ифодаси сифатида маънавий-маърифий ва ирфоний мазмунда ёритади. Инсон ва ҳаёт фалсафаси ҳақида теран фикрлари ва қарашларини илгари суради.

Асарда реалистик услуб етакчилик қилса-да, романтик-фантастик бўёқлар эпик баён таъсирчанигини янада ортиришга ёрдам беради. Романда Паҳлавон Муҳаммад ва унинг шогирдлари инсоф ва диёнатни дастур, сабру бардошни қурол деб билишади, руҳий эркинликни ардоқлашади. Улар билак кучини шуур ва сезимлар билан уйғунлаштира оладилар. Паҳлавон кўнгил одами эканлигини кенгроқ очишда унинг таъб ва ҳол кишиси эканлигига, табиатида андак риндана кайфият-ҳолатлар мавжудлигига эътибор қаратилгани ҳам муҳим роль ўйнаган.

Қаҳрамон маънавиятидаги эврилишлар динамикаси

Сўнгги йилларгача ўзбек насли бир жиҳатдан давр тақозоси, иккинчи томондан айрим ижодкорларда етарлича журъат тақчиллиги боис анчагина якранг бўлиб келган эди. Кейинги йилларда насримиз мавзу жиҳатидан-да, мазмун нуқтаи назаридан-да, жанр жиҳатидан-да анчагина ранг-баранглик касб этиб бормоқда. Ижтимоий ҳаётда бўлаётган кескин ўзгаришлар ижодкорларни изланувчанликка, курашчанлик, фидойиликка унади. Адабиётнинг барча кўринишларида лоқайдлик, журъатсизлик, шахснинг парчаланишига қарши кескин ва жиддий кураш бошланди. Ўзига хос ва мос бўлган йўллар кашф этишга уринаётган, бунга бир даража эришаётган ёзувчиларимиз сафи анча кенгайиб бораётгани қувончли ҳолдир. Чунки сўз санъатида маҳоратни тўла нағоён этишигина бадиият оламини янада кенгайтиради, адабиётимизни жаҳоний катта наср сари етаклайди. Бадиий услубини янгилаб бораётганлар сафида Тоғай Мурод ҳам бор эди.

Ёзувчининг “Отамдан қолган далалар” рамзий романини ҳамма ҳам бирдай тушина олмайди. Чунки анъанавий насрга нигоҳи ўрганган оддий китобхон учун мазкур типдаги асарларни ўқиши маҳсус тайёргарликни талаб этади. Биринчидан, роман жаҳон адабиётининг пешқадам вакиллари яратаетган айнан шу типдаги асарларга анчагина яқин туради. Иккинчидан, мазкур роман ўзига хос миллий, ўзбекона руҳ билан сугорилган. Учинчидан, роман воқеалари сокингина ҳикоя килинмайди. Аксинча, ҳаёт воқеа-ҳодисалари, ҳолат ва ҳаракатлар тасвирида анчагина кескин ўтишларни, сюжет ва оҳанг шиддатини кузатиш мумкин. Бундай факторлар ёзувчининг насрдаги изланишлари билан чамбарчас боғлиқ ҳолда юзага чиқмоқда. Шакл мазмунни ифодалаш воситаси бўлгани боис мазмун ўзгариши янгича шаклни ҳам талаб қиласди. Шакл ва мазмун мутаносиблиги ҳамда мувофиқлигининг сақланиши ҳарактерлар руҳий оламини янада теранроқ акс эттириш, поэтик ғояни роман мағзига сингдириш имконини берган.

Тўртингидан, этник хусусиятларни носир тўла акс эттира олади. Соддадил, тантин сурхондарёликларнинг табиатида, феъл- авторида мавжуд бўлган ўзига хос кескирликни ифодалай билади. Бешинчидан, романнаги табиат образлари инсон руҳиятини очишга бўйсундирилган. Олтингидан, романнинг бадиий тили шева-лаҳжаларига ниҳоятда бой бўлиб, сюжет чизиклари, монолог ва унинг турфа кўринишлари, хусусан, ички монолог ва диалогларнинг магиздорлиги таъминланган. Еттингидан, ўзига хос тасвир услугига мос тарзда романга мувофиқ шакл танланган. Образлар талқинида

ҳаққонийлик таъминланган. Саккизинчидан, роман жозибали бадиий ифодаларга нюхоятда бой. Асарнинг тили ҳалқчил ва равшандир. Романда фикр мавҳумлиги учрамайди. Тўққизинчидан, тасвирида қисқалик ва аниқлик таъминланган, деталлар ўринли қўлланган. Ўнинчидан, нафақат жамиятнинг ўзида, балки одамлар табиатида, атроф-муҳитда содир бўлаётган нуқсонларнинг туб илдизлари ва моҳияти ҳаққоний кўрсатилган.

Ёзувчи “Бу дунёда ўлиб бўлмайди” романида адолат талаблари ҳамда охират сўроғини ўйлайдиган, тарихда ўз ўрнинни белгилашга уринаётган, меҳнаткаш ва виждонли, табиатан камтар, ҳалол, покиза инсонни тасвирлайди. Роман ўз тузумига садоқат билан хизмат қилиб, қўққисдан кириб келган “қайта қуриш” даврининг қайноқ ва эҳтиросли ёндошуви туфайли ҳали тириклигига ёки унуглинига ўнтилган ва бекадр бўлган юрт фарзандлари, уларга нохолис муносабатда бўлган авлодлар фожиаси, демакки, инсон қадри ҳакида битилган. Шу боисдан ҳам роман етакчи қаҳрамони Ботир фирмә умр шомида аччиқ ҳаёт йўлуни қайта идрок этибгина қолмай, балки... жамият ва одамлар табиатини ҳам холис баҳолайди. Шуҳратпараст, мансабпараст, мунофиқ кимсаларнинг интилишларидан қаттиқ руҳий изтироб чекади. Чунки роман ўтган асрнинг сўнгги йиллари сабоги, ҳалқ яқдиллигини таъминлаш, Ватан равнаси ўйлида сидқидилдан меҳнат қилиш зарурлиги, юрт истиқболи ҳакида битилган асардир. Унда муборак она юрт, мустақиллик учун кураш тарихи, мусибатлардан омон чиқан миллат шаъни теран ҳамдардлик билан ифода этилган. Ноҳақлик ва маломатларга сабр-қаноат билан дош берган, меҳр-оқибатли, эртадан умидвор, маънавий кудрати тенгсиз ва енгилмас ҳалқ тафаккуридаги жипслик гояси ўз ифодасини топган.

Шукур Холмирзаев “Олабўжи”, “Динозавр” романларига хос кўламдорлик роман қаҳрамонларининг ҳаётий ҳодисага муносабати, фикрий-ҳиссий олами қамровида ўз ифодасини топади.

Бадиий ифода жараёнида она табиат гўзаллиги ва маҳобатидан туйилган ҳайратларнинг кўнгил дағаллигига қиёсланиши ёзувчи ижодий кредитосини англашда муҳим аҳамият касб этади. Чунки Ш.Холмирзаев инсонни борлиқнинг бир бўлгаги деб билади. Бир-биридан ажralиб қолган бу икки оламни уйғуллаштиришга интилиш, пировардида одам боласида туйғулар назокати, ҳамнафаслик ҳиссини юксалтириш истаги, ифода самимиятидан келиб чиқади. Тоғларга хос юксаклик, улуғворлик, табиатга хос белардозлик, бағрикенглик, тантлилк сингари хислатларни адиб яратган аксарият қаҳрамонларда кузатиш мумкин. Шубҳасиз, бу ҳол инсон ва табиат эгизаклиги ҳақидаги ёзувчи қарашларининг маҳсулидир.

Адиб романлари персонажларининг орзу-армонлари, дард-ташвишлари, ўймушоҳадалари инсон маънавиятига хос фазилат ҳамда нуқсонлар, ижтимоий-маиший муаммоларга даҳлдордир. Шунинг учун ҳам китобхон уларни таҳлил этади, ўз хуласаларини чиқаришга уринади. Адиб замон ва замондош, ижтимоий адолат тамоилиларини алоҳида одамнинг виждан ва иймон призмаси орқали кузатади. Унинг маънавий бисотини миллый ва умуминсоний қадриятлар билан вобасталикда тасвирлайди. Ёзувчи миллат қисматига даҳлдор, айни пайтда иложисизлик туйғуси билан боғлиқ изтироб-кечинмаларнинг турли даражаларини очиш, ижтимоий ўзгаришларнинг инсон қалбига таъсирини бадиий гавдалантиришга интилади.

Одатда қишлоқ одамларининг табиатида асрий анъана ва удумларга боғлиқлик бир қадар турғун характерда бўлади. Аммо ижтимоий ҳаётда содир бўлган улкан ўзгаришлар, 80-90-йилларнинг иқтисодий қийинчилликлари тараққиётнинг олдинги босқичларида миллат табиатида кўзга ташланмаган руҳий ҳолатларни ҳам юзага чиқарди. Бундай оила ва рўзгор ташвишига ўралиб, реал вазиятдан чиқиш ўйларини топа олмай қолиши ҳоллари айрим инсоний муносабатларнинг дарз кетишига ҳам олиб келди. Аммо миллат тийнатидаги инсоний меҳр-саҳоватни сўндира олмади. Ёзувчи мазкур жараёнларда ҳам инсоф, виждан, имон ақидалари талабларидан келиб чиқиб образларни таҳлил этиш ўйлидан боради. Меҳр-мурувват, қадр-қиммат, сабр-бардош, инсоний ҳамдардлик, бетаъма саховат, самимият мавжудлиги миллатнинг ўзгаришлардан омон чиқишини кафолатлайди, деган ишонч ва умидворликни асарларига сингдира олади.

Юқорида биз кузатишга интилган жиҳатлар романчилигимизга: Қурбон, Ойпарча (“Кип кўприк”), Бекдавлат (“Йўловчি”), Ултон (“Олабўжи”), Маҳкам (“Динозавр”) сингари қатор жонли образларнинг кириб келишига, китобхоннинг севимли қаҳрамонлари қаторидан жой олишига олиб келди.

Баҳовуддин Нақшбанд ва Аҳмад Яссавий фалсафий қарашларини ҳаёт маърифатини орттириш воситаси деб билган ёзувчи замонавий роман (“Диназавр”) доирасида инсоний комиллик худудларини орифона қарашлар ҳисобига кенгайтиришга ҳаракат қиласи. Яратилиш ва яралиш, яшаш ва муносабатлар уйғунлигини инсоний ахлоқка боғлаб тушунган Ш.Холмирзаев мазкур давомийликни қадим туркий ва исломий маданият асосида юксак ахлоқий сифатларни тарбиялаш – комил амалиёт орқалигина сақлаб қолиш мумкин деб билади. Шунинг учун ҳам романда амалнинг ақлга мувофиқлиги концепциясини илгари суради. Ижтимоий-психологик вазият марказига ижодкор инсонни қўйиб, муаммолар моҳиятини ҳам ижтимоий, ҳам руҳий-психологик планда ёритишига интилади. Романда аждодларимзинг тафаккур дунёси бойликлари ўзига хос тарзда мужассамлашган бўлиб, қаҳрамонларнинг турлича қарашлари орқали уйғоқ ва ҳаракатдаги олижаноб фикр ҳамда кечинмалар ифодаланган.

Бинобарин, «Динозавр» романи Шарқ адабиёти ва фалсафаси, исломий руҳ иқлиmlарига хос файз билан тўйинган. Асарда миллатимизнинг муайян даврдаги ижтимоий-сиёсий ҳамда руҳий ҳолати таҳлил ва тадқиқ қилинган. Адид замондошларимизни Накшбандий ва Яссавий кўтарилигидан руҳий мақомларга етказишини орзулаган. Ўтмишдошларимизни билиш ва англашни ўзимизни билиш ва англамоқ билан баробар санаган. Уларни бизга янада яқинлаштиришга, китобхон қалбида олис боболаримизга муҳаббат туйғусини тарбиялашга интилган. Яратиш ва бунёдкорлик теран томир ришталари билан мустаҳкам заминга асосланиши лозимлигини ҳис қилган ва англаган. Адиднинг романни ёзиш жараёнидаги миллий-маданий заминга хос ўлмас обидаларга фаол мурожаат қилишининг ўзиёқ фикримизни далиллашга асос бўла олади.

Романда ижтимоий зулмни туғдирган даврга, қаҳрамонларга адид муносабати ошкора ифодаланади. Ҳодисаларга аналитик муносабат билдирилади. Умуман бу ҳолни қораламаган ҳолда, ғоя устиворлиги оқибатида ёзувчи романда бадиийликни таъминлашга етарлича эриша олмганлигини ҳам алоҳида таъкидлаш лозим. Аслида Ш.Холмирзаев романларида публицистик мақола ва очеркларга хос хусусиятлар етакчилиги, тасвирнинг бирмунча куруқроқ чиққанлиги кузатилади. Чунки адид шахсни хилма-хил томондан кўрсатиш, уни бутун мураккабликлари, кучли ва заиф томонлари билан беришга эриша олмайди. Ёзувчи қаламга олган маконни Мурод Муҳаммад Дўстнинг “Лолазор” романидаги сингари алоҳида инсоннинг бадиий олами дейиш қишин. Чунки у ҳодисаларни кўпроқ ижтимоий жараёнлар билан боғлиқлиқда тасвирлашга, сунъий муаммолар қўйиб, унинг ечимини топишга уринади.

Роман жанри тасвир кўлламишининг кенглиги, ҳалқ ҳаётининг муайян даврини ҳар томонлама таҳлил эта олиш имкониятига эгалиги, мураккаб характерлар, инсоний тақдирларни ифода этишига қодирлиги жиҳатидан ҳар қандай давр ва миллат адабиётининг қиёфасини белгилайди. Бугунги ўзбек романчилигидаги шаклий-услубий ва ифодавий изланишларга назар солинса, жанр тараққиётида теран ички силжишлар содир бўлаётганлиги кўринади. Бу ҳол ҳаётий ҳодисалар ҳақидаги фикр салмоғининг ортишига, инсоний туйғулар ифодасига эътиборнинг кучайишига олиб келди.

Жумладан, У.Ҳамдамнинг “Мувозанат” романидаги миллат кишисининг буғуниги ўйлари, интилишу изланишлари, руҳий-маънавий изтироблари жонли образлар орқали тиниқ тасвирланган. Руҳий сокинликка интилиб, дилдаги ишқни рӯёбга чиқариш ўйларию усувларини тополмай, тасаввуф саҳросида эсанкираб қолиб, ўз мақсадига етолмаган Амир фожиаси; ўзини толесиз сезиб, ҳаёлидаги ҳаётни реалликка кўчириши тилаган, хиёнат изтиробларида ўртанган Заҳро; ижтимоий-маънавий жиҳатдан яккаланиб, руҳий қийноқлар ичра ўртанаётган Саид; барча ҳаваслари рӯёбга чиқса-да, юраги хувиллаб қолган Миразим танҳолиги; башариятнинг ёруғ келажагини илм-маърифатдагина кўрадиган, моддий, маънавий-руҳий кутбларни уйғунлаштириш зарурлигини тушуниб етган Юсуф ва бошқа ўнлаб қаҳрамонлар китобхонлар дилидан жой олди. Бунинг сабаби инсон тафаккури ва руҳиятидаги зилзилалар ичра мувозанат-

га эҳтиёж сезиш изтиробини теран туйган қаҳрамонларнинг аниқ ҳолату вазиятлардаги кечинмалари шахснинг қайта шаклланиши концепциясига мувофиқ тарзда ифодасини топганилигидадир.

Роман фақат моддий оламда яшашнинг маъноси ҳақидагина эмас, балки руҳиятда кечаётган жараёнларни реал ҳаётга кўчирмоқ, моддий маъмурлик асосида инсонпарварликни таъминлаб мувозанатга эришмоқ тўғрисида битилган. Романнинг сюжет чизиқлари муаллиф концепциясига узвий пайвандланади. Образларнинг ҳаёт йўли ва тақдирни муаллиф фалсафасининг у ёки бу қиррасини ўзаро психологик боғлиқлиги жиҳатидан фикран туташтиради. Асарда зиддиятли ўй-фирклар тарааддуди ва ирода-нинг тұхтами ҳақида сўз боради. Англашиладики, миллий адабиётимизнинг қаҳрамони фикрловчи ўйчил кишига айланмоқда. Чунки бугунги адабиёт, ўзига хос бадиий-эстетик ҳодиса ўлароқ, тубдан ўзгарган миллий онгнинг, янгиланаётган эстетик тафаккурнинг маҳсулі. Бинобарин, ўзликни ва оламни англаш, изоҳлаш ҳамда тасвирлашда ранг-баранг йўллардан бориш, тараққиёт йўсингларини муайян шахсларнинг руҳияти манзаралари орқали ифодалаш имкониятлари кенгайган. Шу маънода муайян роман тафаккури мантиғидан у ёзилган давр тафакурининг даражасини келтириб чиқариш мумкин.

Шахснинг парчаланиш жараёни тадқиқи

Асад Дилмурод “Фано даштидаги қуш” романида жаҳон романчилиги тажрибалари ни ўзлаштиришга, уларни Шарқ адабиёти, хусусан, Навоийнинг “Лисон ут-тайр” асари, Жалолиддин Румийнинг “Ичиндаги ичиндадур” рисолалари билан уйғунлаштиришга, фикр ифодасида тимсолларга таяниб иш кўриш, мажозлар тилида сўзлашга ҳаракат қилди. Инсон руҳиятининг икки олам ўртасидаги талпинишларини, нафс туфайли ўз-ўзида адашган, алданган ва аслига қайтишга интилаётган кимса изтиробларини қаламга олди. Худбинлик, хиёнат, қабоҳат, журъатсизликни қоралади. Эътиқод бутлиги, ирода мустаҳкамлигини улуғлар экан, тарихий шажаралар билан пайвасталик, кўнгил тилаги йўлидаги фидойиллик, болаликка хос покликни асраш орқали яратгани таниш ва англаш мумкин,— деган фикрни руҳият манзаралари орқали ифодалади.

Ёвуз ниятли кимсалар томонидан ўтмишидан жудо қилинган, болалиги ўғирланган, ўй-мушоҳададан маҳрум этилиб, жаҳолат комига ташланган, ақидапарастлик гирдо-бидида маънавий инқирозга гирифтор қилинган Сайдек Умар ўз-ўзини тафтиш этади. У Ёдгор валий кўмагида – воситали таъсир остида ўнгланади. Тасаввур ва хотира-лар олами билан реал дунё воқеа-ҳодисаларининг қоришиклиги китобхондан бирмунча фикрий мушоҳадакорликни, мажозий образлар моҳиятини англаш йўлида ижодий зўриқишини талаб қиласди. Роман руҳий олам ҳақида, аниқроқ айтганда, руҳий-маънавий тобелиқдан келиб чиқувчи жаҳолат, манқуртлик – ЁРТИЛИК фалсафасини инкор этувчи БУТУНЛИК ҳақидаги асардир.

Шойим Бўтаевнинг “Кўргонланган ой” рамзий романни матнига давр фожиаси сингдириб юборилган. Роман бадиий тўқимасида адолат билан зўравонлик, хукуқ билан жиноят, олижаноблик билан пасткашлик, инсоний ва ҳайвоний фазилату ҳирслар тўқнашади. Муаллиф улардан ёрқин ҳаётбахш хulosалар чиқара олади. Носир қишлоқ ҳаётининг жозибаси, одамларнинг турфа феъли, самимияти билан китобхон қалбини ёритади. Инсон ва иймон, ҳалоллик ва нафс, табиат ва жонзот ўртасидаги мувозанатнинг янги, ўзига хос қирраларини кўрсатишига ҳаракат қиласди.

Романда Алиматов, Нўймон қиритиш, Абдусамат лакот, Тўққизбоев, Ўлмас қассоб, Ҳамробой, адабиёт муаллими, болалар шоири каби улуғ мақсадлардан мосуву бўлган, Дони бригадир, Раҳмон, Карим сингари разил ва пасткаш кимсалар даврасида қолган Муртазо шахсининг парчаланиш жараёни ғоятда ишонарли чизилган. Мўмин-қобилгина, ҳалим ва бўз йигит Муртазо қалбида эзгуликка чекисиз меҳр, қабоҳатга кучли нафрят мужассам эди. Унинг қалбида инжа бир олам бўй кўрсатиб, гўзал тасаввурлар камол топаётган эди. Таассуфки, унинг атрофини қуршаган кишилар тасаввурлар оламини остин-устин қилиб юборишиади. Қаҳрамонда ташқи муҳит таъсирида уйғонган иштиёқсизлик, ишончсизлик аниқ мақсад сари интилиш туйғусини маҳв этади.

Жамият ҳаётида кечеётган жараёнларни маънавий-ахлоқий муаммолар билан боғлаб талқин қилган Э.Аъзамнинг “Шовқин” романида маданият, ахлоқ, инсоф ва диённатнинг антиподи – ахлоқсизлик, худбинник, миллий-генетик илдизлардан бегоналашув (дурагайлашув) ҳолларининг ижтимоий-маший, руҳий-психологик илдизлари аёвсиз фош этилади. Инсоний меҳр-мурувват, юрт туйғусидан йироқда кечган сарсон-саргашталиқдаги умр, дарбадар ҳаёт тарзининг инсон руҳиятига таъсири Равшан Акобиров образи орқали кўрсатилади. Миллий онгнинг тушовланиш сабаблари “маданий инқиlob” ваъда қилганларнинг халқдан пинҳон туб мақсадларига даҳлдорлигига боғлаб талқин қилинади. Банданинг хотиржамлиги унинг дунё шовқинларига қўл силтаб, ўз тақдирига пешвоз юриши, азалий қадриятларга садоқати билан изоҳланади. Бизнингча, Фарҳод Рамазоннинг кечмиши таъқибидан қутула олмай, ўз-ўзи ва замондошлари қилмишларини очиқ-ойдин қоралаши адид тасвир йўсинига хос киноявий-сатирик услуг билан боғлиқдир. Назаримизда, жамиятнинг илғор қисми – зиёли инсон эканлиги, ўзи тушган реал вазият-ҳолатларда имконсизлиги жиҳатидан роман қаҳрамони Фарҳодни “Диназавр”даги Маҳкамга қиёслаш мумкин.

Улуғбек Ҳамдамнинг “Сабо ва Самандар” романида икки ёшнинг чорасиз қолиши ижтимоий ноҳақлик, ақидапарастларча жоҳиллик билан изоҳланади. Мусибатлар сабаби икки ёш кўнгилнинг дарди, ғам-ташвишларини менсимаслиқда. Ошиқ-маъшуқнинг ақл-хушдан бегоналашуви покиза орзу-умидлар оёқости қилиниши, яшаш илинжи сўниши билан боғлиқ. Дарҳақиқат, умидсиз ишқ гирдобига тушган икки дил на ҳаёт қувончлари, на ширин жон ташвишини қилишади. Демак, ёзувчи характерлараро конфликтни етакчи қаҳрамонлар дарди-дунёсига тамомила қарама-қарши бўлган олам билан зиддият, яъни ижтимоий конфликт даражасига кўтара олади. Ишқ фарёди ва зорлари, жудолик изтиробларини сатрларга муҳрлашга интилади. Дарҳақиқат, романда дастлаб мақсадсиз, умидсиз яшашни тиламаган, турмуш кўргилларига қарши бир қадар заифона тарздаги исён намоён бўлади. Кейин эса ёзувчи уни икки ёшнинг оломонга, оломонлик оламига қарши исёни даражасига юксалтиришни уddyалайди.

Луқмон Бўрихоннинг “Темириўл ёхуд титраётган тоғ” романида оила қурмоқ, баҳтли яшамоқ учун кўнгил бирлигини мухим деб билган йигит-қизни куфр амалларга қўл урганлиқда айбситган оломон ақидапарастлиги танқид қилинган. Чунки ўзларини оила ва жамият тинчлигининг ҳимоячилари деб билган аксарият қаҳрамонлар “донжуан”ча “ахлоқсизлик”ни гоҳ компания манфаатлари, гоҳ оила шаънини ўйлаб теран англаб ета олмайдилар. Натижада баҳтга эришмоқни тилаган қиз лоқайдлик ва зулм қаршисида бетадбир қолади. Ўзларини “маданий киши” санаган кимсалар қалбida турли хил даражадаги ҳиссизлик ва лоқайдлик мавжуд. Улар ҳамиша ҳам инсон боласига дўст, сирдош, ака-ука, қадрдон-қариндош бўла олмайдилар. Ёзувчи ўқинч билан айтмоқчи бўлган фикр ҳам ана шу. Адид китобхонни “қора меҳнат одами” бўлишдан юксалишга унрайди. Дарҳақиқат, жамиятнинг кучи, тоғу тошларни ёриб ўтмоқлиқдагина эмас, балки ўзлигини anglagan, биродарини тушунган одамлардадир.

Ғарбона асосни Шарқона руҳ билан туташтириш зарурати

Бугун муайян шаклу шамойил касб этиб, адабий йўналишлари анчагина муайянлашган яқин йигирма йиллик ўзбек романларида миллий-адабий анъаналарнинг қайта бўй кўрсатиши ҳамда илғор жаҳон романчилик мактабларининг самарали таъсири кузватилади. Дарҳақиқат, романчилигимизга 80-йиллардан эътиборан ҳаётга янгича тафаккур билан ёндашувчи ўзгача услуг кириб келди. Лиризм ўрнини изчил реализм, романтик сентаменталликни бирмунча қатъият эгаллади. Ровий тимсолига эътибор ортди. 90-йиллардан эътиборан қаҳрамонларга бўлган муносабатда мураккабликлар кўзга ташлана бошлади. Буларнинг аксарияти ўтган асрнинг 20-30- йиллари анъаналарига у қадар тўғри келмайди. Чунки эндилиқда романларимизда халқ тақдири қаҳрамон тақдири йўсинида акс эта бошлади. Носирларда анчагина журъатлилик ва қатъият, оламга маърифатли ғоя билан қарашга интилиш пайдо бўлди. Роман поэтикасида асотирлар, афсона ва ривоятлар катта ўрин тутиб, композиция таркибиға сингиб кета бошлади. Ҳатто параллел мажозий йўналишни ташкил этиб, роман матнида мустақил

ва тугал ўрин тутди. Уларнинг адабий-бадиий функциясида ўзгаришлар содир бўлди. Натижада, кўплаб янги қўринишдаги: тарихий-концептуал, тарихий-полифоник, тарихий-биографик, мистик-фантастик сингари романлар пайдо бўлди.

Шунинг учун бўлса керак, адабиётшунослигимизда кейинги йилларда яратилётган ўзбек романларидаги Фарб ва жаҳон романчилиги анъаналарига эргашиш ҳолларини кузатиш тамоили устувор бўлмоқда. Албатта, ўзбек романининг Ф. Кафка, А. Камю, Ж. Жойс, У. Фолькнер, Г. Г. Маркес, Х. Хессе, Ф. М. Достоевский ва бошқа ўнлаб вакиллари ижодига қиёсан ўрганилишини мутлақо ижобий ҳол сифатида баҳоламоқ лозим. Шунингдек, биз М. Бахтин, Ю. Борев, Хосе Ортега-и-Гассет, З. Фрейд, Э. Фромм сингари адабиётшуносу эстетларнинг назарий қарашлари асосида таҳлилу тадқиқ этиш анъанаси шаклланётганлиги каби "эргашиш" ва ўзлаштириш жараёнини ҳам зинҳор инкор этмоқчи эмасмиз.

Айни пайтда, айрим тадқиқотларда бир қадар сунъийлик ҳоллари кузатилишидан ҳам кўз юмиб бўлмайди. Жумладан, миллий роман генезисини ғарб ва рус романчилигига боғлаш ва модерн роман табиатини Хоше Ортега-и-Гассет назарияси асосида очишига уринишлар кўзга ташланмоқда. Ваҳоланки, ҳар қандай "модерн" ҳодисаси миллий тафаккурнинг янгиланиши асосида юзага келади. Бу жараёнда бирламчилик мавқеи ҳамиша Шарқона тафаккур тарзи томонида бўлади. Ташқи таъсир эса ҳамиша иккиламчидир.

Ўзбек романлари ички табиатида пайдо бўлган жиддий ўзгаришларни қиёсий ва қиёсий-типологик аспектда ўрганишни ният қилган айрим адабиётшуносларимиз эса XX аср ўзбек романчилиги ҳикоя тарзининг жаҳон адабиёти контекстидаги ўрни ва ролини белгилашда М. Бахтин, Х. Ортега-и-Гассет, Д. Дюришин ва В. Кожиновлар концепциясигагина таянадилар. Жумладан, Ў. Ҳошимов романларининг ҳикоя тарзи ва композицион-услубий таркибидаги ўзига хосликларни У. Фолкнер ижоди билан қиёсплашга уриниш ҳолларини учратамиз.

Шубҳасиз, Ў. Ҳошимов изланишлари жаҳон адабиётида кечган бадиий-эстетик тараққиётга ҳамоҳанг, муайян қонуниятларга таянувчи жараёндир. Аммо "Икки эшик ораси" асари архитектоникаси ва баён тарзи У. Фолкнернинг "Когда я умирала" асаридан кўра, 60-йиллардан эътиборан романчилигимизда кечган жиддий шаклий-услубий изланишлар билан ҳам чамбарчас боғлиқдир. Жумладан, А. Мухторнинг "Чинор" романидан бошланиб, 80-йилларнинг иккинчи ярмида янги босқичга кўтарилиган тараққиёт тенденциялари, хусусан, ҳикоя тарзи ва услубий янгиланишларнинг трансформацияга учраши ҳодисасини мисол қилиш мумкин. Бинобарин, ҳали рус тилига таржимаси ҳам "Икки эшик ораси" нашридан кейин амалга оширилган У. Фолкнер романини қиёсга тортишдан кўра, уни юқоридаги жараёнлар бағрида олиб кузатиш мазкур роман моҳиятини кенроқ инкишоф қилиш имконини берган бўлар эди.

Бизнингча, мазкур асарни ҳалқ эртаклари, "Худойнамак" ва "Шоҳнома"дан ўрин олган афсона ва ривоятлар ёхуд Низомийнинг "Ҳафт пайкар", Хисрав Дехлавийнинг "Ҳашт биҳишт", Алишер Навоийнинг "Сабъаи сайёр" ишқий-саргузашт достонидаги қолипловчи ҳикоя композицион силсиласига боғланган етти мустақил ҳикоя қўллаш адабий анъаналари, образлар руҳиятидаги зиддиятли кечинмалар, фабула ва баён тарзига ижодий ёндошиш йўсунида текшириш мумкин. Шунда ҳам уни жаҳон адабиёти аспектида тадқиқ қилган бўламиз. Чунки Шарқона руҳ ёрқин намоён бўлмаган ҳеч бир роман миллний-эстетик ҳодиса бўла олмаганидек, айрим асарларнинг эш келиши ҳам доим ижодий ўзлаштириш самараси бўлавермайди. Илло, жаҳон адабиётига хос аксарият белги-хусусиятлар Шарқ адабиётига мутлақо бегона эмас.

Масалан, О. Мухторнинг шаклан ихчам, мазмунан кенг, интиҳоси ёруғ романларини кузатайлик. Жумладан, "Минг бир қиёфа" романидаги Култепага боришга шаҳд этган Насриддин ва унинг эшаги билан боғлиқ "Афандининг болалиги" ҳикояти, "Эгилган бош" романидаги "Мулланинг боши бормиди?" эртаги, денгиздаги сайёҳ ҳақидаги нақл, "Кўзгу олдида одам"даги тилсимили ойна билан боғлиқ воқеалар, "Афлотун"даги сирли күдуқ мотив-эпизоди, "Тепалиқдаги ҳароба"даги хотира ва хаёл парвозлари билан боғлиқ ғаройиботлар, "Фуғ" романидаги ҳашаматли саройнинг кутилмаганда ғойиб бўлишию Ҳайдар Махсум "тилсим"лари тасвирланган ўринлар, "Аёллар мамлакати

ва салтанати” романинаги “Бир ёлғонда қирқ ёлғон” эртаги таъсири, Афандининг ўз ёлғонига ишониши билан боғлиқ латифа, баён оҳангидаги эртакка хослик ўринлари фикримизни далиллайди.

Агар дикқат қаратилса, ёзувчининг “Ффу” романни ривоят шаклида бўлиб, унда эзгулик ва ёвуздлик кураши акс этган. “Аёллар мамлакати ва салтанати”да воқеий ҳикоя устуворлик қиласи. “Афлотун”да инсоният тафаккурининг инқизози ва фикринг қайта уйғониш жараёнлари: (Сукрот, Афлотун, Фаробий фалсафаси, миллатнинг мустақилликка етиб келиш йўллари) эртаклар сюжетига янгича шакл бериш орқали ифодаланади. “Минг бир қиёфа” да Лутфий ҳаёти ва муҳаббат тарихи тикланади. “Тепаликдаги хароба”да Машраб, Байрон, Мирза Голиб; Амир Темур, Бобур, Ақбар; “Аёллар мамлакати ва салтанати” асарида Нодирабегим, “Афлотун”да эса Баҳовуддин Накшбанд, Файзулла Хўжа, Абдурауф Фитрат, Исмоил Сомоний, “Одамлар кулишлари керак”да Шер Мұхаммад Бек сингари тарихий шахслар сиймоси фозил одамларга интиқлик, соғинч, аждодлар билан мустаҳкам шажарашибий боғлиқлик асосида тикланиб, замона дардига малҳам изланади. Ёзувчи улардаги журъят ва ишончдан руҳ олади.

Англашиладики, носир асарлари шарқона миллый руҳ, фалсафа билан йўғирлганлиги халқ оғзаки ижоди намуналари – ривоят ва эртаклар сюжетидан самарали фойдаланиш, мумтоз адабиёт меҳваридаги салим маъноларни идрок этиш: (фикр, ҳаёл, тасаввур, хотиралар билан ҳаётийликнинг қоришиклиги) натижаси бўлиб, уларнинг шакл-шамоили, сюжет тузилиши, ифода тарзини ана шу миллый илдизлардан ташқарида изоҳлаш имконсизdir.

Зотан, адабининг аксарият қаҳрамонлари тийнатида ўзига хос бир валийлик мавжуд бўлиб, улар олам ва инсон муаммолари, яшашнинг маъно-мақсади ҳақида ўйлайдиган БҮТУН ОДАМлар. Уларнинг ифодаси эса, атайин қидириб топилган шаклбозлик бўлмай, оламий тафаккурга ҳамоҳант юксак мезонларда фикрлашга мойил ёзувчи дунёқарashi, ҳаётсевар руҳининг асар ёзилаётган онлардаги кайфият-ҳолларига уйғунлашуви манзараларидир. Ўзбек романни қай бир жиҳати (миллый колорит, миллый руҳ, ўзбакий тасаввур тарзимизга хос руҳий мураккабликларнинг у ёхуд бу қирраларини акс эттириш ёхуд шахсни мураккаб тизим сифатида қаламга олиши, тил, архитектоника, фикр ва тафаккурга асосланиши ва б.) дан олиб қаралганида ҳам том маъноси илиа миллый ҳодисадир. Бинобарин, замонавий романчилигимизда кечётган услубий-структурал ўзгаришларни Н.В.Гоголь, М.Булгаков, Ф.Кафка ёки бошқа бирон рус ва Farb адабиёти замояндаси асарлари билан қиёслашда параллелликларни кузатишга эътибор орттирилиши керак.

Назаримизда, “ўзбек адабининг таъсирланиши”, “ижодий ўзлаштириши”га ургу бериш истиқболсиз йўлдир. У ёхуд бу асарнинг жаҳон адабиётидаги қандайдир аналоги мавжудлигини аниқлаш ва уларни ўзаро чоғишиши шу асарнинг “зўр”лигини эмас, аксинча тақлид самараси ўлароқ бунёд бўлганлигини кўрсатади. Ўз ижодий услуби, сози ва овозига эга бўлиш, биринчи навбатда, тақлид босқичидан юксалишдир. Турли эстетик нуқтаи назарлар авваламбор ёзувчи дунёқарashiда тўқнашиб, миллый асосда трансформацияга учрайди. Юқорида таъкидлаганимиздек, ривоят, афсона, шеърий парчалар, фантастик макон ва реалликнинг қоришуви, қаҳрамонлар қиёфасининг эврилиши, киноявий мазмуннинг кучайиши сингари ўнлаб белгилар, авваламбор, Шарқона асослардан сув ичади. Farb асосини Шарқ руҳи билан туташтирумаган мунаққид миллый романларимизни баҳолаш мезонларида адашиши муқаррар. Зотан, ҳозирги романчилигимиз тараққиётининг сарчашмалари Шарқона тафаккурдан, халқ оғзаки ижоди ва қадимги ўзбек насридан, шунингдек, адабиётимизнинг порлоқ саҳифаси бўлган жадид адабиётидан ажралган ҳодиса эмас.

Ҳуррият шуълалари



Олимжон ХОЛДОР,
Ўзбекистон Республикаси санъат арбоби

Жаннатмакон

*Инсонни яратгач олам сарвари,
Борлиқ бисотини айламиши тақсим.
Ерлик-жойлик бўпти бандалар бари,
Фақат бир тўп кимса турар хомуши, жисим.*

— Борми жой тегмаган бирорта одам?
Ҳаммага етдими? — сўрабди ҳудо.
Қора қоши, қора кўз одамлар шу дам,
“Биз борамиз!” деганиши, айлаб илтижсо.

Тангрим ўйлаб-ўйлаб охири дебди:
— Қолмади-ку менда бирор кафт тупроқ —
Нихоят у шундоқ фикрга кебди:
Жаннат дарвозасин қиялаб шу чоқ —

Бир ҳовуч тупроқни олибди ундан,
— Мана бу сизларга, олингиз, дебди, —
Севган бандаларим сизлар шу кундан,
Майли, жсаннат ичра бўлингиз, дебди...

Ҳа, ўша қора қоши, қора кўз одамлар,
Менинг аждодоларим эканлар, билсам.
Шундан, фақат, шундан, дадил қадамлар,
Шунинг учун халқим ҳеч бўлмагай кам.

Шундан танг қолдирап юртим жаҳонни,
Куруқ ёғоч суқсанг кўкарап чиндан.
Менинг билишимча, Ўзбекистонни —
Жаннатмакон ўлка дегани шундан.

Истиқлол баҳти

Истиқлол зормасдир ҳамду санога,
Юрагим ҳаприқар ўйлаш шуларни.
Бугун мен бўйимни тенглаб самога,
Истиқлол сен учун яратдим нени?!

Ватан вужуд деймиз, Ватан гул деймиз,
Нафис оқаверсин зилол сойлари.
Барчаси пойидор ва сархил деймиз,
Шеърга тушаверар қуёш, ойлари.

... Бир олчоқ кимнидур тутади паноҳ,
Кум сочиб қўймоқчи Ватан қўзига.
Бахтимиз йўлига қўяди тузоқ.
Пўрим оҳанг тузар ҳар бир сўзига.

Уни фоши этмоққа шеъру шуур, кел,
Тўмарис шиддати зарурдир ҳамон.
Қовушган жонлардан тикланади эл,
Истиқлол баҳти бўлиб чароғон.



**Малика
МИРЗО қизи**

Баркамол авлод

Бахтиёр замоннинг ҳуру эркаси,
Миллат хонадонин бегу бекаси,
Келажаги буюк юртнинг эркаси,
Бахти бетимсолу баркамол авлод.

Аждодлари шаъни боши узра ялов,
Эл дея ҳар боссан қадами олов,
Дилда иймон бут-сўнмаган қалов,
Аҳди бетимсолу баркамол авлод.

Истиқлол нурлари кўзингиздадир,
Оқ, ойдин орзулар сўзингиздадир,
Ёругликка ташбех юзингиздадир,
Нақди бетимсолу баркамол авлод.

Мардлик булоғидан сув ичган илдиз,
Тўмарис ортидан йўл солган нур из,
Кўкда Зухро бўлиб порлаган юлдуз,
Тахти бетимсолу баркамол авлод.

Саодат саҳнига етгаймиз сиз-ла,
Элатни бошлибон кетгаймиз сиз-ла,
Мунаввар бир қўшиқ битгаймиз сиз-ла,
Шахти бетимсолу баркамол авлод.



Олим ЖЎРА

Эҳтиром



Ҳафиз АБДУСАМАТОВ,
профессор

МАКТУБ – ҚАЛБ САДОСИ

Ўзбекистон халқ шоири, Алишер Навоий номидаги Давлат мукофоти совриндори Шукруллонинг барча асарлари, хусусан, шеърлари ва достонларини меҳр билан ўқиб, катта эстетик завқ олиб, мъянавий оламимни бойитганман. Булардан ташқари Ўзбек Миллий Давлат академик драма театри саҳнасида “Хатарли йўл”, “Табасум ўғрилари”, “Ўғрини қароқчи урди” драмалари асосида қўйилган спектаклларни қизиқиб кўрганимни алоҳида таъкидлашим керак. Муқимий номидаги мусиқали театрда саҳналаштирилган “Тўйдан кейин томоша” асари менда айниқса чуқур таассурот қолдирган.

Шоирнинг “Ҳаёт илҳомлари”, “Умрим борича”, “Инсон ва яхшилик”, “Инсон – инсон учун” сингари шеърий тўпламларини бирма-бир кўздан ўтказганимни ҳеч қачон эсдан чиқара олмайман. “Жавоҳирлар сандиги”, “Кафансиз кўмилганлар”, “Тирик руҳлар” каби хотира романлари қалбимга қанчалик таъсир этганлигини таърифлашга ожизлик қиласаган.

Яқинда чоп этилган “Ғойибона мұҳаббат” тўплами орқали янги бир дунёни кашф этгандай бўлдим ва Шукрулло ҳақида кўп нарсани билмас эканман, деган холосага келдим.

Шаксиз, менинг Шукрулло асарларига берган баҳоларим бир томонда-ю, аммо кўпчилик китобхонларнинг уларга муносабатини билиш ўзгачадир. Шоир асарлари хусусидаги мuloҳазаларим турли қарашларга мос тушадими, йўқми? Бу ҳар бир мухлисни қизиқтирадиган масала! Шу сабабдан ҳам “Ғойибона мұҳаббат”ни ўқиб хурсанд бўлиб кетдим. Сабаби, менда пайдо бўлган баҳолар, мuloҳазалар китобдаги кўп фикрларга ҳамоҳанг бўлиб чиқди.

Тўплам қуидагича тарзда тузиленган: “Маҳбусликда ёзилган хатлар”, “Расмий мактублар”, “Дўстона мактублар”, “Телеграммалар”, “Шогирдона эҳтиром”, “Ғойибона мұҳаббат” ва ниҳоят “Поэтическая тетрадь” радиоэшилтиришларига каби бўлимларга ажралган ва бундай композицион тузилиш Шукрулло ҳаёти ҳамда ижодий фаолиятини тўла очиб беришга хизмат қилган.

Энг асосийси, мактублар бўялмай-чатилимай айнан келтирилади. Бу ҳол Шукрулло тўғрисида ҳаққоний тасаввур туғдиришимиз учун асос бўлган. Бир характерли хатни мисол сифатида келтирай. “Мен баҳтиман, чунки бу дунёда сиз бор экансиз! ... Сизнинг “Твоё счастье” шеърлар тўпламингиз мени “ютиб” юборди. Сиз ёзган шеърларнинг барчаси менинг хаёлларим ва орзуларимни акс эттиради”.

Яна бир мактуб: “У киши бу китоблар билан катталарни ҳам тарбиялаб, ҳам дунёқарашларини ривожлантирадилар”. Бу шоир ижодига берилган жуда ҳам муҳим

баҳо. Айниқса, ҳозирги даврда инсонларни истиқлол мафкураси асосида тарбиялаш, уларни тўғри йўлга солиш, онгларини ошириш сув ва ҳаводай зарур. Демак, Шукрулло инсонийлик ва ижодкорлик бурчини аъло даражада бажарганилиги кузатилади.

Шоирга йўлланган кўп хатларнинг мазмуни, руҳи шу келтирилган сатрларнинг руҳига мос тушади. Мазмун эса шаклнинг ранг-баранглиги билан ажralиб туради. Хатларда Шукрулло талантли ижодкор, вижданли, ҳақгўй инсон эканлиги таъкидлаб ўтилади.

Қолаверса, Шукрулло, фақат Ўзбекистонда эмас, балки хорижда ҳам маълум ва машҳур эканлигини хатлардан билиб олдик.

Бунинг исботи шуки, шоир Москва, Санкт-Петербург, Екатеринбург, Навосибирск, Сибирь, Болгария, Польша ва яна бошқа мамлакатлардан, вилоятлар ва шаҳарлардан кўплаб хатлар олган. Атоқли шоир Мустай Каримнинг хатидан парча келтирай: “Азизим Шукрулло! Чукур ҳаяжон ва қувонч билан сени, иттифоқнинг атоқли шоирларидан бинуни, Ўзбекистоннинг доно куйчисини, ажойиб дўстни ... қутлайман”.

Шукрулло Украина аҳолиси ва адилларининг ҳам севимли санъаткори бўлиб қолган. Улардан бири бундай ёзади: “Сизнинг ўзига хос ёруғ ижодингиз бизнинг ватанимиз халқларига жуда яхши таниш. Украинада ҳам сизнинг кўплаб мухлисларингиз бор”. Ҳа, шундай катта мамлакатда обрў қозониш баҳт эмасми?

Хатлари ва телеграммаларида Р.Ҳамзатов, Ў.Сулаймонов, В. Солоухин, Ю.Верченко, М. Танк, Б. Олейник, С. Баруздин, М.Карим каби адаби шоирлар Шукрулло ижодига юксак баҳо беришади.

“Жавоҳирлар сандиги” асари хусусиятлари кўпгина машҳур адилларни лол қилган экан. Мустай Карим, Расул Ҳамзатов, Қайсин Кулиев, Михаил Дудинлар уни жиддий бадиий асар сифатида эътироф этишади. Қизиги шундаки, кўп атоқли адиллар Шукрулло маҳоратига тан беришиб, “Жавоҳирлар сандиги” каби асар ёзишга ожиз эканларини ҳам изҳор этганлар.

Маълумки, хатларни бадиий йўсинда ёзиш қийин, мушкул иш. Шу сабабдан ҳам кўп хатлар бу фазилатдан маҳрум бўлиб қолган, бу табиий ҳол. Аммо, Шукрулло айрим хатларига бадиий либос беришга уринган ва маълум даражада ниятига етган.



Шукрулло доғистонлик машҳур шоир Расул Ҳамзатов билан

Рафиқаси Мунаввархонга ёзган мактубидан олинган парчага аҳамият берайлик: “Мунаввархон, сиз бир дақиқа кўз олдимдан кетмайсиз! Бирор бобини тугатиб, ўзимча ўқир эканман, кўз олдимда сиз, сизга ўқигандек тасаввур қиласман. Кўз олдимда сиз эшитаётгандек бўласиз. Хурсанд бўлиб эшитаётгандек кўринасиз”. Китобни ўқир эканси, Шукруллонинг ички оламига кириб борасиз. Унинг азобларига ҳам, қувончларига ҳам шерик бўласиз. Яна бир хатига дикқат қиласли: “Ҳаёт бир хилда кечмас экан. Яхшики, ҳаётда умид, садоқат, сабр, бахт деган нарсалар ҳам бор. Ахир, инсон бошига мушкул тушгандга нимага суянарди?».

Китобда Шукруллонинг одамгарчилиги, инсонларга кўрсатган ғамхўрликлари, шу билан бирга, дўстлари унга билдирган муруватлар ҳам ўз ифодасини топган. Булар орқали ҳам шоир маънавий оламининг яна бир қирраси билан танишишга мусассар бўламиз.

Шоир қўшнисининг яшаш жойи, кулбаси оғир ахволда эканлигини билиб, шаҳар ҳокимидан унга квартира ажратиб беришни сўрагани нақадар дикқатга сазовордир. Ана шу далил унинг олижаноб ва меҳрибон инсон эканини исбот қиласди. Шукрулло тўла равишда ҳақли эди. Чунки кичик бир ҳовлида 11 жон турган, ўғил эса афғон уруши қатнашчиси бўлган.

Яна бир мисол. Шукрулло дўсти адаб Чабулладан дори олиб, қувончини шошиб билдирганинг қойил қоласан киши: “Оғаларча ғамхўрлигинг учун раҳмат. Чин кўнгилдан ташаккур... Сенинг борлигингга худога минг қатла шукур!”.

Алоҳида таъкидлаш лозимки, Шукрулло қаерда бўлмасин, Сибирнинг изгирин совуғида ёки машаққатли меҳнат жабҳасидами, Ватанини асло унутмади, бутун қалби юрти билан чамбарчас боғланиб кетган эди. Яхшиси ўзидан эшитайлик: “Бир дақиқа бўлса ҳам Ватанимнинг бағрида бўлгандек ҳис қилдим. Таниш одамларим билан гаплашган, уларнинг дийдорларини кўргандек бўлдим. Юртимнинг шаҳар, далала-ри бағрида бўлгандек нафас олдим”. Бу гаплар лагерда ётиб, битта ўзбекча (“Қизил Ўзбекистон”) газетани ўқиб айтилган. Бундан кўнгли тоғдай кўтарилади, боши кўкка етгандай бўлади.

Чиндан ҳам “Фойибона мұхабbat” китобидан бир мұхим ғоя қизил ип каби ўтади. У ҳам бўлса – умидворлик, ишонч, азобларга бардош бериш қобилиятининг талқини. Шукрулло шўро даврида ҳибсга олинганда ҳам, қамоқда ётганида ҳам, Сибирда азоб чекиб меҳнат қилиб юрганда ҳам умид уни ҳеч қачон тарк этмаган. У умид билан яшаган, умид ҳаётга, курашга чорлаган, бало қазолардан сақлаган, куч-куvvват берган, ижод қилишга ун dagan. Қисқа қилиб айтсак, умид ҳамиша йўлдоши бўлиб қолган.

Китобхонлар ҳаётий далиллар ва мушоҳадаларга бой, эстетик қиймати юқори “Фойибона мұхабbat” асарига эга бўлишгани эътиборга молиқдир.





Наср

Жўра ФОЗИЛ

БОҒ

Ҳикоя

Атрофи баланд пахса девор билан ўралган колхоз боғи шунчалар гўзал ва сирли эдики, бу сўлим гўша билан боғлиқ воқеалар болалигимнинг энг ёрқин хотираси бўлиб ҳамон тушларимга киради.

Боғ қанчалик ғаройиб бўлса, асли исми Фармон бобо, лекин негадир ҳамма Амаки деб атайдиган қоровули шунчалик ажойиб одам эди.

Боғ колхоз идорасига туташ, бу ер эртаю кеч катта-кичик вакиллар, текширувчи тафтишчилар билан гавжум эди. Улардан безор бўлган раис, ҳосилот ва ҳисобчи кўпинча бекиниб юришар, раҳбарларни сўраб жуда тиқилинч қилганларни котиб амаллаб алдарди. Қора от миниб юрадиган хўппа семиз, кўркоқ ва довдир раис эса бу вақтда қоронғи қилиб қўйилган хос хонасида хуррак отиб ётарди.

Табиийки, тушга томон меҳмонлар очқар, улар сўлим бокқа ўғринча назар ташлаб кўярдилар. Ана шунда табиатан жуда сахий ва очиқкўнгил Амакининг жони кириб қоларди. Чунки ошпаз жуда хасис одам бўлиб, раис айтмагунча бировга бир бурда нон бермасди. Туман марказидан олти чақирим олисда бўлган қўрғонда бирорта ошхона йўқ, яккаю-ягона дўйондан ароқ, консерва ва шўр бодрингдан бўлак егулик топилмасди. Кейин текширувчи дегани ҳеч замонда ўз чўнтагидан овқатланарниди? Бояқишлилар қовоқ-тумшуқларини уйиб, савлат тўкканча уёқ-буёқка юришар, лекин очлиқдан қулдираётган қоринлари аҳволларини фош қилиб турарди.

Амаки шундоқ яқингинадаги уйига югуриб бориб, хотинининг ҳай-ҳайлашига қарамай, қўлига нима тушса, товуқми-хўрозми, шартта сўярди. Сўнгра боғ адогидаги ҳужра яқинида, омонат ўчоқда қозон осиб, овқат пиширар, магазиндан қарзга бир жуфтгина ароқ олишни ҳам унутмасди. Қарабисизки, меҳмон ҳам, амаки ҳам хурсанд эди.

Ой охирида ғарибина маош дўйондаги қарзларга тўланар, хотини: “Ахир болалар нима ейди?”, дея жанжал қиласар, лекин Амакининг меҳмонлар учун ёзиғлик дастурхонидан ҳеч вақт таом аримасди. Шу боис чор-атрофдан келувчиларнинг ҳаммаси Амакини танир, ҳурмат қиласар ва у туман маркази ёки шаҳарга сафар қиладиган бўлса, ўша ёқларда уч-тўрт кун қолиб кетарди.

У ҳовли - боғида ҳар бири шокосадай келадиган анор етиштириб, шаҳар бозорида сотар, шунча меҳмондорчилиқдан ортиб, боғбонлик қилишга қачон вақт топишни ҳеч ким билмасди.

Бизни эса Амакининг дөхқончилиги ҳам, меҳмондорчилиги ҳам сира қизиқтирмас, унинг кўзини шамғалат қилиб, боқقا шўнғиш, қўйнимизни мева-чевага тўлдириб, жуфтакни ростлаб қолиш тўғрисида хаёл сурардик, холос. Боқقا шўнғиш эса ҳийла мураккаб ва хавфли иш эди.

Бу ерда одам доимо гавжум, устига-устак Амакининг хўтиқдек келадиган Хайбар лақабли ити бўларди. Шу боис биз ўзига хос усуллардан фойдаланаардик. Амакининг кенжа ўғли Абдужаббор биздан икки ёш кичик бўлиб, уни “йўлбарс-йўлбарс” ўйнаймиз дея аврардик. Хайбар Абдужабборни кўргач, бизга кўз юмарди. Биз, хонаки йўлбарслар боғнинг олис бурчагида, ариқ ёқалаган баланд пахса девор раҳнаси ёнида тўпланардик. Бир оз ўйнаганимиздан сўнг, жўрабошимиз Ҳамид бизга кўз қисиб қўйиб, Абдужабборга юзланарди.

– Шу, биласанми, жўражон, йўлбарсларнинг қорни жуда очқади-да...

Абдужаббор, бир оз соддароқ болакай, жўрабошимизни чин дилдан жуда ҳурмат қиласмиди, ёнки унинг жангарилигидан чўчиримиди, ҳар қалай дарҳол савол берарди:

– Хай, нима қилиш керак?

– Ҳеч нима, фақат йўлбарслар энди қорнини тўйдириши керак...

– Хай, йўлбарсларга анжир ҳам бўлаверадими?

– Э-э, бўлганда қандоқ! Ахир, йўлбарслар анжирни жуда яхши кўришади! Йўлбарс қанча кўп анжир еса, шунча зўр бўлади!

Абдужаббор биринчи бўлиб ўзини ариққа отар, биз унга эргашиб, девор раҳнасидан ўтгач, ҳар биримиз бир улкан анжир остига кириб олардик-да, қоринни роса тўйғазардик.

Бу фойдали ўйин кун сайин тақрорланар, мевалар пишиб етилишига қараб, “дастурхонимиз” ўзгариб туради. Болалик экан-да, бўлмаса, қоровул ўғли Абдужаббор учун бу даҳмазанинг нима кераги бор эди? У истаган мевасини шундоқ ҳам ея оларди. Чамаси, Ҳамид ўйлаб чиқарган ўйин унга жуда маъқул эди.

Биз ўшанда, ўйиндан ўт чиқди, деган гапнинг мазмунини яхши билмасдик.

Хуллас, кунларнинг бирида йўлбарслар нокка тўйиб олишгач, Ҳамид Абдужабборга шундай деди:

– Бу, йўлбарсларнинг ҳам ота-онаси, бола-чақаси бўлса керак?

– Албатта бор, – тасдиқлади Абдужаббор, одатдагидек ҳозиржавоблик билан.

– Улар ҳам нок ейдими, йўқми?

– Еганда қандоқ! – қийқирди қоровулнинг кенжа ўғли. Ва биз яна бир неча дараҳтни шип-шийдон қилдик. Энди жуфтакни ростлаймиз деб турганимизда, бирдан таҳдидли товуш янгради.

– Ҳой, бадбахт, тўхта, ким бу?

Буни қарангки, йўлбарсларнинг бири адашиб, шийпонга яқин борган, уни кўриб қолишган экан. Аксарият шериларимиз қочиб қолишиди. Лекин дараҳтдан паствлаб улгурмай мен, Ҳамид ва Абдужаббор ўша қурумсок ошпазнинг кўлига тушдик...

Ҳовуз устига қурилган сўлим шийпонда зиёфат авжида, кўрада хушбуй хид таратиб кабоб пишар, столда бир неча ароқ шишалари бор эди. Тўрда мовий кўзли, ғоят кўхлик жувон ўтирас, сипо кийинган киши, афтидан, райком котиби, ҳар замонда унинг белига кўл югуртириб шилқимлик қиларди. Колхоз раиси эса уларга ялтоқланиб ҳали қошиқ, ҳали сочиқ тутар, зир югуриб, кабоб ва яна аллақандай таомлар таширди.

Ошпаз, Ҳамидинг бикинига бир туртиб, бизни шийпонга етаклади. Абдужаббор ҳам дўстлик ҳақи-хурмати ёнимиздан кетмас, кўзлари тўрт бўлиб отаси ва Хайбарни изларди.

Бизга ҳеч ким эътибор қилмади. Шийпондагилар пиёлаларни жаранглатишар, ҳалиги сипо кимса эсаmallасоч жувонни ўпарди.

Ниҳоят, ошпаз ўзи ширин таом пишириш билан бирга колхоз мулкининг қўриқчиси ҳам эканини кўрсатгиси келиб, раисга юзланди.

– Раис бобо, бу ўғрибачаларни нима қилай? Нокларни шундай пайхон қилишибди...

Раис қизариб-бўзариб турган Абдужабборга ҳайрон бўлиб тикилди-ю, сўнг дағдағага ўтди:

– Нима қилардинг, колхоз мулкини ўғирлашгани учун милисага топширасан-да! Раис важоҳатидан кўркиб кетиб, учаламиз бараварига йиғлаб юбордик. Шунда мовий кўз жувон қўлидаги пиёлани қўйиб чимирилди.

– В чём дело? Почему дети плачут?

Чаласавод раис адои тамом бўлганди. Бояқиш русча у ёқда турсин, ўзбекчани ҳам эплаб гапиролмасди; дам меҳмон аёлга, дам райком котибига мўлтираб боқарди. Сўнгра тили зўрга калимага келиб бидирлади.

– Э-э, ани, э-э, нок ўғирлаган... Ман, акун, милиса...

– Какая милиция? Дурак что ли?

– Йўқ, акун, нет, ман дуррак, ман эшшак! Раис тамоман ўзини йўқотиб қўйди.

Жувон райком котибига норозилик нигоҳини ташлади:

– Твой раис или напился, или совсем бестолковый. Скажи, чтоб детей немедленно отпустили!

Котиб раисга ўқрайди. Қора юzlари буғриқиб, ҳансираётган раис илтижо қилди.

– Энди райком бобо, биздан ўтти. Ман, акун, ҳозир буларни ота-онасига топшираман...

– Қўйинг, ўzlари кетаверишади!

Бу гапдан сўнг йигидан тўхтадик.

Шарманда бўлган раис ва ошпаз бараварига кўл силтади. Сичқон ини минг танга дея, боғ дарвозаси қолиб, ўзимизни яна раҳна томонга урдик-да, кўздан ғойиб бўлдик. Абдужаббор ҳам ҳаллослаганича ортимиздан келарди.

Ноклар ёнга қолди, шармандалиқдан кутулдик. Кайфиятимиз чоғ эди. Ҳамид, Абдужабборнинг елкасига кўл ташлаб, уни мақтади.

– Маладес, дўстим! Сен бугун ҳақиқий йўлбарснинг ишини қилдинг!

Юксак баҳодан қоровулнинг эрка ўғли севиниб кетди. Ўша йилларда болаларни анчайин оғир синовлардан ўтишга мажбур этадиган миллий ўйинлар жуда кўп эди, ўша мусобақаларда ёш ва нимжонроқ Абдужаббор кўпинча кулги бўларди. Шу боис мақтов унга жуда ёқди.

Осонгина кутулганимизга шукур қилиб, уй-уйимизга тарқадик. Кейинчалик ўша куни Амаки ва Хайбар нега боғда йўқлиги сабаби маълум бўлди. Айтишларича, меҳмон аёл итдан роса кўрқар экан, у безовта бўлмаслиги учун Амаки Хайбарни эргаштириб уйига жўнаган. Боз устига, вилоятдан аллақандай меҳмонлар келиб қолишган экан. Боғ бандлиги боис, Амаки уларни уйига таклиф этиб, қуён сўйган, ароқ олиб келиб кечгача шакаргуфторлик қилишган.

Яхши билардикки, ўша куни боғда Амаки бўлганида бунчалик нокулай аҳволда қолмасдик. Гап Абдужаббор билан бирга эканимизда ҳам эмас. Олдинлари, ҳали “йўлбарс-йўлбарс” ўйнамаган кезларимизда ҳам, бир неча марта Амакининг қўлига тушганимиз. У сал дўй-пўписа қилиб, ими-жимида қўйиб юборар, ўлжаларимизни тортиб олмас, ота-оналаримиз ҳам воқеадан хабар топишмасди. Лекин бу гал қилмишимиз бутун қишлоққа ёйилди. Кимdir отасидан калтак еди, кимdir танбеҳ эшилди.

Казо-казолар олдида ўсал бўлган чаласавод раис ва қурумсоқ ошпаз биздан боплаб ўч олди. Қилмишимиз ҳатто мактаб директорининг қулоғига ҳам етди. Лекин у, айрим илмоқли гаплар қилган бўлса-да, ҳарқалай жазоламади. Бу гап-сўзлар ўз йўлига, бизнинг бутун диққат-эътиборимиз эса ҳамон ўша боққа қаратилганди. Ахир, бу боғдаги ҳар бир дараҳт, гулу кўчат қаерда, қандай жойлашгани, қайси мева қаҷон пишишини яхши билардик ва боққа киришнинг янги йўлларини ахтарардик. Бўйимиз хийла чўзилиб қолгани боис, энди бачканга ўйинларни ишга солишга уялардик.

Кўпчилик бўлиб, эътиборни жалб қилмаслик учун, боққа якка тартибда шўнғиши ҳадисини ола бошладик. Бироқ бу усул жуда хавфли эди. Чунки, иш чаппасидан келса, ҳали айтганимдек, Амакидан осон кутулишнинг иложи бор. Лекин Хайбар аяб ўтираса керак. Ёнингда Абдужаббор бўлмагач, Хайбар сени неча пулга оларди?

Жўрабошимиз Ҳамиднинг топқирлиги ва жасурлигини сўзсиз тан олардик. Бироқ унинг андаккина қусури борлигини ҳаммамиз яхши билардик. Ҳамид курғур, Шум болага ўхшаб, онда-сонда лоф уриб қоларди. Боққа киришнинг янги усулини ўйлаб топиш учун у яна лофга ўтди.

– Болалар, – деди у бир куни кутилмаганда, келинглар, энди “бургут-бургут” ўйнаймиз.

– Бунинг нима бало яна? – норозиланиб түнғиллади Тўра. У бечора, ўйинимиз фош бўлганидан сўнг, отасидан роса калтак еганди.

– Ҳеч қанақа бало эмас! – деди тантанавор оҳангда Ҳамид. – Шу, энди боққа фақат бургутдек учиб киришга тўғри келади!

Бу гал унинг сўзларига ҳеч ким қўшилмади. Тўғри-да, ахир, йўлбарсдек эмаклашнинг иложи бор эди. Бургутдек учишнинг сира иложи йўқлигини бир қарич бола ҳам билади-да.

Лекин Ҳамид, жуда қайсар бола, таслим бўлишни истамасди.

– Сенлар ҳаммаларинг анқов, қўрқоқсизлар! Ахир, тахтадан қанот ясаса бўлади-ку! Сўнгра идоранинг томига чиқиб, боғ томонга қанот қоқасан, вассалом!

– Ҳа, қанот қоқасан-у, шундоқ Хайбарнинг қучоғига тушасан-қўясан, – эътиroz қилди Тўра.

– Ҳе, ахмоқ, – аччиқланди Ҳамид, – Хайбарнинг қучоғига ўзинг тушавер. Мен эса сўзимни исбот қиласман!

Бу ўринда Ҳамид сўзини исботлаш учун нималар қилганини батафсил айтиб ўтирамайман. Қисқаси шуки, бояқиши колхоз идораси томидан йиқилиб, бўйни синишига озгина қолди. Боз устига, отасининг иморат учун асраб қўйган ёғочини исроф қилгани учун дакки еди.

Тўғри, бу орада Абдужаббор бизни куруқ қўйгани йўқ, сархил мевалар билан сийлаб турди. Лекин мевани ўзинг дараҳтдан узиб еганга не етсин? Қўлдан берганга куш тўймас, деб бежиз айтишмаган. Ҳамма янги усул излаб юрганида, каминанинг омади келиб қолди денг.

Амакининг Жамила исмли бўйга етган ғоят кўхлик қизи бўлиб, унга жисмоний тарбия ўқитувчимиз Камол ошиғу бекарор эди. Буни бутун қишлоқ биларди-ю, чамаси, Жамила билмасди. Ўқитувчи йигит жуда тортинчоқ эмасми, дардини юрак ютиб айтолмасди. У бир куни идора ёнида мени имлаб чақирди-да, қўлимга тўрт бусланган қофоз тутқазиб, илтижо қилди:

– Шу хатни Жамилага элтиб бер. Илтимос, ўзинг очиб ўқима. Сенга “5” қўяман!

Мен ўқитувчининг сўзларини эшитмасдим, қўзимга Жамила ҳам қўринмасди, фақат боққа очиқасига кириб бориш имконияти пайдо бўлаётганидан хурсанд эдим. Энди менга қанотнинг ҳам, Абдужабборнинг ҳам кераги йўқ! Тўппа-тўғри кириб боравераман. Амаки сўраб-нетиб қолса, “Жамила опамда ишим бор эди” деб қўя қоламан. “Нима ишинг бор эди?” деса, “Шу, бир китоб сўраб олмоқчи эдим” дейман. Хатни эса кўрсатмайман...

Кейин Жамилахоним хат билан овора бўлиб, мени унутади. Ана ўшанда акангиз ўзларини секингина анжир тагига оладилар. Ўзи ҳозир анжир ғарқ пишган пайт...

Шу топда Ҳамид айтган қанот гўё елкамда пайдо бўлганди. Муаллим қўздан йўқолгач, ўлланиб қолдим. Дафтарнинг қоқ ўртасидан узиб олинган икки варакда нима ёзилган экан-а? Ҳар қанча ёшу ғўр бўлмайин, шуни билгим келди.

Буклоғлик қофоз қўлларимни кўйдиради. Ундаги илиқ сўзларга кўз югуртирадар эканман, ҳаяжондан қалтирай бошладим. Бу, Камолбой, ландовур қўринса-да, хат ёзишга жуда чечан эканлар-ку!

Мактубда Жамила шундай таърифланган эдики, муаллим қолиб, боғбон қизига ўзим ошиқ бўлиб қолаётдим. Э-э, ўлманг, муаллимжон, сизни боши билан копток “тепиш”дан бошқасини билмайди дейишарди. Сиз эса шундоқ ёнимизда юрган оддийгина қишлоқ қизини салкам фариштага чиқариб қўйибсиз.

Хуллас, дўстимнинг опасига чала ошиқ бўлиб, боғ дарвозаси томон одимладим. Оёқ учида юриб, шийпонга яқинлашганимда, рўпарамадан Жамиланинг ўзи чиқиб қолса бўладими?! Омадни қаранг-а.

Хаёл суриб қолдим. Муаллим ҳақ экан, Жамила ҳақиқатан ҳам жуда гўзал эди. У менга савол назари билан қараб, ингичка қалам қошларини чимирди.

Тилим калимага келмас, бечора муаллим ҳақида ўйлардим. Бояқиши ҳозир севгилисини кўрса, эси оғиб қолса керак. Мендан садо чиқавермагач, қизнинг ўзи тилга кирди.

– Ҳа, Абдужабборнинг жўраси, кимда ишинг бор? Ёки яна “йўлбарс-йўлбарс” ўйнамоқчимисан? Укам таъзирини еди, энди ўйнамайди!..

Тамомила ўзимни йўқотдим.

– Ҳе, шу, сизга... Бир киши... Бир хат!..

Пойинтар-сойинтар гапларимдан Жамила кулиб юборди.

– Нима, бир киши? Қанақа бир киши? Сен ўзи нималар деяпсан?

Хат яна қўлларимни куйдира бошлади. “Нима бўлса бўлар, ахир, хатни мен ёзганим йўқ-ку”, – дедим ўзимча ва тилга кирдим.

– Мана бу хат сизга, опажон! Уни муаллимимиз Камол ака ёзганлар. Лекин ўзиям, жуда зўр хат! Сизни шундай мақтабдиларки, ўқисангиз, оғзингиз очилиб қолади.

Ҳақиқатан ҳам Жамила каловланди. Мен тантана қиласдим. Ана кўрдингизми, акангизнинг муаллими шундоқ чиройли қизларниям қойил қолдиради!

Лекин кувончим узоққа чўзилмади. Жамила калхатдек чанг солди-да, мактубни юлиб олди, сўнг очиб ҳам ўтирумай, йиртиб ташлади.

Унинг чиройли кўзлари яшиндек чақнар, важоҳати кўрқинчли эди.

– Ҳе, хати бошидан қолспин! Мен хатига зор эмасман!

Ҳали ўзимни ўнглаб олмай қиз қулоғимни бурай бошлади. Аста инградим-да, амаллаб қўлидан чиқиб қочдим. У мени таъқиб этишдан тўхтаб шангиллади:

– Ўртага тушиш қандай бўлишини сен тирмизакка кўрсатиб қўяман! Бориб айт, ўша ландовурга, кўзим учиб тургани йўқ!

Бу ёги қандоқ бўлди энди? Хат баҳона анжирга тўяман деб, қулоқдан ажрашимга озгина қолди. Мен аҳмоқ ҳали унга ошиқ ҳам бўлмоқчидим. Йўқ, ўша Камолбойга насиб этсин-е! Лекин ҳозирги важоҳати бўлса, бечора муаллимим ҳам қуруқ қолса кераг-ов.

Очиги, Жамиладан бунақа бедодликни кутмагандим. Аксинча, у хатни ўқигач, қўйни-қўнжимни мевага тўлдиради, бутунлай ийиб кетса ҳатто пешонамдан ўпиб эркалайди, дея хомтама бўлгандим.

Жамила қурмағур эса ҳамон муаллим икковимизнинг гўримизга ғишт қаларди. “Агар ошиқ-маъшуқлик шунақа бўлса, қуриб кетсин!” – дедим ичимда ва ташқари юрдим. Дарвозадан чиққач, жон ҳолатда у ёқ-бу ёққа қарадим-да, уйимизга қараб зингилладим.

Бир маҳал муаллим ҳаллослаганича мени қувиб етди. Чехрасида хавотир, умид ва аллақандай бетоқатлик аломатлари зоҳир эди. Бечорага раҳмим келаётган бўлса-да, сиртимга чиқармай тумтайдим. Чунки ўнг қулоғим ҳамон ловуллаб оғриётган эди-да.

– Хўш, қани гапир-чи, Жамила хатни олдими? Жавобини қаҷон бераркан? – деди у жавдираб.

– Жавоб эмиш, – тўнгилладим мен, – ҳеч қанақа жавоб йўқ. У хатни йиртиб ташлади. Яна, қулоғимни ҳам боплаб чўзди.

Камол бўзариб кетди, олазарак бўлганича мени юпатишга тушди.

– Майли, йиртса, йиртаверсин. Биз ҳам кўчада ётганлардан эмасмиз... Фақат буни ҳеч кимга айтма. Сенга албатта “5” қўяман!

– Керак эмас! Шундоқ ҳам “5”ларим тиқилиб ётибди!

– Мен сенга каттакон “5” қўяман! – бўш келмасди муаллим.

Қулоғимни ушлаганча уйга жўнадим, Камол ҳам ўз йўлига жўнаб қолди.

Орадан кўп ўтмай Жамила хатни хўжакўрсинга йиртгани, қулоғимни эса бекордан-бекорга чўзгани билиниб қолди. Пахта терими олдидан Камол ва Жамиланинг тўйлари бўлди. Биз бу тўйда мазза қилиб бекинмачоқ ўйнадик ва ёғлигина сермайиз ошдан тўйиб едик. Мактуб воқеасини учаламиздан бўлак ҳеч ким билмасди.

* * *

Бу дунёи дунда ҳеч бир мавжудот Вақт зарбасига дош беролмас экан. Қишлоқ изғиринли тонгларнинг бирида, қишлоқ кўчасини ларзага солиб, катта бульдозер ўтди. Бульдозер белкурагини шундоқ боғ деворига тақаб тўхтади. Хотин-халаж, болалар ва катталар ҳамма шу томон ошиқди.

Кўп ўтмай юқ машинасида нотаниш одамлар келишди.

Раис, партия қўмитаси котиби, ҳосилот, ҳисобчи ҳам шу ерда эдилар.

Казо-казо мәҳмонлар вилоят йўл қурилиши идорасидан экан, улар бульдозер ёрдамида боғни бузишни мўлжаллашган эди. Боғ ўрнида янги асфалт йўл чиқарилиши оғиздан-оғизга кўчиб юрарди.

Раис билан гаплашиб олган димоғдор киши ишора бергач, баҳайбат бульдозер боғга ҳамла қилди ва неча йиллик пахса деворнинг каттагина қисми гурсиллаб оғир кулади.

Худди шу асно қаршида қўшофиз милтиқ кўтарган Амаки пайдо бўлди. Унинг овози шовқин-суронни босиб юборгудек даражада жарангдор эди.

– Ўчир, тракторингни! Бўлмаса ҳаммангни отиб ташлайман!

Чолнинг пайлари бўртиб турган кўллари қалтирарди.

Иш бундай тус олишини кутмаган мәҳмону мезбонлар гангиг қолишиди.

Улар ўзаро пичирлашиб олишгач, иш тўхтатилди.

– Бу боғни бузаман деган одам, аввал ўлигим устидан ўтиши керак! – деди Амаки милтиқни елкасига осар экан.

– Бўлди, бўлди, Амаки, – деди раис муроса қилиб, – энди бу боғни ҳеч ким бузолмайди, мана, мен кафил!

Жимгина тарқалаётган оломонни кузатар эканмиз, бари бунчалар осон тугаганига ишонишни ҳам, ишонмасликни ҳам билмасдик.

Ҳавотиришимиз бекорга эмас экан. Орадан бирор ҳафталар ўтгач, тонгда уйғониб, идора ёнига келганимизда, алданганимизни англаб етдик.

Тонг қоронғисида уйкудаги боғ маҳв этилганди. Кимлар учундир бу оддий довдараҳт ўсадиган шунчаки бир гўша бўлса, биз учун ўсмирлик орзу-умидларимиз беланчаги эди.

Илдизи билан қўпорилган кўп йиллик дарахтлар, қулаган пахса деворлар жуда аянчли манзара касб этган, шўппайиб турган ёлғизгина темир дарвоза юракларга андуҳ соларди.

Шу куни эзиз ёмғир ёғди. Она табиат қиши уйқусида маҳв этилган боғ учун кўз ёш қилиб, мотам тутди. Самодан тўхтовсиз тўкилиб турган биллур томчилар биз, болалар, Амаки ва Хайбарнинг кўз ёшларига қўшилиб кетар, шилта-лой кўчалар ҳувиллаб қолганди.

Юзлари қорайиб кетган Амаки савдоидек бўлиб қолди. У ҳеч ким билан гаплашмас, қўшофиз милтиғини елкасига осганича, боғ вайронасида айланниб юрар, биз ҳам шу ердан нари кетолмасдик.

Амаки ўзи учун жуда қақшатгич бўлган зарбадан сира ўнгланолмай, орадан бир неча ой ўтгач, вафот этди.

Бу орада асфалт йўл тайёр бўлди. Боғни иккига бўлиб ўтган йўл хотираларимиз кўксига урилган ханжарга ўхшар эди...





Жараён

Қозоқбой Йўлдош,
профессор

РОМАН ВА БУГУНГИ ЎЗБЕК РОМАНЧИЛИГИ

(2010 йил романлари мисолида)



Ҳар қандай мамлакатнинг иқтисодий қудрати оғир саноатининг қанчалик ривожланганига қараб белгиланганидек, ҳар қандай миллий адабиётнинг инсоният эстетик тафаккурига кўшган ҳиссаси ҳам ундаги романчиликнинг саломги билан тайин этилади. Чунки роман миллат бадиий тафаккурининг тараққиёт даражасини намоён этади.

Романнинг бугунини тушуниш ва истиқболини башорат қилиш учун бу жанрнинг нима учун, қачон ва қаерда пайдо бўлганини аниқлаш ҳамда унга хос етакчи белгиларни тайин этиш лозим бўлади. Илк романлар милоднинг XII-XIII асрларида роман тилларида сўзлашувчи халқлар орасида юзага келган. “Роман тиллари” тушунчаси “Рим (Рома)га тегишли” деган маънени англашиб, лотин тили асосида шаклланган испан, италян, молдова, португал, румин, фламанд, француз ва бошқа тилларни ўз таркибига олади. Илк романлар пайдо бўлган даврда Оврўподаги деярли барча давлатлар учун лотин тили расмий ва бадиий тил саналарди. Аҳолининг асосий қисми эса лотин тилини билмас, бинобарин, адабиётдан бебахра эди. Ана шундай шароитда, аҳолининг руҳонийлар ва аслзодалардан кейинги учинчи ва сон жиҳатидан энг катта қатлами бўлмиш иш одамлари, косиб-хунармандларга тушунарли бўлган тилдаги, уларнинг дидига мувофиқ келадиган асарларга эҳтиёж пайдо бўлди. Роман ана шу эҳтиёж натижаси ўлароқ юзага келди. Илк пайдо бўлган чоғида роман тилларининг бирида яратилган асар роман саналиб, “роман тилидаги қисса ёки ҳикоя” маъносида **conte roman** дейилган.

Романнинг айнан ўша вақт, ўша жой ва шу шаклда пайдо бўлишига сабаб нима? Маълумки, антик даврдан қолган анъанага кўра барча бадиий асарлар “юксак поэзия” шаклида бўлиб, уларга маъбуллар, коҳинлар, салтанат эгалари, кам деганда, аслзодалар қаҳрамон қилиб олинарди. Учинчи қатлам, яъни, меҳнат кишилари учун бу асарларнинг тили тушунарсизлигидан ташқари, қаҳрамонлари ҳам мутлақо бегона эди. Ҳолбуки, бу даврга келиб учинчи қатлам ҳам сон жиҳатидан, ҳам иқтисодий мавқеига кўра катта кучга эга эди. Агар инсоният тарихининг шу даврига қадар бадиий асарлар неъматларга эгалик қилувчи ва тақсимловчиларнинг дидларига мувофиқ яратилган бўлса, XII асрдан эътиборан ишлаб чиқарувчиларнинг дидларига мос асарлар ҳам яратиладиган бўлди. Меҳнат билан кун кўрадиган оддий одамларнинг эстетик эҳтиёжи натижаси ўлароқ пайдо бўлган романларда акс эттирилган воқеалар, уларда тасвирланган образлар ва бу асарларнинг ифода йўсими ҳам ўқирманларнинг интеллектуал даражасига мувофиқ бўлиши табиий эди. Шунинг учун ҳам Гегель романни нимкиноя билан “буржуазиянинг эпопеяси” деб атайди.

Роман учинчи қатламга мансуб кишилар дидига мувофиқ дунёга келган ва олдин шаклланган “юксак поэзия” намуналаридан кескин фарқ қиласидиган жанр бўлгани учун жуда узоқ вақт давомида адабиёт назариётчиларининг эътиборидан четда қолиб

келди. Деярли етти юз йил мобайнида романга хос белгилар илмий жиҳатдан тадқиқ қилинмади. Бу борадаги илк назарий қарашлар романчиларнинг ўзлари томонидан билдирилди. Фақат XIX асрга келиб, Гегель роман назариясига кўл урди. Айнан назарий қолипнинг йўқлиги романнинг хилма-хил синкетик ва қиртоқсиз жанр бўлишига олиб келди. Назарий чекловларнинг камлиги сабабли роман етакчи адабий жанрга айланди. Роман тарихига қилинган қисқа экспурсия унинг жанр сифатидаги белгиларини түғри аниқлаш имконини беради. Ибтиода инсоннинг индивидуал хусусиятлари, руҳият жилвалари тасвирига эътибор қаратилгани боис, Белинский романни “индивиднинг эпоси” деб атаган. Кўринадики, роман алоҳида шахсларнинг ички дунёсини бадиий идрок этиш ва изоҳлаш йўсими сифатида юзага келган.

Роман ўзининг тарихи мобайнида қаҳрамонларни тасвирилаш йўсими ҳамда инсон шахсига ёндашув маромига кўра асосан **очиқ ёки экстенсив** ва **ёпиқ ёхуд интенсив** сингари икки турга бўлинди. Сервантеснинг машҳур “Дон Кихот”идан бошланган очиқ романларда тасвириланаётган образларнинг тақдири, хатти-ҳаракатлари, фаолияти ижтимоий турмуш билан алоқадорликда, ҳаётий детерминизмга мувофиқ сабаб-оқибат боғликлигига тасвир этилади. Очик романларда одамга асосан ижтимоий мавжудот деб қаралиб, унинг тақдирида жамият тартиблари, ижтимоий асослар ҳал қилувчи мавқеда бўлиши кўрсатилган.

Француз адиди М. М. де Лафайетнинг “Малика Клевская” асаридан бошлаб, алоҳида бир одамнинг ўй-кечинмалари чуқур кўрсатиладиган, тасвир фокуси қаҳрамон шахсиятининг ички жиҳатларини акс эттиришга қаратилган ёпик романлар яратила бошланди. Ёпик, яъни, персонажларнинг табиати ва хатти-ҳаракатларини тўлиғича ижтимоий тартибларнинг маҳсулси сифатида тасвирламаган романларда асосий эътибор инсон руҳияти товланишларини кўрсатишга қаратилган. Вақти келиб, инсон руҳиятининг ўзи олами кабир эканлиги англаб этилиб, уни бадиий акс эттириш усуллари эгаллангач, бирваракайига очиқлик ва ёпиқлик хусусиятларига эга бўлган романлар яратила бошланди. Одам ички дунёси, руҳияти ва ўйларининг ҳам ижтимоий, ҳам психо-физиологик асосларини бадиий тасвирилаш муҳим бўлганидан бу икки хусусиятнинг аралаш кўпланиши кенг ёйилди.

Роман жанрига хос белгиларни тайин этиш борасида ўзбек адабиётшунослигига ҳам анча ишлар қилинган. Агар дастлабки тадқиқотларда ҳажмнинг катталиги ва мавзу жанрининг асосий белгилари сифатида қаралган бўлса, кейинчалик романнинг моҳияти ўзга унсурлардан ҳам қидирила бошланди. Чунончи, адабиётшунос профессор Дилмурод Қуронов: “...асарда қўйилган муаммолар кўлами жанр хусусиятларини белгиловчи унсур сифатида олинishi мумкин. Бу жиҳатдан ...роман дунё-ю даврни билиш мақсадига қаратилган бўлса, қисса марказида қаҳрамон характери, ҳикояда эса конкрет ҳаётий воқеа туради. ...Кўрамизки, роман, қисса, ҳикоя жанрларига мансуб асар қаҳрамонлари асарда тутган мавқеи, аҳамияти, вазифаси жиҳатидан фарқланади. Роман муаллифи учун қаҳрамон восита – дунёни англаш (буниси мақсад) воситаси, қиссанавис учун қаҳрамоннинг ўзи мақсад (воқеа-ҳодисалар восита), ҳикоянавис учун воқеанинг ўзи мақсад бўлиб қолади”. Олимнинг роман дунё-ю даврни билиш мақсадида яратилади ва унинг қаҳрамони ана шу жараённинг воситаси деган фикрига кўшилиб бўлмайди. Чунки юқорида келтирилган далиллар роман дунёни эмас, балки айнан индивидни англаш мақсадида юзага келганини кўрсатади.

Бугунги кунда ўзбек романчилиги ўз тараққиётининг полифоник босқичига етиб келди. Эндилиқда, мавзунинг долзарблиги, воқеаларнинг қизиқарли ёхуд тилнинг ширали экани романни ўқишили қилгани ҳолда, унинг умрзоклигини таъминлай олмаслиги мумкинлиги англаб этилди. Замонавий ўзбек романни муаллифидан ҳар бир қаҳрамонини тушуниш ва акс эттиришнинг бирорнига мутлақо ўхшамайдиган концепциясига эга бўлиш талаб қилинади.

Ўтган 2010 йил романчилик хирмони баракали бўлди. Муҳаммад Алининг “Улуғ салтанат” тетралогиясининг учинчи китоби, Омон Мухторнинг “Хотин подшоҳ” ва “Мұхабbat ўлимдан кучли”, Аҳмад Аъзамнинг “Ўзи ўйланмаган совчи”, Исажон Султоннинг “Боқий дарбадар”, Жумакул Қурбоновнинг “Сардоба”, Зулфия Қуролбой қизининг “Машаққатлар гирдobi”, Нурилла Аббосхоннинг “Шўрқишлоқ”, Абдуқаюм Йўлдошнинг “Банкир” романлари тобора шахслашиб бораётган миллат вакилларининг ички оламидаги турли зиддиятларни кўрсатишга бағишлилангани билан ажralиб туради.

Таниқли ёзувчи Аҳмад Аъзамнинг бир даврда яшаб, деярли бир хил ижтимоий шароитда фаолият кўрсата туриб, табиатлари ва тутумларидаги турфаликлар сабаб

инсонийлик синовларидан турлича йўсинда ўтган ёшлар ҳаёти акс эттирилган “Ўзи уйланмаган совчи” романида худди бир одам каби бутун миллату жамият ҳам бир маънавий-ахлоқий ҳолатдан бошқасига оғриқсиз ўтолмаслиги акс эттирилган. Шундай даврда ижод қилиш чекига тушган ёзувчилар ўз атрофидаги одамлар ва уларни юзага келтирган ҳамда улар томонидан юзага келтирилган шароитга киноявий назар ташлайди ва нуқсонларни ошириброк тасвирлашга мойил бўлади. Ижодкор очун миқёсида фикрлай бошлагандা, одамнинг тутумлари ва оламнинг ҳодисаларига киноявий ёндашув устуворлик қиласди. Ўзини ўраб турган ижтимоий-миллий қобиқни ёриб чиқсан ижодкорда ҳажвий-киноявий тасвир асосий ифода воситасига айланади. Негаки, бундай вактда эстетик тафаккур воз кечилётган қадриятлардан зада бўлгани ҳолда ўзлаштирилиши керак бўлган қадриятларни аниқ тасаввур қилолмайди. Шунисиям борки, эркин одам ҳазиз ва кулгига мойил бўлади.

Ўзбек таянадиган маънавий ойинларнинг қадимийлиги билан глобаллашув туфайли халқнинг бугунги турмуш йўсунинга кириб келаётган янги тутумлар ўртасидаги номувофиқлик ва ўзгачаликлардан туғилаётган кулгили ҳолатларни акс эттириш “Ўзи уйланмаган совчи” романининг бош хусусиятидир. Ёзувчи кулги ҳосил қилишда зўракилик ва сунъийликка йўл қўймагани ҳолда тасвирга олинган ҳамма нарсада кулги кўра билган ва улардан кулги чиқара олган. Романда истеъмолчилик майли ахлоқ даражасига кўтарилиб, нимагадир эга бўлиш одамликнинг эталонига айланган, моддий истеъмолдан бўлак нарсалар иккинчи даражали деб қаралаётган шароитда ҳам илдизлари теран маънавий қадриятлар эскирмаслиги таъсирили акс эттирилган.

Аҳмад Аъзам ҳар бир персонажни ўз феълига яраша тил билан таъминлай олган. Шу боис, хилма-хил, бир-бирига ўхшамайдиган, айни вактда, бир-бирига жуда ўхшаш одамларнинг ички дунёси кўрсатилган бу роман, шубҳасиз, адабиётимизда ўзига хос эстетик ҳодиса бўлиб қиласди.

Омон Мухторнинг “Мұҳабbat ўлимдан кучли” романида эзгулик билан ёзувлар кучлари ўртасидаги адоқсиз ва муросасиз кураш муайян шахслар тақдирни мисолида мистика араплаш реал акс эттирилган. Адид ёвуздикнинг ҳеч қандай сабабсиз эзгуликка қаттол душман бўлишини Иброҳим билан Файрат Нусрат, ундан сўнг Нусрат Файрат, Ҳасан билан ўғли Ворис ва укаси Ҳусан ўртасидаги муносабатлар тасвири асносида акс эттирилган.

Омон Мухтор услугига хос бир жиҳат, яъни, тасвир йўсунини тўлиғича синиқ мозаика асосига куриш ушбу асарда ҳам устуворлик қиласди. Романдаги сўзлар қаторининг аксарияти синиқ, бу синиқ қаторлар орқали тасвирланган тимсолларнинг тақдирлари ҳам синиқ, персонажлараро муносабатлар ҳам синиқ, фақат синиқликнинг ўзигина бутундир. Омон Мухтор романлари услугидаги яна бир жиҳат улардаги воқеалар ривожи, тимсоллараро муносабатлар тасвирида драмага ўхшашлик борлигидир. Асарни мистикага ошно қилган жиҳат тасвирда хронотоп, яъни, макон ва замон мутаносиблиги талабига амал қилинмаганида ҳам кўринади. Унинг асарларида одам йўқликдан пайдо бўлиши, қаҳрамон неча асрлар олдин бўлиб ўтган воқеалар ичига тушиб қолиши, бугунда ўтмиш ва ўтмишда ҳозир намоён бўлиши мумкин.

Романда ўқирманинг чинакамига бадиий завқ олишига имкон бермайдиган жиҳатлар ҳам йўқ эмас. Чунончи, асарда: “**Спартакнинг ватандошлари Икор ва Ди-дол парвозидан тортиб**”, деган жумла бор. Омон Мухтордай тарихий далилларни пухта биладиган адид томонидан юонон мифларининг қаҳрамонлари хусусида бу қадар паришон маълумот берилиши мутлақо кутилмаган ҳолdir. Бу ўринда, юонон мифларидаги қаҳрамонлар: қанот ясад, кўкка учган ота-бала: Дедал ва Икар кўзда тутилган.

Исақон Султоннинг “**Боқий дарбадар**” асари ўзбек романчилигида алоҳида воқеа бўлди. У инсон интеллекти, одамийлиги ва ёвуздиги имкониятлари ҳақидаги фалсафий-рамзий романdir. Романда одамзод пайдо бўлгандан бўён унинг маънавиятини кемириб, тириклигига азобларга гирифтор қилиб, ўлгач, дўзах оловида куйишига сабаб бўлаётган манфаатпарастлик, қаноатсизлик ва нафс аталмиш иллатлар етовидаги кимсаларнинг қисмати акс эттирилган. Бу асар ҳар бир одам ва бутун башариятга қилинган огоҳлантириш, одамзодни ёзувлар ва ўз кучига ортиқча баҳо беришдан қайтаришга бўлган бир бадиий даъват десак, муболага бўлмайди. Профессор Дилмурод Куронов ва шоир Раҳимжон Раҳматнинг “Боқий дарбадар” асари ҳақидаги мақолаларида асарга муайян ижодий тажрибанинг маҳсули сифатида қараш сезилади. Бизнингча, ёзувчи романда тасвирланиши лозим бўлган шахслар, уларнинг тақдирлари ва ҳолатларини шунчалар яққол ҳис қилганки, асар ўз шакли билан дунёга келган.

Роман билан танишган ўқирманда, дастлаб асарнинг сюжет чизигидаги етакчи йўналишлар, тимсолларнинг истак-уринишлари тасвири Чингиз Айтматовнинг Авдий ва Филофей каби қаҳрамонлари туумларига ўхшаб кетади деган ўй келади. Лекин романдан келиб чиқадиган маъноларни чукур идрок этиш натижасида киши Исажон Султон масаланинг моҳиятини исломий назар билан тўғри англаганини ҳис этади. Буюк иродага бўйсунган инсоннинг инсоф, имон ва эзгулиги бош қаҳрамон бўлган ушбу асарда руҳий тадқиқлардан кўра воқеалар тасвири етакчилик қилгандай туюлсада, воқеалар маконда эмас, ўқирманнинг қалби ва шуурида кечгани учун асар индивиднинг эпоси бўлмиш роман талабига тўла жавоб беради.

Назаримизда, асарда профессор Зиёнинг ўғли образи табиати бир қадар кенгроқ тасвирланиши, асосланилиши ва такомилга етказилиши лозим эди. Ҳар битта одамнинг мавжудлиги унинг макони, миллати ва имонидан ташқарида бўлмаслигини англаган, ана шу қадриятларга меҳр кўйилгандагина глобал фалокатлардан эмин бўлинишини тушунган, табиий катаклизмлар инсоннинг маънавий айнишлари натижаси эканини кўра олган йигитнинг бу ҳақиқатларни ҳис этиши ёки унинг шу фикрга келишига туртки бўлган сабаб акс эттирилганда, роман савияси юксалган бўларди.

Ўтган йили босилган романлар орасида бир қанчаси миллат тарихининг турли даврларини акс эттиришга бағишиланган. Шуниси диққатга лойиқки, тарихни тасвирлашга тутинган ҳозирги ёзувчилар ўтмишдаги воқеаларга боғланиб, уларнинг қандай кечганини кўрсатишдан кўра тарихни яратган одам ва унинг кўнглидан кечган руҳий тўлғамларни акс эттиришга кўпроқ эътибор қаратадилар. Эндилиқда, ёзувчилар тарихий ҳодиса ва тарихий шахс тасвирига бир қадар эркин ёндашиб, тарихнинг юзага келиши ва тараққиётида конкрет инсон тутган ўринни кўрсатишга эътибор бераётирлар. Таникли ёзувчи Мұхаммад Алининг “Улуғ салтанат” тетралогиясининг учинчи китоби “Мироншоҳ миран” асари бу жиҳатдан аҳамиятлидир. Аввало, тетралогиянинг учинчи китоби бадиий жиҳатдан олдингиларига нисбатан пухталигини қайд этиш лозим. Бу китобга келиб, ёзувчи, ниҳоят, Амир Темур сиймосида фақат эҳтиром кўрсатиладиган соҳибқиронни эмас, адабий персонажни ҳам кўришга кўнига бошлагани сезилади. Асарда Мироншоҳ, Хонзода, Соғинч бика, Султон Баҳт, Шоҳ Мансур каби ўзига хос концепцияга эга тимсоллар эсда қоладиган қилиб ишланган.

Романда чинакам бадиий топилдиқ бўлган анчагина тасвирлар, тимсоллар мавжудлиги асарнинг қизиқарли ва ўқишли чиқишини таъминлаган. Гарчи, бу китобда ҳам тарихий сўзлар керагидан кўпайиб кетган бўлсада, унинг тили ўзига хос ва жозибали. Асарда Соғинч биканинг: “**Шаҳзода ҳам... мени севармикин? Мен-ку куйиб-ёнин юрибмен, у-чи? Севармикин?.. Ўйлармикин?.. Куйиб-ёнармикин?..**” тарзидаги гумонли ўйлари ишонарли берилган. Қизнинг романтик феъли, болаларча ўйлаши, тўғри-нотўғри қарорларни шартта қабул қилиши унинг табиатидан келиб чиқиб тасвирланган. Романдаги: “**Зулукдай қошлари чимирилди, икки чаккасидаги қора зулфи аламдан гажакдай қайрилиб ўзини соchlар орасига урди, чап юзидағи кичкина чиройли холи эса, нима бўляпти ўзи, дегандай атрофга ҳайрон боқарди**”, тарзидаги тасвирлар мумтоз романлар анъанаси даражасида экани билан эътиборни тортади.

Амир Темурнинг: “**Мен мамлакатларни бирлаштира олурмен, бунга кучим етадур, аммо зўрлик билан икки кўнгилни бир-бираига боғлашдан ожиздурмен**”, шаклидаги иқори ёки муаллифнинг у ҳақдаги: “**Самарқандалик вакътларида ҳеч ким унинг ...қайси боғдалигини билмас, у ҳеч қаерда эмас, ҳамма жойда эди**”, каби тасвири бадиий топилма даражасида. Темурбекнинг: “**Дунёда уруш отини ўчириш учун бел боғлагонмен, Мамат! Ажабо, бел боғлагон сарим уруш чиқадур, бу қандай сир-синоат?.. Наҳотки, қилич аралашмай қадам ташлаш мушкул бу оламда!**” йўсунда озорланиши тасвири эзгулика талпинган шундай қудратли одамнинг ёвузлиқ қаршисидаги ожизлигини табиий кўрсатади. Умаршайхнинг ўлганини эшитган Темур ҳолатининг: “**Соҳибқирон оҳиста ортига ўғирилди, кўзларига тўлиб ана тўқиламан, мана тўқиламан, деб турган ёшлар энди унга бўйсунмай қўйишиди. У ҳеч кимга боқмай, шоҳчодирга кирди... Лаҳза ўтмай, бир марта ўқирган овоз эшитилди**”, йўсунидаги тасвири ҳам ҳаққоний, ҳам таъсирчан чиққан. Романда ҳал қилувчи жангни бой беруб, ўлим ва тирикликнинг нозик чегарасига келиб қолган одамнинг руҳий ҳолати: “**Шоҳ Мансур беихтиёр қаради-ю... шуурида ортга чекинмоқ лозимлигини англади!** Чекинмоқ керак, чекинмоқ керак... Бутун ниятлардан, ўчу

қасослардан, салтанат таҳтидан, сулола шарафидан чекинмоқ керак, чекинмоқ керак”, йўсинида жонли чизилган.

Асарда соҳибқоронга Соғинч биканинг сирли равишда йўқолиб қолгани ҳақидаги хабарни айтиш жараёнининг сўнгги сонияларида буни билдириш мумкин эмаслигини се-зиз қолган Сароймулхоним усталик билан гапни бошқа ёққа буриб юбориши маҳорат билан тасвирланган. Бибихонимнинг малика аёллар қисмати ҳақидаги: “**Қисматимиш шундоқдир. Бошқа на иложимиз бор? Аммо ҳамма сур ўша “мехр қўйишишимиз осон” лигининг жуда қийинлигидадур, маликам!**” тарзида таъкидида кучли бади-ий ва ҳаётий ҳақиқат акс этади. Романдаги хоразмлик уста Матпано тимсоли ҳам ишо-нарли ва ўзига хос тасвирланган. Бу тимсол тасвири ўзига юклangan бадиий вазифа-дан ташқари, Темурнинг шахсиятини очишга хизмат қилганлиги билан ҳам эътиборга лойиқдир. Романда Саҳрои Кабирда бир томчи сувга зор бўлган баҳодирлар ҳолати тас-вири ҳам жуда таъсирли чиқкан.

Қайд этилган ютуқлар билан бирга, “Улуғ салтанат” романи тасвирининг айрим ўринларида салқилик борлигини, ҳамиша ҳам ўқирманда шавқ уйғотадиган таъсирчан ифода йўсими таъминланмаганлигини айтиш жоиз.

Омон Мухторнинг “Хотин подшоҳ” романидаги туркӣ ҳалқлар ҳаётидаги бурилиш даври бўлмиш испомнинг кириб келиш вақтида Бухоро салатанатини бошқарган Ойнур тимсоли меҳр билан тасвирланган. Гарчи, романда холис баён усули танланиб, ёзувчи тасвирда бевосита иштирок этмаган бўлсада, муаллиф ўқирманни гўё бир йўлбошловчи каби қадимий Бухоро бўйлаб етаклаб юргандай ва шаҳарнинг ўтмиши билан таништири-гандай бўлади. Асарда араб халифаси Муовия, унинг Убайдуллоҳ ибн Зиёд, Сайид ибн Усмон, Кутайба ибн Муслим каби лашкарбошилари ҳамда сотқин Хитфар Бухорхудот тимсоллари жонли тасвирланган.

Адид эътиқоду имон учун борган жанглар тасвирланган бу романидаги севгининг сеҳрли қудратини бир-бирига қарама-қарши турган туркӣлар билан арабларнинг етак-чиллари: Ойнур ва Сайид ибн Усмон сиймоларида акс эттиради. Бир-бирига ёғий бўлган икки ёш ўртасида беихтиёр пайдо бўлган натижасиз ва азобли севги тасвири асарга айрича жозиба бахш этган. Ёзувчи асардаги аксар персонажларни ўз ички оламига эга бетакрор шахслар сифатида тасвирлай олган. Бунда адид кичик бир тафсил орқали му-аян тимсолга хос жиҳатни ифодалаш йўлидан боради. Жумладан, Ойнурга тегишли: “**Хотин подшоҳ қароргоҳга кириб келганида бир дам гангиди. Сирасини айт-ганда, у – журъат, ўқтамлик билан юртни қўлида итоатли тутсада, ёш жу-вон (кечаги қизалоқ) эди**” ёки Сайид ибн Усмон ҳақидаги: “**У аёлми, эркакми ўзидан ақллироқ киши олдида доим бир нима дейшишга қурби етмай, саросималанаарди**”, сингари қисқа тасвирлар ёрдамида ҳар бир тимсолнинг ички дунёсини кўрсатишига эри-шади. Кўнгил майли, висол иштиёқи боис, бири олис саҳродан Бухоро томон, иккинчиси Бухородан саҳро сари от суреб, бир-бирига етай деб қолганда, кўнгил майли боис ортга қайтган Сайид ва Ойнур ҳолатлари тасвири таъсирли чиқкан. Шунингдек, ёзувчи бади-ий адабиётда илк бор Бухородаги туркӣлар билан форсийлар муносабатидаги нозик жиҳатларнинг илдизи борасида ишонарли тўхтамларга келади.

Айни вақтда, “Хотин подшоҳ” асарида услубан бадиий яратикдан кўра маърифий ўйналишдаги тадқиқотга ўхшаб қолган ўринлар борлигини таъкидлаш керак. Асарда ке-рагича ривожлантирилмаган бадиий топилмалар, якунланмаган тақдирлар борлиги ҳам ўқирманда эътиroz уйғотади.

Жумакул Қурбоновнинг “Сардоба” асари инқилобий тўнтариш йилларида Қаш-қадарё чўлларида яшаган кишилар ҳаётини акс эттиришга бағишиланган. Романнинг кўп ўринлари катта ҳарорат билан ёзилган. Муаллиф тасвир қамровини кенг олади. Асарда тасвирланган бир неча тақдирларни туташтирувчи умумий нуқталар топишда ривоят ва афсоналардан ўринли фойдаланилган.

Зулфия Қуролбой қизининг ғоят қизиқарли сюжет ва ширали тилга эга “**Машақатлар гирдоби**” романидаги асосан шиддатли воқеалар тасвирига интилингани учун ҳам тимсол-ларнинг руҳияти, уларнинг индивидуал қиёфасини акс эттириш борасида кутилган сама-рага эришилмаган. Асарда қаҳрамонларнинг кўнгил ҳолатлари, руҳий кечинмаларидан кўра, улар кечирган саргузашталарни тасвирлашга кўпроқ эътибор қаратилган. Гарчи, асардаги деярли барча тасвирларда мантиқий изчиллик, сабаб-оқибат боғлиқларни бўлишига эришилган эсада, алоҳида шахснинг индивидуал дунёсига киришга етарлича эътибор қилинмагани учун воқеаларнинг хайрли оқибати борасидаги ахборотни таъкид-

лаш устуворлик қилган. Айни шу ҳолат равон тилда, жуда саводли ёзилган асарнинг етарлича салмоқлу эстетик юкка эга бўлмаслигига олиб келган.

Нурилла Аббосхоннинг “Шўрқишлоқ” романи фожиавий рух ва юмористик оҳанг уйғунлашгани билан эътиборни тортади. Қаҳрамонлар табиати ва тақдири барча анъанавий романлардаги каби тўлиғича ижтимоий мұхитнинг оқибати сифатида қаралган бу асарда бир қишлоқ аҳлининг кейинги юз йиллик турмушини тасвиrlаш орқали миллат маънавияти ва ахлоқида юз берган эврилишларнинг сабаб ва омилларини кўrsatiшга уринилган. Асада образлар табиатини яхши очилган ўринлар бор. Чунончи, Сотимбой тракторчи, хотини Орифа, ўғли Малик муносабатлари ишонарли тасвиrlланган. Ёзувчи персонажнинг асл моҳиятини очишида баъзан юмордан ўринли фойдаланган. Гарчи, бир оз ошириб юборилган бўлсада, Салим капитарбознинг афғонлар кўлига тушиб қолгандаги ҳолати ҳам ўзига хос тасвиrlланган. Эрининг бошқа аёлга уйланганини билгач ҳам унинг юзига чопмаган мушфиқ Ойхон, ҳақиқий ҳаётда эмас, балки ўзининг телба-тескари ўйлари оғушида яшайдиган ношуд. Октябрь тимсоллари ҳам эсда қоларли чизилган.

Ўз ҳолица қизиқарли ва айрим образлар анча табиий акс эттирилган ушбу романнинг асосий камчилиги барча тимсолларнинг муаллиф етовида юришида намоён бўлади. Улар ўз табиатларидан келиб чиқиб яшамайди, балки кўпроқ муаллиф берган ролларни “ўйнайди”. Асада воқеа, ҳаракат, чопачоп кўп, ўй, рухият тасвири эса жуда кам. Энг ачинарлisisи, асад тилида шира, жозиба, индивидуаллик йўқ. Муаллиф қаҳрамонларидаги ҳар бир жиҳатнинг ижтимоий асосини кўrsatiшга уринади. Бош қаҳрамонлар яшаган оиласидаги бемеҳрлик илдизларини: “*Ёқуб, Шокир ва Насиба ҳөвленини бошига кўтариб, шовқин солиб уришиб-талашардилар. Булар тинч туришганда Раҳмон ака билан Карима опа жанжал кўтаришарди. Назира билан Султон эса энди тетапоя қила бошлаган бўлиб, улар ҳали жанжал қилишини билишмасди*”, тарздаги тасвири орқали бермоқчи бўлади. Ният маъқұл, лекин ифода йўсунинда бадиий асадга хос жозиба йўқлиги сабаб тасвири оддий ахборотга ўхшаб қолган.

Муаллиф бир вақтлар маърифати билан машҳур бўлган оила аъзоларининг жаҳолатга ботиши сабабини газета мақолаларидағи каби жуда жўн ва яланоч изоҳлайди: “*Бир замонлар бу хонадонда илму маърифатли Зуннур эшон, унинг ўғли Эшондада эшон, олтин суви юритилган нақшинкор китобларни ўқишиган. Отаси ва аммавачаси мулла Ҳакимнинг аянчли оқибатини кўрган Раҳмонали, бу ёруғ дунёда тинчроқ яшагиси келиб, аждодлар маърифатидан воз кечди. Бу хонадонда сўқир Обидадан ташқари ҳеч ким китоб ўқимиайди*” . Келтирилган мисоллар тасвирининг қашшоқлиги ва ифода йўсунининг ширасизлиги ҳақида аниқ тасаввур уйғотади. Асада сон-саноқсиз имло ва тиниш белги хатоларига йўл қўйилган. Ҳам муаллиф ва ҳам тимсоллар тилида қаратқич билан тушум келишиклари фарқланмайди. Худобехабар, даҳрий Сафар Нуғмонов ҳақида асадда: “...гоят истеъдодли бўлиб, ўн саккиз ёшигача диний мадрасада (таъкидлар бизники – Қ. Й.) таҳсил олган, кеинин Россияда рус тилини ўзлаштирган оташин коммунист эди. Нуғмонов эшикларни ялтироқ этиги билан тепиб очиб, ҳужрадаги китоб солингган сандиқни ағдаришга буюрди”, тарзида бири-иккинчисини инкор этадиган ахборот берилади. Тимсолнинг истеъдоди ҳеч нарсада намоён бўлмаганидай, мадраса кўрган одамнинг тутуми ҳам кишини ишонтиrmайди.

Куйидаги тасвири эса ғариблиги билан ўқирманда эътиroz уйғотади: “*Гафлат босиб, Шокирнинг дайди мушти чолнинг мўйсафиð чеҳрасига урилди. Чол кўзи қорайиб, супа ёнига ийқилиб қолди...*

“*Кечиринг ҳўжайин, – деди айбдор Шокир бошини эгиб. – Кечиринг...*” . Муаллиф тилидан берилаетган бу тасвирида муштга нисбатан “дайди”, чеҳрага татбиқан “мўйсафиð” аниқловчилари кўплланиши, ийқилаётган чолнинг кўз олди эмас, “кўзи қорайиши”, Шокирнинг ўз отасини “хўжайин” деб айтиши каби ўринларда мантиқсизлик яққол кўринади. Муаллиф нима учундир отаси, боласи, хотини, жияни каби қариндошликни англатувчи атамалар олдидан деярли ҳамиша “ўз” сўзини келтиради.

Умумлаштириб айтганда, замонавий ўзбек романчилигига романний тасвирининг янгича қатламлари ўзлаштирилиб, миллий романчилик янги тимсоллар билан бойиб бораётгани кузатилади.

Абдулла УЛУГОВ,
филология фанлари номзоди



ҚИССАЛАРДА ҚАЛБ АКСИ

(2010 йил қиссаларини ўқиб)

Ҳар қандай ҳодиса икки жиҳати – сон-миқдори ва сифати салмоғи билан эътиборни тортади. Қиссачиликка ҳам шу нұқтаи назардан қаралса, 2010 йил жанр учун сон-миқдор жиҳатидан ҳар қачонгидан баракали бўлгани, сифат-салмоғига кўра ҳам унда муайян ютуқларга эришилгани кўзга ташланади. “Шарқ юлдузи”, “Ёшлик” журналларида 16 та қисса эълон қилингани, бу аввалги йилларга қиёсланганда катта кўрсаткич экани, давлат ва хусусий нашриётларда, “сарик матбуот” дейиладиган бозори чаққон оммабол газеталарда “қисса” деган битиклар узлуксиз босилгани қиссачиликнинг ўз ўзанида тўлиб-тошиб оққанидан далолат беради.

Адабиётда, ҳар қандай жанрнинг мавқеи, мақоми унда инсон образининг гавдалантирилиши билан белгиланади. Ўтган даврда қиссаларда инсон ҳақида, унинг мурракаб маънавий-руҳий олами, қалбидаги турфа хил ўзгаришлар тўғрисида янгича қарашлар ўз ифодасини топди ва улар бадиий салмоқдор асар сифатида эътибор қозонди. Хуршид Дўстмуҳаммаднинг “Куза...”, “Мен – сенсиз, сен – менсиз”, Носиржон Жўраевнинг “Ноябрь куйи”, Абдунаби Абдиевнинг “Муаллақ одам”ида воқеликка ва инсон дунёсига ўзига хос ёндашилгани, унинг қалбини тафтиш, таҳлил этиш дикқат марказига кўйилгани қиссачиликда янгиликка интилиш жараёни давом этаётганидан далолат беради. Қамчибек Кенжанинг “Тошқин”, Собир Ўнарнинг “Бибисора”, Абдуқаюм Йўлдошнинг “Тўй”, Баҳодир Абдураззоқнинг “У”, Гафур Шермуҳаммаднинг “Баракасини берсин...” асарлари эса, бу жанрда ҳаёт ҳодисаларини анъанавий услубда кўрсатиш янада теранлашаётганини кўрсатади. Мавзуси, қаҳрамон образини гавдалантириш услуби бир-биридан тубдан фарқ қиласиган ушбу қиссаларнинг барчасида бир жиҳат – ҳаёт ҳодисаларига эссега хос ёндашув сезилади. Айни жиҳат уларни ўзаро бирлаштириб туради. Эндиликда, эссега хос хусусиятлар адабиётнинг бошқа жанрларига ҳам кенг кириб бораётгани аниқ сезилади. Роман ҳам, адабиётнослик ҳам борган сари эсселашмоқда. “Куза...”, “Мен – сенсиз, сен – менсиз”, “Ноябрь куйи”, “Муаллақ одам” сингари қиссаларнинг аввалги қиссалардан фарқи шундаки, уларда персонажлар “ансамбил” ийўқ. Ўтган замон қиссаларида бош қаҳрамон баъзан бошқа персонажлар орасида кўринмай қоларди. Инсон оламини ўзига хос бадиий акс эттириш жиҳатидан “ярқ” этиб ажralиб турадиган ҳозирги қиссаларда фикр уйғотадиган, ҳаёт ҳақида ўйлашга, инсон қалбини тушунишга ундейдиган мушоҳадалар ўртага ташланади. Масалан, “Куза...” да : “Қизик-да, ҳамма ҳаммани кузатади, демак, ҳамма томонидан кузатилади! Шу тўғрими?.. Ҳозир одамзод шу тамойил измида яшайверади, шу мақсадда, яъни, бирорларни кузатишга қаратилган минг бир хил ҳийла-найрангларни ўйлаб тоғади, ақл бовар қилмас асбоб-ускуналарни ихтиро қиласверади”, дейилади. (“Шарқ юлдузи” журнали, 2010 йил, 1-сон, 28-бет). Бугунги қиссаларда ҳаёт ҳақида, одамлар тўғрисида ана шундай янгича кузатишлар кўринади. Бундай теран мулоҳазалар асарларнинг қадрини оширади. Чунки санъат асарларининг аҳамияти, аввало, уларнинг кишиларда хис-туйғу уйғотиши, фикрлашга ундаши билан белгиланади. “Куза...” ни

үқиган ҳар бир одам феъл-атворимизга сингиб кетган, тушовдай бизни ушлаб турган, ҳалқимизнинг ҳаёт тарзига хос муаммолар тўғрисида ўйланиб қолади. Чунки асарнинг “Ҳамма ҳаммани кузатув остида тутиши бир ҳисобда яхши ва табиий бўлса, иккичи ҳисобда ўзини муттасил ўзгаларнинг назари остида ҳис қилиш одамнинг эркини, ихтиёрини бўғади... Ўша амма-тоғачиликлар, амаки-холачиликлар инсонни асосий ишидан, юмушидан чалғитади, майдалаштириб юборади, биз эса буларнинг барига одамгарчилик, қариндош-уруғчилик деб чиройли ном қўйиб олганмиз” каби ўринлари ҳар биримизни безовта қиладиган, ташвишга қўядиган, муаммоларга айнан мос келади. Абдуқаюм Йўлдош “Тўй” қисссасида ҳар биримизнинг таржимаи ҳолимизда бўртиб турадиган шу муаммонинг муҳим бир қиррасига эътибор қаратади. У мазкур асарида тўйда иштирок этаётгандарнинг қиёфаси, хатти-ҳаракати, гап-сўзларини содда ва аниқ ифодалайди. Асарда персонажлардан бири тилидан Маҳмудхўжа Беҳбудийнинг “Бизни инқирозга ва таҳликага ва жаҳаннамга юмалататурғон тўй, азо исмидаги икки қаттол душман” сўзларини келтиради ва орадан юз йил ўтган бўлса-да, миллатпарвар улуғ алломанинг бу фикри бугунги кунимизга ҳам тегишли эканини тўйнинг ғаройиб машмашалари фонида кўрсатади. Қиссада кишилар онига ўрнашиб қолган дабдабозлик, шуҳратпастлик оқибатида келиб чиқаётган исрофгарчиликлар адабиётимиздаги анъанавий асарларга хос услубда ифодаланади. Муаллиф қаҳрамонларнинг нутқи, хатти-ҳаракати, бир-бирига муносабатини баён этиш орқали уларнинг маънавияти ғариблиги, дунёқараши ниҳоятда тор, ачинарли эканига эътибор қаратади. “Тўй”да кишиларимиз маънавий мажруҳлиги туфайли дабдабозлик, исрофгарчилик шариатга ҳам, дунёвий қонунларга ҳам тўғри келмаслигини тушунмай келишаётгани, одамгарчилик тушунчаси мутлақо нотўғри талқин этилаётгани очиб берилади. Абдуқаюм Йўлдош қаҳрамонларнинг гап-сўзини пардозлаб, юмшатиб ўтирмасдан, ўз оҳангидаги келтириб, уларнинг ҳаётий қиёфасини гавдалантиришга эришади.

Инсон табиатдаги, жумладан, миллатдошларимиз феъл-атворидаги жуда кўп иллатлар илдизи кишиларимизда ўз-ўзини кузатиш ва таҳлил қилиш етишмаслигига бориб тақалади. Бу кўпчилигимизнинг маънавий караҳтилигимиз, ҳаётга жўн, юзаки қаравшимизни билдиради. “Ноябрь куйи” қисссаси қаҳрамони ўзининг ва бошқаларнинг ҳафсаласиз умргузаронлик қиласётгани, кўпчиликнинг кўнглида эзгуликка интилиш, бир-бирига яхшилик соғиниш ҳисси сўниб бораётганидан изтироб чекади. Носиржон Жўраевнинг ушбу қисссаси бу жиҳатдан Хуршид Дўстмуҳаммаднинг “Мен – сенсиз, сен – менсиз”ига яқин туради. Абдуқаюм Йўлдошнинг “Тўй”, Собир Ўнарнинг “Бибисора”, Қамчибек Кенжанинг “Тошқин”, Баҳодир Абдураззоқнинг “У”,Faфур Шермуҳаммаднинг “Баракасини берсин” қиссалари муайян сюжетга асослансанса, “Ноябрь куйи”, “Мен – сенсиз, сен – менсиз” қиссаларида бошланиш ва якунга эга воқеалар тизими сезилмайди. Носиржон Жўраев ва Хуршид Дўстмуҳаммаднинг ушбу қиссалари муаллиф ўй-кечинмалари, дил изҳори бўлиб туюлади. Ўқувчи ҳар иккала қиссада асосий қаҳрамон муаллиф, деган хаёлга боради. Мазкур қиссаларда матннинг бир шахс тилида берилгани ҳам шундай таассурот тұғидиради.

“Мен – сенсиз, сен – менсиз”, “Ноябрь куйи” қиссалари қаҳрамонлари ўзини ёлғиз, кимсасиз ҳис қиласи, ботинидаги бесаранжомлиқдан қийналади, ички тушкунлиги сабабларини топмоқчи бўлади. Ўзини ички тафтиш қилиб норозиланади. Ҳеч ким билан дилдан дардлашолмагани учун изтиробга тушади. “Нега биз кўчада, ишхонада ёки меҳмондорчиликда ўзимизни сипо, бамаъани тутамиз-у, уйимизда сал нарсага бақира-чақир қиласётгани, жиззаки, ҳовлиқма бўлиб қоламиш? Етти ёт аёлларнинг ҳурматини жойига қўйиб, олқиш оламиш-у, онамизни силтаб-силтаб ташлаймиз. Ишхонада бирор сабаб билан тушлик бир-икки соатга чўзилса чидаймиз-у, чой вақтида қайнамагани учун уйдагиларни изиллатамиз. Бу одамликка хос тушунчалар, одатларми – нима бу?” деб куйинади. (“Ёшлик” журнали 2010 йил, 9-сон. 26-бет). Асарлардаги бу хил ўринлар ҳар биримизни шу пайтгача эътибор бермай келаётган ҳодисаларимиз тўғрисида ўйлантариради. Бадий асарларнинг аҳамияти ҳам уларни кишиларни мушоҳадага ундаши, ўз-ўзи билан баҳс-мунозара қилдириши билан белгиланади. Киши бошқалар билан ошкора зиддиятга борганида кўпинчча ўзини – ҳақли, ўзгаларни – айбдор, деб билади. У бу пайтда ҳодисаларнинг зоҳирини кўради. Ўз-ўзи билан мунозарага киришга-

нида эса ҳодисаларнинг минг бир парда ортидаги жиҳатларини илғайди. Шунинг учун ўзига узлуксиз савол беради. Саволларга жавоб топганида ўзига ишончи ортади. “Мен – сенсиз, сен – менсиз”, “Куза...”, “Ноябрь куйи” қиссаларида қаҳрамонларнинг ички дунёсидаги долғалар ифодаланади. Қаҳрамонлар воқелинка теран назар ташлайдиган зеҳни инсон сифатида ўз-ўзига савол бериб, руҳий оламидан ўзини излашга, ботинини англашга киришади. Бу саволлар, аслида, ҳаётга, одамларга қаратилади. “Ноябрь куйи”да: “...Эслаб кўринг, қачон ота-онангиз билан ёзилиб, чин дилдан гаплашгансиз? Қачон опангиз ёки акангиз қаршисида қимтимай дардлашгансиз?” дейилади. Ўз-ўзига ва бошқаларга шу хилдаги оғрикли саволлар берәётган тафтишчи асосий қаҳрамон саналган бу қиссаларда муҳаббат масаласига ўзига хос ёндашиллади. “Мен – сенсиз, сен – менсиз”, “Ноябрь куйи” моҳият эътибори билан муҳаббат мавзусидаги асарлар саналади. Лекин мазкур қиссаларда бу кўхна мавзу янгича тарзда талқин этилиб, янги услубда ёритилади. Бу фарқ ушбу қиссалар Одил Ёкубовнинг “Муқаддас”, “Қанот жуфт бўлади”, “Биллур қандиллар”, Пиримқул Қодировнинг “Эрк”, Ўткир Ҳошимовнинг “Баҳор қайтмайди” асарлари билан қиёсланганда яққол сезиллади. “Мен – сенсиз, сен – менсиз”, “Ноябрь куйи”да аввалги асарларга хос анъанавий севги учбурчаги – ошиқлар тўқнашуви кузатилмайди. Мазкур қиссаларнинг дардманд қаҳрамонлари муҳаббатнинг мусаффо ғами гирдобида қолиб, ўзининг эзгу-истаклари, қалбидаги мажхуллик сабаблари тўғрисида ўйланади. Ўз-ўзига кўпроқ шу мақсадда савол беради.

Кишида савол бериш истаги ўз-ўзидан пайдо бўлмайди. Ўз-ўзини сўроқ қилиш ҳолати жуда кўп омиллар билан боғлиқ ҳолда юзага келади. Шу боисдан, бундай пайтда ҳар ким ҳам мушкул аҳволга тушади. Энг яхши асарларда кўпроқ ана шу руҳий ҳолат, қалbdаги сирли, сехрли жараёнга эътибор қаратилади. Албатта, яхши асарлар нимагадир изоҳ бериш ниятида ёзилмайди. Яхши асарлар ҳамиша ижодкор қалбидаги ҳис-тўйғулар, уни безовта қилаётган кечинмалар ифодаси бўлиб дунёга келади...

Ўтган йилнинг яхши қиссалари сирасига Баҳодир Абдураззоқнинг “У” қиссасини ҳам киритиш мумкин. Тарихий мавзудаги ушбу асар қизиқарли сюjetи, воқеаларни ўзига хос услубда бадиий тасвир этиши, қаҳрамонлар ҳолатини ишонарли ифодалashi билан дикқатни тортади. Қисса қаҳрамони машҳур тарихий шахс эмас. Бош қаҳрамон Нургелди – Бешим оқсоқолнинг қули. Бешим оқсоқол қизи Жилва бегимни Бухоро амирiga узатади. У “келинни сепи дея ўн аравани сандиғу сандиқчалар билан тўлдириб, жияни Менгли бошчилигига қирқ йигит ва яна шунча қулни карвонга кўшиб жўнатди. Нургелди шу қуллар сафида Жилва бегимнинг хос ғуломи сифатида эди”, дейилади. (“Ёшлиқ” журнали 2010 йил, 6-сон. 19-бет). Қиссада Жилва бегим ва хос ғулом Нургелдининг бошидан кечиргандари таъсиричан тасвирланади. Ўқувчи кўз ўнгидан такаббур, ўзига бино қўйган Жилва бегим ва итоатгўй, айни чоғда, ёвқур Нургелдининг кимсасиз қум сахросида ҳаёт учун кураши, тортган мاشақатлари бир-бир ўтади. Асарда саҳро табиати, унинг жизганак қиласидаги саратони, музлатадиган қаҳратони, Нургелди, Жилва бегимнинг тирик қолиши йўлида тортган азоб-уқубатлари, тақдир синовларига дош берган қул ва хўжайн қизи бир-бирига қадрдон, ҳамдардга айланиши, саҳро уч қишу уч ёз ўз бағрида авайллаган севишганларга одамлар шафқатсизлик қилгани бадиий тасвирланади. “У”да ғайриоддий ҳодисалар қаламга олинади: ташналиқдан ҳолдан тойган Нургелдини ит қудуққа бошлаб келади, кутилмаганда бир чол йўлиқиб, Нургелдига кашкулидан бужмайиб кетган олма чиқариб беради ва фарзанд кўрганингизда исмини Сотун кўясиз деб айтади. Чиндан ҳам ўғил фарзандли бўлишиб, унга Сотун деб исм кўйишади, Сотун уч ёшга тўлиб, юра бошлагач, қумтепалар орасидан билакдек илон тутиб келтириб, илоннинг айри тилини ушламоқчи бўлиб ўйнай бошлайди. Буни кўрган Жилва бегим кўркқанидан тилдан қолади. Драматик воқеаларга асосланган ўткир сюjetli мазкур қиссада ҳодисалар: “Нургелди сув солишига яроқли идиш қидириб, анча овора бўлди. Қумга кўмилиб ётган тошбақанинг косасини топиб олганида кун анча кўтарилиб, саҳрони қиздира бошлаган эди. Йигит шоша-пиша йўнилмаган тош қаланган кудук деворига тирмашиб, тубига тушиб олди. Кудук саҳро шамоли натижасида кумга кўмилганидан туби анча саёз, балчиқ орасида тошбақанинг косаси зўрга ботадиган сув бор эди. Нургелди сабрсизлик билан шу қўланса сувга лабини босди. Бир оз нафси ором олгач, уни шу ерга бошлаб келган ит эсига тушиб, косани тўлдириб,

сув олди-да, юқорига күтарили. Ит сувни шапиллатиб ичар экан, баъзи-баъзида йигитта ялтоқланиб, думини ликиллатиб қўяди. Нургелди иккинчи бор қудукка тушиб, косани тўлдириб чиқди ва бегим томонга йўл олди”, тарзида ифодаланади. Саҳрова қолган қаҳрамонларнинг ҳолати: “Улар офтобнинг шундай майнин ва маъсум бўлиб туришини хоҳлашар, тонги сарин шабаданинг ҳам ўзларига йўлдош бўлиб қолишини исташар, бироқ ҳализамон майнин нурларнинг қиличдек кескирлашишини, шабаданинг гармселга айланишини билиб турсалар-да бу тонг абадиятга қадар чўзилишига ишонгилари келарди. Куёш дақиқа сайнин кўтарилиб борар экан, аввало, қовжираган шохларда энди маржондек илиниб шабнам томчилари ҳавода эриб, йўқ бўлаётганидан муздек томчилар оёқларини сескантирумай қўйганидан кейингина уларнинг қалбларини тўлқинлантирган тонг чекинганини ҳис қилиб, ҳавоий туйғулар ўрнини куёш тикка келганида паналайдиган жой топиш ташвиши эгаллаб олди”, деб тасвирланади. Баҳодир Абдураззоқ воқеликни шу тарзда энг яхши реалистик асарларга хос услубда кўрсатиб беради. Қиссадаги воқеалар моҳир мусаввир чизган манзарадек ўқувчи кўз ўнгиди аниқ намоён бўлади. Ўқувчи Нургелди ва Жилва бегимнинг руҳий ҳолатини, қалбидаги зиддиятли кечинмаларни аниқ ҳис қиласди. Шу боисдан “У” қиссаси қизиқиш билан ўқиласди. Собир Ўнарнинг “Бибисора” қиссасида эса воқеалар сўзлашув услубига яқин ширали тилда баён этилади. Муаллиф воқеаларни нақл қилишда кундалик мулоқот тилини адабий тилга жалб этишга эришади. У қиссада адолатсизликка қарши дадил курашадиган, худо жазосини берсин, деб зўравонлардан чўчиб яшашга ўргангандарнинг ақидасини ҳазм қилолмайдиган, қалби беғубор туйғуларга тўла боланинг ҳаётий обrazини гавдалантиради.Faafur Шермуҳаммаднинг “Баракасини берсин...” қиссаси “Шум бола” (Faafur Fулом), “Суварак” (Немат Аминов) ҳажвий асарларини ёдга солади. “Баракасини берсин...” да воқеалар беғубор, майнин юмор билан нақл қилинади. Асаддаги муаллиф тилида баён этилган ўринлар ҳам, қаҳрамонлар диалоги ҳам кулги уйғотади. Faafur Шермуҳаммад асарида маҳаллий колоритни ифодалашга интилади ва муйян даражада бунга эришади. Лекин қиссада муаллиф тилидан: “Чучук момо ёшлигига гажак зулфлари ойнинг ўроғини эслатадиган икки ўрим соchlари тақимини ўпган, хумор кўзлари юракни кўйдиргувчи оппок кўйруқдеккина жувон эди”, дейилиши ўринсиз туюлади. (“Ёшлик” журнали 2010 йил, 12-сон. 9-бет). Асадда миллний, маҳаллий колоритни ифодалашга шевага хос сўзлар, ибораларни кўллаш асосидагина эришиб бўлмайди. Агар шундай бўлгандага миллний, маҳаллий колорит яратиш жўн нарса бўлиб қоларди.

Азалдан аксарият асарлар учун хос бўлиб келган яна шундай камчиликлардан бири – сюжетни жуда оддий ва жўн тарзда қуриш буғунги қиссачилиқда ҳам давом этмоқда. Бир-бирига шунчаки боғланган воқеалар баёнидан иборат бу тур асарларда ҳаёт ҳодисалари жиддий таҳлил этилмайди, уларга аниқ муносабат билдирилмайди. Тижорат мақсадида битилган, хусусий газеталар савдосига мўлжаллаб битилган айни нарсалар адабиётнинг буғунги жамиятдаги ўрни, аҳамиятига “соя” солиб туради. Табиий, “соя”лар ҳар доим бўлади. Аммо улар китобхонларни ҳаёт ҳақида ўйлантирадиган, “инсон” деб аталмиш мураккаб хилқатнинг сирли-сехрли, ғаройиб қалб олами билан таништирадиган асл асарлар қадрини ҳеч қачон пасайтиrolмайди.

Хуршид ДҮСТМУҲАММАД



ҲИКОЯЛАРДА ҲАЁТ ВА ҲАЁЛ ҲАҚИҚАТИ

(2010 йил ҳикояларига бир назар)

Бадиий адабиётда ҳар қайси жанр ўз ўрни, файзи, аҳамиятига эга. Лекин, ҳикоя жанрига хос бўлган имкониятлар туфайли ҳамиша у нисбатан кўп яратилиди, кўп эълон қилинади, бинобарин, ҳар бир миллий адабиётнинг ўзига хос кундалик нафаси, қадам олиши, мавқеи ҳикояда кўпроқ намоён бўлади.

Ҳикоя нисбатан ихчам ва “тезпишар” жанр ҳисобланса-да, унинг имкониятлари кенг. Театрнинг мўъжаз саҳнаси ёхуд газета-журналнинг кичкина саҳифаси бутун дунёни ўзида жо этиш имконига эга бўлганидек, ҳикояда ҳам исталган мавзуни исталган қамровда, исталган мураккабликда тасвирлаш мумкин. Факат бу муаллифнинг маҳоратига боғлиқ, яъни, у ҳар бир ҳикоянинг ўз макони, ўз замони, ўз бадиий реалигини яратади билдими, мазкур реалликка мос тасвир услуги, тили, оҳангни, ўзига хос образлар силсиласини топдими ёхуд?..

Рустам шаҳарда туғилган, шу ерда вояга етган. Табиат ва ҳайвонот дунёсини кўпда фарқламайди ҳам. У ўз хонасида, кўпдан бўён йиғиб юрган бисотидан чиқсан плакат – суратни қирқиб деворга илиб қўяди. Ҳаёлга толади. “Орадан оз вақт ўтдими, кўпми, бехосдан назарида бир нарса ерга тўп этиб тушгандек бўлди”. Рустам бош кўтариб қараса, суратдаги йўлбарс мушукка ўхшаб ерда ётиди!

Омон Мухторнинг “Суратдаги йўлбарс” ҳикоясидаги (“Ёшлик”, 8-сон) бу тасвир ўқувчини ажаблантирмайди, ҳатто суратдан тушган йўлбарснинг одамга ўхшаб тилга кириши, ҳатто кун бўйи шаҳар айланиб қайтгач, “лип” этиб суратдаги жойига чиқиб олгани ҳам ишонарли. Чунки ҳикояда ушбу ғайритабиий ҳолатнинг бадиий асоси яратилган, шунинг ҳисобига нореал манзаралар ўқувчининг шуурида бамисоли реал воқелик манзаралари сингари давом этади. Ҳикоя муаллифининг профессионал маҳорати ҳам, биринчи навбатда, шунда кўринади.

Нуруллоҳ Муҳаммад Рауфхоннинг “Этакдаги кулба” (“Шарқ юлдузи”, 1-сон), Исајон Султоннинг “Қисмат” (“Шарқ юлдузи”, 2-сон), Шомирза Турдимовнинг “Сиртлон” (“Шарқ юлдузи”, 5-сон) ва Ҳабиблло Ҳайдарнинг “Қор элаган кун” (“Шарқ юлдузи”, 4-сон) ҳикояларида ҳам асар учун очилган “қўриқ” – замон, макон ҳамда ўша майдонда тасвиранаётган реаллик ўзида ҳаётий ва ҳаёлий ҳақиқатларни уйғун бир ҳолатда мужассам этгани билан ажralиб туради. “Этакдаги кулба”да эса бутун бир қишлоқ аҳлини комига ютган руҳий парокандалик ва унинг зиди бўлмиш мубҳам руҳий сокинлик ўқувчининг кўз ўнгидаги ажабтовур залворли манзарани гавдалантиради. “Қисмат” ва “Сиртлон”да эса асосан якка шахс – қаҳрамон руҳиятидаги эврилишлар изтироби

тасвирланса, “Қор элаган кун”да бир оила аъзоларини музтар аҳволга солган ҳолат қаламга олинади.

Номлари тилга олинган ҳикоялар ўтган 2010 йил ҳикоянавислигимизда ҳажман хийла мўъжаз, шундай эса-да, руҳий ҳолат тасвиридан кенглик, психологик таранглик ва маънодорлик, айни чоғда, ўқувчини фаол мутолаага чорловчи жозибадорлик ўзига хос тенденция тусини олганлигидан далолат беради.

Ҳикоянинг мавзу, ният, ғоя, конфликт ва ҳоказо бадиий унсурлар кўтара олган ҳажмда тугалланиши ҳам ижодий маҳорат белгиларидан ҳисобланади. Яъни, муаллиф ҳикоя ҳажмини ҳис этганни ёки йўқми, дарҳол сезилади. Қисқа, лекин тўмтоқ ва чала таассурот қолдирадиган ҳикоялар бўлганидек, сунъий равишда чўзилиб кетган, ўз “жуссаси”ни кўтара олмаганлари ҳам учрайди. Аммо-лекин батафсил тасвирга асосланган, мумтоз мусиқа оҳанглари янглиғ вазмин тасвир мароми сакланган ҳикояларнинг таъсири байни ўқувчини сеҳрловчи қудратга эга бўлади. Аҳмад Аъзамнинг “Тумчагул” (“Ёшлик”, 5-сон), Асад Дилмуроднинг “Хаёл чўғланиши” (“Ёшлик”, 10-сон), Ғулом Каримийнинг “Кўрагон” (“Ёшлик”, 12-сон) ҳикоялари мана шундай асарлар сифатида ҳикоячилигимизда алоҳида саҳифа дейиш мумкин.

Рамз, тимсол, мажоз ҳар қандай бадиий асарнинг, умуман, бадиий тафаккурнинг кўрки, безаги, жилоси сифатида қадрланади. Маҳорат билан яратилган ҳикояларнинг аксариятида бу каби бадиийлик унсурларининг турфа “қиёфа”ларини қўрамиз. Яхши топилган битта рамз асосига курилган ҳикоялар ҳам бор. “Суратдаги йўлбарс”да йўлбарс, “Қор элаган кун”да дарвозанинг қайта-қайта сирли тақирлаши, Улуғбек Ҳамдамнинг “Мусулмон”ида (“Ёшлик”, 9-сон) қаҳрамонлардан бирининг боши узра кўриниб-кўринмаётган қуш ҳикоянинг маъно-мазмун юкини кўтарган.

Ўтган йилда яратилган бир қатор ҳикоялarda аёл сиймоси ўзига хос бокиралиқ, ғурур, гўзаллик тимсоли сифатида куйланган десак янглишмаймиз. Наби Жалолиддиннинг баён услубига вазминлик ва батафсиллик хос, бундай хослик унинг “Аёл”идаги (“Ёшлик”, 8-сон) садоқат ва аёллик нафсонияти тимсолини сокин драматизм орқали кўрсатишда қўл келган. Зулфия Қуролбой қизининг “Аёл”ида эса (“ЎзАС”, 14 май) аёл киши чукур ҳамдардлик, мунислик ва бемисл матонат соҳибаси мақомига кўтарилади. Ҳамид Элхоннинг “Аёл ва илон” ҳикоясида (“Ёшлик”, 10-сон) аёлнинг, аниқроғи, аёл вужудидаги пинҳон қудратнинг фавқулодда мўъжизаларга қодирлиги ўхшатиб тасвиранган. Айни чоғда, аёлга қилинган хиёнат, нокаслик Абдунаби Ҳамро “Қирқ йиллик қасос” ҳикоясида (“Ёшлик”, 11-сон) тасвирангани каби инсонни умрининг охирига қадар таъқиб этиши ҳам ҳеч гап эмас.

Адабиётда тарихий воқеликнинг бадиий талқинини яратишда катта тажриба ва анъаналар мавжуд. Тарихдан ҳикоя қилишга жазм этган адаб олдида бир қатор шарт – амаллар кўндаланг бўлади. Аввало, тарихий ҳиқиқатни бузмаслик, иккинчидан эса, муҳими – ўша тарихий воқеликни бадиий ҳақиқат дараражасига олиб чиқиши. Ғулом Каримийнинг “Кўрагон” ҳикоясида Амир Темурнинг Сароймулхоним билан танишви ва унга уйланиш воқеалари қаламга олинган бўлса, Дурбек Қўлдошевнинг “Шикор” ҳикоясида (“Шарқ юлдузи”, 6-сон) Бобур Мирzonинг 11-12 ёшлик чоғидаги ов саргузаштлари тасвиранади. Рисолат Ҳайдарованинг “Учинчи башорат” ҳикоясининг (“Шарқ юлдузи”, 4-сон) фабуласи Мирзо Улуғбекнинг чигал ва фожиали қисмати башорат этилиши асосига қурилган. Таъқидлаш жоизки, адига топган фавқулодда ҳаяжонли сюжет занжири ишонарли бадиий тўқима иплари билан чатишиб кетган.

Айрим ҳикоялarda учрайдиган ўхшатиб топилган бир оғиз жумла, теша тегмаган деталь ёки тасвир таъбир жоиз бўлса, бир жумла кайфияти ўқувчининг дикқатини тортади, унинг хотирасига муҳрланиб қолади, бадиий сўзнинг қудрати, мўъжизасини на-моён этади. Ўйғун Рўзиевнинг профессионаллик нуқтаи назаридан бир қадар заиф чиқкан “Робия” ҳикоясининг (“Ёшлик”, 7-сон) қаҳрамони ўн беш йил бир ёстиқча бош кўйган турмуш ўртоғи билан шу қадар садоқатли ҳаёт кечирганки, тақдир уларга фарзанд кўришни раво кўрмаган эса-да, бирон марта эри, “кет” демади, Робия “кетаман” демади. Жумланинг ўзида бу оила аъзоларининг аччиқ қисматларига тенгмантенг қудратга эга бўлган садоқат, меҳр-оқибат, муҳаббат мужассам. Шунга ўхшаш ҳолат Ўқтам Мирзаёрнинг “Ор” сарлавҳали ҳикоясида (“ЎзАС”, 16 апрель) учрайди.

Унда шаҳардан қишлоғига келган мартабали меҳмон қаровсиз қолган қабристонга кириб, ишга киришиб кетади – ҳаммаёни тартибга сола бошлайди, тозалайди. Одамлар ҳайрон бўлаётганини кўрган меҳмоннинг, “Ҳамма қабрлар тозаланиши керак, бу ерда бегона қабр йўқ”, деган сўзлари халқимиз табиатидаги соф миллий гуманизм “сурати”ни чизгандек таассурот қолдиради.

Баҳодир Қобулнинг “Оқ камар” ҳикояси (“ЎзАС”, 2 апрель) шамолнинг рубобий тасвири билан бошланади. Бамисоли шамол моддийлашади, шабада кўз олдингиздан сузиб ўтади. Тасвирга монанд оҳанг ўқувчининг кайфияти, зеҳни ва эстетик диidi торларини чертади, эъзозлайди. Худди шунга ўхшаш “бир жумла кайфияти” Холиёр Сафаров (“Ҳайдар бобо”. “Ёшлик”, 5-сон), Муҳаббат Тўхташева (“Ечим”. “ЎзАС”, 5 март) ҳикояларида ҳам учрайди.

Луқмон Бўрихоннинг “Тун қаъридаги шуъла” (“ЎзАС”, 1 октябрь), Зулфия Қуролбой қизининг “Аёл” (“ЎзАС”, 14 март) ва “Кўланка” ҳикояларини (“Тафаккур”, 4-сон) йил кашфиётлари сифатида таъкидлаш мумкин. “Аёл ва илон” ҳамда “Шабнам соясидаги муҳаббат” (“ЎзАС”, 22 октябрь) ҳикояларининг муаллифлари Абдунаби Ҳамро ва Ҳамрохон Мусулмонова ижодларига нисбатан ўқувчининг қалбида илиқ ҳарорат ва умид, ишонч туғилади. Шу билан бир вақтда, Шерзод Комил Халил, Ширин Собуро ва, Дилафрўз Пиримқурова, Ҳасан Манзур, Муяссар Тиловова, Каримабегим, Салим Абдураҳмон, Ўзбектош Қиличбек, Севара Бахтиёр қизи, Келдиёр Тўлиев, Муаттар Баротова, Илмира Жуманиёзова, Гулшод Айтбой қизи, Азамат Қоржовов, Бахтиёр Абдуғафур сингари ўнлаб ёш ҳикоянависларимиз ҳаваскорлик даражасидан профессионаллик мақомига кўтарилиш истагида қалам тебратаетгандиллари ҳикоячилигимиз ихлосмандларини кувонтиради, албатта.

Бир сўз билан айтганда, ҳозирги ўзбек ҳикоячилигимизнинг энг сара намуналари тимсолида рамзийликка, мушоҳадакорликка, фалсафий мажозга, полифоник тасвирлашга мойиллик тенденция тусини олаётганини яқол кузатиш мумкин. Вазмин ва батафсил тасвир услугиби кўзга ташланмоқда. Конфликт, зиддият зоҳирдан ботинга кўчмоқда. Муаллифининг бадиий маҳорати даражасидан бирмунча паст савияда яратилган ҳикоялар ҳам йўқ эмас. Айни вақтда, ҳали профессионалликдан йироқ, бадиий сўз қудрати ва жозибасини ҳис этмаслик, ҳаёт ҳақиқати ва бадиий ҳақиқат уйғунлигини фарқлай билмаслик, сюжет қурилишида ясамаликлар, зўракиликлар ҳам учрайдики, буларнинг бари биргаликда ҳозирги ўзбек ҳикоянавислигимиз манзараларини ташкил этади. Зоро, шулар сингари ютуқлар, изланишлар ҳаракатдаги адабий жараён учун табиий ҳолат ҳисобланади.



Бир дараҳт новдалари



Кенгисбой КАРИМОВ

Оғзура ғоз айтарғ само

Айлади

*Фалак кимни сару самон айлади,
Күнглимда ҳар куни фигон айлади,
Минг йил қуёши нурин тўкиб заминга,
Дашту сахро-чўлни райҳон айлади.*

*Оlamга келтирди тоғларнинг тошин,
Одам гоҳо кулди, гоҳ тўқоди ёшин,
Қаддини тик тутди, кўтарди бошин,
Эл-юрт бериб, давру даврон айлади.*

*Гоҳо қанотсизга зўр парвоз берди,
Кимга нозик қўнгил, яна соз берди,
Чайқалган кўлларга сўна – гоз берди,
Яхшини гоҳи дам ёмон айлади.*

*Шодлик билан бирга инъом этди гам,
Ҳасрат тўла жомда қатра қувонч кам,
Инсон тақдиррида барин этиб жам,
Тагин юз минг сирин пинҳон айлади.*

*Кўшиқанот бермади, берди забонни,
Учқур хаёл берди ва берди жонни,
Ишқ берди севсин деб, Ватани, нонни,
Яна оламларни кайҳон айлади.*

*Бизга ҳам дунёда навбат келибдур,
Минг файласуф ўйлаб сифат берибдур,
Қисматдошлар бир ташвишига шерикдур,
Не авлодлар қаддин камон айлади.*

Инонма

*Сўзларга инонма, сўзлар алдамчи,
Кўзларга инонма, кўзлар алдамчи,
Куёши бўлиб боққан юзлар алдамчи,
Фақат юрагингга ишонгил, жоним!*

*Сўз билан суйғанлар панд бериб кетар,
Кўз билан суйғанлар термулиб ўтар,
Чин ошиқлар ишиқнинг қадрига етар,
Фақат юрагингга ишонгил, жоним!*

*Баҳорда кўз ёрган япроқлар яшил,
Кузда сарғии тортиб айланар фасл,
Тоза ишиқ юракда яшар муттасил,
Фақат юрагингга ишонгил, жоним!*

*Бул даврон ўткинчи, ўткинчи дунё,
Орзуга роз айтар турланган само,
Севгининг ҳар они бир меҳригиё,
Фақат юрагингга ишонгил, жоним!*

Қалпогим

*Магар дард, қайгудан бўлгансан қора
Ёки бир қушимидинг – кўксида яра,
Иқбол дарагини мозийдан сўра,
Тақдири тарихга кўчган қалпогим.*

*Сени қанча мардолар кийган эса-да,
Ипагингни қизлар суйған эса-да,
Нақшинг олов, четинг куйган эса-да,
Қорақалпоқ юртим ошган, қалпогим.*

*Отингга айланган халқимнинг оти,
Эркинлик қўмсаган, туркӣйдир зоти,
Энг улкан мерос сен – боболар ёди,
Кийганимда кўнглим ўсган қалпогим.*



Үлчаб күрдим сени не-не бошларга,
Одат бўлолмадинг, афсус, ёшларга,
Кийгизайин десам ёру дўстларга,
Кўкайимни гумон кесган, қалпогим.

Халқимнинг бошида қалпоқ чўғ каби,
Қалпоқ ҳақида сўз – қалбим матлаби,
Тўрт буржисида титрар гулларнинг лаби,
Номардолар бошидан ечган қалпогим.

Сени бошга кийган туркийнинг ули,
Доим эркин, ёлгиз оллоҳнинг қули,
Қатимингда талақ замон довули,
Гувиллаб-гувиллаб эсган, қалпогим.

Қайтади

Кўкда “қур-қурей”лаб турналар қайтди,
Шамоллар согинии қўшигин айтди,
Сени, қоракўзим, нелар мунглатди,
Мунгланма, баҳоринг келади яна.

Нега кўнглинг доғли, кўзларинг ёшли,
Муҳаббат бир томли азобдир, асли,
Гуллар гунча боғлаб ошиқлар фасли,
Жонажон баҳоринг келади яна.

Сой бўйига бошлиб қилдек сўқмоқлар,
Тагин гул очилиб, уйгонар боғлар,
Нафис ёмғирларга чайилиб доғлар,
Сен кутган баҳоринг келади яна.

Айтгил, вафо борми тоҷу таҳтларда,
Тонгги дардларни кўр тунги баҳтларда,
Дунёдан умидни узган вақтларда,
Согинган баҳоринг келади яна.

**Қорақалпоқ тилидан Салим АШУР
таржимаси**



Адабиётшунослик

Йўлдош СОЛИЖОНОВ,
филология фанлари доктори

XXI АСР НАСРИ МАНЗАРАЛАРИ

Мавзу, муаммо ва ечим



Барчамизга аёнки, XXI аср интеллектуал салоҳият, тафаккур ва маънавият асри сифатида инсоният олдида янги-янги уфқлар очиш билан бирга биз илгари кўрмаган, дуч келмаган кескин муаммоларни ҳам келтириб чиқармоқда. Бугунги мураккаб ва таҳликали замонда ёзувчининг, башариятнинг эртанги кунини ўйлаб, одамларни эзгуликка, меҳр-оқибат ва бағрикенгликка даъват этишига қаратилган ҳароратли сўзи ҳар қачонгидан ҳам муҳим аҳамият касб этмоқда.

Ислом КАРИМОВ.

Инсон тафаккурининг янгиланишида, унинг онгига маълум бир ғояни сингдиришда ҳеч қайси соҳа адабиётчалик қурбат ва имкониятга эга эмас. Шу нуқтаи назардан қараганда, янги XXI аср инсон тафаккури тараққиётига, унинг тез ўсиши ва янгиланишига жиддий таъсир кўрсатди. Чунки адабиёт бадиий сўз ва образлар воситасида омма руҳиятида тубдан ўзгариш ясади. Бунинг учун ижод аҳли эркин нафас олиш, хоҳлаган мавзусида қалам тебратиш, истаган муаммосини кўтариш ва, албатта, кўнглига маъқул келадиган қаҳрамон тимсоли орқали тасвирлаш хуқуқига эга бўлиши керак. Қарийб чорак кам бир аср мобайнинда қофозда бору амалда бўлмаган бундай “эркинлик” адилларимиз тафаккурини тушовга солиб кўйганди. Мустақиллик туфайли бу тушов узилди. Адабиётга – сўз санъатига чинакам эркинлик берилди ва у қонун асосида мустаҳкамлаб кўйилди. Натижада, адабиётда жуда катта ижобий ўзгаришлар юзага келди.

Бунинг самараси тез орада аниқ кўзга ташланди, яъни, жадаллик билан ўсиб бораётган сиёсий-ижтимоий ва иқтисодий тафаккурлар таъсирида адабий-бадиий тафаккур ҳам шаклланиб, улғайиш йўлига кирди. Дастреб, одамзоднинг иқтисодий бўхронлар уммонидаги сузиш қийинчиликлари, чўкиш азоби, иккиланиш, бемақсад қулоч отишларини реал тасвирлашдан ўзини тийган адабиёт аҳли янги асрнинг илк йилларидан бошлаб, бу мавзуни жиддий ишлашга киришди. Бозор ва инсон тақдирни кейинги йиллар ўзбек насрининг энг кўп ишланяётган муаммосига айланди.

Бозор муносабатлари ўз-ўзидан инсоннинг жамият, оила, жамоа, ўзга юрт ва одамлар ўртасидаги зиддият ҳамда алоқалар силсиласини ҳам юзага чиқаради. Бундай

вазиятда турмушини ўнглаш учун уринаётган шахс манфаати билан янгиланишга юз туваётган жамият ва сиёsat манфаатлари ўртасида ўзаро тўқнашувлар вужудга келади. Улар ўз навбатида оилавий муносабатларга ҳам, ахлоқий эврилишга ҳам, инсоннинг ёвузлик сари юз тутишига ҳам у ёки бу даражада таъсир ўтказмай қолмайди. Ҳакиқий санъаткорнинг вазифаси эса инсониятнинг келажагини таъминловчи умидбахш ғояларни илгари суриш, улар дунёкарашида эзгулик, меҳр-оқибат ва бағрикенглик каби фазилатларни ифодалашга хизмат қиласиган ибратли образларни яратишдан иборатдир. Бунинг учун ижодкорнинг эстетик идеали ғоятда соғлом, маънавий дунёкараши етуқ, ҳалқи ва Ватани олдидағи масъулияти барқарор бўлиши керак.

Маълумки, роман, қисса, ҳикоя сингари эпик тур жанрларининг ҳар бири ўзига хос талаблар ва қонуниятлар асосида яратилади. Танланган мавзу кўлами, кўтарилиган муаммо юки, яратилган персонажлар миқдоридан тортиб, шаклу шамойилигача қатъий ўлчамга эга бўлган бу жанрлар ҳозир ўзлигини йўқотиб, қоришиқ бир нарсага айлангандек тасаввур қолдирмоқда. Аввало, романда қўйилган муаммонинг юки ғоятда залворли бўлиши талаб этилади. Ваҳоланки, ҳозир баъзи адиблар учун асарда романбоп муаммони кўтаришдан кўра, “роман” деган атама билан китоб чиқариш муҳимроқ бўлиб қолди. Кейинги йилларда “Янги аср авлоди” нашриёти айrim китобларни “XXI аср романи” деган ном билан чиқара бошладики, уларни ўқиб, кишида агар янги аср романлари шунаقا бўлса, ҳали ҳеч нарсага эришмапмиз, деган фикр уйғонади.

Бундан йигирма йил аввал жаҳон адабиётининг синчков билимдони, адабиётшунос Тальят Солиҳов (оллоҳ раҳматига олган бўлсин) сухбатларидан бирида: “Назаримда, аср адабиётининг пойдеворида иккита муҳим нарса бўлиши керак: бири – миллий анъана, адабиётимиз, санъатимиз соҳасидаги миллий анъана ва иккинчиси, жаҳон адабиётининг даражаси, жаҳон бадиий тафаккурининг даражаси ва жаҳон адабиётида эришилган тажриба. Ана шу нарсалар пойдевор асоси бўлади, пойдеворнинг пойдевори бўлади” (“ЎзАС”, 1.02.1991), деб орзу қилганди. Дадил айтиш мумкинки, бугун ўзбек адабиёти кўп асрлар мобайнида шаклланган миллий ўзига хослигини тўла саклаган ҳолда, жаҳон адабиёти таркибига қўшилиш йўлларини излаб топиш имкониятига эга бўлди. Аслида, ҳар қандай ҳалқ адабиёти баркамоллик чўққисига, аввало, ўзи мансуб бўлган миллатнинг маданий, маънавий, маърифий анъаналарига қатъий риоя қилиши, уларга ҳурмат билан қараши орқали эришади. Бизда эса бундай анъаналарнинг туган-мас хазинаси мавжуд. Ўлмас ҳалқ оғзаки ижоди, бой ёзма адабиётимиз, ранг-баранг ахлоқий қадриятларимиз ва миллий урф-одатларимиз “пойдеворнинг пойдевори” борлигидан далолат беради.

Дарҳақиқат, ўтган йигирма йиллик адабий хирмонимизга бир қур назар ташласак, буюк Шарқ адабиётининг миллий анъаналарини бойитган ҳолда, жаҳон бадиий тафаккури даражаси билан бемалол бўйлаша оладиган талай асарлар дунёга келганига гувоҳ бўламиз. Омон Мухтор, Муҳаммад Али, Асад Дилмурод, Хуршид Дўстмуҳаммад, Улугбек Ҳамдам, Тилаволди Жўраев сингари адилларнинг асарлари тўлақонли миллий руҳи ва жаҳон адабиётида мавжуд энг янги бадиий усусларнинг табиий уйғунлашуви туфайли чинакам ўқувчилар муҳаббатига сазовор бўлди. Шу билан бирга, бу даврда юки енгил, шиширилган шардек ҳавоий қисса ва романлар ҳам вужудга келдики, бу адабиётшунос Тальят Солиҳовнинг орзуси тўла амалга ошмаганини, XXI асрнинг дастлабки ўн йили ўтиб бораётган бўлса-да, жаҳон бадиий тафаккури даражасига олиб чиқувчи “пойдевор” ҳали мукаммал битмаганлигини кўрсатиб турибди.

Ғалвир сувдан кўтарилса...

Маълумки, бозор иқтисодиёти шароитида яшаётган инсон тафаккурида бойликка эришиш истаги ҳал қилувчи ўрин тутади. Бу ҳодиса бадиий адабиёт олдига ҳам муҳим вазифаларни кўйимоқда. Энг аввало, қаҳрамон концепциясини янгилаш талаб этиларди. Шу пайтгача яратилган персонажлардан фарқли ўлароқ, энди бозор муносабати шароитида шаклланыётган одамлар характеристини яратиш зарур эди. Қандай бўлмасин, бойлик ортиришга уринаётган, бу йўлда ҳар қандай қабиҳлик ва разилликдан тафт тортмайдиган, ўз уринишининг оқибатини ўйламай қадам босиши натижасида фожиага учраган кишилар тоифаси пайдо бўлди. Айни чоғда, бозор талабларига мослашиб, бу-

гунги топганига шукур қилиб, оиласи ва келажагини таъминлаётган одамлар ҳам бор. Ҳаёт иход ахли олдига ана шундай қаҳрамонлар галареясини яратиш вазифасини кўя бошлади. Бундай мураккаб масалани тасвирлашда етарли тажриба тўпламаган адилар зиммасида бозор одамининг сурати ва сийратини қандай усуулларда ифодалаш қийинчиликлари пайдо бўлди. Натижада ҳам гоявий, ҳам бадиий, ҳам услубий томондан турли савиядаги асарлар яратилди. Дастребаки пайтда бозор иқтисодиёти шароити қийинчиликлари туфайли ҳаётнинг олдинги сафига чиққан айрим мафияларнинг ўзаро кураши, ўғирлик, жиноятчилик, фоҳишабозлик сингари иллатларни акс эттиришга ружу қўйилди. Бу билан муаллифлар ўкувчи оммасини огоҳликка чақирмоқчи бўлдилар. Аммо, бу эзгу ният ёзувчилар томонидан бадиий жиҳатдан етарли даражада исботлаб берилмаганлиги оқибатида акс таъсир қила бошлади.

Бинобарин, бозор муносабатлари инсонни саралайди. Бу саралаш ҳар доим ҳам ижобий натижалар беравермаслиги мумкин. Унинг ҳам ўзига яраша талаблари, шартлари, қийинчиликлари мавжуд. Унга мослашолмаган одам чиқитга айланади. XXI асрнинг дастлабки ўн йилида яратилган насрый асарларнинг ўзига хос фазилати шундан иборатки, уларда ана шу жараёнда эзгулик ва ёзвзлик кутбларига ажралаётган одамлар образи дунёга келди. Бундай қаҳрамонлар орасида, айниқса, аёллар характерининг ўзига хос талқини муҳим аҳамият касб этмоқда. Чунки бозор иқтисодиёти бошқаруви шакллананаётган пайтда, аёллар фаоллик кўрсата бошлагани ҳам сир эмас.

Шу жиҳатдан Тоҳир Малик, Хуршид Дўйстмуҳаммад, Улугбек Ҳамдам, Тилаволди Жўраев, Абдуқаюм Йўлдош, Саломат Вафо, Зулфия Қуролбой қизи сингари истеъоддли адилар томонидан яратилган бозор ва инсон тақдирига бағишлиланган бадиий жиҳатдан юксак, гоявий томондан етук қисса ва романлардаги персонажлар характерлидир. Бундай қаҳрамонлар тимсолида бозор муносабатлари шароитида тўғри йўл тополмай адашган, миллий ўзлигидан жудо бўлган, баъзан ўз ихтиёри билан ёки мажбуран ахлоқий бузуқлик йўлига кирган шахсларнинг фожиали қисмати ўкувчига ибрат қилиб кўрсатилди.

Албатта, ёзувчи ўзи тасвирлаётган мавзу ва муаммога мослаб танлаган шахс “мен”ининг манфаатлари, хоҳиш-истаги, ана шу шахсий манфаат индивидуаллигидан келиб чиқадиган эҳтиросларининг тўпорилиги, вақтинча ёки доимийлиги билан ҳам ҳисоблашишга мажбур. Агар бу ҳолат меъёрида тасвирланмас экан, шахс “мен”и бора-бора хиралашшиб қолиши, асарда жонли образ эмас, шунчаки силуэт яратилиши мумкин, холос. Аслида, инсон оний лаҳзаларда жунбишга келган эҳтирослар туғёни совугандан кейин ўзини беихтиёр тафтиш қиласи. Чунки эҳтироснинг тийиксиз ва бемаъни таъсири унинг онгига ўтгач, шахснинг ўзида яхшими, ёмонми – муносабат пайдо бўлади. Энди у эҳтирослари жунбишга келган онда мулоҳаза юритишга улгурмаган майл ва интилишлари ҳақида мушоҳада қила бошлайди, уларни таққослайди, хулоса чиқаришга уринади. Ҳақиқий санъаткор бу жараённи иложи борича ростгўйлик билан табиий йўсинга, энг муҳими, миллий ўзига хосликка қатъий амал қилган ҳолда тасвирлашга масъулдир.

Шу маънода, бозор муносабатлари ҳақиқий санъаткорларни ҳам саралашга киришиди. Чинакам ёзувчи бозор мавзусини ёритишдан олдин чукур ўйга ботди, ҳаёт, ўкувчи, жамият ва эл-юрт олдидаги масъулиятини теран ҳис қилди. Айни чоғда бозор ёзувчиси ва бозорбоп адабиёт пайдо бўлди. Профессионал маҳоратга эга бўлмаган бозорчи ижодкорлар ўйлаб-нетиб ўтирумай, нуқул олди-қочди, ур-йиқит, фоҳишабозлик, ўғирлик, жиноятчилик ҳақидаги асарларни қалаштириб ташладилар. Тўғри, бозор фақат бойлик манбай эмас, айни чоғда, у тубанлик, пасткашлик, ахлоқсизлик, ёлғончилик, ўғирлик, юлғичлик макони ҳамдир. Унинг бу иллатларидан кўз юмиш бир ёқламаликка олиб келади. Бироқ, бозор воситасида нуқул ахлоқсизлик, жиноятчилик, севгишурушилик каби ўткинчи ҳодисаларни эҳтирос билан тасвирлашга уриниш адабиётнинг тарбиявий вазифасини тан олмаслиқдан бошқа нарса эмас.

Шуни унутмаслик керакки, ҳар қандай бадиий асарда яратилажак образ, аввало, ёзувчининг кишиларга ва ҳаётга муносабатини акс эттириш воситаси ҳисобланади. Айни чоғда, у муаллифнинг ҳаёт ҳодисаларига берган эстетик баҳоси ҳамдир. Ҳар бир персонаж ўзида ёзувчининг эстетик идеалини у ёки бу даражада тажассум этади. Бу вазифани бажариш учун ўша образ муайян ижтимоий шароитда, руҳий-маънавий муҳитда ҳаракатланиши зарур. Бу табиий равища рўй бериши керак. Мабодо, санъ-

ат асарида муллар ҳаётдаги мавжуд нарсаларга, воқеа-ҳодисалар ва одамлар тақдирига факат сунъий, расмий тақпид қилиш мақсади билан ёндошса, бу бадиий асар эмас, балки маҳорат билан ясалган нарсалар мажмуасидангина иборат бўлиб қолади. Бундай сунъийликдан ҳоли бўлиш учун санъаткорнинг эстетик тафаккури аниқ ва барқарор бўлмоғи шарт. Биз таҳлил доирасига тортган асарларга шу нуқтаи назардан мурожаат қилсак, адиларнинг эстетик идеали турлича савияда эканлиги аён бўлади. Шундан келиб чиқиб айтиш мумкинки, мазкур асарлар ғоявий-бадиийлиги билан ҳам бир-биридан фарқ қиласидилар.

Масалан, Зулфия Қуролбой қизининг “Армон асираси”, “Машақатлар гирдоби”, Саломат Вафонинг “Оворанинг кўрган-кечиргандар”, Ҳабиб Темировнинг “Қасос ва муҳаббат”, “Қора қаср асираси”, “Макрми ё муҳаббат?” каби асарлари бозор муносабатлари авжига чиқкан шароитда шаклланган, тафаккури уйғонган, ўзлигини англаган ва англай олмаган одамлар тоифаси ҳақида ҳикоя қиласиди. Шуни алоҳида таъкидлаш ўринлики, ҳар бир адид танланган мавзу ва муаммога ўз эстетик дунёкараши ва идеали нуқтаи назаридан ёндошади. Бу асарларда бозор бошқаруви шароитида аёл шахсининг ўрни ва қисматига алоҳида эътибор берилган. “Армон асираси” романи қаҳрамонлари Насиба, Ҳулкар Армон, Зухра, “Машақатлар гирдоби”даги Наргиза, Сабобар, Гулруҳ, “Оворанинг кўрган-кечиргандар” асарида тасвирланган Салтанат, Малика, Мақсуда, “Қасос ва муҳаббат” деб номланган роман-дилогиясидаги Тўтиё, Лайло, Амалия, икки китобдан иборат “Қора қаср асираси” ва “Макрми ё муҳаббат?” номли севги қиссаларидаги Афифа, Мехри, Мақсуда ва бошқа эпизодик характердаги кўплаб персонажларнинг ҳар бири ўқувчидаги турлича таассурот қолдиради. Аввало, яратилган бу образларнинг ҳар бири катта-кичиклигидан қатъий назар ўз ғоявий-бадиий юкига эга эканлигини алоҳида қайд этиш зарур. Бироқ, қаҳрамон мана шу юкни ёзувчи кўзлаган манзилга олиб бора олдими, ўз вазифасини қай даражада адо этди, деган савол билан ёндашадиган бўлсан, ижодкорларнинг бадиий савияси яққол намоён бўлади. Бунинг учун дастлаб Зулфия Қуролбой қизи билан Саломат Вафонинг асарларига назар ташлайлик. Чунки бу адилар аёллар табиатидаги фазилат ва иллатларни теран тасвирлашга, уларнинг суратини ўзига хос тарзда очишга уринганлар.

Зулфия Қуролбой қизи давр манзарасини, бозор иқтисодиёти кун тартибига кўяётган муаммоларни кенгрок қамраб олишга уринади. Айрим фирибгарларнинг лотерея ўйини орқали бойиб кетаётгани, кун сайин кўпайиб бораётган хусусий газеталарнинг савияси, уларнинг саҳифаларида эълон қилинаётган енгил-елпи, олди-қочди ва ахлоқизлизни тарғиб қилувчи мақолалар одамлар ҳаётига салбий таъсир ўтказаётгани (Зухра образи мисолида), Ҳулкарнинг афсус-надоматли ўйлари орқали ўз ифодасини топган. Шуниси муҳимки, ёзувчи яратган ҳар бир образ катта-кичиклигидан, муҳим ёки номуҳимлигидан қатъий назар ўзи мансуб бўлган табақанинг характеристерли хусусиятларини мужассам этиши билан ижодкор ғоявий ниятининг аниқ ифодаланишига ёрдам беради. Аввало, ёзувчининг эстетик идеали мусаффолиги билан эътиборни тортади. У ҳамма нарсадан поклик, эзгулик унсурларини қидиради. Масалан, “Армон асираси” романидаги Насиба эри Донишнинг ўлимидан сўнг жинсий эҳтиёжни ҳаёлига мутлақо келтирмаган ҳолда кўпол ва безори кимса Талгатга аёллик меҳрини бағишлиб, уни ҳам жисмоний хасталиқдан, ҳам миясига ўрнашиб қолган ёзувлар ниятидан халос этади. Эри ташлаб кетиб бева қолган Ҳулкар Армон ҳам ҳаётда, ҳам ижодда покиза ахлоқини намоён қиласиди. Бу борада, ўзи намуна кўрсатибгина қолмайди, балки “ёмон” йўлга кириб кетган Насиба ва Зухрани излаб топиб, танбех беради. Ёки “Машақатлар гирдоби”га тушиб қолган Гулруҳ ўзининг ташки гўзаллиги билангина эмас, балки ахлоқий покизалиги, мумомаласининг ширинлиги билан нафақат мардикорларнинг, айни чоғда, бутун вужудидан “аллақандай ёзувлар ҳиди келади”ган Пўлат Дамировични ҳам, қўлини қаёққа узатса етадиган бошлиқ Ҳаким Назаровични ҳам тиз чўқтиради. Бу аёллар ўзларининг ахлоқий гўзаллиги билан ўзгалар ахлоқининг ўзгаришига ҳам ижобий таъсир кўрсатадилар. Дарвоқе, “Дунёни гўзаллик кутқаради” деганларидек, асарда “эзгулик ва ёруғлик фариштаси” сифатида намоён бўлган Гулруҳ ўз гўзаллиги, ахлоқий покизалиги билан қуллик ва охир-оқибатда ўлимга маҳкум этилган кишиларни ҳалокатдан кутқаради.

Бинобарин, санъат асарининг бош мақсади азал-азалдан инсонга хос эҳтиросларнинг қандайлигидан қатъий назар поклантиришга йўналтириш ва шу йўл би-

лан кишиларни яхшиликка ўргатишдан иборат бўлиб келган. Файласуф Гегелнинг таъкидлашича, санъат инсоннинг ахлоқий камолотини тарбиялаш учун, энг аввало, “дағалликни жиловлаши, эҳтиросларни маданийлаштириши керак”. Шу жиҳатдан Насиба, Ҳулкар Армон ва Гулруҳларнинг характери ибратлидир. Насиба романнинг бошидан-охиригача бир дунё эҳтирослар қуршовида яшайди. Ишга бормаётган “дангаса”, пул топиб келишга “нўноқ”, оила рўзгорини эплолмаётган “ношуд” эри Донишга дастлаб қўрсатди, дағал, бетгачопарлик билан муомала қиласди. Эри вафот этгандан кейин эса бирданига мулойимлашади, унинг ўлимида ўзини айбдор деб билади. Эрига ўз вақтида кўрсатолмаган меҳрини аёлларни қийнаб азоблашдан лаззатланадиган худбин Талгатга инъом этади. Эрининг руҳи олдидағи қарздорлик ҳисси туфайли аёл табиатида пайдо бўлган қўрқинч, андиша, раҳм-шафқат, ҳаяжон ва изтироб унга тинчлик бермайди. Бу хис-туйғулар бир-бири билан тинимсиз курашади. Натижада, Насиба бозорга ҳам чиқмай кўяди, пул топишни, ўзи ва болалари қандай кун кечиришини ўйламайди. Ҳар куни Талгатни йўқлаб боради, уни овқатлантиради, уйини тозалайди, кирини ювади. Насиба бу ишни бир беморнинг кўнглини олиш, унинг хаста тани ва руҳига бардамлик бағишлиша ниятида беминнат бажаради. Аёл ўзининг мана шундай покиза ахлоқий гўзаллиги билан Талгат тафаккурида томир отган ёвузликни эзгулик сари йўналтиради.

Саломат Вафо ҳам Салтанат тимсоли орқали жамиятда вақтинчалик урчиб кетаётган айрим масалаларни қаламга олади. Шулардан бири қўшиқчилик санъатининг жамият ва инсоният ҳаётидаги ўрнини аниқлаш масаласидир. Гарчи адива фикрини исботлаш учун қўшиқчи аёл Ойзода Камол исмини бир неча бор тилга олса ҳам уни ҳаракатга солмайди, Салтанатнинг тасавvuрида қолиб кетади. Салтанат ўқувчидаги умумлашма образ сифатида таассурот қолдиради. У ҳам худди Ҳулкар сингари омадини синаб кўрмоқчи бўлиб бозорга чиқади. Бирок унинг бозордаги фаолияти Ҳулкарники сингари хайрли кечмайди. Чунки Салтанат мансуб бўлган бозорчи аёлларнинг биронтаси ҳам покиза эмас. Бу борада, аввало, Салтанатнинг ўзи “намуна” кўрсатади. У эрини қайтариш, оиласини мустаҳкамлаш ҳақида мутлақо ўйламайди. Аксинча, унинг ҳаёлида умрида кўрмаган аллақандай Султонбек ҳақиқий эркак тимсоли сифатида гавдаланаверади. Аббос Сулаймонов билан бемалол ишрат қиласди, у истамаса ҳам уйинга бораверади. Бир марта дугонасиникида учрашган Махмуд исмли йигитга ҳам кўнгли суст кетади. Умумий ҳовлидаги ижара уйда қўшниси Дилдоранинг эри Мавлон билан суҳбатлаша туриб: “Қани эди шу йигит эрим бўлиб қолса”, деб ўйлашдан уялмайди. Бу каби енгилтаклигини ёзуви қаҳрамони тилидан: “Бирорнинг ғамхўрлигидан ийиб кетардим, айниқса, яхшиликни эркак киши қиласдиган бўлса”, деб исботлаб ҳам кўяди.

Бу адабанинг эстетик идеали у қадар тиник эмаслигини исботлайди. Ёзувчи Салтанат нигоҳи орқали атрофни кузатар экан, бирон-бир жойда ёруғликни, эзгулик ва яхшиликни кўрмайди. Ҳикоячи-қаҳрамон назаридаги бозор ҳам, вокзал ҳам тўс-тўполон, жирканч, жанжалнинг уяси. Қишлоқ эса хароба, ҳанузгача ўзгариш йўқ. Салтанатнинг қишлоқ ва бу ерда яшаётган одамлар тўғрисида чиқарган хулосалари ниҳоятда жўн ва бачкана. Масалан, у қишлоқ кутубхонасидан чиқиб уйига кетаётганда шундай ўйлайди: “Атроф қоронғилашган, кўчаларда одам камайган, камаймаган тақдирда ҳам қишлоқ кўчаларида чироқ бўлмагани учун биронта одам мени танимасди. Худо унугтган элатда чироқ ҳам белгиланган тартибда икки-уч соат ёнарди”. Шу тасвирнинг ўзи жуда катта мазмунни, қишлоқнинг яхлит манзарасини, қийинчилликларни, одамларнинг турмуш тарзини аниқ ва жонли кўрсатиб турибди. Бу реал тасвирдан кейин ёзувчининг ҳикоячи-қаҳрамони тилидан “Одамлар орасида ривоятнома (аслида, “намо”, яъни, ўхшаш маъносини англатувчи қўшимча бўлиши керак – Й.С.) гап юрарди: “Чироқ йўқлиги учун қишлоқ одамларининг боласи кўп”, дея киноя тарзида изоҳ бериши баён юкини енгиллатиб, бачканалаштириб юборган.

“Оворанинг кўрган-кечиргандарни” романида тасвирланган аёллардан биргина Максада опа имон-эътиқодли ва оиланинг, эрнинг қадрига етадиган аёл сифатида таассурот қолдиради, холос. Асар воқеалари силсиласидан яхшигина ўрин олган ва Салтанатга таъсири кучли бўлган қишлоқдаги ўқитувчиси, колхоз раисининг ёлғиз қизи, гўзаллиқда танҳо Малика опа дастлаб тасвирланишича, “эркак зотига қайрилиб қарамасди. Маъбудалардай мағрур эди”. Шундай аёлнинг ҳам кейинроқ совунфурӯшлик билан шуғулланадиган бозорчига айланиши, тириклик илинжида Қувончбой

деган проводник билан “үйнаш” тутиниши, йўл-йўлакай учраган Ҳамид исмли таниши билан ўпишиб кўришиши, гоҳ кабобчига, гоҳ бошқасига кўзини сузуб, қошини учирраб кулиб қараши, умуман, унинг бузуқи йўлга кириши ўқувчида малоллик пайдо қиласди. Одатда, бадий асарда ҳар бир қаҳрамон асар бошланишидаёқ, ўз қиёфаси ва генезиси, мустаҳкам эътиқоди билан туғилиши шарт. Мабодо, асар воқеалари давомида унинг характеристида ўзгаришлар юз берса, улар муаллиф-санъаткор томонидан бадий жиҳатдан исботланиши талаб этилади. Назаримда, Малика тасвирида мана шу ҳақиқат етишмайтгандек туюлади.

Шуларни ўйлаганимда, хаёлимда Саломат Вафо ва Ҳабиб Темиров асарларидағи персонажлар, айниқса, аёллар нега қатъиятли эмас? Нега бир-икки учрашуваёт эркак кишининг хоҳиш-иродасига бўйсуниб, иффатини бой бериб кўяверадилар? Нега улар аёллик шаънини улуғламайди? Нега улар иқтисодий қийинчиликка бардош беролмай енгил-елпи йўлларни излайдилар? деган изтиробли саволлар пайдо бўлади ва уларга ижобий жавоб топгим келади. Аммо тополмай, охир-оқибатда, бу ёзувчиларнинг эстетик идеали тиниқ эмаслигига ишончим ҳосил бўлади. Ёзувчи Саломат Вафо ҳикоячи-қаҳрамони Салтанат Маҳмудова нигоҳи билан нуқул ҳаётдаги қора доғларни, ахлоқий бузукликни, ишончсизлик, алдамчилик, менсимаслик, инсонни ва унинг ҳақ-хукуқларини камситиш каби иллатларни кўради. Салтанатнинг тан олишича, унинг умри фақат “йўлларда, аросат ва кувфинда” ўтди. У ҳеч кимдан яхшилик, меҳр-оқибат кўрмайди, ҳамдардлик кўрсатганларга эса (масалан, Мақсада опага) бўйин эгмайди. Унинг нуқтаи назаридан қаралса, бу дунёда, умуман, соғлом, келишган, ақлти одам ҳам, дурустроқ нарса-буюм ҳам йўқ. Ҳатто идеалидаги ошиғи Султонбек телефонда ҳол-аҳвол сўраганда ҳам унга йигитнинг “сўзлари самимийга ўҳшамас, қандайдир баландпарвоз” гаплар бўлиб туюлади. Салтанатнинг ишонч билан айтишича: “Бугунги куннинг моҳияти: ҳеч кимга ишонмаслик, барчага шубҳа билан қараш”дан иборатдир. Ваҳоланки, қаҳрамоннинг ўзи бирон марта ҳам: “Хўб, мен ўзим кимман? Нима қиляпман?” деб йўламайди. Салтанат ўзини-ўзи таҳлил этиш қобилиятидан маҳрум образдек таассурот қолдиради. У роман воқеалари тизимида қўшиқчи-шоира, журналист, мардикор, фоҳиша, маҳбус, бозорчи, ароқхўр, бемор каби турли қиёфаларда кўринади-ю, бироқ на оилапарвар аёл, на болаларига меҳрибон она, на эрига вафодор хотин, на курашчи шахс сифатида намоён бўлмайди. Эҳтимол, шунинг учун ҳам уни имон рамзи бўлган Мадина тарқ этиб кетгандир?

“Адабиёт йўл бошига қўйилган қўзгудир”, деган эди ёзувчи Стендаль. Бу қўзгуда қандай қиёфани кўрсатиш санъаткорнинг маҳоратига боғлиқ. Кўзгуда аён бўладиган инсон қиёфаси нечоғлиқ ёқимли, нурли, тиниқ бўлса, унга қараган одам кувонади, ўзини ўнглашга уринади. Аксинча, бадбашара, ахлоқиз, шаллақи ва беҳаё бўлса, киши ундан жирканади. Ана шу қабул қилишнинг икки усулидан қайси бирини танлаш ёзувчнинг эстетик идеалини ёрқин кўрсатувчи восита ҳисобланади. Зулфия Қуролбой қизи ва Саломат Вафо яратган образлардан китобхон ҳам ибрат олади, ҳам жирканади.

Муаммо ва ечим

Роман ёзувчидан узукнинг кичкина кўзига бутун бир оламни сиғдира олиш ва уни турли рангларда акс эттира билишдек фоят мураккаб меҳнатни талаб қиласди. Роман ёзишга киришган ижодкор бир пайтнинг ўзида ҳам заргар, ҳам дурадгор, ҳам сангатрош, ҳам архитектор, ҳам синчи бўлиши керак. Адаб бу касб эгаларига хос барча хусусиятларни ўзида мужассам этмоғи лозим. Токи, у яратган асарда заргарнинг зийраклиги, дурадгорнинг донолиги, сангтарошнинг сайқали, архитекторнинг ақл-фаросати, синчининг саралаш туйғуси акс этиб турсин. Асарларни шу нуқтаи назардан кўздан кечирсан, ҳозирги ўзбек насрининг баъзи ютуқ ва камчиликлари аён бўлади.

Романда, энг аввало, муаммо қўя билиш муҳим аҳамиятга эга. Роман эпик турнинг энг йирик жанри бўлганлигидан унда кўтариладиган муаммо ҳар қандай замонда ҳам, шароитда ҳам долзарблиги ва замонавийлигини йўқотмаслиги керак. Ҳаёт инсоният олдига ҳар куни, ҳар соатда янги-янги муаммоларни кўндаланг қиляпти. Бу муаммолар вазнига кўра енгил ёки залворли, кўламига қараганда катта ёки кичик, аҳамиятига кўра арзирли ёхуд арзимас, моҳиятига нисбатан ўткинчи ёки доимий, йўналиши жиҳатидан умуминсоний ёки шахсий бўлиши мумкин. Гап унинг адаб томонидан танлай ва қай да-

ражада ифодалай ҳамда жамият манфаатлари билан боғлай олишидадир. Чунки инсон жамиятнинг бир винти экан, унга дахлдор муаммо, шубҳасиз, бошқа механизмларнинг ҳам нормал ҳаракатланишига таъсир кўрсатади. Шу нуқтаи назардан биз таҳлил доирасига тортган асарларнинг аксарияти кўйилган муаммонинг романтик аҳамиятга эгалиги, замонавийлиги ва ғоятда долзарблиги билан ажралиб туради. Бироқ, очигини айтганда, уларнинг ечими бир хил савияда эмас.

Нормурод Норқобиловнинг “Дашту далаларда”, Туроб Мақсаддинг “Илинж”, Жаббор Халилнинг “Довул” ҳамда “Тақдир бекатлари” сингари асарларида кенг маънода олганда, инсон ва табиат, инсон ва жамият, яхшилик ва ёмонлик каби адабиётнинг кўхна ва азалий муаммоларига мурожаат қилинган. Албатта, бу муаммолар умумий характерга эга бўлиб, уларнинг ҳар бири ижодкордан заргарона зийраклик билан зарур қирраларини ажратиб олишни, синчилик салоҳияти билан ўқувчига маъқул томонларини аниқлашни, архитекторлик ақлини ишлатиб, нимани қаерга ўрнатишни талаб қиласди. Бўлмаса, асар шиширилган шардек ҳавойи, танланган қаҳрамонлари эса муаллақ бўлиб қолиши ҳеч гап эмас.

Масалан, Нормурод Норқобилов инсон ва табиат муаммосини кўтарар экан, уларнинг бир-бирисиз яшолмаслигини, бир-бирини тўлдирадиган ягона вужуд эканлигини ифодалаш мақсадида, роман бошланишидаёқ, ўқувчининг кўз ўнгидаги инсон табиат ва ҳайвонот оламидан иборат уч қатламни намоён қиласди. Бу қатламларнинг ҳар бири аниқ тимсоллар орқали гавдалантирилади. Инсон қиёфасида табиатни тушунган, уни асрар қолиш учун ўзини масъул деб билган Эшқул полvon; табиат тимсолида кўм-кўк майсалар билан қопланган қиру адирлар, бепоён дашту далалар; ҳайвонот оламидан бўри, тулки, итлардан тортиб, юмонқозику қурт-кумурсқаларгача... Уларнинг ҳар бири муаммонинг маълум бир қиррасини ечишга беминнат кўмаклашади. Ёзувчи бу уч қатлам ўртасидаги муносабатларнинг мураккаблиги ва зиддиятларга бойлигини ҳам теран тасвирлашга эришган. Ёзувчи асарида тасвирланган инсон ўз “мен”ини йўқотмаган ҳолда табиат билан очиқ мусоҳабага киришади. Албатта, бундай мусоҳабада ёзувчи табиатнинг инсондан кучли эканини эсдан чиқармайди. Аммо, бу ғояни асарига зўрлаб ҳам киритмайди, балки воқеалар силсиласидан табиии равишда сизиб чиқишига эришади.

Туроб Мақсад эса ўз романида эзгулик ҳар доим ёзувлар устидан ғолиб чиқиши муқаррар эканлигига инсон кўнглида туғилган озгина илинж туйғуси ҳам асос бўлишини ифодалашни мақсад қилиб олган. Бу мақсадини бадиий жиҳатдан ифодалаш учун антиқа исм ва қиёфага эга бўлган қаҳрамони Ҳайбатнинг ҳаёт йўлини танлайди. Ота-онасининг кимлигини билмай, болалар уйида вояга етаётган Ҳайбатнинг мурғак кўнглида қўйидаги илинжлар куртак ота бошлайди: биринчиси, **мехр илинжи**. У дунёга келган кунданоқ инсон меҳрига муҳтож бўлиб яшади, она кўксини эммади, илиқ қуочида эркаланиб ётмади, алла эшитмади. Болалар уйида гап эшитиб, калтакланиб, четга сурилиб ўсади. Шу меҳрдан униб чиқадиган иккинчи илинж – **аёл зотига муҳаббат, уни асрар ва умрини узайтириши**. Чунки у онам мени туғибок оламдан ўтган деб ўйларди. Шу сабаб ўқувчилик пайтидаёқ унинг тарафини олган тенгдоши Донохонга бир умр қаттиқ меҳр қўйди, уни унутмади ва унга интилиб яшади. Учинчиси, **илемга интилиши илинжи**; У инсоннинг умрини узайтириш ўйларини ўрганди. Устози академик Улуғ Барака (кейин отаси бўлиб чиқди) илгари сурган ген масаласини ривожлантириб, фанда кашфиёт яратди, яъни, **ўлган одамни ҳаётга қайтарди**. Бу унинг **тўртминчи илинжи** эди.

Ёзувчи ўзининг илмий мантиқа асосланган ғоявий-бадиий ниятини турли тасвирий санъат элементлари ва геометрик чизгилар ёрдамида баён қиласди. Улар орқали инсон организмидаги зурриётта тегишли эзгулик ва ёвуздик унсурлари мавжудлигига, уларнинг қаҷондир, кимдадир пайдо бўлиши мумкинлигига эътиборни тортади. Бунинг ёрқин мисоли Ҳайбатнинг ўзи. Маълум бўлишича, Ҳайбат бутун умри ва илмий қобилиятини инсон генини аниқлашга сарфлаган йирик олим Улуғ Барака билан яна бир истеъдодли олима Малика Ражабнинг никоҳсиз туғилган ўғиллари бўлиб чиқади. Бироқ улар ўртасидаги муносабатлар ўқувчини ишонтира оладиган даражада аниқлик касб этмайди. Шу билан бирга инсон зурриётига оид муаммолар моҳиятини янада чуқурроқ ва ишонарлироқ очиш учун ёзувчи биологик, зоологик ҳамда физиологик фанлар нуқтаи назаридан ёндашуви, бундай кашфиётнинг илмий-фалсафий асосларини янада мукаммалроқ ўрганиши зарурга ўхшайди.

Жаббор Халил ҳам ўз романлари марказига жамият ва инсон, зулм ва адолат, тазийк ва умид каби масалаларни қўяди. Жумладан, “Довул” романида XX аср бошлиридан то янги асртагача бўлган давр мобайнида шаклланган уч хил тузум – чор Русияси, шўролар ҳокимияти ва мустақиллик даврида яшаб, баҳтсизликдан баҳтга, қулликдан озодликка томон борган уч авлод тақдирни ёритилади. Ана шу авлодлардан ҳар бирининг ҳаёти, яшаш тарзи, кураши ва интилишлари мақсадга мувофиқ равишда маҳсус бўлимларда баён қилинади. “Оқар дарёлар” деб номланган бўлимда биринчи авлод вакили Боёрнинг Шахрисабз беги томонидан ўн икки қишлоқни ўз тасарруфига олган Сахват музофотига аминлик лавозимига тайинланishiдан то ўлимигача бўлган давр қамраб олинган. Ўтган асрнинг энг мураккаб 30-70 йиллар воқеаларига ишора қилинган “Дардли чўққилар” қисмida иккинчи авлод вакиллари Ҳамидjon, Fанижон, Саминжонларнинг ҳаётда ўз ўрнини топиш учун уринишлари, ўқиш ва ишдаги баъзи қийинчиликлар ифодаланади. Бу қисмда кўпроқ отаси Боёр аминнинг орзу-умидларини амалга ошириш ниятида қишлоқ хўжалиги мутахассиси бўлиб етишган Fанижон фаолияти асосий ўринни эгаллади. “Интилиш” деб номланган учинчи бўлимда ана шу Fанижоннинг уч ўғли ўқитувчи Раҳмонали, колхоз раиси Шарифжон, дастлаб ўқитувчи, кейинроқ маҳсус ташкилот ходими бўлиб етишган Шавкатжонларнинг 70-90-йиллардаги ҳаёти, “пахта иши” оқибатида тортган азоблари, мустақиллик эълон қилиниши муносабати билан ҳамма нарсанинг ўз жойига тушиши, уларнинг дарҳол тадбиркорга айланиб кўплаб заводлар қуриши, бой-бадавлат бўлиб кетишлари, ота-боболари етишмаган орзуларга болаларнинг етишганлиги ҳақида ҳикоя қилинади.

Бироқ, романда зиддиятли воқеалар, характерли тўқнашувлар жуда силлиқ кечади. Масалан, эндиғина 20-22 ёшга кирган Боёр аминлик лавозимига тайинлангандан кейин барча хайрли ишларини осонгина амалга ошираверади. Вилоятни қаттиқўллик билан бошқариб турган рус ноиби унамаса ҳам, маблағ ажратмаса ҳам ҳалқ ҳашарини ташкил этиб, канал қазииди, узумзор, мевазор боғлар ташкил этади, одамларга саҳоват кўрсатади, камбағалларни кўллаб-кувватлади. Тўғри, ана шундай адолатли, меҳр-оқибатли мансабдор ота-боболаримиз тарихда бўлган, бироқ уларга осон бўлмаган, ахир. Амин эса ҳеч қандай тўсиққа учрамайди. Ҳатто уни аминликка тайинлаган Шахрисабз беги ҳам кейинроқ воқеалар силсиласидан бутунлай чиқиб кетади.

Афсуски, кейинги авлод вакиллари ҳам ўз ниятларига етиш йўлида жиддий тўсиқларга учрамайдилар. Ваҳоланки, русларга қарши кураш олиб борган зотларнинг болаларига шўролар даврида осон бўлмаганлигига тарих гувоҳлик беради. Ушбу асарда қарийб чорак кам бир асрлик мураккаб даврнинг чирсиллаб турган муаммоларини танлаб олиш ва аниқ образлар тимсоли орқали тасвирлаб бериш маҳорати етишмайди.

Худди шундай майда-чўйда масалалар атрофида ўралашиб қолиш қусури “Тақдир бекатлари” романни структурасига ҳам даҳлдордир. Ёзувчининг бу романни ҳам воқеаларнинг силлиқ ривожланиши, қаҳрамони Жавлон Алиевнинг йўлида учраган тўсиқларни осонгина енгib ўтиши, қадам-бақадам муваффақиятга эришиши билан ўкувчини “лол” қиласди. Ҳар иккала романда ҳам муаллиф баёни қуруқ ахборот, ечим эса фоят баландпарвоз публицистик оҳанг, ҳамду санолар билан тугайди. Тасвирда бадиийликдан кўра мақоланавислик усули устун туради. Ёзувчидаги фоявий ниятини ифодалашга хизмат қиласиган воқеаларни саралаш маҳорати етишмайди.

Бадиий асарда воқеанавислик энг жиддий қусурлардан бири саналади. Ёзувчи воқеаларни бирин-кетин қалаштириб ташлаш ва ҳиссиз баён қилишдан эҳтиёт бўлиши лозим. Чунки қаҳрамон кўп воқеалар юки остида қолиб, муаллифнинг асосий фоявий ниятини ечимга қадар кўтариб кетолмай қиласди. С.Вафо, Ж.Халил, Ҳ.Темиров, Н.Исмоилов, Н.Ҳошимов, М.Исмоилов каби ёзувчиларнинг асарларида ана шу қусур кўпроқ кўзга ташланади. Бунинг устига улар яратган персонажлар кўпинча муаллифнинг карнайи бўлиб хизмат қиласидар. Асар муаллифи нимани хоҳласа, шуни айтадилар, қандай ишни буюрса, ўшани бажарадилар ва охир-оқибатда ўзига хослиқдан маҳрум бўладилар. Тўғри, асар учун танланган персонажлар одатда, ёзувчининг фоявий ниятини ўкувчига етказиш воситаси бўлиб хизмат қиласди. Бироқ, чинакам ёзувчи ўз қаҳрамонларини нима ишни бажаришга, қандай гапни гапиришга мажбур қилиши кераклигини билиши нечоғлиқ муҳим бўлса, нималарни қилиш ёки қандай сўзларни гапиришга мажбур этаолмаслигини билиши ундан ҳам муҳимроқдир. Бадиийлик меъёри шуни талаб қиласди. Меъёрни ҳис қилмай туриб ҳақиқий санъаткор бўлиш мумкин эмас.

Унумтайликки, адабиёт ҳар доим поклик, гўзаллик,adolat, ҳақиқат, имон ва эътиқод кўзгуси бўлиб келган ва шундай бўлиб қолмоги лозим. Ёзувчи ҳар қандай разолат ва қабоҷат, ифлослик ва имонсизлик, разиллик ва ахлоқсизлик заминида ўзининг покиза эстетик идеалини илгари суришни унумаслиги шарт. Бусиз ўқувчини эзгулик руҳида тарбиялаб бўлмайди.

Конфликтсизлик касри

Бадий асарда инсон ҳаётининг мураккаблигини, жамият билан унинг манфаатлари ўртасидаги келишмовчиликлар, норасолик ва номутаносибликни реал тасвирлаш учун ёзувчидаги түғма истеъдод бўлишидан ташқари, менинг назаримда, буюк жасорат ҳам бўлиши шарт. Ҳозирги ёзувчиларнинг айримларида ана шу жасорат етишмаётгандек туюляпти. Воқеалар силсиласида зиддиятлар ўқонига чуқурроқ кириб бориш имкониятлари туғилган жараёнда муаллиф қаҳрамонини бундай гирдобга отишдан ҳайиқаётгандек, ўзини эҳтиёт қилаётгандек таассурот туғилмоқда. Қарама-қаршиликлар таҳлилини чуқурлаштириш ўрнига, енгил-елпи эпизодлар баёнига ўтиб, ундан четлашиш, вазиятни юмшатиш ҳоллари юз беряпти. Бунинг оқибатида, асар воқеалари тизимида заифлик, айтиш жоиз бўлса, жарлик, характерлар динамикасида сустлик пайдо бўляпти. Айрим асарларни мутолаа қилиб, воқеаларнинг бир текис ва силлиқ кечаяётганини кўргач, хаёлимга ўтган асрнинг эллигинчи йилларида пайдо бўлган конфликтсизлик касаллиги қайталанмаяптими, деган хавотир келади.

Конфликт бадий асар сюжети учун мотор вазифасини бажаради. Усиз сюжет механизми ҳаракатга келмайди. Мабодо, узоқ сафарга чиқилса-ю, ярим йўлда мотор ишламай қолса ёки фаолияти сустлашса, киши кўзланган манзилига етиб боролмаганидек, асар конфлиktи воқеалар давомида бўшашига, ёзувчи ҳам ғоявий ниятига етолмайди. Ҳар бир бадий асар ҳам яхши маънода ўқувчи қалбига уюстирилган сафардир. Бу сафарда турли-туман ҳодисалар, яхши-ёмон одамлар, ўйдим-чуқурлару кескин бурилишлар учраши табиий. Агар асар сюжети ғоялар, қарашлар, характерлар, гурухлар ўртасида рўй бераётган қарама-қаршиликлар асосига қурилмаса, бундай асар таъсиран чўлмайди. Бинобарин, ҳаётий ҳақиқатнинг аниқ ва изчил ифодаланиши зиддиятларнинг моҳияти ва ишонарлилиги билан ўлчанади. Айни чоғда, инсон қалбидаги юз бераётган тўқнашувлар ҳам ифодаланаётган муаммо ва характернинг янада ишонарлироқ чиқишига кўмаклашади. Кейинги йиллар насирида инсоннинг ички кечинмаларини жиддий қарама-қаршиликлар асосида тасвирлашга эътибор берилаетгани бекизи эмас.

XXI аср бошида яратилган асарларга шу нуқтаи назардан қаралса, кўплаб маҳоратли адиларимиз конфликтнинг ранг-баранг турларидан унумли фойдаланиб, таъсиран ва қизиқарли сюжетлар асосига кураётгандигига ишонч ҳосил қилиш мумкин. Айни чоғда, сунъий ҳамда ишониб бўлмайдиган ўйдирма воқеалар тўқиб чиқарилаетган асарлар сирасига ҳам дуч келамиз. Баъзи адиларда зиддиятларни чуқурлаштириш имконияти туғилганда ҳам уни ривожлантира олмаслик, тўқнашувларни енгил-елпи йўллар билан ҳал этиш, қаҳрамонларни оғирнинг устидан, енгилнинг остидан ўтказишга уриниш қусури сезилади.

Шупарни ўйлаганимда, Нормурод Норқобилов, Туроб Мақсад, Жаббор Халил, Зулфия Қуролбой қизи, Саломат Вафо, Ҳабиб Темиров каби адиларнинг сюжет куриш ва конфликт яратиш борасидаги ўзига хос ютуқ ва камчиликлари кўз ўнгимга келади. Бадий асарда дастлаб воқеаларни ривожлантиришга ёрдамлашадиган тугунни ўртага ташлаш муҳим аҳамият касб этади. Агар шу тугун асарнинг барча персонажларини, улар билан боғлиқ эпизодларни бирлаштириб, конфликтни ривожлантираса, воқелик сўнгига қадар тизгинни маъжам ушлаб тура олса, асар композициясининг яхлитлиги таъминланган бўлади. Шу жиҳатдан ўқувчи илк саҳифаданоқ “ўзи тунд ва ҳафсаласиз бир қиёфада” юрган чехраси ғамнок Тўланбой (“Дашту далаларда”); “ҳаяжонли, иккиланган бир ҳолда оқ қофозга аллақандай шакллар чизаётган” Ҳайбат (“Илинж”); “Эшикдан кирган заҳоти чор атрофга турли майда-чуйдалар сочилган, жавон ғаладонлари очилиб кийимлар ивирсib” ётганини кўриб “юраги шувиллаб” кетган Салтанат (“Овоннинг кўрган-кечиргандари”); бир неча кундан бери “қалбига чироқ ёқса ёришмай, ишлари ҳам юришмай” изтироб чекаётган Жавлон Алиев (“Тақдир бекатлари”)лар билан

учрашганида хаёлига дарҳол: “Нега?” деган савол урилади. Табиийки, бу савол уни асарни тезроқ мутолаа қилишга ундейди. Жавобни топгач, баъзиларидан қониқади, баъзиларидан эса қониқмайди.

Гарчи бошқа асарларда сюжет тугуни бу қадар кескин тарзда қўйилмаса-да, воқеалар марказида асосий ўрин эгаллаган персонажлар ҳаётидаги муҳим ўзгариш, бунинг натижасида инсон кайфиятида пайдо бўлган қувонч ёки ташвишлардан хабар бергувчи диалоглардан бошланади. Масалан, Зулфия Қуролбой қизининг “Армон асираси” романи эр-хотиннинг янги уйга кўчиб келишганидан ниҳоятда хурсандлиги, оиласда қўпдан бери бунақа шодлик ва мўл дастурхонни кўрмаган болаларнинг шовқинсурони, эртага бундан-да яхши яшаш ҳақидаги орзулари, “Машақатлар гирдоби” асари эса аксинча, боз қаҳрамон Давроннинг “Бир қолипга тушиб қолган ҳаётини бирданига бир юз саксон градусга ўзгартириб юборган” эр-хотин ўртасидаги можаро ва бунинг натижасида эрнинг уйдан бош олиб чиқиб кетиши-ю, ўзини машақатлар гирдобига отиши билан бошланади. Ҳабиб Темировнинг “Қасос ва муҳаббат” романининг биринчи китобида никоҳ кечаси келиннинг қочиб кетиши ҳақидаги хабардан воқиф бўламиз. Булар, шубҳасиз, ўкувчида қизиқиш уйғотади ва уни воқеаларнинг давомини тезроқ билиб олишга ундейди.

Албатта, бадиий асарда ташланган сюжет тугуни конфликтнинг кескинлашуви ҳамда муаммонинг ечимига мустаҳкам пайванд қилингандагина асар макроструктураси яхлит ҳолга келади. Шу жиҳатдан қараганда, Нормурод Норқобилов, Туроб Мақсуд кабиларнинг воқееликка ижодий ёндашуви ибратлидир. Масалан, Тўланбойнинг дилгирлиги, қиёфасининг тундлиги, Ҳайбатнинг ҳаяжонли ҳолати, айни чоғда, иккиланиб, қоғозга аллақандай мавҳум шаклларни чизаётганлиги сюжет охиригача сир тутилади. Ёзувчилар баъзан ўкувчини бошқа воқеалар билан алаҳситиб, четга чиқаётгандек тутилади. Аммо, бу чекинишлар бежиз бўлмай, улар қаҳрамонларнинг сирли ҳолатини тўлдиришга, янги тугунчалар ҳосил қилишга ёрдам беради. Тўланбойнинг кўзи тасодифан қопқонга илингган тулкига тушгач, унинг терисини шилиб, азоблаб ўлдиришни ўйлади (худди аламини тулқидан олмоқчидек). Ҳайбат эса “чукур хаёлга чўмған”ича “хона ўртасидаги диванда ётган” оқ чойшабдаги гавдани очади. Унда гўзал бир қиз ётарди. Муаллифлар томонидан киритилган бу қўшимча деталлар асосий тугун кўлламини янада кенгайтиради, персонажлар қиёфасига янги чизиқлар тортади, ўкувчида қўшимча саволлар пайдо қилади. Бу саволларига фақат асар охиридагина жавоб олади. Унгача китобхон қалбида ҳаяжон ва қизиқиш ошгандан-ошиб бораверади.

Ҳабиб Темировнинг роман-дилологиясида ҳам Русияга қатнаб, осонгина бойиб кетган “янги ўзбек” Миртожининг ажабтовур саргузаштлари ҳикоя қилинади. Роман чиндан ҳам саргузашт-детектив асарларга хос эпизод билан бошланади. Миртоҷибий қизи Лайлони ўзи сингари “янги ўзбек” бойларидан Қолдикбекнинг ўғлига унаштириб, шаҳарнинг энг машҳур ҳашаматли маданият саройида ўтказилаётган тўйда куёв-келинларни кутишмоқда. Бир пайт, худди ҳинд кинофильмларида акс этганидек, тўйхона олдига “бир қоп-кора “Нексия” елдек учиб келиб эшик олдида гийқиллаб тўхтади”да, “Ундан бўғриқиб, нафаси бўғилиб кетган куёв тушиб, отаси томонга чопди”. Маълум бўлишича, келин қочиб кетиби! Худди ўша фильмлардагидек бой кудалар бир-бирини юпатади, таскин беради ва... бир оздан сўнг тўй биноидек давом этади. Орадан озгина ўтгач, “оппок ҳарир либосли, юзига бежирим кашмири чачвон тутган келин” ва куёв қўлтиқлашиб, тўйхонага кириб келадилар. Демак, ҳамма нарса жойида, келин топилибди-да! Аксинча, жойларига ўтиргач, куёв “қайлиғига ўпкалаган тарзда ўғирилди ва унинг чачвонини оҳиста кўтарар экан... қотиб қолди. – Ие, – деди у сал бўлмаса ийқилиб тушай деган аҳволда. – Сиз... бошқа-ку!” Келин эса уялиш, хижолат тортиш ўрнига ҳали бирон марта кўрмаган куёвига – “Жим! – деди таҳдидли овозда. – Жим ўтиргинг! Мен ўшаман! Мен... кейин тушуниб оласиз”, дея пўписа қиласи. Кейин аниқланишича, бу янги келин Миртожининг кичик қизи Шахло экан.

Кейинги воқеалар бундан-да ғаройиб! Лайло топилгач, уни опқочиб кетган Нозим билан келишиб тўй кунини белгилайдилар. Буни қарангки, энди бу гал куёвтўра қочиб кетади! “Янги ўзбек” бойи Миртожи бу галги шармандалиқдан ҳам осонгина кутилиш йўлини топади – ёрдамчиси Кўшоқбойнинг югуриб-елиши туфайли бирпасда “ижарачи” куёвни олиб келади-да, келиннинг ёнига ўтқазиб қўяди. Асар воқеаларини бу каби янги эпизодлар билан бойитиш, аслида, конфликтнинг янада кескинлашувига, қўшимча ту-

гунлар ва тўқнашувларнинг пайдо бўлишига ёрдам беради. Шубҳасиз, ўқувчи хаёлида энди бу “янги келин-куёвлар”нинг хаёти қандай кечади? Ахир, улар Отабек билан Кумуш эмаски, бири: “Мен ўшаман...” деса, бошқасининг кўнгли жойига тушиб, енгил тин олса?! Айниқса, ўзининг эндинига етишган чинакам эри ўрнида бутунлай бошқа эр-какни кўрган Лайло қай аҳволга тушди экан? Мабодо, ижарага олиб келинган бу “куёв” тўйдан кейин кетмасдан “шу менинг хотиним. Мана, ҳамма гувоҳ, ундан ажрашмайман” деб туриб олса, нима бўларди? Ахир, у кўли калта етимча, бировларнинг эшигига ишлаб кунини ўтказиб юрган йигит экан-ку?! деган саволлар туғилади. Бироқ, воқеалар на биз, на қаҳрамонлар истаган йўналишда эмас, балки ёзувчининг хоҳиш-истагига кўра ривожланади. Персонажлар унинг амрига сўзсиз бўйсуниб ҳаракат қиласидилар. Ҳамма нарса осонгина ҳал бўлади: Қолдибекнинг ўғли “кейин тушуниб олади”, “ўша” келин билан тинчгина яшай бошлайди ва, умуман, воқеалар силсиласидан чиқиб кетади. Яхшики, “ижарагир” кўёв Мардибой исми жисмига мос “мард” йигит экан, ролини муваффақият билан бажаргач, хизмат ҳақини ҳам олмай кетаверди.

Бу мулоҳазалар роман муаллифи бадиий адабиётнинг миллӣйлиги, характер мантиқи, воқеалар ҳаётийлиги ва изчиллиги каби муҳим мезонларига етарли риоя қилмаганинг кўрсатади. Назаримда, Ҳабиб Темиров ўйлаб топилган бундай ўйдирма воқеалар билан ўқувчиси кўнглини олишни, персонажларнинг худди режиссёр топширигини бажаришга мажбур бўлган актёrlар сингари қабул қилишини хоҳлайди, шекилли. Аммо, режиссёр актёrlардан асардаги қаҳрамон характери мантиқидан келиб чиқкан ҳолда роль ижро этишини талаб қиласа, роман муаллифи персонажларни ўзининг ғоявий ниятига қараб роль ўйнашларини талаб қилмоқда. Дарвоқе, нутқда бадиийликдан кўра газета ахбороти, қуруқ баёнчилик ҳам асарнинг бутун мазмунини сусайтириб қўйгандек туюлади.

Хуллас, XXI аср мамлакатимизнинг иқтисодий-сиёсий, ижтимоий-маданий ҳаётида янги саҳифалар очганлиги аниқ-равшан кўриниб турибди. Бундай ривожланган юртда маънавий-маърифий жабҳанинг кўзгуси бўлмиш бадиий адабиётнинг умумий юксалишдан орта қолиши ярашмайди. Бу оғир вазифани ҳал этишда ижод аҳлининг масъулияти жуда катта. Бунинг учун адабиёт намояндалари ҳалқ ва жамият олдидаги масъулиятини чуқур ҳис этмоқлари зарур. Масъулиятни ҳис этиш эса кишининг онги, дунёкараши билан боғлиқ. Яратилажак “Бадиий асар, энг аввало, ёзувчи тафаккурининг мевасидир” (Чингиз Айтматов), буни чин дилдан ҳис қилган ҳар бир адаб қўлига қалам ва қофоз олишдан олдин ўз олдига: “Мен маънавий жиҳатдан юксалиб бораётган ҳалқимга, жаҳонга бўй чўзаётган ёш авлодга, ўзлигини англаб етган ўқувчимга нимани, қандай шаклда айтишим керак? Менинг сўзларим унинг келажагида қандай роль ўйнайди? Кўзлаган мақсадидан қайтармайдими? Танлаган тўғри йўлидан чалғитмайдими?” деган саволларни қўйиб, уларга масъулият билан жавоб изласа, мақсадга мувофиқ бўларди.

Бунинг учун ёзувчи ҳаётга некбин кўз ва ёниқ муҳаббат билан қарамоғи керак. Токи, унинг тафаккури ҳосили ҳисобланган бадиий асар хом-хатала ва тахир мева сингари харидорнинг иштаҳасини бўғмасин. Бундай вазиятга тушмаслиги учун ижодкор яратилажак асари устида тинимсиз меҳнат қилиши, ҳаддан зиёд кўп тер тўкиши талаб этилади. Зоро, шошма-шошарлик адабиётга ҳеч қаҷон наф келтирмаслигини, ҳақиқий санъаткор учун кўп ёзишдан кўра, хўб ёзиш афзал эканлигини билиши шарт. Бунинг учун ҳақиқий ижодкор ҳалқининг дарду ғами билан яшashi, уни чуқур ҳис қилиши, ҳаёт қозонида кўпроқ қайнаши, кувончу ташвишларини одамлар билан баҳам кўриши, реал ҳаётда рўй бераётган ўзгаришлардан илҳомланиши керак.



Юрий БОРЁВ,

Россия Бадиий академияси академиги,
филология фанлари доктори, профессор

ИНСОН ҲАМДА ИНСОНИЯТ ҲАЁТИНИНГ ОЛИЙ МАҚСАДИ ВА МАЬНОСИ

I

Маданият ва маърифат ҳар доим инсоният тараққиётининг идеалларини, мазмун ва моҳиятини англашга ҳаракат қилиб келган.

Мен бутун борлиқни мангулаштириб,¹
Дунёни унумиб яшасам – ўтсам!
Ўзлиги йўқларда ўзлик яратиб,
Рўёни чин этиб, йўқни бор этсам!

Александр Блок фикрича, инсоният максади – дунё ахлини одамийликка (инсонийликка) ўргатмоқ. Бу жуда буюк ва ноёб эндемик² ғоя. Жаҳон маданияти хазинасида бошқа бирорта ғоя йўқки, шу даражада кўламдор бўлса. Россияда бу метофизик ғоя кўпларга хос. Пушкин давлатни инсонийлаштириш, Горький инсонни инсонийлаштиришни, Циолковский коинотни, Федоров мархумлар оламини, Лобачевский фазо ва маконни инсонийлаштиришни, Бернадский одамларнинг ақл-идроқи, руҳияти ва маънавияти – ноосферани,³ Станиславский саҳнани психологик ҳолатларга, кечинмаларга тўлдиришни, ВХУТЕМАС (санъат илмгоҳи) рўзгор ашё-буюмлари дизайнини, Дизга Вертов инсон нигоҳи орқали кинони, Эйзенштейн кино монтажини такомилга етказиши, Солженицин жамиятни инсонийлаштиришни зарур деб билганлар. Рус маданияти оламни одамийликка чақириб, метафизик максадни кўзлар эди.

Пушкин учун инсон ҳаётининг олий мақсади ва моҳияти мухимдир. Агар идеаллар бўлмаса, “... ҳаётимиз фафлат уйкусидир, гўё фалакнинг замин устидан масҳаралаши каби”. Бу тарихий-фалсафий мулоҳазалари маркази “Мис чавандоз” асаридир. Поэма-да шахс ва давлат муносабатларининг юксак идеали ҳақида гап боради. Бу муаммони Пушкин икки бosh қаҳрамоннинг ҳаёт моҳиятини қандай тушунишларини таққослаш орқали ҳал қиласди.

Ҳаётининг икки дастури, икки мақсади, икки моҳияти.

1. Пётр I нинг “мўъжиза яратувчи” дастури:

Шунда туриб, швёдларга солгаймиз қутқу,
Янги шаҳар қуражакмиз мисли тош, оташ.
Бу – азалдан буюрмишдир, бермайди уйқу
Бурни осмон қўшни билан қасма-қасд яшаш.
Барча очмоқ истагида – Оєрупага бок,
Оёқларни маҳкам тирааб дарё бўйида.
Биз томонга сузаётган тўлқин куйида,
Бизницида меҳмон бўлар кўпдан-кўп байроқ.

¹ Шеърлар Ойгул Суюндикова томонидан таржима қилинган.

² Эндемик – маҳаллий, жайдари, маълум бир жойга хос.

³ Ноосфера – табиат ва жамиятнинг ўзаро муносабати маҳсули.

Пётрнинг дастури буюк давлатчилик, оқилона ташки сиёсат, иқтисодий ривожла-
нишни кўзда тутувчи мақсадларни ўз ичига олади. Аммо у орқали шахс муаммоларига
чиқишининг йўли йўқ.

2. Оддий одам Евгенийнинг ҳаётий дастури:

Үйланиш? Менгами? Нечун бўлмасин?
Инчунун, оғирроқ кечади албат.
Ва лекин мен ёшман, соғломман, бетин
Мехнатдан қочмайман, у – менга одат.
Қуриб олажакман ўзимга оддий,
Камтарин, осуда, содда бошпана.
Эркалайман Парашамни, Парашам хушбуй,
Ўтиб кетар билдиримасдан ўйлар ҳам ёна.
Ер оламан, балки азиздан азиз
Болаларим ҳамда ширин оилас
Ташвишини суюб, беминнат, бесўз
Кўтаради мен-ла суюк Парашам.
Яшагаймиз бирга баҳтли, шодумон,
То қабрга қадар омондан омон.
Қўлни қўлга қўйиб, сяб икковлон.
Набиралар бизни қўмар бегумон...

Инсонпарвар Пушкин учун кичик одамнинг дастури ҳам, мўъжиза яратувчи про-
граммаси ҳам тенг! Фақат уларнинг уйғунлашувигина давлат барқарорлигини ва шахс
баҳтини таъминлайди. Улар ихтилофи эса, давлат ва ҳокимият учун ҳам, шахс ва
фуқаро учун ҳам фожиадир.

Пушкин маҳоратининг буюклиги – мукаммал жамият тузиш ҳақидаги оламшумул-
тарихий ғоя, давлат ва шахс уйғунлиги зарурати ҳақидаги қарашларини, нафақат асар-
нинг мазмун ва маънолари орқали, балки услуби орқали ҳам намоён қила олганлиги-
дадир. “Мис чавандоз” услубига ана шу концепция юкланган.

Услуб – мактаб дарслиги тил меъёрларидан четга чиқиш, бадиий тилга қўчишдир.
(Р.Барт).

Яйдоқ ўйлар қирғоғида У
Улуғ ўйлар далаларига
Турад олис-олис кўз ташлаб.

“Мактаб тили” да бундай дейиш керак эди: “Кимсасиз қумлоқ қирғоқда Пётр ўй
суріб турарди”.

Пушкин эса “мактаб тили”дан четта чиқади... қайси томонга? Қасида (ода) томон-
га. Яъни, қасида тилида “берег” сўзига жиддий поэтик маъно юкланган, шунингдек,
“пўпчник босган ботқоқли соҳилда” дейилган. Қисқаси, поэмада бошдан-оёқ қасида
тили билан одатдаги иборалар кўшилиб кетган. Якуни қўйидагicha:

... Девонамни останамда
Топдилар менинг.

Шундан кейиноқ СОВУҚ (қасидабоп сўз! – Ю.Б.) МУРДА (жасад)ни
(одатий сўз! – Ю.Б.) ҳам
Топширилар раббим кўлига.

Поэма услуби – қасидавий сўзлар ва одатий сўзлар қўшилувидан иборат.

Қасида услуби – одатий сўзлар Пётр (хукмдорлик, давлатчилик) ва Евгений об-
разини (шахс, фуқаро) шакллантиришга ёрдам берган. Уларнинг уйғунлиги поэма ус-
лубини ташкил қилиб, унга гўзаллик бағишлийди, воқелинда эса хукмдор ва ҳалқ бир-
лашуви давлат ва ҳукмдорни ҳам, оддий одамларни ҳам барқарор баҳтли ҳаёт билан
таъминлаши мумкин.

Уйғунликни ниҳоят хунук шаклда бузиб, Мис ҳайкал Евгенийни, “Ҳаф сеними, қараб тур!” деб дүк ургани учун, ўч олиш мақсадида уни кувлай бошлайды.

Мис чавандоз – зиддиятли образ, унда Пётр ва рус давлатчилиги билан халқ қарама-қаршилиги акс этган. Пушкин тилида мис – эстетик жиҳатдан салбий тусда берилган:

*Қанча – қанча, о, мис қалблару
Хатто қанча беор ғарип, ёт
Олмоқ бўлар мендан ҳамиша
Унумилмас муҳр, таассурот.*

Мис – салбий тавсиф. Лекин чавандоз, оддий отлиқ эмас, балки – рицар. Пушкин Николай I ҳақида “подшо рицар эмас” дея беихтиёр айтиб юборган, аслида Пушкин учун Пётр – рицар.

Фальконе ясаган ҳайкал (Мис чавандоз) бронзадан ишланган. Пушкин чавандози эса, айни бир вақтда, мисдан, бронзадан ва темирдан. Чавандоз мисдан, аммо бронзадан ҳам дейилади (“бронза отдағи маъбуд”). Тош йўлдан силкиниб, оғир жаранглаб чопқир туёғи товушин эшитардик биз. Бронза – жарангдор, асл металл. Аммо мис чавандоз айни пайтда темир. (“Оҳ, қудратли тақдир ҳукмдори... Темир юган жилов ила Россияни оёққа кўтардинг”). Бу Пётрнинг иродаси ва бунёдкорлик қудратига берилган баҳо. Пушкин рус давлатчилигини мақтайди. Барча иллатларига қарамай, Пушкин Россия мустақиллиги ва яхлитлигини таъминлади. Бу ерда Пушкин Мицкевич (“Буюк Пётр ҳайкали”) дан бошқачароқ фикрда. Мицкевич учун Мис чавандоз Польша мустақиллигини барбод қилган Рус давлатининг тимсоли. Пушкин эса Россия бошига Польша куни тушмаслиги тарафдори. Рус ҳарбий қудратини мақтовчи қасида:

*Севаман жангари ҳарбий ҳаётни,
Марснинг-да гаройиб далаларида.
Пиёда қўшинлар, ҳар учқур отни
Шу ҳаётдай метин ялдоларида.
Улар саф тортади бир текис, равон,
Голиблар байрогин баланд кўтариб.
Мис қалпоқ жилваси ёниб, бегумон
Ўтаётур кураш, нақарлар ортиб.*

Пушкин, давлатчилик фақат шахсгагина таяниб яшай олмайди, деб ҳисоблайди. Қудратли давлатни фақат буюк шахс учун ёки бунинг аксича, буюк шахссиз барпо қилиб бўлмайди. Давлат шахс орқали ва халқ манфаатига бунёд этилади. Тарихни шахс ҳаракатга келтиради. Агар инсон шахсий ва ижтимоий ҳаётда қувонч ва баҳтга эриша олмас экан, давлат муваффақиятларга эриша олмайди, унинг асоси пуч бўлиб қолаверади.

XIX асрнинг учинчи чорагида бу муаммоларни юксак даражада ҳал қилишдаги уринишлар “Мис чавандоз” бадиий концепциясини юксак тарихий чўққига олиб чиқди.

Давлат бўлиши зарур. Давлатчиликнинг йўқлиги ёки унинг заифлиги ёмон оқибатларга олиб келади, бу эса унинг катталашиб кенгайганидан ва тоталитаризмдан ҳам ёмонроқ. Лекин айрим пайтларда давлат ғайриинсоний томонга ривожланади, демак, давлат инсон учун фойдали хусусиятларга эга бўлиши керак. Пушкин исённи тарихан унумсиз, лекин тараққиётнинг айрим ҳолатларида муқаррар содир бўладиган ҳодиса деб кўрсатади.

Бадиий маданият тарихий жараёнда парадигмаларни ҳосил қилиш билан қатнашади. Инсоният тарихи – парадигмалар алмашувидир. Инсон, ўз олдига қўйган олий мақсади қадрсизланаётганини сезгач, янги мақсадларни кўзлайди ва унга қараб интилади. Аммо парадигмаларнинг нуқсонлари намоён бўла бошлагач, кескин ўзгариш, яъни таназзул юз беради. Янги давр – янги парадигма демакдир. У жамият тараққиётiga ёрдам беради, лекин тез орада у ҳам инқирозга учрайди.

II

Парадигмаларнинг қисқача тарихи.

1. Қадимий давр: инсон ҳалокатли ҳаёт шароитларига қарши чидамли курашчи бўлган, инсон насли давомчиларини омон қолишига қаратилган кураш даври, (қояя солинган расмлар, “неолит даври Венераси”, унинг шаклидан бош вазифаси яққол кўзга ташланади). Қоя рассомчилиги ва қадимий ҳайкалтарошлиқда инсониятнинг омон қолиши: эркакларнинг кўпроқ ов билан шуғуланиши, аёлларнинг эса кўпроқ туғиши (зурриёт қолдириши) зарурлиги акс этган.

2. Антик давр: ватан ҳимоячиси – қаҳрамон бўлиши зарур (Илиада).

3. Ўрта асрлар: инсон – гуноҳкор банда, чўққиларни забт этишга йўналиш олган ва камолга етгач, дунё саодатига эришиш учун дунё неъматларидан воз кечган – муқаддас зот. (Кёльн ибодатхонаси).

4. Ўйғониш даври: инсон – даҳо. Унинг принципи: “Хоҳлаганингни қил!” (Ф.Рабле). Бу парадигма таназзулини Шекспир англаған: Яго “Хоҳлаганингни қил” тамойили билан Отеллони ҳалок қилган.

5. Классицизм: инсон – давлат функцияси П.Конель (Сайдид) қиролга оқилона қарамлиқ – (вассаллик).

6. Маърифатчилик: “айрим ва қисман”, соғлом фикрли – улкан одам миттилар орасида, митти – улканлар орасида (Ж.Свифт).

7. Сентиментализм: сидкидил инсон, кўнгил ақлдан кўра ақллироқ (Руссо).

8. Романтизм: шахсиятпарастлик деви беҳаловат дунё тартибларига қарши қайтмас исёнкор; ёвузлик абадий, ёвузликка қарши кураш ҳам – абадий, уни енгиг бўлмайди; лекин ора-сира ҳаловатга эришиш ва омон қолиш мумкин (Байрон).

9. Реализм: инсонда олам акс этган; ўзликни камолга етказиш йўли билан, ёвузликка зўровонлик кўлламай (Л.Толстой), давлат ва шахс уйғулигига эришиш мумкин (А.С.Пушкин).

10. Социалистик реализм: инсон – қайта курувчи; ёвузликка қарши инқилобий куч билан оламни кутқарса бўлади, “дунё қон тўкиш билан ўзгариши мумкин” (М.Горький).

11. Модернизм: инсон – умумун олганда – ёлғиз; бу адоватли (Кафка) ва тутуруксиз (Камю) дунёда ижтимоий тузилмаларсиз яшаш мумкин эмаслигидан қайғуради.

12. Шарқ модели! Инсоннинг ички қўзғалмас оламида – ҳаёт қайнайди. Шарқ маданияти парадигмаси: олий мақсадлар (идеаллар) эмас, балки дао (табиий яшаш йўли).

Жаҳон урушларини бошдан кечирган дунё – портлаш хавфи остида. Совук урушлардан сўнг кириб келган янги давр инсоният тарихида биринчи бўлиб максадсиз, идеалларсиз ва маъносиз ҳаёт кечирмоқда. Дунёкарашда қора туйнук пайдо бўлди. Бу – ҳаётнинг турли жабхаларида акс этмоқда. Масалан, кўпчилик сиёсатчилар ўзларини pragmatiklar deb xisoblamoqda, xolbuqi ular strategilarni bўliishlari kerak (ammoni maqсад bўlmagach, qanday strateg bўliishi mumkin?) ёки, aytaylik, isteъoddoli asarlardan pайдо бўлмоқда, лекин кейин ўн йиллликларда бирорта ҳам буюк асар яратилмади (ҳаётнинг олий мақсади ва идеалларисиз мумкин эмас!) Бошқача айтганда маданият янги даврнинг парадигмасини шакллантириши керак.

XXI асрдагача ҳаёт парадигмаси – янги типдаги глобаллашувдир. Унга қилич ёрдамида (Македонский), хоч ва қилич ёрдамида (Буюк қирол), янги буржуа тузуми ва милитик наизаси ёрдамида (Ленин), иқтисод ва ҳарбий кемалар ёрдамида (АҚШ) эришмоқчи бўлишиди.

XXI аср ҳаёт парадигмаси: умуминсоний маданият асосида глобаллашув; турли миллиятлар ва давлатчилик шаклларини сақлаган ҳолда инсоният наслининг бирлашви ва тараққиётини таъминлаш, шахс қадрини тиклаш ва мустаҳкамлашдир.

Бу стратегик мақсадга эришув нафақат ижтимоий фанлар, нафақат табиий фанлар, ҳатто технологияга нисбатан ҳам устуворликни таъминлашни талаб қиласди. Бугунги кунда инсоният тараққиёти ва яшамоги, фақатгина янги техника ютуқлари эмас, балки А.С.Пушкиннинг “низоларни бас қилиб, бир оиласа бирлашган ҳалқлар” ҳақидаги васияти, Т.Шевченконинг бир оила бўлиб яшаш ҳақидаги орзуси, И.Кантнинг адабий тинч-тотувлик ҳақидаги ғояси, Ф.Шиллер ва Людвиг Бетховеннинг “Миллионлар, қучоқлашинглар!” деган хитоби қанчалик даражада амалга ошишига боғлиқ.

III

Балки ҳаётнинг маъноси кераксиз нарсадир? Ҳаёт ўзича қадрли. Ҳаёт ўзлигича ҳаёт демак; у ўз ҳолида зарурият ва турмуш мукаммаллиги эмасми? Ҳа, ҳаётнинг ўз қадри бор. Инсон ҳаётининг эчки ҳаётидан фарқи шуки, у доимо мазмунга интилади, умри сермазмун ўтишини ҳавас қиласди. Акс ҳолда Сартр, Камю ва бошқа доно экзистенциалистларнинг ҳозирги ҳаёт беъманилиқдир, унда маъно ва мазмун йўқ, деганлари ҳақ бўлиб чиқарди. Гап эчки ҳақида кетганда, балки улар ҳақдир. Лекин мен эчки бўлишни истамайман ва ўзгага ҳам маслаҳат бермайман, ҳатто муҳтоҷлик нималигини билмайман, зеб-зийнат ичидаги бўлиб яшашга бефарқ бўлган миллионерга ҳам.

Хўш, қандай қилиб маъноли ҳаётга эришмоқ мумкин? Инсон олами бойлар ва камбағаллар, қизиллар ва оқлар, оқтанили ва қоратанлилар, коммунистлар ва антикоммунистлар, ватанпарварлар ва демократлар, славянпарастлар ва фарбарастилар, глобалистлар ва антиглобалистлар, диндорлар ва агностикларга бўлинмаслиги керак. “Ўлим ҳақ!” (?) маъносига инсонлар олами ҳаёт моҳияти ва мазмунини тўла англовчи инсонлар ҳамда маъно-мазмунсиз, тутуруксиз ҳаёт кечирувчи одамлар тоифаларига бўлинган. Ҳозирги замон жамиятининг “синфий” асослари, мулкий ахволдан қатъий назар, шу тарзда бўлинган.

Англаб етганлар тоифасига дайди (Сатин)ни ҳам, миллионерлар (Шукин, Третьяков)ни ҳам, ватанпарвар, демократ ва коммунистларни ҳам киритиш мумкин. Маъноли яшаётган одамни қандай белгилаб бўлади? Қайси хусусиятлар билан? Бойлигими? Йўқ! Камбағалигими? Йўқ! Ақлими? Йўқ! Истеъдодими? Йўқ! Ақл ва истеъдоддан ҳам юқорироқ бўлган эзгулик, яхшилик бор. Ана шу омиллар ҳаётнинг мазмун ва моҳияти томон етаклайди, ақл билан истеъдод эса уни амалга оширишда ёрдам беради. Бундай инсонларни “сермаҳсул одамлар” деб Брехт жуда аниқ гап айтган.

Сермаҳсул инсон ҳаётдан ҳадеб олавермасдан, унга ўз ҳиссасини ҳам қўшади. Ҳеч бўлмаганда шарқ донишмандлигида айтилганидек, дарахт экади, ўстиради ва уй қурди, китоб ёзди, битта дарахт кесса, ўрнига иккита экади. Нефтдан бойиб кетса, албатта шу заминга ва унда яшаётган одамларга бойлигининг бир қисмини сарф қиласди. (Йиллар давомида ишчиларга арзимас маош тўлаб, қаҳратон қиш кунлари иситиш ва электр энергиясини учирив қўймайди). Тўғри, сермаҳсул инсон ҳам баркамол эмас, фариштадек бегуноҳ бўлолмайди. Қаердадир қувлик қиласди, қаердадир ёлғон ишлатади, алдайди. У ҳар доим “ўзим бўллай” (хаскашдек факат ўзи учун, эгоист қабилида иш тутмайди, ёки бирор нарсасини бирорларга бериб юбормайди) белкуракка ўхшаб ўзидан четлатувчи, яъни алтруист эмас, балки бирорларга ҳам бўлсин, менга ҳам бўлсин (appa) деган тамойилга амал қиласди. Майли, “бирорлар” дегандага умуман инсоният ёки ўз халқи бўлиши мумкин. Сен яхшилик қилган ўша бирорлар ҳеч бўлмаганда фарзандларинг, ота-онангидир – демак умринг зое кетмапти – инсоният олдига юзинг ёруғ.

Афтидан, сермаҳсулликнинг ҳам ўз даражалари бор. Улардан энг олий даражадагилари – инсонларга олов ҳадя этган Прометей, эзгулик ғоясини улашган – Исо пайғамбар, адолат ғоясини уқтирган – Аллоҳ таоло, руҳий, маънавий бойлик ва бадиий қадриятлар ҳадя этган Шекспир, донолик ва ўзлигимизни англашга ўргатган – Кант. Космик фазони совға қилган Королёв ва Гагаринлардир. Олий сермаҳсуллик – инсоният учун зарур бўлган ишларни амалга оширишдир.

Камина – етмишинчи йилларда Щукин номли театр билим юртида биринчи босқичда “Эстетикага кириш қисми”дан, охирги курсда “Эстетика”дан дарс берардим. Шундай одатга ўргатгандим: биринчи курсда, машғулотларнинг биринчи куни “шумтакаларга” шундай савол берардим: “Нима сабабдан санъат соҳасини танладингиз?”, “Ҳаёт моҳияти нимада?”. Жавобларини эса магнит тасмасига ёзиб олардим.

Жавоб берган талабалар орасида шу кунларда маълум ва машхур бўлиб кетган Демидова, Вертинская, Чурсина, Смехов, Калягин, Арлазоров, Високовский, Овшаров, Стеблов, Подколзин, Славина, Золотухин, Филатов, Арзуманян, Селёзнёва, Максакова, Бурляев ва бошқалар бор эди. Жиддийми ёки ҳазил-мутойиба тариқасидами, жавоб бериш ўзларига ҳавола этилганди...собиқ талабаларимизнинг ҳаёт моҳияти ҳақидаги жавоблари, айниқса, ҳозирги кунларда, улар моҳир санъат усталари, кинематографчиларга айланниб, кўпсонли мухлислар меҳри қуршовида, янада қизиқарли кўринарди. Ўшандан бери орадан қирқ йил (ҳатто кўпроқ ҳам) ўтган бўлиб, навбатда-

ги кўчишларимнинг бирида ўша тасма йўқолди. Фақат айрим жавобларгина ёдимда бўлиб, (қайси жавоб кимга тегишли эканлигини эслолмайман) уларнинг қисқача мазмунини, гарчи ўзига хос белгиларини ва тафсилотларини келтира олмасам-да, айтиб ўтишга ҳаракат қиласман:

- Ҳаёт мазмуни – мартабада.
- Ижод учун яшаш керак!
- Йўқ, томошабин учун!
- Ҳаёт мазмуни севгида, оилада, фарзандларда.
- Авлодлар эстафетасида.
- Санъатда.
- Устоз бўлишни истайман!
- Яшащдан мақсадим – шон-шуҳрат!
- Йўқ, эзгулик.

Қанчалик ўп, қандай чиройли шўх сўзлар эди булар! Ҳаётга қадам босаётганлардан бирортаси ҳам мақсадим – текин даромад, бойлик, очкўзлик, Багам оролларида алоҳида уй демаяпти-я!..Ёки “Челси” инглиз футбол клубини сотиб оламан”, “Рублёвка-да ёки сув омбори зонасида алоҳида уйим бўлишини истайман”, деб ҳеч ким айтмаган. Чамаси, ҳамма бой бўлишга қарши эмас, камбағал бўлишга қарши эди. Лекин, худога шукурки, бойиш масаласини ҳеч ким ҳаётининг мақсади қилиб қўйган эмас. Ҳозирги кунда телевидениеда “Қандай қилиб миллионер бўлмок керак”, деган қизиқтирувчи ва бузғунчи ном билан жозибали ва иқтидорли артист Максим Галкин олиб бораётган кўрсатувларни миллионлаб томошабин мароқ билан томоша қиласди. Яхшиси, “Қандай қилиб Инсон бўлмоқ керак”, деган программа ташкил қилинса маъқул бўлармиди?

Охирги курснинг сўнгги машғулотида мен яна ўша саволларни бердим ва яна магнитофонга ёзиб олдим. Анча “вояга етган” жавобларни ёзиб олгач, магнитафонни қайтадан қўйиб, биринчи курсдаги жавобларни мароқ билан тингладик. Бу ҳақда мен ўз нуқтаи назаримни баён қилдим. Қарангки, ўша пайдаги кўпчилик талабалар билан фикримиз бир жойдан чиқди: фақат ўзи учун яшаш нотўғри, фақат бошқалар учун яшаш ҳам нотўғри. Бошқалар учун яхшилик қилиб, ўзи учун яшаш керак. Хунвейбинча колективизм – нотўғри, эгоцентризмга асосланган экзистенциализм ҳам нотўғри. Ҳаётдан мумкин бўлган барча моддий ва маънавий бойликларни имкон борича кўпроқ олиш керак. Ўзингдаги бор қадриятларни, моддий ва маънавий бойликларни одамларга сахийлик билан улашиш керак. Руставели айтади: “Нима берсанг – ўзингга қайтади, нимани яширсанг – йўқотасан”. Ўзгаларни бойитиб, ўзинг ҳам бой бўл, муҳими – олган нарсангдан берганинг кўпроқ бўлсин. Одамларга кўпроқ нафинг тесгин. Бу дегани, охирги кўйлагингни ечиб бер, дегани эмас – бу нарса азиз-авлиёларга хос. Бу нарса ишдаги ва ҳаётдаги сермаҳсуллик ҳисобидан бўлсин.

Ҳаётнинг “кўшимча ҳаёт маҳсули” бериши керак. (Ўша йиллари мисол келтириш учун менда намуна йўқ эди). Миллионер Форд – сермаҳсул инсон. У Америка автомобиль саноатини яратди. Бизнинг айрим рус олигархлари сермаҳсул эмас – текинхўр. Улар ўзлари ишлаб чиқараётганларидан ҳам кўпроғини истеъмол қиласдилар. Ҳозирги миллионерлар ҳеч нарса яратмасдан кўпроқ уриб қолиш пайдалар. АҚШни унчалик ёқтирамайман, лекин энг бой америкаликлардан қиркласи ўз бойлигининг асосий қисмини ўз ватанлари равнақи учун мерос қолдирганларига тан бермай иложим йўқ! Уларнинг ҳаёт моҳияти – худбинлиқдан йироқ.

Қайтараман – бу муҳим. Белкуракка ўхшаб, ҳамма нарсани ўзингдан четлатма, хаскашга ўхшаб ҳамма нарсани ўзингга тортма! Appara ўхша – ўзингга ҳам, ўзгаларга ҳам бўлсин. И.Кантнинг “қатъий талаб” иборасини кучайтириброқ шуни айтаман: “Агар ёвуз бўлишни истасанг – нимани хоҳласанг шуни қил. Агар инсон бўлишни истасанг – ўзингдан кўра бошқаларга кўпроқ яхшилик қил”.

*Рус тилидан Абдунаби АБДУЛҚОДИР
таржимаси*



Сабоҳат БОЗОРОВА,
ЎзМУ тадқиқотчиси

БИР ВОҚЕЛИКНИНГ УЧ ТАЛҚИНИ

Истиқпол туфайли қайта тикланаётган миллый тарихимизни тўғри англаш учун уни бадиий адабиётда ҳақоний акс эттириш талаб этилади. Ижодкорларимиз шу масъулиятни чукур ҳис қилиб, ижодий эркинликдан фойдаланган ҳолда тарихий мавзуда кўплаб асарлар ёздилар. Уларда Беруний, Амур Темур, Мирзо Улуғбек, Маҳмуд Кошғарий, Маҳмуд Замахшарий, Алишер Навоий каби аждодларимиз образлари маҳорат билан яратилди. Хусусан, бу борада, шоир Бобурнинг шахсияти, унинг зиддиятга тўла ҳаёти ва ижтимоий фаолиятини акс эттирувчи ҳикоялар эътиборга лойик.

Биргина “Бобурнома”да келтирилган бир тарихий воқеа тафсилоти уч ижодкорнинг, яъни, Пиримкул Қодировнинг “Мардлик”, Хайридин Султоновнинг “Нуқта”, Урфон Отажоннинг “Бобур ва Беҳзод” ҳикояларини яратилишига сабаб бўлди. Ҳар бир ижодкор ўз ғоявий мақсадидан келиб чиқсан ҳолда бу тарихий ҳақиқатни асар сюжетига сингдирди.

“Бобурнома”да Чахчарон, Чароқдондан ўтиш тафсилотлари тўлиқ келтирилади: “Чахчарондин икки-уч кўч ўтгач, қор асрุ улуғ бўлди: узангудин юқорроқ эди, балки аксар ерда отнинг аёғи ерга етмас эди, яна қор доим ёғар эди. Лангари Мир Ғиёс навоҳисида Кобулға не йўл била боруrimизни кенгашштук. Мен ва, аксар, барин эдукким, қишишур, тоғ йўлида кўп дағдаға ва тараддудтур, Қандаҳор йўли агарчи бир нима йироқдур вали бетараффуд ва бедағдаға борилур. Қосимбек, ул йўлни йироқдур, бу йўл била борурбиз, деб кўп жаҳл қилди, бу йўлға бўлдук. Бир Султон отлиқ пешои бошчи эди, қарилиғидин ё олдорагонидинму ё қорнинг улуғлиғидинму, йўлни йўқотти, бошлий олмади”. (Захиридин Муҳаммад Бобур. Бобурнома. Тошкент. Юлдузча нашриёти. 1989 йил. 174-бет. Бундан кейинги мисолларда асар БН тарзида кўрсатилади ва саҳифалар қавс ичida берилади).

Адиблар Хайридин Султонов, Урфон Отажон бу маълумотларни ўз ҳикояларида келтиримайдилар. Пиримкул Қодиров эса Бобурнинг эътирофларидан ўз ҳикоясида маҳорат билан фойдаланади: “Бобур кўриқчи йигитлари билан отланиб чиқаётганида, Қосимбек аффонларнинг пашои қабиласи яшайдиган қишлоқдан Султон деган бир йўл кўрсатувчини топиб келди.

Олачипор салла ўраган, баланд бўйли, бурни узун, жингалак соқолига оқ оралаган бу одамнинг юзи Бобурга алланечук тунд кўринди”.

Ёзувчи шу тариқа ҳикояга Султон образини киритади. Бобурнинг уни хушламаслиги (Султон юзининг тунд кўриниши, Бобурга тик қараб, дадил жавоб қайтариши, туркий тилда у ҳақда айтилган фикрларни англаб, истеҳзоли кулимсираб қўйиши, “совуқ бир нарса”си)ни тасвирлаш билан ўқувчидаги Султонга нисбатан шубҳа уйғотади. Аста-секин Султоннинг бу ишга бош кўшиши сабаби темурийзодалар томонидан ўлдирилган яқинлари учун интиқом олиш экани аён бўлади.

Хайридин Султоновнинг “Нуқта” ҳикоясида айни маълумот: “Султон пешои отлиғ кекса йўлбошловчи совуқдан гангифми ё азбаройи қариликми йўлни йўқотди”, шаклида ифода этилади. Урфон Отажон бу қаҳрамонни ҳикояга киритмайди.

Бобур изтиробли сафарни шундай тасвирлайди: “Бир ҳафтаға ёвуқ қор тепиб, кунда бир шаръий – бир ярим шаръийдан ортиқ кўчулмас эди. Қор тепар киши мен эдим, ўн-ўн беш ички била ва Қосимбек эди, икки ўғли Тенгриберди ва Қанбар Али била яна икки-уч наввари ҳам бор эди... Ҳар қадам қўйғонида белигача, кўксигача бота-бота қор тепар эди”. (БН, 174).

Пиримкул Қодиров Султон табиати, ниятидаги ўзгаришларни тасвирлашда “Бобурнома”даги шу маълумотлардан ўринли фойдаланади: “Султон Бобурнинг совқотиб асабийлашишини, йўл жуда секинлаб қолганидан тажанг бўлишини, одамларига бақириб-сўқиниб иш буюриши, айтганини қилмаганлар бўлса, қамчи билан савалашини кутмоқда эди. Отаси ва акасини ўлимга буюрган ҳукмдорлар қиёфасида Султон ана шунақа золимларни кўрган, бугун эса улардан бирининг талвасага тушишига гувоҳ бўлиб, бир аламдан чиққиси келар эди”. Бироқ, Султон кутганидек бўлмайди. Чунки Бобур: “Махал ул эмас эдиким, кишиға таклиф ва зўре қилилғай, ҳар кимнинг ҳиммат ва журъати бўлса бундоқ ишларни ўзи тилаб қилур” (БН, 175), деб ҳисоблади.

Пиримкул Қодиров қаҳрамонлар нутқи, ички монолог, табиат манзараларни тасвирлаш асносида, Бобур шахсиятидаги мардлик, олижаноблик, фидойилик каби фазилатларни очиб беради.

“Бобурнома”да Кўтали Заррин, Ҳаволи Қутийдан ўтиш тафсилотлари ҳам тўла баён қилинган. Хайриддин Султонов бу воқеаларни лирик тарзда баён қиласи. Бобурнинг руҳий изтироблари ҳам шу йўсунда тасвирланади. Бу кечинмалар Бобур қаламидан тўкилган дардлар изҳорига ниҳоятда яқинлиги билан ажralиб туради.

Пиримкул Қодиров эса навкарлардаги тушкунлик кайфияти, ўзи далдага муҳтож Бобурнинг уларга таскин бериши, кейин куракни олиб, “қортўла” қазиши, шу ерда кигиз ва жойнамоз ёздириб, қор бўрони остида намоз ўқишини тасвирлар экан, Мирзоқули, Маматбек, Тоҳир кўрчибеки образларидағи ўзига хос жиҳатлар ҳам яқол намоён бўлади.

Бобурнинг: “Ўшандоқчопқунда қозғон, ясағон чукурда ўлтурдум, намози хуфтанғача қор онча чопқулаб ёғдиким, мен энгашиб ўлтуруб эдим, орқамға ва бошимға ва қулоқларимнинг устига тўрт эллик қор бор эди” (БН, 175) деган маълумотларидан ҳар учала адиб ҳикояларида ҳам фойдаланилган.

Бобур Чахарон воқеаларидан олдинроқ Маъсума Султон begim ҳақида фикрлар билдиради. Ёзувчи Пиримкул Қодиров воқеалар баёнида “Бобурнома”даги кетма-кетликка амал қиласи. Урфон Отажон эса бу ёқимли хотираларни кейинроққа кўчиришни маъкул кўради.

Хайриддин Султонов “Нуқта” ҳикоясида мазкур воқеани лирик чекиниш сифатида кўллайди. Шунинг учун ҳикояда воқеанинг кейинги ривожига ўрин ажратмайди.

Урфон Отажон эса қор бўронидан Бобур ҳаётининг хуш лаҳзаларини, Беҳзод ҳақидаги фикрларини тасвирлашда фойдаланади.

Бобур ўта машаққатли бу сафар ҳақида тўхталар экан, шундай гувоҳлик беради: “... Ул неча кун бисёр ташвишлар ва машаққатлар тортулди, андоқим, муддатул-умр мунча машаққат камроқ тортилиб эди. Бу матлаъни ўшал фурсатта айтилди:

Чархнинг мен кўрмаган жавру жафоси қолдиму,
Хаста кўнглум чекмаган дарду балоси қолдиму?” (БН, 174).

Адабиёт тарихи учун ҳам аҳамиятли бўлган бу маълумотлардан фақат Хайриддин Султоновгина фойдаланади: байтнинг дастлабки мисрасини Бобурнинг ички монологига киритади. Бу байтнинг қолган ҳикоялардан ҳам ўрин олиши Бобурни шоир сифатида ҳам тасвирлаш имконини берган бўларди. Зоро, таҳлил қилинаётган ҳикояларда эътибордан четда қолган жиҳатлардан бири шудир.

Мазкур ҳикоялар орасида Хайриддин Султоновнинг “Нуқта” ҳикояси пухта сюжети, равон ифода услуби, тарихий материалларнинг салмоғи, ёрқин образлари билан ажralиб туради. “Бобурнома”да 1528 йил воқеалари баёнида Ҳумоюннинг навкарлари Баёншайх ва Беккина Вайс Логарийнинг ташрифи ҳақидаги маълумотлар қайд этилади ва Ҳумоюнга йўлланган мактуб матни тўлалигича келтирилади. Хайриддин Султонов шу мактубни 11 қисмга ажратади ва улар орасида Бобур ҳаётидаги унутилмас воқеаларни, мактубни битиш асносидаги руҳий кечинмаларни маҳорат билан тасвир-

лайди. Ҳосил бўлган воқеалар занжири Бобур ҳаёти ва шахсияти ҳақидаги муҳим тасаввурни ҳосил қилиш имконини беради.

“Бобурнома”даги қайдлардан маълум бўлишича, Бобур Ҳумоюнни ўғил кўргани билан кутлади. Айни пайтда, исм танлашдаги хатосини ҳам кўрсатиб ўтади: “Отини Алъамон қўймишсен, тенгри муборак қилғай. Вале, бовужудким, ўзунг битибсен, мундин ғофил бўлубсенким, касрати истиъмол била авом Аламо дерлар, ё Эл Амон дерлар, ўзга мундок алиф-лом отта кам бўлур...”(БН,320). 1529 йил воқеалари баёнида ҳам бу исм Бобурга “хуш ёқмагани” таъкидлаб ўтилади. Бобурнинг кенг дунёқараши, тенгсиз шахсиятининг бир қиррасини очишига хизмат қилувчи бу факт Хайриддин Султонов эътиборидан четда қолмайди. Алъамоннинг таваллуди Ҳумоюн туғилган пайтдаги воқеаларга, унинг исми Бобур фарзандларининг исмларига қиёсланади. Бу қиёс ёзувчига Бобур ҳаётидаги машаққатли ёки файзиёб лаҳзаларни тасвирлаш, “элга шоҳу қисматга қул” бўлган буюкларнинг ҳам гоҳо чорасиз қолишлари ҳақидаги изтиробли кечинмаларни бадиий инкишоф этиш имконини беради. Бу кечинмалар тасвирида ҳам “Бобурнома”даги воқеалар баёнининг излари бор. Масалан, ёзувчи Абдуллатиф ҳақида сўз юритар экан, Бобур тилидан: “Ахир, Султон Мирзо Улуғбекдек фозили замоннинг норасо фарзанди Абдуллатиф шу беш кунлик ўтар дунё учун шундок қари ва донишманд отасини қатл этди”, – дейди. “Бобурнома”да бу воқеа куйидагича баён этилади: “...Улуғбек Мирзодин ўғли Абдуллатиф Мирзо олди. Бу беш кунлук ўтар дунё учун андоқ донишманд ва қари отасини шаҳид қилди...” (БН,48).

Бобур салтанат қуткуси сабаб падари ё ўғлининг, туғишгандарни ё қондошларининг ҳаётига нуқта қўйган ҳукмдорларнинг қилмишларидан изтиробга тушади. Ҳикояда Бобурнинг хавотирлари тасвирланар экан, тарихимиздаги “кора доғлар” – салтанат талашибилар, Ҳусайн Бойқаро ўғилларининг, Бобурнинг Жаҳонгир Мирзо исмли ўғай инисининг кирдикорлари ҳам қаламга олинади.

“Бобурнома”да 1501-1502, 1506-1507, 1527, 1528 йиллар воқеалари баёнида Бобурни қулоқ оғриғи безовта қилгани қайд этилган (БН, 88, 175, 310, 313, 317). Ёзувчи бу маълумотлардан усталик билан фойдаланади ва ҳикоя сюжетига Кўтали Зарриндаги воқеаларни кўшади. Бу воқеа 1506-1507 йиллар оралиғида бўлиб ўтгани “Бобурнома”дан маълум. Ҳикояда Бобур шахсиятининг яна бир ибратли жиҳати Кўтали Заррин воқеаларига боғлиқ тарзда тасвирланади. Бу ҳақда “Бобурнома”нинг “1501-1502 йиллар воқеалари”да шундай дейилади: “... Ул мартабада совуқ эдиким, ушул икки-уч киши бу орада совуқнинг шиддатидин ўлуб эди. Манга ғуслға эҳтиёж эди. Бир ариқ суйидаким ёқалари қалин муз тунгуб эди, ўртаси сувнинг тезлиги жиҳатидин ях боғламайдур эди, бу сувға кириб ғусл қипдим. Ўн олти қатла сувға чўмдум. Сувнинг совуқлиғи хейли таъсир қилди”. (БН, 88). Гарчи, Бобур: “Манга ғуслға эҳтиёж эди”, деса-да, ёзувчи Бобурнинг ирова кучини тасвирлашни ният қилганидан “чериқнинг сескангани”ни сабаб қилиб кўрсатади ва унинг талқинича, Бобур шу тариқа ибрат кўрсатиб, қўшиннинг руҳини кўтармоқчи бўлади. Ёзувчи маҳорати туфайли турли йилларда бўлиб ўтган воқеалар бир бутунлик, изчиллик касб этади.

“Бобурнома”да юқорида кўрсатилган йилларда Бобурнинг тез-тез иситмалаб, касал бўлиб қолгани ҳам қайд этилади. “Нуқта” ҳикоясида Бобурни шундай ҳолатда, яъни, дардманд кўрамиз, у мактубни ёзиш жараёнида ҳам бир неча бор тўхтайди, гоҳ қулогини ушлайди, гоҳ бемажол бўлади. Ҳикоядаги илк жумлаларда ҳам шундай “маълумотлар” бор: “Икки ҳафтадирки, Ограда беморнинг ҳасратидек узун, тинимсиз ёмғир қуярди. Икки ҳафтадирки, файзу шукухини йўқотган Боги Нурафшонга дарчадан маҳзун боқиб ётган Захириддин Муҳаммад Бобур бу кун ёстиқдан бош кўтарган, тонг саҳардан хилватхонада ёлғиз ўтирганча Қобулга-Ҳумоюнга мактуб битмоқда”. Тинимсиз ёғаётган ёмғирни беморнинг узун ҳасратига ўҳшатиш-оригинал бадиий кашфиёт. Қолаверса, ҳикоя қаҳрамони – бемор Бобурнинг руҳий ҳолатида ҳам эзгинлик ва ҳасрат устувор. Соҳибининг хасталиги туфайли Боги Нурафшон файз-у шукухини йўқотган бўлса, хаста киши учун наинки Боги Нурафшон, балки бутун олам бефайз, бешукуҳ туюлиши аён ҳақиқат. Гарчи, Бобурнинг дардли ўйларини тасвирлар экан, муҳим фалсафий фикрларни унинг ички кечинмалари тарзида баён қиласи: “...изтироблар

боиси-тириклиқда, инсонлиқда. Фақат тирик одамгина изтироб чекмоққа, изтироблар ичра тобора тозариб, юксалиб, ҳаётнинг жамики мاشақатларини енгид бормоққа қодир. Дунёдаги ҳатто энг улғ үлкін ҳам изтироб чекмоқдан маҳрум, зеро, инсоний изтироб-тириклиқ нишонаси, барҳаёт диёнат овозидир...”.

Бобур фарзандларининг ҳар жиҳатдан комил инсонлар бўлиб етишишини истайди. Улардаги ўзи сезган камчилик ва хатоларни бошқалар кўришини хоҳламайди, уларни бартараф этишга ҳаракат қиласди: маслаҳат беради, йўл-йўриқ кўрсатади. Ҳумоюн мактубининг “асру муғлақ”лиги, имло хатолари отанинг “дилини музтар қиласди”. “Бундан нари бетакаллуф ва равшан ва пок алфоз била бит: ҳам сенга ташвиш озрок бўлур, ҳам ўкугучига...”, деб насиҳат қиласди Бобур (БН, 321). Бу нуқтада Бобурни тадбиркор ҳукмдор, меҳрибон ота, етук тилшунос сифатида кўрамиз. Ёзма нутққа қўйилладиган талабларни бундан аниқроқ ифодалаш қийин.

Ёзувчи Бобурнинг яна бир тарихий хизмати – “Хатти Бобурий” ҳақидаги фикрлар баёнида ғоятда қизиқарли воқеаларни тасвирлайди. Шергоридаги англашилмовчилик, мўътабар шариат пешволарининг ташрифи ҳақидаги воқеалар занжирига мунахжим Муҳаммад Шариф кирдикорларига тегишли тасвирлар моҳирлик билан уланади. Ҳикоядаги Муҳаммад Шариф образи орқали ўша давр мутаассибларининг ҳукмдорларга босим ўтказишга интилишлари, уларнинг фолларига ишониб, салтанатнинг тақдирини мунахжимлар башоратлари асосида ҳал қилган подшоҳларнинг забун ҳоллари ҳақидаги тарихий ҳақиқатлар акс эттирилади. “Бобурнома”да Муҳаммад Шариф номи уч бора тилга олинади. 1526 йил воқеалари баёнидаги гувоҳлик Муҳаммад Шариф ҳақида тўлиқ тасаввур ҳосил қиласди: “...Муҳаммад Шариф мунахжим шумнафас агарчи манга айтур ёроси йўқ эди, ҳар кимга йўлукса муболағалар билан айтур эдиким: “Бу айёмда Мирриҳ гарб саридур, ҳар ким бу тарафдин урушса мағлуб бўлур”. Мундоқ шумнафас неким сурди, бедил элнинг кўнглини кўпрак синдеруди. Анинг бу паришен сўзлариға гўш қилмай, қилур ишларимизни тигилмай уруш ишида бажид ва ма-соф қилмоққа мустаид бўлдук (БН, 286). Муҳаммад Шариф шундай “юз қароликлар”га қарамай, Бобурни яхши-ёмон кунларда йўқлагани “Бобурнома”да қайд этилади. Мазкур қайдлар Бобур табиатидаги мухим бир жиҳатни кўрсатади: гарчи Муҳаммад Шариф Бобурнинг зиёнига иш тутса-да, Бобур унинг олдинги хизматларини юз-хотир қиласди, ўзидан узокроқ тутса-да, жазоламайди, эл қатори ҳадялар беради. Бобурнинг бу фазилати ҳикояда акс этмаган.

Ёзувчи Муҳаммад Шарифнинг қилмишлари ва Фазна мужовирларининг найранглари орасида ўхшашлик кўради. “Бобурнома”да 1503-1504 йиллардаги воқеалар баён қилинار экан, шу воқеа ҳам келтирилади: “... Дедиларким, Ғазнанинг кентларида бир мазор бордурким, салавот айтғоч, қабр мутахарриқ бўлур. Бориб мулоҳаза қилилди, қабрнинг тебрангани маҳсус бўлди. Сўнгра, маълум бўлдиким, мужовирларнинг тазвири экандур. Қабрнинг устига бир жулъя ясабтурлар, ҳар замон жулъяға тегадурлар, жулъя тебрангач, қабр тебрангандек маҳсус бўладур. Нечукким, кемага кирмаган эл кемага киргач, соҳил мутахарриқ маҳсус бўладур. Буюрдумким, мужовирлар жулъядин йироқ турдилар, бир неча салавот айттилар, қабрда ҳаракате маҳсус бўлмади. Буюрдумким, жулъяни бузуб, қабрнинг устида гунбаз қилдилар. Мужовирларни бу ҳаракаттин таҳдид била манъ қилилди” (БН, 126).

Хайдиддин Султоновнинг “Нуқта” ҳикояси “Бобурнома”даги воқеаларнинг шунчаки такрори эмас, балки адабиётшунос Умарали Норматов таъбирича, “ҳар бир сатри ҳақида биттадан ҳикоя ёзиш мумкин бўлган муazzзам асар” – “Бобурнома”ни “кўнгил кўзи билан мутолаа қилган адаб”нинг юксак поэтик диди, бадиий тафаккур тарзини на-моён этувчи ижод маҳсулидир.

Пиримкул Қодиров “Мардлик” ҳикояси экспозициясида Бобурнинг оилавий ҳаётдаги омадсизлиги, биринчи турмуш ўртоги Ойша бегимнинг оқибатсизлиги натижасида аёллардан кўнгли совугани ҳақидаги фикрни келтиради. Моҳим бегимнинг боғ кўчадан ташлаган атиргули ҳақидаги бадиий киритма “Юлдузли тунлар” романидаги шу воқеа тасвирини ёдга солади. Романда Хирот доруғаси Юсуф Алибек Моҳимнинг оиласи ҳақида маълумот берса, ҳикояда Қосимбек қизни қидириб топишга ваъда беради.

“Бобурнома”да Кўтали Зарриндаги воқеалардан сўнг туркман ҳазораси билан бўлган тўқнашув тасвирланади ва Қобулдаги тартибсизликлар ҳақида сўз боради. Пиримқул Қодиров Бобурнинг хавфли сафарга чиқишига, айнан, шу воқеани сабаб қилиб кўрсатади ва Чахчарон воқеаларини ўзига хос тарзда талқин этади. Ҳикояда Султон образи етакчи ўрин тутади. Ёзувчи Султон руҳиятидаги ўзгаришлар тадрижини ишончли тарзда асосслайди. Интиқом тийғусининг узоқ вақт ҳукмронлик қилиши, Бобурнинг шоҳ ва инсон сифатидаги ҳаракатлари Султоннинг виждонини уйготиши, яратган ва келажак авлодлар олдидаги масъулият ҳиссининг ғолиб келиши тасвирланар экан, Султон образининг янги қирралари очилиб боради. Бу тарихий шахс ҳақидаги бадиий тўқималар ҳикоянинг муваффақиятли чиқишига замин яратади. Муаллиф Султоннинг интиқом истагини темурийлардан бўлган Абусайд Мирзога боғлаши, Абусайднинг Бобурга бобо бўлиши, Абусайд ва ўғли Маҳмуд Мирзонинг Хурсонга бостириб кириши, Шоҳруҳ, Мирзонинг яқинларидан ўч олиши каби тарихий воқеалар бадиий тўқима таъсирида янада ишонарли чиқкан. Ҳикояда адибнинг кузатувчанлиги сезилиб туради. “...Юкорига кўтарилганлари сари юриш қийинлашади, от-увловлар бурунларидан ҳовур чиқариб, оғир-оғир нафас олишади, ҳорғин пишқиришади. Беку навкарларнинг оғизларидан чиқкан ҳовур ёғаётган қорга кўшилиб, соқол-мўйловларга оппоқ қиров бўлиб ёпишади ва ҳаммани мўйсафидга ўхшатиб кўрсатади”, каби тасвирлар Бобур ва ҳамроҳлари чеккан азобларни аникроқ тасаввур этишга хизмат қиласди.

“Бобурнома”да “Намози хуфтандга ғорни яхши мулоҳаза қилғонлар қичқириштиларким, ҳавол асрү кенг ҳаволдор, бу элга тамом ер бор...”, деб қайд қилинади (БН, 175). Урфон Отажон ҳикоясида Бобурга бу хабарни Қосимбек етказса, Пиримқул Қодиров талқинича, бу ишни қилган Султондир: “...Юринг, мен сизга ҳамма одамларингиз сифадиган улкан ҳаволни кўрсатай!”. Бу талқин Султон руҳиятидаги эврилишларни яқолроқ тасвирлаш мақсадидан келиб чиқсан. Бобурнинг эътиқоди, қор бўралаб турган пайтда намоз ўқиб, парвардигордан нажот тилаши Султоннинг дили ва тилига “Барча мусулмонлар бир-бирларига биродардирлар” ҳикматини солади. Султон қилган иш ҳам мардлик ҳисобланади. Ҳикояга ном сифатида берилган бу фазилат унинг икки қаҳрамони – Бобур ва Султонга бирдек тегишли дейиш мумкин.

Пиримқул Қодиров Хайриддин Султонов ва Урфон Отажондан фарқли равишида, Қобулдаги воқеалар тафсилотига ҳам ҳикоядан ўрин ажратади. Бу воқеалар “Бобурнома”да келтирилган тартибида тасвирланади. Фақат Бобурнинг яхшиликларини унтиб, унинг ўрнига, Мирзохонни подшоҳ қилиб тайинлаган қариндошларининг оқибатсизлиги ҳақидаги гаплар ҳикояга киритилмаган. Бу ҳам Бобур шахсиятидаги мардликни кўрсатиш истаги билан боғлиқ. Бобур фитнага шерик бўлган Султон Санжарга нисбатан олижаноблик қиласди. “Чун хон додамнинг волидаси Шоҳбегим ҳоҳарзодаси бўлур эди, буюрдумким, мундоқ беиззатона кездурманг, ўлум йўқтур”, дейди (БН, 179). Худди шундай илтифотни ўғай момоси Шоҳбегим (фитнакор Мирзохон унинг невараси эди)га, холоси Хўб Нигорхонимга нисбатан (унинг эри Муҳаммад Ҳусайн Мирзо ҳам фитнанинг ташкилотчиларидан эди) ҳам кўрсатади. “Бемуруват ва ҳақношунос киши” – Муҳаммад Ҳусайннинг ҳам гуноҳидан ўтади.

“Тарихи Рашидий” асарининг муаллифи Ҳайдар Муҳаммад Хўб Нигорхоним ва Муҳаммад Ҳусайннинг фарзанди эди. Қобулдаги воқеаларга шахсан гувоҳ бўлган адаб шундай ёзади: “... яхшилик ва муруват Бобур Подшоҳга хос сифатлар эди... Шоҳбегим Подшоҳни кўргач, хижолат бўлиб, тилига бирор сўз келмай қолди. Бобур Подшоҳ тиз чўкиб, адаб расмига риоя қилган ҳолда, мулойимлик билан: “Гар муҳтарам она ўғилларидан бирортасига меҳрибонлик кўрсатса, бошқа ўғил қандай қилиб бундан хафа бўлсин? Онанинг ҳар қандай истаги фарзандлар учун қонундир”, деди-да, тағин кўшиб кўйди: “Мен тун бўйи ухламай узоқ йўл босиб келдим”, дея ухлаш учун бошини Шоҳбегимнинг кучоғига кўйди. Буни у Шоҳбегимга таскин бериш учун қилди...”. Шу далилнинг ўзи ҳам Бобурнинг олижаноблиги, мардлиги, юксак маънавият соҳиби эканлигини исботлаб турибди. Ҳайдар Муҳаммад Бобурнинг бошқа айборларга бўлган муносабатини ҳам батафсил тасвирлайди. Аммо Пиримқул Қодиров воқеалар тасвирида “Бобурнома” даги далилларга асосланади.

“Бобурнома”да Ҳирот таассуротлари батафсил баён қилинади. Фақат Урфон Отажонгина бу тафсилотларга ҳикоясида кенг ўрин ажратади. Улар көр чохида ўтирган Бобурнинг хаёллари тарзида тасвирланади. Бу тасвир ўша давр Ҳиротидаги ижтимоий-сиёсий ҳаёт, шаҳзодаларнинг ҳаёт тарзи, урф-одатлар, қадриятлар ҳақида тасаввур ҳосил қиласди. Машхур мусаввир Беҳзоднинг бетакрор санъати ҳақида сўз юритилар экан, Султон Ҳусайн Мирзо, Искандар Зулқарнайн, Амир Темур, Алишер Навоий, Бадиузвазмон Мирзо каби тарихий шахслар билан боғлиқ воқеалар қаламга олинади.

Қўтали Зарриндаги воқеалар тасвирида Урфон Отажон бошқа муаллифлар ва “Бобурнома”да учрамаган деталлар – ойболта ва гурзини кўплайди. Бобур совуқ олишига йўл қўймаслик учун ҳаракатланиб туриш лозимлигини англайди ва улар ёрдамида турли жисмоний машқларни бажаради. Ҳамроҳлари ҳам шундай йўл тутадилар. Ёзувчи гурзи воситасида қорнинг қалинлигини кўрсатмоқчи бўлади (“...гурзи дастаси нинг ярмигача қорга ботиб кетди”.) Шундан кейингина қорни кураш эпизоди келтирилади. Амир Қосимбек ва Бобур диалоги орқали шоҳ ва шоирнинг ҳаволга кирмаслик сабаблари изоҳланади. “...Бобур ўз ҳамроҳларини илҳомлантириб ишончини қозонар, уларни жасоратга ундар, зарур ҳолларда ўзига бўйсундира олар эди...”, деб таъкидлайди ҳинд олими Л.П.Шарма. Ҳикояда Бобурнинг ана шу фазилатлари кўзга ташланмайди. Қолаверса, Қўтали Зарриндаги воқеалар “Нуқта”, “Мардлик” ҳикояларида таъсиран ифодаланмаган. Натижада, Бобур образи эмас, унинг ҳаёллари тарзида жонлантирилган Беҳзод образи ёрқинроқ тасвирланган. Ҳикояда Маъсума Султонбегим ҳақидаги фикрларга ҳам ортиқча урғу берилган. “Нуқта”, “Мардлик” ҳикояларида бундай тасвир кузатилмайди.

Тарихий ҳикоялар ижод уммонининг сара дурларидир. Юқорида қайд этганимиздек, “Бобурнома”да келтирилган бир тарихий воқеликнинг уч ижодкор томонидан турлича талқин этилиши ҳикоячилигимизнинг имконият даражаси нақадар кенглигини кўрсатиб турибди. Тарихий ҳақиқат ва бадиий тўқиманинг маҳорат билан умумлаштирилиши тарих сабоқларини ўқувчига таъсиран шаклда етказиш имкониятини бериши, шубҳасиз.

Ўзгармасак юксала олмаймиз. Юксалмасак
яшашибдан маъно йўқ.

Гайл Шихи

* * *

Ёвузликдан кўра ўлим чиройлироқ.

Эсхил

Ёднома



Нуруллоҳ Муҳаммад РАУФХОН

ШЕЪРИЯТГА КЎЧГАН ШАҲСИЯТ

Адабиёт севгиси юрагимга сут билан сингган бўлса керак, шу туйғу бир пайтлар адашиб кириб қолганим ва бир йил ўқиганим Политехника институти (ҳозирги Техника университети)дан ҳужжатларимни олдириб, ТошДУ (ҳозирги Миллий университет)нинг филология бўлимига топширирган. Ҳа, техникадан кўра адабиётни яхши кўрардим, лекин шу адабиётнинг бир қаноти бўлган шеърни (ўқирдиму) ёдлашга келганда хафсаласизлик қиласардим. Биринчи босқичда дарсларни бошлаганимизданоқ устоз Умарали Норматов ўзлари завқлари ва шавқлари билан биз талabalар ўзимизча, адабиётга севги деб юрган ялқов туйғуларимизни, ёнолмай тутунқираган ҳисларимизни кўзғаб, алангататиб юборди. Лекин шунда ҳам, тан олишим керак, шеърни севишда ва севиб шеър ўқишларда мен бошқалардан анча орқада эдим. Талаба курсдошларим ўтиришларда, паҳта далаларида мушоиралар, баҳрибайтлар қилишса, мен мактаб дарсларидан ёдлаб олганим айрим мисраларни тақорорлаб зўрға кутулиб кетардим. Уларга қараб ҳам ҳавас қиласардим, ҳам ичимдан ўксинардим – адабиётни шуларчалик яхши кўрмайманни, деб ўзимдан хавотирланардим.

Бахтимга бу ҳолат узоққа чўзилмади. Иккинчи босқичдами ўқиб юрганимизда бир гурӯҳ ёш шоирларнинг илк китоблари чоп этилди. Кечагача адабиётни талabalарнинг баҳслари, талашиб-тортишишлари боиси бўлган Эркин Воҳидов, Рауф Парфи, Абдулла Орипов номлари қаторига энди бу жажжи китобчаларнинг муаллифлари Шавкат Раҳмон, Усмон Азим каби шоир акаларимизнинг исмлари ҳам кўшила бошлади.

Булардан кўлимга биринчи бўлиб Шавкат Раҳмоннинг “Рангин лаҳзалар” китоби тушди ва... шу қадар шўнғибман, битта шеъринимас, иккита шеъринимас, тўласича бутун китобни ёдлаб чиқдим! Қейин Усмон Азимнинг китобини ҳам битта шеърини кўймай ёдлаб олдим. Шундай қилиб, юрагимнинг қат-қатида бекиниб ётган шеърни севиш ва англаш сандиқчаси очилиб кетди ўғे¹.

Шавкат Раҳмоннинг истарали ушбу илк китоби “Ватан” тўртлиги билан бошланарди:

Жойлашгансан шунчалар чукур...
Ўз тубига яширган юрак.
Сенга етиб бормаклик учун
Узун умрим етмаса керак.

Бир ўқишимдаёқ эсимда қолди. Нимаси мени ўзига тортди, нимаси юрагимга тегиб кетди – у пайтлар унча тушунириб беролмасдим ҳам. Содда сўзлар, туркона оҳанг. Ҳозирги ёшлар мендаги бу ҳиссий қабул сабабларини унча англаб етмаслиги мумкин. Чунки у пайтлар ватан ҳақида қанақа шеърлар ёзилгани ва ўқилгани кўпларига қоронги. Ватан кўпинча юзаларда бўларди, ватанини севиш ҳам юқорилардан талаб этилгани учун ўша юқориларга ёқадиган тарзда севилар ва баён қилинار эди. Шавкат Раҳмоннинг Ватани эса жуда чукурларда (бунинг устига, одамни ўйлантирадиган уч... нуқтаси билан) жойлашган. Ернинг

¹ Тақдирнинг ҳикматини қаранг, биз талabalарга адабиётга қандай меҳр қўйишни ўргатган устозимиз Умарали Норматов юрагимга шеърлари билан бир умрга кириб келган Шавкат Раҳмон оиласи билан қейинги замонларда куда бўлишди. – Н.М.Р.

эмас, дengизларнинг эмас, юракнинг чуқурларида. У кўз-кўз қилинмайди, уни “юрак ўз тубига яширган”. Ёмон кўзлардан, ёмон ниятлардан ва... сохта муҳаббатлару сохта сифатлардан асраган. Ахир, сохта муҳаббат изҳорлари уни хўрлаши мумкин, у бундай юзакилликлардан баланд туради. Чуқурликларда юксаклик хос унга! Унга ҳатто севги изҳор қилинмайди. Минбарларни эгаллаб, кўкракларга муштлаб у ҳақда жар солинмайди. У юракларда бўлади, унга боғлик туйғулар томирларда оқади. У соғиниб изланади, ахтарилади. Айниқса, мустамлака шароитида. Айниқса, халқнинг эрки ўз кўлида бўлмаганида... Уни чинакам севган киши уни топиш ва англаб етиш учун қийин сафарга (“Оҳ,вой, мунча йўл оғир...”) отланади. У шунчалар чуқурларда жойлашгани, юрак уни шунчалар тубига яширганидан “унга етиб бормаклик учун узун умр етмас” лиги ҳам мумкин...

Бугун Шавкат aka орамизда йўқ. Яратганинг ҳикмати билан у қирқ олти ёшида, умрининг айни куч-гайратга тўлиқ палласида илоҳий раҳматга қовушди. Бугун энди биз орқада қолганлар бу инсоннинг тугал умрига ва тугал ижодига ялпи кўз ташласак, яхлит хуносалар чиқарсан бўлади. Шу нуқтадан боқилса, менинг назаримда, Шавкат Раҳмон бутун ижоди билан, бутун ўй-хаёлию қайғулари, дардлари билан шу Ватан сари – муштдеккина юраги туб-тубига яширган, ўзигина танийдиган, сўйган ва соғинган ана шу сирли макон сари юрди, талпинди. Бир пайтлар ширин орзулар оғушида “Сенга етиб бормаклик учун Узун умрим етмаса керак”, деб чамалаган йигирма беш яшарлик ёш шоир тақдирнинг буюк ёзуги ила, қирқ олти ёшида, оғир касалга чалиниб, ўлим билан олишиб ётган паллаларида битилган (балки) охирги шеърида ортида қолаётган оламга “Абадият оралаб Ўшга (“Ватанга” деб ўқинг. – Н.М.Р.) қачон етамиз?” деб савол қўйди!

Айт, эй хаста булбулим,
 Ўшга қачон етамиз?
 Яшил боғлар саргарди,
 Магиз бўлди гужумлар.
 Оҳ,вой, мунча йўл оғир,
 Булбулим...
 Улкан соат ўртасида
 Мадорим ўйқ юрмоққа,
 Қашқирлар даврасида
 Судраламан турмоққа.
 Шунда қолиб кетсам гар
 нетамиз?
 Абадият оралаб
 Ўшга қачон етамиз?
 Қорли тоғлар бағрида
 Бегим – Ўщим кўринди,
 Султон – Ўшим кўринди...

“Эй хаста булбулим...” деркан, Шавкат Раҳмон юракни – ўзи ардоқлаб, умр бўйи сүйиб-соғиниб яшаган Ватанини “ўз тубига яширган юрак”ни назарда тутади. Ва: “Эй юрагим – эй хаста булбулим, бу аҳволда Ватанга қачон етамиз?!” дейди. Ватанини ахтариб йўлга чиқаётганида шоир “Сенга етиб бормаклик учун Узун умрим етмаса керак” деб тусмоллаган эди, аммо бу тусмоли тагида қачондир бир кун Ватанга етишиш илинжи ҳам бор эди, умидворлик бор эди, лекин шоирнинг юрагига яширинган Ватан чинданам жуда-жуда чуқурликларда экан, афсус, унга етиб боришга Шавкат Раҳмоннинг тақдирда белгиланган умри етмади. Ва хаста шоир касалхона тўшагида, ўзидан тобора устун келаётган ўлим билан олишиб ётаркан (“Менинг ҳар қадамим мұқадdas, менинг ҳар қадамим ўлимга қарши”), қисқа умри ичида у сирли, у маҳрам Ватан сари қилган бу оғир йўлчилигининг сўнгини энди армон ила “абадият оралари”га ҳавола қилди. “Шунда қолиб кетсам гар нетамиз? Абадият оралаб Ўшга қачон етамиз?” дея... сўнник нигоҳини сўнг бор (ҳаёлан) узоқдаги “қорли тоғлар бағри”га йўллади...

Шоир бир умр талпинган у Ватан қандай ватан эди? Унинг ўхшashi, чеки-чегараси борми ўзи? Қаерда бошланиб қаерда тугарди у Ватан? Тугармиди? Излаган топадиган нарсами У? Ватанини топдим деган борми бу дунёда? Қанча йил яшаш керак Уни топиш учун? Ватанинг нималигини билган борми?

Шавкат Раҳмон йўлчи шоир эди. Отамиз Одам (алайҳиссалом) бошлаб берган ва ҳар бир Одам боласи туғилганида кесиладиган киндигидан узаниб то абадиятлар қаърига улашиб кетадиган у олис йўлга – Ватанга элтадиган йўлга тушган шоир эди. Илк (“Рангин лаҳзалар”) китобининг биринчи шеърини охирги (“Сайланма”) китобининг охирги шеърига боғлаб турган нарса мана шу йўлчилиқидир. Қолган барча шеърлари ҳам, айримлари тўғридан-тўғри, айримлари айланма сўқмоқлар билан мана шу йўлчилиқка қандайдир микдорда ва шаклда боғлангандир. Уларни Ватан сари чиқилган йўлда шоирнинг кўрган-

кечиргандар, кузатувлари, тақрорланмас манзаралар, йўлдош туйғулари, кутилмаган кечинмалари... деса бўлади.

Масалан, мундай қараганда, оддий бир манзара чизгиси бўлиб туюладиган мана бу шеърини ўқиб кўринг. Шунчаки эмас, тингислаб, манзаранинг пайтига ва ҳолатига диққат қилиб, шоирнинг йўлчилиги қиррасидан боқиб ўқинг-а:

*Кимдир от етаклаб ўтар аzonда,
узилар кўчанинг саҳарги туши.
Тўсатдан от кишнаб юборган онда
шошилиб эшикни очди бир киши.
Тонгда от етаклаб ўтиб борар ким,
қоп-қора оловдай ловиллар ёллар.
Кампирлар аланглаб қулоқ солди жим,
бир сесканиб кетди нуроний чоллар.*

Бомдодга азон айтилар маҳали (“азонда”!), яъни, тонг қоронгилигида (“қоп-қора оловдай ловиллар ёллар”!)... ҳали кўплар саҳарги тушини кўриб ётган палла... кимдир от етаклаб ўтиб қолади... Албатта, ким от етаклаб ўтаётгани маълум эмас, кимлигининг аҳамияти ҳам йўқ, муҳими етаклаб ўтилган ва жасорат тимсоли бўлмиш отнинг ўзи ва от туёкларининг ҳайбатли дупури... Кўчанинг саҳарги туши узилишига ҳам жасоратли отнинг ҳайбатли шу дупур-дупури сабаб...

Аммо, чиндан ҳам шу дупур-дупур сабабми? Дупур-дупур нима ўзи? Оддий бир шовқин, холос. Шовқиндан кўчанинг уйғониб кетиши жуда жўн бир воқелик, ҳатто, шеърга кўчиришга арзимайдиган воқеликдир. Демак, бу ерда бошқа нарса бор. От туёкларининг дупур-дупури бир пайтлар иўқотилган (шоир ич-ичидан қўмсадиган, жуда кўп шеърларида кунгли тусаган) жасоратдан дарак берувчи сирли товушлар ўлароқ, саҳарги тушини кўриб ётган кўчанинг ўзинигина эмас, бу кўча ахли юракларида қачонлардан бери ухлаб ётган эски хотирапарни ҳам кўшиб уйғотиб юборди! Худди шунинг учун ҳам, айниқса, “тўсатдан от кишнаб юборган онда”, бир киши шошилиб эшикни очди...

Бу киши ким ва у нега эшикни шошилиб (?) очди? От дупури ва кишиноғи унга нималарни эслатди? Нималар уйғонди унинг юрагида? Ўтган аср етмишинчи йилларининг (шеър ўша пайтлари ёзилган. – Н.М.Р.) кампирларини бу манзарага “аланглатиб жим қулоқ солдирган” нарса нима? Ўтган аср етмишинчи йилларининг чолларини “бир сескантириб юборган” нарса нима? Бу чол-кампирлар ҳар бири етмишлардан ошган, балки саксонларга етгандир, улар қайси замоннинг одамлари эди ва от дупури билан кишиноғи уларга нималарни эслатди?! Айтганча, шеърнинг илк сарлавҳаси “Олис хотира” бўлганини ҳисобга олсақ, масала ойдинлашади...

Албатта, кичкинагина юракка сиққан улкандан-улкан Ватаннинг замонлар ичидаги бир парча қора тарихидан хабари бор кишилар мундай қарашда оддий ва жўн бир манзара чизгиси бўлган бу ҳолатни юрак-юракдан бошқача ва теран ҳис этишади. Балки “қоп-қора деворга суюниб, ёп-ёруғ хаёллар сураб” юрган айрим орзуманд кишилар, ёруғ кунлар келиб қолдимикан, деган ўйда шоша-пиша эшикларини очиб кўчага қарагандир¹.

Ёки, масалан:

*Кўзингизни очинг, қўрқманг,
зиёдан қамашсин, оғрисин, майли,
майлига яшамак бўлсин қўйинроқ,
очиқлиги туфайли, –*

сатрларининг Шавкат Раҳмон ижоди Шавкат Раҳмон ижоди – Ватан мавзуига боғлиқ жойи йўқми? Бор! Бор бўлганидаям тўғридан-тўғри боғланади. Ахир, Ватан сари факат очиқ кўз билан борилади! Ватанини факат кўзи очиқтаргина танийди! Чинакам ватанпарвар кўзини йирикроқ очади, майлига очиқлиги туфайли яшаши қўйинроқ бўлсин, майлига кўзлари қамашсин ва ё оғрисин...

Шавкат Раҳмон ижодида бу фикрларимизга далиллар яна кўплаб топилади, лекин... мен нима қилмоқчи эдим ўзи? Шавкат ака ҳақидаги хотираларимни титкилаб, у кишини шахс сифатида, бир инсон сифатида қандай танишимни ёзмоқчи эмасмидим?

Шавкат аканинг илк китоби мени шеърга қандай шавқлантирганини айтдим. “Яшамогим зарур ҳар дақиқани, ғазаб билан, севги билан тўлдириб, дунёдаги барча қора нарсани ёруғлаҳзаларда ўлдириб. Токим, бош кўтариб қарай қуёшга, токим, кўзларимда ёнсин ҳақиқат, токим, тош мисоли тегмасин бошга мен яшай олмаган ҳар бир дақиқа”, “...қўйнанг, ўз ҳолига кўйманг юракни, яшамаслик учун юраксиз”; “Ийқилмак, тўхтамак мумкинмас, қаерга бўлса

¹ Бир шеъридаги “Қоп-қора деворга суюниб, ёп-ёруғ хаёллар сурасан” сатрларига шайх Алоуддин Мансур тимсолан, мустамлака (“қоп-қора девор”) шароитида яшаётган кишининг Ватанини озод кўришни орзу (“ёп-ёруғ хаёл”) қилиши, деб маъно берганида раҳматли Шавкат Раҳмоннинг кўзлари ёшланганини эшитганман. – Н.М.Р.

ҳам юрганим яхши”; “Йиқилма, ўзингни ушлагин, отсинлар жаҳолат тошини, лабингни қаттироқ тишлагин, кўрсатма кўзларинг ёшини”; “Бу сўзни бир умр айтмай яшадим, ҳар шодлик келганда юрдим секироқ. Фам сўзин элимдан аввалроқ айтдим, баҳт сўзин айтаман элдан кейинроқ”... каби яна кўп-кўп сатрлари кўнглимнинг қай бир бурчакларига ўрнашиб олиб, сира тинчлик бермаганларини соатлаб гапириб беришим, бунақа мисолларни кетмакет ўртага кўйишим мумкин. Лекин, қарасам, бунинг учун шоирнинг ҳамма шеърини қарийб бир бошдан кўчириб ёзишимга тўғри келаркан. Яхшиси, у шеърларни ҳар ким ўзи ўқисин, ўзи завқлансан, ҳар ким ўзи учун Шавкат Раҳмоннин ўзи кашф этсин.

Мен вактида ўзимнинг Шавкат Раҳмонимни кашф этганман ва бу яхши одамни, яхши шоирни бир умрга севиб қолганман. Менинг Шавкат Раҳмоним қандай одам эди?

Бир пайтлар илк китобчасини тўлиғича ёдлаб, ўқиб юрганларимда ҳали келажақда бу шеърларнинг эгаси билан танишишимни, танишиш не, ака-уқадай бўлиб кетишмни хаёлимга ҳам келтирмаганман, албатта. Яқинлашиб кетганимиздан кейин эса, бу ажойиб инсон билан минг йилдан бери қадрдан бўлиб келгандай эдим.

Шавкат Раҳмон самимий киши эди. Камгап, босиқ, камтар... Лекин бу камгап, босиқ ва камтарларги юрагидаги жасорат ва тўғрисўзликни тўса олмасди, аксинча, бу мақталган хислатлар ичда яшнаб ётган гўзал хислатларининг ташдаги бир ифодаси эди. Яъни, Шавкат ака ичи билан таши бир, ичи ташига, таши ичига терс иш қилмайдиган БУТУН ОДАМлардан эди. Кўзларидаги, қарашларидаги мунгни, товушидаги бир оз синицликни эътиқодга айланган маҳрам туйғуларини ўз замонида очиқ айта олмаганидан, ичга яширишга, пардалар билан ўрашга мажбур бўлганидан деб биламан. Ҳатто мустамлакага, ҳақсизликларга, зулмга исёни ҳам сокин эди. Ўзи таърифида (“Автопортрет” шеърида) шоир бундай дейдик:

Энг бахтиёр лаҳзаларда ҳам
унинг сокин исёни сўнмас.
Туғилмаган шунчаки, асло,
у ҳеч қаҷон шунчаки ўлмас.

“Сокин исён”... Бу икки сўз, аслида, бир қозонда қайнамайди – сокинлик исённи, исён сокинликни инкор этади. Ҳеч ҳам қовушмайди улар гўё. Лекин Шавкат акани шахсан таниган, яқиндан билганилар бу икки терс ҳолат унинг шахсиятида ниҳоятда муносиб равища қовушганини, бир-бири билан роса чиқишганини кўради. Шоирнинг бу сокин исёни қайгули ёки ғазабга минилган онлардагина эмас, балки “энг бахтиёр лаҳзаларда ҳам” сўнмайди. Чунки унинг туйғулари юзаки эмас. Умуман олганда, юзакилик – ҳақни сўйлашда, Ватанини севишида, инсонга меҳрда, тарихни тушунишда, ҳатто шеърий тимсолларида ҳам юзакилик Шавкат Раҳмоннинг биринчи рақамли душманидир. Минбар шоири бўлмаганининг сабабларидан бирини шунда кўраман. Ўзи фитратан ўйчан, босиқ бўлгани учун унинг туйғулари ичга қараб ўғсан. Ҳатто исёнини ҳам сокинлаштирадиган даражада ботинига қараб юксалган! Масалан, “Фикр” шеърида шоир ўзини тинчоқар дарёга ўҳшатади:

Дарёга айландим
ўйчан дарёга,
руҳимда қадимги осойишталик.
Қаъримга беркитдим долғаларимни,
руҳимга бўйсунди дунё ишлари.

Дарё долғасиз бўладими?! Йўқ, бўлмайди. Аммо, Шавкат Раҳмон шарқироқ, енгилтак сои эмас, долғаларини қаърига – чуқурликларига беркитган босиқ-огир, ўйчан дарёдир. Бўлмаса, феълида ўжар, фикрида, эътиқодида, харакатларида қатъий киши эди у. “Руҳида қадимги осойишталик”ни сақлаган бундай ўйчан дарё бир долғаланмасин! Сокинлик бағридаги долға агар юзага чиқса нималар юз бериши ҳаётда кўп кўрилган.

Яна бир шеърида: “Умрим кўчкайлардай жимжит, шиддатли”, деган сатрларни ўқиймиз. Шиддатини қаърига яширган жимжит кўчки... Унинг шиддати жимжитлигига. Тўғрироғи, жимжитлигининг туб-тубида шиддат яширин. Жимжитлик косасига сўнгти томчи томиб, бир кўчиб бермасин, бу жимжит кўчки!

Булар ҳаммаси Шавкат Раҳмондир, Шавкат Раҳмоннинг моҳиятидир.

Шавкат Раҳмонни умрида кўрмаган киши унинг шеърларидан ички ва ташки суратини осонгина чиза олади. Ишонинг, икки томчи сувдай бир хил чиқади, фирт ўхшайди, куйиб кўйгандай ўзи бўлади! Мен Шавкат Раҳмоннинг шахсиятини ҳам, шеъриятини ҳам шунинг учун яхши кўраман.

Бугунги кўз билан қараганда ҳам, агар Шавкат ака тирик бўлганида, ижоди учун ҳеч ким олдида қизармаган бўларди. Болаларини хижолатга қўядиган шеърлар ёзмади у. Чунки у эътиқодида содик турди, замона зайлита юрмади. Тўғри, замонининг айрим эпкинлари таъсирида ёки яккахукмрон мафкура тўсиқлари боис айрим ҳақиқатлардан кўплар қатори у ҳам узилгани учун шеърларида бир оз фикрий тойилишилар сезилади. Лекин, биринчидан, ундан

шеърлар ёки сатрлар жудаям оз; иккинчидан, ўшалар ҳам шеър сифатида ёмон эмас, мазмунида нимадир яхшиликлар бор; учинчидан, у замонни билган, у замонда яшаган одамлар ҳолати ҳисобга олинса, сал-пал тушунарлидир. Энг мухими, Шавкат Раҳмон бир шахс сифатида ҳам, бир шоир сифатида ҳам ўзига катта йўлни танлашда адашмади, борар манзилни ҳам тўғри белгилади. Йўлдаги таассуротларда майда-чуйда камчиликлар бўлиши табиийдир.

Шавкат ака касалхонада экан, бир гал кўргани борганимизда, унинг тўзимига, руҳий тетиклигига қойил қолдим. Ичимдан ўтганини ўзим биламан: қаршимдаги севимли кишим, севимли шоирим тузалмас дардга чалинган, кунлари, ойлари саноқли қолган эди, аммо, у ҳеч нарса бўлмаётгандай, ўлим шарпаси сездирмасдан бошига яқинлашиб келаётганини ҳис этмаётгандай эди. Жуда чиройли сухбат бўлди. Ҳаётдан, адабиётдан, тўғрилик ва эгриликлардан гаплашдик. Ҳолбуки, у кунлар Шавкат ака оғир дарддан азоб чекиб, “Осмон тўла ҳаволар битта менга етмайди”, деб турган кунлар эди. Мен Шавкат аканинг матонатидан таъсирланиб, уни руҳан янада тетикликка ундаидиган бир-икки фильм келтириб бердим кейинги сафар. Ундан кейинги келганимда эса, ўша фильмлар ҳақида сухбатлашдик. Фикрлашдик, мулоҳазалашдик.

Орада бирор ҳафтача тузалгандай бўлди. Оёққа турди. У пайтлар мен “Шарқ юлдузи” журналида ишлардим. Бир куни туйкус таҳририятга келиб қолди. Тўғри бизнинг хонамизга кирди. Оғир касалликдан кейин анча-мунча озган, бир оз паришон кўринар эди. Лекин мен Шавкат аканинг касалхонадан чиққанини, ўз оёқлари билан юриб келганини кўриб, курсанд бўлиб кетдим. Бир шоир ўртоғи билан бирга келибди. “Катталарнинг олдига кириб кетди, мен сиз билан гаплашгим келди”, деди. Ва, биз то у шоир акамиз катталарнинг олдидан чиққунича узоқ гаплашиб ўтиридик...

Ёшлигига ёзган бир шеърида: “Менинг ҳар қадамим ўлимга қарши”, деб эълон қилган Шавкат Раҳмон (“ўлимга қарши” ифодасини асл маъносида “ўлим сари” деб ҳам тушуниш мумкин. – Н.М.Р.), бир мўмин ўлароқ, ўлимнинг ҳақ эканини биларди. Тақдирга тан бермасдан иложи йўқлигини ҳам биларди. Сухбатимиз руҳида шу нарса сезилди. Биз шу гал бошқача хайрлашдик. Шавкат акани охирги кўрганим ҳам ўша бўлиб қолди.

Ўлим мусибати одамларни бирлаштириди, унда бошқа ҳодисаларда учрамайдиган шундай ноёб хусусият бор. Худди шунинг учун ҳам Шавкат ака “Ўлим бирлаштирас бегоналарни” деб бошланувчи бир шеърида:

...Мана, бегоналар,
бепарволар йўқ,
ниҳоят одамлар биродар – тенгедир.
Ўлимга бош эгдим
кўрқканимданмас,

хурмат қилганимдан бошимни эгдим, – деб ёзган эди. У ўлимини мардона қарши олди. Чунки бу дунёга у шунчаки келмаганидек, шунчаки ҳам яшаб ўтмаган эди. Ҳар ким қатори у ҳам бир вазифа билан келди ва шу вазифасини маромига етказиб бажарди. Сўнгра, вақтинчага бизларни ташлаб, эрта бир кун ҳаммамиз ҳам борадиган маконга – бу дунёдаги хизматларининг мукофотини олишга кетди. Жисман ўлими эса биз ихлосмандларини маънавий шахси – шеърпари атрофида бирлаштириди.

Аммо, мен сўзимни бу ҳазин оҳанглар билан тутатмоқчи эмасман. Сўзнинг сўнгини Шавкат Раҳмоннинг ўзига бермокчиман. Ер билан сирлашиб ёзган бир шеъридаги умидбахш сатрлари шоир чиндан ҳам бу дунёда бекорга яшаб ўтмаганини билдиради бизларга:

Тобора яқиндир
жасорат они –
мингта қуёши бор гўзал дақиқа –
менга ҳам бир куни бўлур намоён
кўпга насиб бўлган буюқ ҳақиқат.
Мен севган дарёлар шундоқ қолурми,
мени ўйлатган ўйл қолурми шундоқ?
Мен суянган тоғлар шундоқ қолурми,
шундоқ қолармикан юракларда доғ?
Ногаҳон
хаёлим ёришиб кетар,
эслаб келажакнинг улуғларини.
Мен сочиб кетаман кўҳна бағрингга
ўлмас ғояларнинг уруғларини.



Гулқайчи

Ашурали ЖҮРАЕВ

ҲАЖВИЙ МОНОЛОГЛАР



ГАПСОТАР

Ҳой, гапсотар, гапсотар, айт, қачон жағинг қотар? Тиним билмай сайрайсан, бунча жағинг қайрайсан. Бир нафас тин олсанг-чи, гапдан сал-пал қолсанг-чи. Иш деса гап сотасан, гапдан қачон ортасан? Гап сотиш ёмон иллат, бундан юрак ейди лат.

Ҳой, гапсотар, гапсотар, айт, қачон гапинг битар? Ё гапдан ёриласан, ё гапга қориласан. Қуруқ арава мисол гапни олиб қочасан, анои күнгилларга уруғ каби сочасан. Үйда нукул гап дейсан, күчаларда гап сотиб, чойхонада гап ейсан. Дўстларинг сезар гапдан, оиласанг безар гапдан. Қариндош-уруғ қочар, сендан олдин гап очар. «Иш билганга бир танга, гап билганга минг танга». Ушбу мақол шиоринг, тўхта бир зум оғзинг юм, борми номус ва оринг.

Ҳой, гапсотар, гапсотар, гап сотган доим ётар. Гап сотиб ёз қишлийсан, айтгин, қачон ишлайсан? Дехқон ерни тоблади, сенчи гапни қоплайсан, ҳамма ҳосил ийғанди, мадҳияни боплайсан. Эринимасдан гап сотиб, бозорни тўлдирасан, тарозуга гап қўйиб, харидорни куйдирасан: «Кеп қолинг, ҳой гапхўрлар, сотаману кетаман, бир қопгина гапим бор, сотолмасам нетаман?»

Хуржунинг тўла гапдир, ўнг-сўлинг яна гапдир. Тўйга борсанг гап сотиб, микрофонни куйдирасан, меҳмонларни кар қилиб, жонидан тўйдирасан. Режа аниқ, минг оғиз гапирмасанг бўлмайди, лекин гапдан, оғайни, қорин қурғур тўймайди. Тўймаса тўймасин нетай, гап тугаса қайга кетай?

Ҳой, одамлар, қочинглар, гапсотар келяпти, елкасида гапхалта, шамолдай еляпти. Давраларни бэздериб, жонингдан тўйдиради, гап сотиб охири гап билан ўлдиради.

ҚАРМОҚ

Ҳе, қуриб, чириб кетгур қармоқ, ярамас қармоқ, келиб-келиб... Илоё, ўтга тушгур қармоқ, куйиб кул бўлгур қармоқ, келиб-келиб... Ҳах, тифинг тошга урилгур қармоқ, пайинг узилиб кетгур қармоқ, келиб-келиб... Илоё, занглаб кетгур қармоқ, йитиб-йўқолиб кетгур қармоқ, келиб-келиб...

Сенга улкан кўлларда, катта-катта дарёларда, қанча-қанча каналу ҳовузларда сон-саноқсиз балиқлар оғизларини ланг очиб кутиб юрибди, қачон қармоқ бирор өмиш олиб тушаркин, деб чарх уриб, сузиб юрибди. Сен бўлсанг, келиб-келиб...

Эх, қармоқ-қармоқ, сени оч балиқлар кутиб турганда, сен келиб-келиб, келиб-келиб-а... вижданга тушасанми?.. Одамнинг энг покиза, энг тоза вижданни нишонга оласанми? Ундан кўра қурбақанинг оғзига тушмайсанми, илонларга ем бўлмайсанми?..

Нима қилиб қўйдинг, номард? Нега вижданни бадном қилдинг, қармоқ? Энди охиратда бунинг жавобини қандай берасан? Ахир, вижданнинг охиратини ҳам кўйдириб юбординг-ку!

Биламан, сен нуқул вижданни овлайсан, зудлик билан палағда вижданга киришга интиласан. Ҳар қандай луқмага ўч баднафс вижданни бир лаҳзада илдирасан. Бир илдирдингми, тамом, шўрлик виждан сенинг қулингга айланади, сенинг беминнат хизматчиғ бўлиб қолади. Чунки сени ҳам, сени тутиб турган қўлларни ҳам шайтон сеҳрлаган. Билмайсанки, азалдан Вижданнинг душмани Шайтондир. Одам қиёфасига кириб олган айрим Шайтон ва шайтончалар турли лавозимларни, паст-баланд амал курсилари-ни эгаллаб олиб, нуқул Вижданни овлаш, Инсонни бадном қилиш пайида бўладилар. Шайтон қармоғига тушган, унинг ҳаром луқмасига илинган вижданиздан қочадилар, имонсиздан нари юрадилар.

Сен кўзга кўринмайдиган ўта хавфли, очкўз нафс қармоғисан, гоҳ чўнтақдасан, гоҳо тилдан, гоҳ оғиздан, гоҳо бўғиздан илдирасан. Баъзан тортмадан, баъзан орқадан, баъзида болишдан, баъзида нолишдан, гоҳо боридан, гоҳо йўғидан, баъзан очидан, баъзан тўқидан, гоҳ маъракадан, гоҳ тўйдан, гоҳ кўчадан, гоҳ уйдан берган луқманг аввал лаззат, кейин заҳар бўлади. Афсус, бундан тоза виждан аста-секин сўлади.

Тортил, инсоғсиз! Вижданни тинч кўй! Уни ҳар хил ҳаром-ҳариш йўлларга бошлама, эй баднафс қармоқ!

ЧЎЗ, ҲО ЧЎЗ!

Хе, чўзмай кет! Чўзмай ҳар бало бўлгур! Илоё, чўзмай чўзилгур! Нима қилардинг чўзиб-чўзиб, нима қилардинг чўзишга ўргатиб? Охир-оқибат ўзинг ҳам чўзилдинг, чўздириш касалига йўлиқкан чўзмачи бошлиқни ҳам ўлик илондай чўздинг. Шу чўзилганича чўзилиб ётиби чўзилгур!

Чўзиш ҳам касаллик, чўздириш ҳам. Бирор қоғозга ўраб чўзади, бирор конвертга солиб чўзади. Бирор совға усулида, бошқа бирор тўёна қилиб чўзади. Яна бирор билдириб чўзади, бошқаси сездирмай чўзади. Биттаси узун-узун қилиб, биттаси қисқа-қисқа, яна биттаси лўнда-лўнда қилиб чўзади. Аввалига муштдай-муштдай, кейинига ғиштдай-ғиштдай чўзади. Бирори бутун чўзади, бошқаси лағмондай чўзиб-чўзиб чўзади. Биттаси ётиб чўзади, биттаси сотиб чўзади. Бири ёнбошлаб, бири ачомлашиб чўзади. Бириси панада чўзса, бири ваннада чўзади...

Энди чўздиришнинг ҳам усуллари мўл, йўллари бениҳоя сероб. Бу шундай даҳшатли русумки, чўзмасанг ўзинг мажбур бўласан чўзишга. Истасанг-истамасанг чўздиришишади. Энг ёмони чўзганингни ўзинг ҳам билмай қоласан. Ошхонада чўзасан, божхонада чўзасан, касалхонада чўзасан, дорихонада чўзасан. Бозорда чўзасан, етмай қолса наҳорда чўзасан. Гоҳ беҳдириб, гоҳ беҳдирмай чўзасан. Ортиб қолсаям, етмай қолсаям чўзасан, ҳолинг етмасада чўзасан. Баъзан уйқусираб, баъзан босинқираб, баъзида уйғоқ ҳолда кўриб-билиб чўзасан. Гоҳ ошна-оғайни ёрдамида, гоҳ таниш-билиш кўмагида чўзасан...

Қачон кутиламиз чўз-чўз оғатидан, қачон чўздириш касали барҳам топади? Наҳотки, чўз-чўзнинг зиёни ўзимизга тегаётганлигини билмасак, наҳотки, чўз-чўз туфайли ҳаром-ҳариш кўчаларда чўзилиб юрганимизни сезмасак? Катта-кичик чўз-чўзлар, майда-йирик чўздиришлар диллар бойлигини емиради, талон-тарож қиласди.

Келинг, ақл-фаросатни йиғайлик, тезроқ чўз-чўз касалидан фориф бўлайлик. Авлодларимизга бундай ярамас иплатни мерос қолдирмайлик. Чўз, ҳо чўзни чўздирмайлик, пок вижданни тўздирмайлик, инсоф уйин буздирмайлик.

